





14-30.C.7



THEODORI GRASVVINCKELI N. N.  
Delphensis, I. C.

LIBERTAS  
VENETA.

SIVE  
VENETORVM

in se ac suos

IMPERANDI IVS.

Assertum contra Anonymum SCRUTINII  
Scriptorem.



*Illustriss<sup>mo</sup> D<sup>no</sup>  
D<sup>no</sup> Cornelio Haga<sup>o</sup>  
Ill<sup>m</sup> Praepotenti<sup>mo</sup>  
D<sup>no</sup> Ordinum foederat<sup>o</sup>  
Bileij ad Portam  
Othomannicam  
Oratori,  
author  
ex animo, ex officio  
l. m. g.*

LVGDVNI BATAVORVM;  
Ex Officinâ ABRAHAM COMMELINI.

clp lcc xxxiv.



172

Delivered to

1000 1000 1000

1000 1000

1000 1000 1000

1000 1000

1000 1000 1000  
1000 1000



1000 1000 1000

1000 1000 1000

1000 1000 1000



# VERITATI.



Nihil de me præfabor,  
ô invicta, ô æterna  
Veritas. Tuus ut sim-  
plex & constans sibi  
sermo, ita nec alia de-  
sideras, quam quæ simplicitate cando-  
ris ac fidei se commendent. Habitum  
olim sanctissimum Arcopagitarum  
tribunal, ob exordiorum illecebras e-  
dicto sublatas. Lacones, nata Libertati  
pectora, hoc nomine laudatos constat,  
quòd *ad ægropis* seria tractare con-  
suef-

sueſſent. Dicam quod res eſt. Aſſe-  
ctat yiam ad te quantillum hoc meum  
opus. Venetæ Libertatis generoſa  
exordia, progreſſus illuſtres, & dura-  
tura in omne ævum virtutum mira-  
cula, propugnavi. Quæ ut nemo igno-  
raret, è publico humani generis bono  
viſum. Meum autem hoc opus an  
tuum? Idà principio jam tibi debe-  
batur, ac ut debebatur ſacratum eſt.  
Nec aliud mihi hæcenus in votis,  
quàm ut tibi innixus, quorumlibet  
judiciâ ſubire & poſſem & auderem.  
Quicquid ſit, nihil adeo eum qui ar-  
tem æqui & boni proſitetur decet,  
quam ſtudio Veritatis. Nemo bo-  
nus alio conatus aut vim ingenii in-  
tendit. Hac ſpe ſuſtentat ſe, intrep-  
idus ſemper, immotus, invictus. Re-  
ctor

Et or omnium Deus non nisi unam  
Veritatem petit, candidam illam, mas-  
culam, & ubique sibi parem. Hac  
Deum nostrum sequimur, hac tene-  
mus, Deo proximi, etiam dum in ter-  
ris versamur, tandem in totam Veri-  
tatem deducti, cœlo donatis menti-  
bus, de ludibriis sæculi triumphum  
acturi. Proinde ad tribunal tuum sese  
hic ingenii nostri foetus sistit. qui cum  
in sinu tuo conceptus sit, non alibi  
jam natus foveri debet aut educari.  
Deum & bonam fidem testor, sciens  
nec fallere volui, nec fefelli. Secus à  
me factum quisquam si probet, caus-  
sam non dico, quo minus omnibus,  
quibus aut Veritas cordi est aut eru-  
ditio, invisus agam. Venetorum Re-  
spública, quam inoffensus numinis fa-



fueſſent. Dicam quod res eſt. Aſſe-  
ctat viam ad te quantillum hoc meum  
opus. Venetæ Libertatis generoſa  
exordia, progreſſus illuſtres, & dura-  
tura in omne ævum virtutum mira-  
cula, propugnavi. Quæ ut nemo igno-  
raret, è publico humani generis bono  
viſum. Meum autem hoc opus an-  
tuum? Id à principio jam tibi debe-  
batur, ac ut debebatur ſacratum eſt.  
Nec aliud mihi hætenus in votis,  
quàm ut tibi innixus, quorumlibet  
judiciâ ſubire & poſſem & auderem.  
Quicquid ſit, nihil adeo eum qui ar-  
tem æqui & boni profitetur decet,  
quam ſtudium Veritatis. Nemo bo-  
nus alio conatus aut vim ingenii in-  
tendit. Hac ſpe ſuſtentat ſe, intrep-  
idus ſemper, immotus, invictus. Re-  
ctor

Et or omnium Deus non nisi unam  
Veritatem petit, candidam illam, mas-  
culam, & ubique sibi parem. Hac  
Deum nostrum sequimur, hac tene-  
mus, Deo proximi, etiam dum in ter-  
ris versamur, tandem in totam Veri-  
tatem deducti, cœlo donatis menti-  
bus, de ludibriis sæculi triumphum  
acturi. Proinde ad tribunal tuum sese  
hic ingenii nostri foetus sistit. qui cum  
in sinu tuo conceptus sit, non alibi  
jam natus foveri debet aut educari.  
Deum & bonam fidem testor, sciens  
nec fallere volui, nec fefelli. Secus à  
me factum quisquam si probet, caus-  
sam non dico, quo minus omnibus,  
quibus aut Veritas cordi est aut eru-  
ditio, invisus agam. Venetorum Re-  
spública, quam inoffensus numinis fa-

vor ad summum perduxit, Pietas  
subvexit, Prudentia supra mortalium  
primos locavit, in adversis Constantia  
nulli secundam reddidit, dignissima  
est, quam augusta ac victrix omnium  
Veritas tueatur semper & defendat.  
Libertatem ejus impetit livor, calu-  
mnia impugnat, sui foecunda, ac sine  
judicio immane quantum potens.  
Illa te sufferre, Veritas, quæ invidiam  
sæculi superare, quæ Theoninos calu-  
mariantium dentes retundere, quæ in-  
cubantem mentibus caliginem dissi-  
pare & potes & soles! Quam diu illam,  
quam nemo temelius novit sibi qua-  
quaversum constitisse, semper virgi-  
nem, nulli temeratam, nulli domitam  
Serenis. Reip. Libertatem, invidiæ  
ludibrium debere, aut malevolentia  
icti-



ictibus expositam esse pati. Pugna,  
& feri. Hoc Venetorum pietas to-  
ti terrarum orbi testata, hoc fides, hoc  
in Christianum nomen non tacenda  
merita, hoc indefessum studium Li-  
bertatis, hoc denique illa ipsa Liber-  
tas, tot laboribus, tot periculis, tot  
bellis, tanto nobilissimi sanguinis pro-  
fluvio signata, parta, stabilita, ac per  
tot retro sæculorum decursus foelici-  
ter servata, non merentur modo,  
sed petunt, sed poscunt, sed flagi-  
tant. Cavendum hic tibi, ne ser-  
vire magis, quam imperare parata es-  
se videaris. Salva res est. Assurge  
tantum, inque robur tuum te exse-  
re divinarum humanarumque rerum  
Regina. Vicimus, si modo velle te  
ostendis, & jam velle te probasti.  
Satis

Satis jam livori, plus fatis calumniae,  
at nimium certè torpori datum. Ec-  
ce ad aram tuam me servum tuum,  
ecce famulantem hanc dexteram, ec-  
ce mancipatos uni tibi animi nostri  
motus, & Batavi pectoris Liberta-  
tem non nisi uni tibi vestigalem. Fa-  
ve modo, & mecum in partes veni  
omnium domina, omnium impera-  
trix.

THEOD. GRASWINCKEL.

CASPA-

CASPARIS BARLÆI

*Adlocutio ad Serenissimam Rempublicam*

VENETAM,

Cum pro ejus Libertate, adversus SCRUTINI-  
cujusdam auctorem, gravissimè disse-  
nuisset Vir Clarissimus,

THEODORVS GRASVVINCKEL,  
in Batavorum Curia Advocatus.



*Aestas Venetum, venerandi filia secli,  
Et series augusta Patrum, quos vindi-  
cat ensis,*

*Jusque datum scepro, totque inconcussa  
per annos*

*Imperii facies & formidabile terris*

*Nomen & atherei regnatricis purpura Marci.*

*Ad laudes assurge tuas; & suspice, quanto*

*Acta gradu vestri se lux altissima sati*

*Ostendet latè populis; nec jam Adria sama*

*Sufficiat, non litus atrox, quod Dalmata servus*

*Calcat, & Herculei bellatrix spuma Tarenti.*

*Hic tibi devictas sublimis dividit Alpes*

*Rhetia, & aëris victricia signa tuorum*

.. ..

Pro-

Prospētat vicina jugis; ac fulmina Divūm  
Nimbosumque Jovem, & quicquid trux parturit æther,  
Permiscet titulis. illic dispersa Timavus  
Ora vomit fluctusque tuis compeſcit habenis,  
Illyricosque sinus & duri regna Liburni  
Ponē trahit. calamis alibi tibi lene ſuſurrat  
Mincius, & terræ circū dominantis honori  
Aſſurgit ſupplex Atheſis, ſedeſque beatas  
Eridanus Phaethontæis completitur undis,  
Agnoscitque Ducem. quod reſtat, in æquore, nullo  
Fine, tenes; perque Jonii ſpatia ampla proſundi  
Sceptra procul faſcesque natant. Tu maxima pulſos  
Foviſti, Regina, Deos. tibi condidit aras  
Diva Venus, Veneriſque domus pulcherrima Cyprus,  
Quæque Rhodos toto ditata eſt inſula Phœbo.

Reliquiæ Danaūm, Teucrūmque ab origine gentes,  
Quām priſcis fluxiſtis avis, quām proxima tangit  
Laomedontæas majorum gloria terras,  
Dardanidumque domos, proſugoque Antenore quondam  
Euganeos inter fremuerunt Troicæ colles  
Clasſica & his ipsis Priamum fleviſtis in oris.  
Non jam concuſſo furiis immanibus orbi  
Incubat Arctœ furor implacabilis aulæ,  
Auſoniasque ingens graſſans Alaricus in urbes  
Cogit inoffenſæ ripas habitare Padusæ;  
Aut ſer uſ. avulſis adigit conſidere ſtagnis

*Attila, & Eois adiutus viribus Hunnus.*  
*Non jam Phryxæa dominator barbarus Helles*  
*Vastat opes, pavidique focos subvertit Juli,*  
*Thessalicasque ciet Dravo pugnante phalanges.*  
*Nec bellatrices Ligur imperterritus armat*  
*Neptuno indignante rates, classesque minaces*  
*Fabricat & victor Tyrrhenum navigat æquor.*  
*Vicistis virtute metum. secura potestas*  
*Indomito Mavorte stetit. nunc dextera pugnans*  
*Addidit imperio robur; nunc subdidit hostem*  
*Imperiosa quies, & quicquid defuit armis*  
*Consilio pacique datum. vis effera cessit*  
*Federibus; bellicque minas prudentia fregit,*  
*Sollicitusque timor. risit solertia regum*  
*Invidiam, regnumque sibi constantia fecit.*

*Tuque adeò toties aquilis adverse superbis*  
*Magne Leo, centumque ferox innexæ triumphis,*  
*Adspice surgentem mediis è fluctibus urbem,*  
*Et circum te stare Deos; Thetynque truce[m]que*  
*Nerea tot superùm toto delubra tueri*  
*Æquore, & objectas pelago secludere terras.*  
*Jam minus Iliacæ Neptunia mœnia Troiæ*  
*Esse puta, celsamque Tyrum, Antissamque Pharumque*  
*Massylùmque lares, stantesque in littore Athenas.*  
*Hic maris, hic tumidi domus est Tritonis & ingens*  
*Regia Naiadum. tutæ sine mœnibus arces,*

Natura famulante, jacent. sunt pontus & unda  
Praesidium, vallosque facit circumfluit aether.  
Ne mihi nascentis magna incrementa Quirini  
Objice Roma potens, vastumque effusa per orbem  
Sceptra, vel extremo metuendum nomen Araxi.  
Exiit è stagnis Venetus, nec sedibus arctis  
Concludi potuit Divum genus. ille Patavi  
Veronaque duces, desolatamque Cremonam,  
Bergomaque & placidis adiit te, Brixia, bellis,  
Et Melam bibit, & qui lapsus rupibus altis  
Addua divisas spumosior incitat undas.  
Successit Corcyra, Paros, Naxosque Melosque,  
Andros, & immiti que tunditur Amphitrite  
Gallipolis, duraque Tenos cum Chalcide victa est.  
Hinc debellata praestans Methona Corone  
Paruit & frustra toties fadera rebellis.  
Magnanimam sileat Grajorum pagina Spartam,  
Maeniaque intrepidis olim fundata Lycurgi  
Jussibus, & rigidi monitis subnixae Zaleuci.  
Vos Patres, justus rigor inflexusque severi  
Afferit obsequii tenor, atque immobilis almae  
Majestatis apex, & legum nescia frangi  
Vincula & aeterna constans sibi voce tribunal.  
Qualia in instabili jactantur carbasa ponto,  
Et modò crudeli debent ludibria Coro,  
Nunc dubium pelago obvertunt latus. horrida quando

Tempestas stabilem abscondit sub nubibus Arcton,  
Stellarumque vagi fulgent errantibus ignes:  
Hand aliter, cum nulla Duces crēsq; coērcet,  
Quam validi nequeant ævi rescindere mores,  
Ferrea vox, nutat pariter cum principe regni  
Culmen, adorandum populis, mutatque secures  
Lubrica Lex, plebisque vagis cum legibus omne  
Fluctuat officium, nec stat reverentia jussis.

Cenomani fortes, & non ignobile germen  
Euganei Veteres, quorum bisseua nepotes  
Secula trahunt, proavūque stupet miracula felix  
Posteritas, vestris faciles applaudite cæptis.  
Simplicitas & gentis amor, jurataque calo  
Cana fides, nulloque minor discrimine virtus  
Invenere viam decori. parvoque potentes  
Illustres animæ, fastusque ignara superbi  
Pectora secreti formam servastis honesti.  
Non cippos statuasque aut sculptos marmore vultus,  
Aut urbes libuit mundo ostentare subactas,  
Non turgent stupido victorum nomina saxo,  
Nec picturatis scribuntur gesta colossis.  
Non hic præ cunctis bellæ Trajane resulget  
Porticibus. non rostra Titi, non compita complent  
Pompeilabor, & laudati castra Severi.  
Ipsa sibi precium probitas & nescia luxus  
Vita fuit spretisq; bonæ fulgoribus artes.



Quin potius lituos inter gladiosque tubasque  
Ingenijs monstrastis iter, profugæque Camæna  
Thymbraeusque pater tot praluxere trophæis.  
Hinc ad vestra procul concurrunt federa gentes,  
Et Genuas bellare rimet. Vos Thuscus & acer  
Appulus & qui rura colit populosa Ravennas  
Horret, & illa suis plus tuta Ancona procellis.  
Pannonius Cæsarque silent. compefcuit iras  
Rex Siculus Thraceque feri placantur amando.  
Nos, quibus Auriacis Hispana potentia bellis  
Atteritur, geminosque volant jam signa per axes,  
Annuimus, Dux magne, tibi; venerandaque Patrum  
Prosequimur sociis longè subsellia votis,  
Et trans nubiferas Alpes, vallesque lacusque  
Accinit Adriacis vatum fiducia sceptris.

Sic vires crevere domi. terraque marique  
Extulit intrepidus Libertas publica vultus  
Suffecitque sibi. & soli debere Tonanti  
Dum capit, ignorat dominos. Qui roderet unus  
Livor erat, tanti levis adlustrator honoris.  
Nunc Batavo debete Duces, dum jura togasque  
Propugnat clari locuples facundia Belgæ.  
Scilicet illa reis ac nostris incluta rostris  
Pro vobis vult lingua loqui, calamoque tuetur  
Majorum trabeas, veterisque insignia regni.  
Munit verba Themis, priscisque annalibus ævi



Innumeras Astræa Vices abavûmque labores  
Expedit, & quantis steterit Respublica curis  
Mnemosyne grandæva aperit. quæcunque vetustas  
Abdidit & cæcis latuerunt clausa tenebris,  
Fataque fortunaſque virum ſolertia pandit,  
Nec temerata fides. nil jam ſibi vendicet Hunni  
Barbaries Gothicusque furor. Romanareſidant  
Imperia imbellesque aquilæ. Tyberimque repellat  
Adria & Auſtriacis ſultum rectoribus Iſtrum.

At Tu, ſumme virûm, cujus tot rapta per artes  
Ignea vis animi, quicquid nescire proſanum,  
Mente tenet, lectumque ſemel latiffima reddit,  
Qui loqueris, qua voce cupis; cauſasque clientum  
Victor agis; primæ ſuffragia ſplendida famæ  
Collige, & illuſtris Vindex genereſe Senatus  
Perge patrociniûm regum donare tiarîs.

Scrutari ſi Livor amat, ſi vellicat oſtrum  
Improbitas, ſummi que quatit ſaſtigia juris,  
Expedit riſiſſe Patres, dumque invida gliſcit  
Ambitio magnæque audet natalibus urbîs  
Obgannire malus, pro Libertate focis que  
Diſtictum Veneto poſthac ſcrutetur in enſem.

V. Cl.

THEODORO GRASVVINCKELIO.

**H**Inc pater est vatum princeps Heliconis  
Homerus,

Æmonium potuit qui celebrare Ducem :

Nec minor Æmonio laudator Homerus Achilli

Gloria, quam cineres, Troia, fuere tui.

Cœlo Musa beat. Virtus sua præmia Musæ

Sufficit. Est meritis utraque clara suis.

Commendare tuos pariter THEODORE labores

Majestas Venetûm, iusta que caussa potest :

Et Venetûm causæ non parvum adferre decorem

Egre giusque labos, ingeniumque tuum.

Scilicet alterno pars utraque surgit honore,

Et tu materiæ, materiesque tuo.

*Cognatus cognato*

GVILIELMVS GROTIVS.

ARGV-

# ARGVMENTA

## CAPITV M.

### CAPUT I.

Fol. 3.

*Libertas Venetorum Libertas quæ, & quatuorplex. Libertas Ordinum fœderati Belgij. Regis nomen inuisum Romanis. Libertas est, quæ in Principe Majestas. Libertas descripta. Libertati opposita servitus. Alia Monarchici, alia Toliarchici regiminis ratio. Circa hæc error insignis Anonymi, & exacerbatus ejus in Venetæ animus.*

### CAPUT. II.

Fol. 9.

*Libertas diligentius & accuratius excussa. Libertas naturalis quæ, & quare. Libertas facultas. Fundamentum libertatis. Iuris & Legum prescripta, dictæ Libertatis objectum, eidem. libertati nihil detrahunt. Venetorum Respub. liberrima. Nec superiorem, nec parem agnoscit.*

### CAPUT. III.

Fol. 15.

*Libertas rerum. Naturale hominis in res creatas Dominium. Homini à casu, rebus ab accidenti servitus imposita. Servitute non probata, libertas probatur.*

### CAPUT IV.

Fol. 18.

*Modus probandæ libertatis. Homines aut liberi, aut servi. Servitus contra naturam. Quæ ex natura emanent, quæ contra eam faciant. Natura quæ, & qualis. A negante naturalem qualitatem probatio habenda.*

# ARGVMENTA .

## CAPUT V.

Fol. 21.

*Libertas Reipub. Venetæ proptius excussa, & ab ipsis ejus primordiis asserta. Errores Anonymi passim taxantur, & refelluntur. Origin s urbis Venetæ. Originaria ejus libertas. Ejusdem fundamenta, & æqualitas. De Insulis Italiæ disquisitum. Insulanorum jus. Veneti nec se nec sua in alterius Principis clientelam dedere.*

## CAPUT VI.

Fol. 33.

*Falsum Anonymi argumentum à situ Venetorum desumptum. Ius & situs. Dubiâ libertatis interpretatione, secundum illam est respondendum. De iurisdictione in territorio, ejusque jure. Situs multis profuit ad libertatem. Qui sint ejusdem territorij.*

## CAPUT VII.

Fol. 37.

*Frustra Anonymum à presumptionibus presidium petere. Italia quomodo imperio Romano subdita. Origo ejus rei. Venetorum urbem P. R. neque vi neque jure suam fecit. Veneti in insulas quare concesserint. Pro derelictis illæ antea habitæ. Labente imperio Rom. cæptæ Barbarorum irruptiones. Facies rerum in Italia tunc temporis. Aula Ravennæ sub Honorio. Ejus ignavia, & Leges. Roma sub eo à Gothis miserè vexata. Venetorum insule tunc temporis ab Imperatore derelictæ, nec proinde subditæ fuerunt.*

## CAPUT VIII.

Fol. 46.

*Nascentis urbis Venetæ origo. Quid ad eam Patavini contulerint. Falsum Tataricos urbis Venetæ fuisse auctores. Patavium à Gothis captum & incensum. Aliud de jure universitas est, aliud de universitate singuli. De Patavinis, qui lacunas maris Hadriatici insedere, proptius disquisitum.*

Nec

# CAPITVM.

## CAPUT IX.

Fol. 58.

*Nec Patavini imperio Romano, nec Veneti Patavinis subditi fuere Italie loca quo pacto federata fuerint, aut subdita Romanis. Variæ federum forme. Patavini amici populi Romani. Quæ Præfectura apud Romanos. Argumentum Anonymi à missis primitus Patavio ad Venetos consulibus discussum. Missio non est imperij argumentum. Patavinis extra territorium aequè liberis jus dicere non licuisse. Consules à Patavinis missi vi jurisdictionis prorogate: Patavini consules biennio tantum aut triennio Venetis præsuere. Adversari sibi ipsi Anonymum ostenditur. Certamen Venetorum cum Patavinis de sinibus. Consulû dignitas quæ tunc & olim fuerit.*

## CAPUT X.

Fol. 64.

*Post Consules Tribuni Rempub. Venetam tenere. Illi à Patavinis nentiquam creati. Præcipuum Libertatû insigne eos rectores creare, quos velis Creatio Tribunorum quando instituta. Ab Imperatoribus illi non creati. Epistola Cassiodori in eam rem excussa. Provincia quæ sint. Urbs Veneta Provincia non fuit. Tribuni ab Insulanis creati. Eorum imperium limitatam. Frivole circa hac Anonymi conjecture. Post tribunos Duces, post Duces magistri militum successi. Contradicit sibi Anonymus dum Venetos etiam sub potestate Græcorum fuisse asserit.*

## CAPUT XI.

Fol. 69.

*Argumenta Anonymi ab Historicis nonnullis & Panegyristis desumpta non magni momenti. Ex ijs, quæ ad pompam dicuntur, certa argumenta non deducuntur. Valentinianus Venetorum Dominus non fuit. Disservunt omne & totum. Locus Pauli Diaconi excussus. Verba quomodo accipienda. Sub ditionem aliquam recipi nulli debent, qui sub eâ nunquam fuere. Romani Imperatores totius orbis Domini non fuere. Id ipsam de se Iustinianus testatur. Argumenta in contrarium adducta*

## A R G V M E N T A

*discutuntur. Quod de Imperatore, idem de subditis verum. I. C. de  
Iure, non de facto debent respondere.*

### C A P U T   X I I .

Fol. 78.

*Falsum sub Valentino & Odoacre Venetis libertatem non constituisse.  
Parva eorum initia. Divites plerique potentesque fuere, qui in Insulas  
concessere. Labascens tunc temporis Respubl. Ro. Veneti Odoacri non pa-  
ruere. Victus & casus Odacer. Theodorici tempora qualia fuerint. Ejus  
clementia. Libertas quamvis arctis finibus conclusa, libertas tamen est:  
Bagande qui fuerint. Veneti nec pro Barbaris, nec pro Bagandis habiti.*

### C A P U T   X I I I .

Fol. 85.

*Canonicarj Venetiarum qui sint apud Cassiodorum. Canon vel ex  
imperio, vel ex conventionem solvitur. Canon à Venetis solutus protectio-  
nis causa, salva Libertate. Frustra ex canone soluto subditos Imperatori  
Venetos fuisse probare nititur Anonymus. Canon pactionis nomine saepe  
venit. Tributorum triplex genus, Canon, Oblatio, Indictio.*

### C A P U T   X I V .

Fol. 90.

*Epistola Cassiodori ad tribunos maritimorum excussa. Tribunorum  
maritimorum nomine Veneti non intelliguntur. Istriæ populum Imperato-  
ri subditum non fuisse probatur. Veneti ab Istris desertim in epist. Cas-  
siodori separantur. Multum mandatum à jussu distat. Istri fœderati  
P. R. Devoti & devotionis vocabulum explicatum. Devoti dicuntur, qui  
se in alterius amicitiam dedidere. Devoti pro externis sumpti. Al-  
lophyli qui sint. Imperium cadit etiam in liberos, æquales, fœderatos.  
Non verbis, sed æquo jussuque pugnandum.*

### C A P U T   X V .

Fol. 96.

*Frustra Anonymum conari libertatem Venetam subvertere, quia Sal-  
vianus,*

# CAPITVM.

*vianus, & Iustinianus ejus non meminere. Mentio scriptorum nec addit aliquid ejusmodi rei, nec demit.*

## CAPUT. XVI.

Fol.98.

*Cetera adversarij argumenta diluuntur. Turbata in Anonymo methodus. Agathie locus excussus. Adversatur sibi Anonymus. Gothis Veneti non fuere subiecti.*

### §. I.

Fol.99.

### §. II.

Fol.101.

*Venetis Constantiano non parvere. Frustra Anonymus illa pro confessis vult haberi, quæ ne quidem scriptores illorum temporum prodidere. Eadem iCv. verum ac iustum. Procopius res quoque levissimas magno studio sectatur. Chalcondyæ de incrementis urbis Venetæ testimonium.*

### §. III.

Fol.104.

*Ioannis, belli ducis sub Justiniano factum, nihil demit libertati Venetæ. Silent leges inter arma. Nulla gens, quæ turbis bellicis non aliquando exposita. Immota Libertas Veneta semper stetit. Duces Iustiniani à Venetis auxilia sumpsisse potuerunt. Socij à subditis distinguendi.*

### §. IV.

Fol.107.

*Potissima pars Libertatis ita vivere, ut velis. Totam Libertatem Venetam esse pluribus ostensum. Suum sociis in socios impertum. Differt subditum esse, & prestare, quæ prestanti subditi. Habuerint ne Veneti insuper suam Libertatem? Fuerintne coacti Cesarum imperia agnoscere? Nihil adducit Anonymus, quo id probet. Voluntas quæ sit. Actio libera, & minus libera, nec tamen coacta. Aliud est & coactum esse,*

(† 3).

& non



## A R G V M E N T A

*Et non esse spontaneum. Voluntas Venetorum in conservanda sua Libertate. Probandum Anonymo subsidia Imperatori data ultronea non fuisse.*

§. 5.

Fol. 112.

*Tractus maritimi à continente separandi. Male hoc dissimulat Anonymus. In terra continenti regionis Venetæ, nec non in tractu maritimo quædam direptionibus hostium cessere. Venetorum urbs non occupata. Loca Procopij quædam excussa.*

§. 6. 7. 8.

Fol. 115.

*Anonymi vane insultationes. Loca ex historia Iustiniani discussa. Libertatem non imminuti sociorum in socios impertum. Fides Venetæ in socios. Naxetis historia excussa. Omnia libertatem Venetam spirant. Ab exstructa Venetijs ade frustra deducitur subjectionis argumentum.*

§. 9.

Fol. 126.

*Quæ de Aquilegensî Patriarcha Gradum confugiente, Gradu autem insula Exarchis Ravennatibus subdita, ab Anonymo dicuntur, solide excutuntur. Exarchus Gradus subdita non fuit. Smaragdi historia explicata. Aliud Exarchus, aliud Patricius. Patricij qui sint. Effrenis Anonymi recordia. De regimine seculari, non de Ecclesiastico, insinuat hæc disputatio.*

§. 10.

Fol. 129.

*Ingenua Anonymi confessio de Longobardis. Falsum Imp. Romanos profugorum in insulas Adriatici maris Domines fuisse. Nullum inter profugos & Imperatorem imperandi vel parendi jus intercessit. Insula*



## CAPITVM.

*sula Amacina Exarchi non paruit. Nihil necessitas cum alijs se conjungendi Libertati demit.*

§. 11. 12 13.

Fol 136.

*Loca aliquot B. Gregorij de Exarchis Ravennatibus excussa. Adseriones eorum, qui supra se superiorem non agnoscunt, quomodo accipiendæ. Que verborum vis ad conferendum tollendumque imperij jus.*

§. 14.

Fol. 140.

*Frustra Anonymus ex Heraclia ab Heraclio dicta, probatum vult Imperatori subditos Venetos fuisse. Heraclia à quo conlita. Ordini sacro addictus Heraclius. Equilium à quibus dictum.*

§. 15.

Fol 143.

*Male Anonymus quod ex jure probare non potest, ex facto adstruere conatur. Duces ab Imperatore non creati. Duces Veneti a quibus instituti. Prima Ducum in Italiâ origo. Longinus totius Italiæ Exarchus nullum Venetis ducem prefecit. Non eadem Venetorum cum cæteris Italiæ Ducibus origo. Exarchi quot annos rexerint. Eorum sedes. Primus Dux Venetorum. Nullum Exarchi, nullum Pontificis, nullum Imperatoris factum increando Duce intervenit.*

§. 16.

Fol. 151.

*Fallitur Anonymus, dum inter terram continentem à Venetis incultam, & lacunas Hadriatici maris distinguendum non putat. Inapte etiam exscripta à B. Gregorio ad Venetorum Ducem Epistola subjectionis infert argumentum.*

§. 17.

Fol. 153.

*Historia Leonis Isaurici Imp. excussa. Varij propterea motus exerti.*

*Tempora*

## A R G U M E N T A

*Tempora nonnihil turbata ostenduntur, Venetorum Duces & antiquati & denuo restituti. Exarchi quando esse desierint. Pontificatus Gregorij tertij, & Leonis Isaurici coincidunt. Rebellionis nomen aut crimen in Venetos non cadit. Rebelli quis sit. Argumentum ex Etymologia infirmum. Diaconi locus illustratus.*

§. 18.

Fol. 160.

*Epistola Gregorij Pontificis diligenter excussa. Nihil illa Libertati Venete detrahit. Hortatur illa, non imperat. Pontificum vires unde creverint. Ad Venetos ut ad Tutores Ecclesia scripta hec Epistola. Orationes Pauli Exarchi & Vrsi Ducts, Venetorum Libertatis luculentum argumentum.*

§. 19.

Fol. 167.

*Anonymus frustra ex militum Magistris, Magistratu Veneto, colligit Venetos Imperatori subditos fuisse. Ejusmodi Magistratus etiam apud alios fuere. De Tribunis Venetis & Romanis.*

§. 20.

Fol. 169.

*Frustra est Anonymus, dum negat ex eo, quod Longobardi nunquam Venetae urbis domini fuere, Venetorum sequi Libertatem.*

§. 21.

Fol. 71.

*Donatto Pipini Imaginarla. Homines liberi in commercio esse non possunt. Duces Venetorum apud Imperatores Orientis varijs dignitatibus functi. Male exinde subiectio Venetorum inferitur: Proedri, Spatarij, Archspatarij, qui fuerint. Batavi corporum aliquot Imp. Rom. custodes. Id honoris etiam Frisij delatum. Sebastj dignitas. Dignitates in Duces Venetos collate amicitie, non subjectionis argumenta.*

*Histo-*

# A R G V M E N T A

§. 22.

Fol. 177.

*Histovia capti à Desiderio Longobardorum Rege filij Mauritiij Venetorum Ducis. Malignus Anonymi animus. Aliquando iain icatorum amici hostium loco habentur.*

§. 23.

Fol. 178.

*Candor in. Anonymo quaesitus. Carolus magnus Francorum Rex in Italiam adversus Longobardos excitus. Suppetias ei Veneti tulere, non ex imperio, aut mercede conducti, sed sponte libera.*

§. 24. 25. 26.

Fol. 182.

*Carolus donationem Pipini patris confirmat. Inter alia donate Provincia Venetorum, & Histriarum dicuntur. Nec Pipinum, nec Carolum donare eas potuisse ostenditur.*

§. 27.

Fol. 183.

*Anno DCCC II. utriusque Imperatoris Legati convenere.*

§. 28.

Fol. 162.

*Privilegium à Carolo Magno Patriarchæ Graderi indultum. Gradus tunc temporis ubi Venetæ pars non fuit. Beneficium Carolus præstitit, non Privilegium. Verba Caroli quousque extendi debeant. Iustinianus ab Anonymi calumnia vindicatus.*

§. 29.

Fol. 187

*Frustra Anonymus Venetos utrique Imperio subditos facti. Fieri id non potuit. Diviso Orientis atque Occidentis imperio sibi, & libertati suæ Veneti sunt relictæ. Aliud est utrique imperio obedire, aliud neutrius partibus accenseri. Pax inter Irenicum & Carolum facta. Quæ Veneti*

(††)

# A R G V M E N T A

*neti neutri obnoxij pronunciantur. Fazoldi mens explicata.*

§. 30. 31. 32. 33. 34. 35. 36. 37.

Fol. 195.

*Pipinus Venetos neutiquam in potestatem redegit. Id ipsum Æmilij Veronensis, Sigonij & aliorum testimonio luculenter probatum. Historia illius belli accurate excussa. Libertas Veneta passim stetit immota. Magnifica Venetorum legatio ad Carolum Imperatorem. Historia horum temporum & res obscura. Facta probari debent, non presumi. Imperator à Venetis Dalmatisque minus recte inter se conventientibus consultus, & quare. Fœdus inter Venetos, & Italicos ante Caroli Crassi tempora percussum. Male Anonymus ex Nicephoro sententiam suam de debellatis Venetis adstruere conatur. A perfidia in Pipinum notâ Veneti liberati. Locus Adelmi de subiecta Pipino Venetia quomodo intelligendus. Adversatur sibi Anonymus. Varijs auctororum testimonijs sententia adversarij refutata.*

§. 38.

Fol. 215.

*Varia ab Imperatoribus privilegia Venetis indulta. Persona concedenti, & effectus concessionis adtendenda. Privilegia aut vi supreme potestatis, aut testande benevolentie ergo conceduntur. Horum illud fieri non potuit apud Venetos. Si posteriore modo indulta ijs Privilegia nihil agit Anonymus. Effectus privilegiorum triplex. Subiectio privilegio induci non potest. Quomodo privilegij concessio imperij sit nota. Recipere privilegium, non est se subijcere illi, à quo conceditur. Id exempla Batavorum, & jure Canonico probatum.*

§. 40.

Fol. 221.

*Historia Obelarij Ducis Venetorum excussa. Is perfidus in Imperatorem pœnas perfidie apud eum dedit. Extranei in alterius territorio etiam delinquant. Delicta que in aliquo territorio committuntur, in eo etiam expiantur. Obelarius tamen nec Orientis, nec Occidentis Imperatorum*

# CAPITVM.

ratori subditus. Obelarius miserum vita finem à Venetis accepit.

§. 41.

Fol. 224.

Versiculi effigiei Beati Ducis subscripti excussi. Obelarius Patria infestus inuidiam Venetis apud Pipinum conflagavit. Pipinus Rivum altum non cepit. In pro contra usurpatur. Tentavit tantum Venetos Pipinus, non expugnavit. Tax cum Pipino inita.

§. 42.

Fol. 230.

Versiculi imagini Angeli Patriciaci Ducis additi examinantur. Quae omissa sunt, omitti non potuissent; sed omissa non infringunt aliorum scriptorum auctoritatem.

§. 43.

Fol. 282.

Historia Ducis Beneventani excussa. Obsides Carolo dati. Nihil Libertati Venetae commune in Exemptione Beneventana. Beneventani hostes Caroli à Pipino debellati.

§. 44.

Fol. 235.

Gradus Insula ab Eginharto in enarratione testamenti Caroli Magni recensetur. Eginharti fides elevatur. Donationibus jura Libertatis nec amittuntur, nec quaeruntur.

§. 45.

Fol. 236.

Argumentum Anonymi, ab ade Zacharia Leonis Armenij mandato exstructa desumptum, elevatur. Inscriptio in ejus rei memoriam suffixa examinatur. Aedes D. Michaelis à Sergio Senonensi excitata, nec tamen aliquot ejus dominum Veneti agnovere. Subditi à Vassallis longe distant.

(†† 2)

Verba

# A R G V M E N T A

§. 46.

Fol. 239.

*Verba Epistolæ Lotharii ad Petrum Fradonicum Venetorum Ducem scriptæ, examinantur. Dominatio pro ditione accipi non potest. Dilectionis vox excussa.*

§. 47.

Fol. 240.

*Quid inter Orientis, atque Occidentis Augustos decretum sit, quoad Venetos. An & quatenus decretum illud Libertatem Venetorum asserere potuerit. Quis sit effectus illius, quæ decretum sequuta est, confirmationis.*

§. 48.

Fol. 249.

*Ad sequentem Paragraphum de jure cudendæ monete, Venetiæ ab Imperatore concessæ, introductio.*

§. 49. & 50.

Fol. 250.

*Ius procudendæ monete Venetiæ ab Imperatore indultum, nihil derogat eorum Libertati. Missio legatorum à Venetiis ad Imperatorem instituta probat liberum eorum Imperium. Fritiose Anonymi circa hæc conjectura. Illi, qui monetam cudi curat, in Majestatis argumentum fere semper cedit. Vultus regnantis nummis insculptus, & quare. Ratio cudendorum nummorum à Numa Pompilio inventa. Regum Italiæ aut Imperatorum vultus in nummis Venetiis non conspiciuntur. Ducis aut Dei tutelaris effigies iis insculpta. Hoc summi Imperij argumentum. Subjectionem non probat, quod quis alieno beneficio monetam cudat. Quod Beerengarius fines Venetorum & Italicorum terminavit, nullum Imperij summi jus probat.*

§. 50.

Fol. 257.

*Rex Hugo Vrso Venetorum Duci vetera Libertatis beneficia confirmavit.*

## CAPITVM.

*mavit. Quid sit confirmare. Salva Libertate quis confirmationem ejus potest postulare. Male confirmationem ejusmodi cum legitimatione Anonymus componit. Italia Occidentis Imperatori Carolo pro ditione habita. Alia hic ratio fuit Venetorum. Nihil ipsis imperatum, quod subjectionem possit inferre. Quæ exemptionis, Libertatisque nonnullarum urbium origo. Earum cum Venetis comparatio instituta.*

§. 52.

Fol. 261.

*Male Anonymus secularia Ecclesiasticis confundit. Locus Sigonij de Gradensi Ecclesia excussus.*

§. 53. 54. 55.

Fol. 264

*Male Anonymus ex eo, quod Veneti ob Vitalem Candiani Ducis filium interfectum, apud Imperatorem rei fuerint, Jurisdictionem Imperatoris in eos adstruere conatur. Fœderati Imperatoris Veneti. Fœdus quid sit. Fœderum diversitas. Fœderis causa uniuscujusque utilitas. Fœdera aut inter pares, aut inter impares intercedunt. Non se Veneti Imperatori dedidere. Fœdus eorum cum Imperatore non est subjectionis argumentum.*

§. 56.

Fol. 171.

*Fragmentum diplomatis ab Imperatore Othone Venetis indultis. Quosque verba ejus extendi debeant. Nihil demit Venete Libertati. Pontificem Veneti in temporalibus Dominum non agnoscunt. Fœdus quid sit.*

§. 57.

Fol. 274.

*Nihil adversus Venetos agit Anonymus, dum eos portus, mercatusque Privilegium Imperatori acceptum ferre tradit. Venetis, ob præclara eorum merita, concessum, ut in omnibus Hierosolymitani regni, Antiochenique Principatus urbibus privum forum, aliaque eospectantia haberent.*

(†† 3)

Pri-



## A R G V M E N T A

*Privilegij Othonani mens non alia, quam ut in terris Imperij commercia sua libere quaquaversum exerceant.*

§. 58. 59.

Fol. 177.

*Male Anonymus, ex eo quod Veneti Othoni Privilegio ab onere Pallij Aurei quotannis Imperatori offerendi libertati sunt, eorum Libertatem infringere conatus est. Pallium hoc in obsequij testimonium oblatum nemo tradit. Origo ejus rei in dubium vocatur. Munificentie Venetorum, non subjectionis argumentum. Munera aliquando aliis offerri solent ne injuria aliqua aut vi inferatur. Ex fœdere oblatum Imperatori à Venetis Pallium. Conventio longe distat à jurisdictione. Doglio ab Anonymi calumnia defenditur.*

§. 60.

Fol. 186.

*Henrico quarto Imperatori pannum aureum annuamque pecuniam, quomodo & quare Veneti persolverint. Discordia inter Venetos, & Patavinos. Ad concordiam suadet Imperator. Historia illa omnia nihil contra Venetorum Libertatem facit, sed eam probat. Pacta & libri patetorum apud Venetos. Verba Henrici Imperatoris quibus testatur imperium suum ad Venetos usque non protendi. Gregorius Pontifex Venetorum Rempub. veram Libertatis sue dominam appellavit. Veneta civitas libera à Frederico tertio Imperatore nominatur.*

§. 61.

Fol. 295.

*Pax cum Imperatore Frederico in Italia inita nihil derogat Venete libertati. Venetorum victoria à Frederici Imperatoris filio reportata. Pax cum Lombardis, aliisque fœderatis rogante Imperatore stabilita. Pacis conditionibus Venetos non est complexus Imperator. A victoribus gravissima queque, salva tamen libertate, victis imponi possunt. Id Carthaginienfium, & Aetolorum exemplis firmatum.*

*Fallit*



# CAPITVM.

§. 62.

Fol. 304

Fallit *Anonymus*, dum *Venetos* ait nunquam usque ad annum cccc pro liberis se gessisse. Imperatorum Privilegia non dedere *Venetis*, sed firmavere Libertatem. Immemorialis prescriptio titulum non requirit. *Bartoli Baldric* auctoritas legem non vincit, aut rationem. *Alieri per alterum iniqua conditio inferri non debet*. Semel quæ com-  
petiit Libertas revocari non potest.

§. 63. 64. 65. 66.

Fol. 308.

Oratio *Antonij Iustiniani* apud *Guicciardinum* sub examen vocata. Fides *Guicciardini* elevatur. - *Aliorum scriptorum testimonia Guicciardino* adversa. Sublesta fides *Anonymi* in adducendis auctorum, quos pro *Guicciardino* facere dicit, locis. *Baptista Leo*, qui falsi arguit *Guicciardinum*, ejusque rationes à calumnijs adversarii defenduntur. Non nimium *Scriptoribus* tribuendum. Optimi eorum odio etiam & amore transversi aguntur. *Guicciardinus* in *Venetos*, & *Ducem Vrbinate* minus æquus, & quare. Cur *Veneti Guicciardini* historiam in urbe sua passi fuerint evulgari. Frustra *Anonymus* causæ suæ patrocinium a silentio cognatorum & posterorum *Iustiniani* petit. *Tubero Dalmata* tantum abest, ut cum *Guicciardino* consentiat, ut quam maxime ei ad-  
versetur. *Mæcenici* locus excussus. *Arctæ* tunc temporis *Venetorum* res, sed non decollatæ. Prudentia patrum *Venetorum*. Quæ contra *Baptistam Leonem* adducit *Anonymus*, non probat. Vanis suspicionibus laborat. Incredibile est consiliarios Imperatoris, eo invito, cum *Iustiniano* de tanto negotio egisse, idque ratum habuisse. Frustra *Anonymus* tempora *Legationum* distinguit. *Iustinianus* in conspectum Imperatoris non admissus. Oratio *Ludovici Heliani* adversus *Venetos*, mendacijs & calumnijs atrocissimis scatet: nullam tamen ille subjectionis mentionem facit. Nemo unquam legatus fuit sine mandatis. Autenticum ipsum mandati tabelarium, quod *Iustiniano* datum, penes heredes *Iustiniani* adversatum in *Cæsaris* archivum non exstat. Frustra ad servari-  
est in

## A R G V M E N T A

est in Paruta redarguendo. *Maritimum imperium maxime semper habitum apud Venetos. Vires ararij Veneti. Virtus Veneta nunquam fortune succubuit. Elegium Venetis à Britannia Rege tributum. Pauli Barbi, Petri Duodi, Christophori Mauri, Aloisij Molini elogia. Quia ita victus, ut denuo vincere non possit, victori cedit. Campanorum & Venetorum inter sese instituta comparatio. Ex oratione Iustiniani colligi non potest, eo angustiarum redactos Venetos, ut Libertate fuerint privati. Quid propositum Oratione ejusmodi fuerit Venetis (quamvis Venetorum esse non liqueat) Continentis possessione Veneti paulisper discessere. Eorum rationes. Levioribus incommodis graviora sustulere. Immutam Venetis semper stetit, tempestatem belli, quantum pote, declinare, salva ubique libertate. Id constanter universa illorum temporum historia testatur. Actus ultra agentis intentionem non agit. Verba orationis Iustiniane præter mentem Venetorum non interpretanda. Argumentum ejus non nisi in auxilij imploratione consistit. Longe distant protegendi potestas, & jus imperandi, clientes, & subditi. Liber populus, statâ libertate, alterius patrocinio se dare potest. Quid sit clientela. Majestatem illa non exstinguit. Quomodo verus legitimusque dominus Imperator à Venetis in Iustiniani oratione nominetur. Ut intelligendum, quod Veneti continenti cesserint. Novum non est patronis à clientibus præmium aliquod præstari. Præmia illa non tributis, sed Boethæas nomine veniunt. Jurisdictio & patrocinium aliquando conveniunt, non semper. Falsum est jura aliqua majestatis Imperatori quæsitâ. Quomodo accipiendum illud, quod Veneti, jussa, decreta, sanctiones, & præcepta Imperatoris libenter velint amplexari. Protectio protectorem facit, non dominum. Indiculus ineptiarum, & calumniarum Anonymi. Sanctissimum humani pectoris bonum fides.*

## C A P U T . X V I I .

Fol. 363.

De Libertatis habende modo instituta dissertatio. Ducum Venetorum potentia quæsitâ & quantâ. Falsus est Anonymus, dum eam summam putat, dumque Iannottus dixit, Triphoni Gabrielso adscribit. Laus

Tri-

## CAPITVM

*Triphonis Gabrilelij, ejusque defenſio. Iannotti fides in rebus Venetis electatur. Thomæ Aquinatis ſententia de reſtriſto Ducum Venetorum Imperio. Nomen Imperii ſpecieſque à vi Imperii quantum diſſent. Argumenta Anonymi à provocacione ad Duces, à collegiis ab ipſis Ducibus ſibi adſcriptis, deſumpta, improbantur. Ridicula Anonymi verba de invidiâ plebi in Duces derivata. A vero abiit Anonymus, dum illuſtres Venetorum familias, priorum Ducum potentia oppreſſas, à ducatu demum Sebaſtiani Ziani caput extuliſſe tradit.*

### CAPUT. XIX.

Fol. 419.

*Appendix ad ſuperiora, quæ ex iis, quæ extinde geſta ſunt, porro aſſeruntur. Quæ in electione Sebaſtiani Ziani obvenerint. Emanuelis Comenibellum cum Siculis. Quis tunc temporis Venetorum ſtatuſ. Peſtis Claſſem Venetam infeſcit. Syllabus eorum, quibus facta poteſtas Ducem eligendi. Ab illis Zianuſ Dux creatuſ. Nulla hic plebiſ ſuffragia Zianuſ Maſtropetruſ quomodo exceperit. Nomina eorum, qui eum elegere. Victricia Marci Danduli arma in Græcia. Nobiliuſ Venetorum potentia, & virtuſ. Regnuſ Cretæ Venetæ Reipub. adjectuſ. Invidia Genuenſiuſ. Colonia à Venetis in Græciam deducta. Soli nobileſ, quibz ad majora comitia tunc accedere licebat. Inter Venetoz, & Genuenſez ortuſ belluſ. Victoria Venetorum. Tenui ævario maritimis rebus tributum impoſituſ. Laurentiuſ Theopoluſ Dux factuſ. Nulla hic populî parſez. Petruſ Gradonicuſ quo pacto Dux creatuſ. Penes ſolam nobilitatem in omnia regimen. Qui eligebant nobileſ fuere. Variuſ id Decretuſ publicuſ firmatuſ.*

### CAPUT. XX.

Fol. 446.

*Soli Patricii apud Venetoz cateriſ præſuere. Plebeioſ eligere non licebat. Id decreto publico inſtitutuſ. Filiuſ nobiliuſ illegitimuſ ad majora Comitia adituſ præcluſuſ. Militia navaliſ magni à Venetis facta. Qui ea inſtaruiſſent quomodo ad majora Comitia adnotati. Decretuſ, quod majoribuſ Comitiiſ abſolvenduſ ſupremam manuſ impoſuit, productuſ.*

+++

Sum-

## A R G V M E N T A

*Summam rerum ad plebem nunquam spectasse concluditur, & simul insignis circa hoc Anonymi error exploditur.*

### C A P U T. XXI.

Fol. 454.

*Theopolitana conjurationis historia propius examinata. Suspecta & dubia Anonymi in adducendis auctorum locis fides. Bajamonti Theopolitana. Decretum de Bajamonte è medio tollendo. De reformandis Comitibus consultum. Error Bodini. Non totæ familiæ, sed quidam à Comitibus aliquando exclusi, aliquando admissi. Varia de Comitibus instituta. Nobilitatis consequenda modus. Nanorum familia Comitiorum capax. Anno c l o c c x c v i i Festo divi Michaelis in suffragia itum non fuit Relectio à majoribus Comitibus castigationis loco. Varia Venetorum de Comitibus decreta. Proba, ut vocant, aureæ usus quando cæperit. Conspiratio Bajamontana in quem annum inciderit. Qui conscripti conspirationis. Conjurationis progressus & eventus. Injurius in Nobilitatem Venetam Anonymus. Primi Venetæ urbis auctores nobilissimi viri fuisse.*

### C A P U T. XXII.

Fol. 474:

*Majora Comititia non mutata penitus, sed aliquando reformata. Errat lanottus, dum biva tantum Quadraginta viralis collegij capita ponit. Tria fuisse. Index eorum, qui anno c l o c c x c v i in Quadraginta virali Consilio fuisse. Qui fiat, quod hæc aut illa familia majora Comititia aliquando non frequentavit. De Dentatorum stirpe propius actum. Varia, quæ majorum Comitiorum formam spectant, discussa. Nonnulli digni judicati, qui majoribus Comitibus adhiberentur. Anni c l o c c c l x x i x decreto triginta viri in majora Comititia adlecti, & quare. Fallit Anonymus, dum sordide eos conditionis existimat.*

### C A P U T. XXIII.

Fol. 489.

*Valeriorum gens ad majora comitia admissa. Circa hæc hallucinatio Anonymi. Iannotti, & Iustintani fides elevatur in historia conspirationis Marini Bocconis. Locus Iustintani sub examen vocatur. Vera ac genuina causa.*

# CAPITVM.

*na caussa. Bocconiane conjurationis. Auctor historiae conspirationis, & Justinianus hic sibi adversantur. Carefini auctoritate omnia firmata. Populus Bocconiane conjurationi se non immiscuit. Mens & ratio legis anno c l o c c x c v i late. Anonymus gladio suo jagulatus.*

## C A P U T, XXIV.

Fol. 499.

*In Conjuratorum historia Anonymi inscitta fusc taxata. Vanum. Anonymi in conjuratorum tribunitiis concionibus praesidium. Feda conjurationis iusta detestatio. Bajamontane conjurationis occasio. Supplicium de Fontabono sumptum. Conjuratorum Aventonem ad Pontificem refugium Legatio Pontificis ad Venetos instituta. Legationis caussa. Cordatum Venetorum responsum. Confutata Anonymi conjectura. Barocit factus detectum, & punitum. Contarini, & Boteri auctoritas in Anonymum retortae. Falsa Anonymi comparatio inter Venetos & aliorum oppidorum, Venetis subditorum, etres instituta. Quia apud Venetos etres, dicti Cittadini. Prerogativa eorum circa commercia, & dignitates Cancellarii Veneti dignitas & magnitudo. Ad seditionem vergen. Anonymi institutum,*

††† 2

THEO-





THEOD. GRASWINKELI  
LIBERTAS  
VENETA.

A



THE UNIVERSITY OF CHICAGO

LIBRARY

ATLANTA



## CAPVT I.

*Libertas Venetorum. Libertas quæ, & quòtuplex. Libertas Ordinum fœderati Belgij. Regis nomen inuisum Romanis. Libertas est, quæ in Principe Majestas. Libertas descripta. Libertati opposita servitus. Alia Monarchici, alia Polyarchici regiminis ratio. Circa hæc error insignis Anonymi, & exacerbatus ejus in Venetos animus.*



**V**ENETOS & fuisse jam tum ab Urbe eorum conditâ, & esse hoc ipso tempore liberos, quo constet, fundamenti vice fixum immotumque esto, hoc quod dicimus *Liberum esse*, vocemque *Libertatis* bifariam in proposito themate à nobis accipi: significatu scilicet generaliore, quo Remp. ipsam totumque quantum quantum est Reip. corpus (Itali *Signoriam* vocant) complectitur, item & adductiore, quo nimirum singulis individuis quadrare, & ad quævis Reip. membra applicari possit.

Remp. ipsam totumque illius corpus quod attinet; statuendum, voce *Libertatis* aliud nihil designari, ipsamque adeo *Libertatem* nihil aliud esse, quam *potestatem absolutè summam, habentem in semetipsa atque intra semetipsam plenum perfectumque im-*

*perandi jura, in tantum, ut non nisi uni soli que Deo obnoxia, neque propter sese parem, neque supra sese sublimiorem agnoscat quempiam. Ut verbo dicam, opponuntur fere semper Regnum ac Libertas ut pugnancia; sic tamen ut cum regibus propria Majestas sit, Rebusque publicis Libertas, id ipsum quod in rege Majestas dicitur, in Rebus publicis superiorem non agnoscentibus libertas dicatur, civitasque libera, quæ legem universis ac singulis civibus dicere possit sine superiorum aut aqualium aut inferiorum necessario consensu.*

Prius hoc, nempe summum Imperii jus *Libertate* quod terminetur, ipsoque *Libertatis* nomine veniat, uti exemplo non caret, ita neque autoritate destitui quisquam judicet, quando & Anonymus ille Scrutini scriptor, in quem hæc nostra diriguntur, vel ipsius Reipub. Venetæ intuitu, verborum *libere juxta & independentis*, notionem, pro una eademque sumit, & rectè. neque enim diversum ab hujusmodi enuntiato abire possunt (infinita ut alia apud Oratores Historicosque passim obvia consulto prætereamus) quæ cum Helvetiis, utpote cum populo libero sui que juris, inita fuere, aut etiamnum ineuntur pacta. Eadem procul dubio & mens fuit Illustrum & præpotentium Fœderati Belgii Ordinum, nisi plenariò libertatis edicto ac confessione præviis, ad ullas omnino super faciendis induciis pactiones descendere recusantium. Accedit quod & ipse Hispaniarum Rex, ipsique Archiduces, liberas nationes fœderatas, liberos earundem proceres, inque quos nihil sibi quod arrogant juris esse proficundo, irrefragabili auctoramento id quod assertum imus evincant.

Posteriorius vero clarum faciunt illa Taciti, *Regno Asiæ acrior est Germanorum libertas*. De morib. Germ. Item prima illa ejusdem, *Urbem Romam à principio reges habuerunt, Libertatem & Consulatum L. Brutus instituit*. Quando autem id factum? Nempe,

pe, cum L. Bruto & P. Valerio authoribus, populus Romanus juramento adactus est se neminem Romæ regnare passurum, atque exinde, Bruto rebus exento, rogationem jussit, ut sacrum cum bonis caput illius esset, qui regni occupandi consilia inisset. Liv. lib. 1. Estque id ipsum incolumi libertate servatum semper. Sic apud Silium Scipio quem regem gentes salutaverant nominis illius invidiam à se est amolitus,

— *Et Romam nomina regum  
Monstravit non posse pati.*

Cicero, *Viro Romano ne nominandum quidem regi nomen pronuntiavit* : & Cæsare ab Antonio rege salutato, etiamsi ille non regem se sed Cæsarem ferret, Iovem solum regem esse dictitaret, visa statim illa ad libertatem identidem respectantium indignabunda inscriptio *BRUTE DORMIS ? EVERSÆ* quoque libertate durasse, nec nisi sero animis P. R. excessisse testantur illa Claudiani de Stilicone,

— *Mavortia plebes  
Te regem Bruto non dedignante fatetur,  
Et quod adhuc nullo potuit terrore coacta  
Libertas Romana pati, Stiliconis amori  
Detulit, &c.*

Obiter & in transcurso hoc notasse fas sit, vel eousque Romanos regium nomen habuisse exosum, ut cum justis etiamnum regibus, regium nomen attribuerent, ingenti id benefacto deputarent. Apud Livium tanti non est quod adstante exercitu multa honorifica Scipio dixerit de Masinissa, quam quod regem appellarit: Belli Gal. lib. 1. Cæsar ita de se, in orat. ad Ariovistum. *Quod rex appellatus esset à Senatu, quod amicus, quod*

*munera amplissima missa. Quam rem & paucis contigisse & à Romanis pro maximis hominum officiis consueſſe tribui docebat. Sed nos ad Tacitum revertamur. Ille in proposito nobis argumento, Bruto posteriori, sublato Cæsare, intempestive repetitam libertatem notat, ac alibi quoque res infociabiles vocat principatum ac libertatem, pariterque dominationi sine fine opponit libertatem cum modo.*

Libertatem porro majestati regiae æquari docent illa Senecæ, *Interdum populus est quem timere debeamus, interdum, si ea Civitatis disciplina est, ut plurima per senatum transigantur, gratiosi in ea timentur viri, interdum singuli, quibus potestas populi, & in populum data est, Epist. 19.*

Altero quem notavimus significatu, cum I. C<sup>o</sup>. Florentino Libertatem habemus pro naturali facultate ejus, quod facere cuique lubet, nisi quod aut vi aut jure probibeatur.

Huic libertati quæ opponatur servitus est. Tacitus. *De dimis profecto grande patientia documentum, & sicut vetus etas vidit quid ultimum in libertate esset, ita nos quid in servitute, adempto per inquisitiones audiendi loquendique commercio. in vit. Agric. Apud eundem annalium 3. Sacrovir, Quam decora victoribus libertas? quanto intolerabilior servitus iterum victis? & alter ille, histor. lib. 1. Quid aliud sibi reliquum quam tenere libertatem aut mori ante servitutem?*

Porro cum ea quam attulimus libertatis descriptio omnium sit adprobata calculis, neque cuiquam quod quidem ego sciam improbata, merito quoque hujus nostræ à nobis disputationis constituetur norma, ad quam tanquam ad Lydium lapidem complura ad cognoscendam inspicendamque penitus naturam atque essentiam libertatis facientia, cum bono Deo exigere atque explorare est animus.

Extra hæc duo principia quemadmodum certi solidique in subiecto themate poni nihil potest, utpote quæ talia sunt ut quæcumque aut ab Anonymo dicta sunt aut à nobis in

in medium adferri poterunt, ad illa ipsa necessario sint referenda, castiganda atque examinanda; ita mirari subit quid Anonymo quo libertatem serenissimæ Venetorum Reipublicæ convellat, in mentem venerit, quod omisso medio, ab extremorum uno, ad alterum pariter extremum deveniat, ac prætermisâ temperationi illâ libertate quæ in Aristocratico regimine haberi solet, aut saltem insuper habitâ, distinguendum putet, inter istiusmodi libertatem qualis extat in regno Galliæ, atque alteram illam quæ apud Helvetios reperitur. Neque enim video quid Venetis commune sit cum regno Galliæ, in quo nihil est quod regium supergrediatur fastigium, imo ne exæquet quidem, quid cum Helvetiis, quibus unicum est Libertatis argumentum vicissim parere atque impere? Esto, *Ne constet aliter regnandi ratio, nisi ut uni reddatur. Impune facere quod velis sit id vero demum regem esse.* Relinquamus subditis obsequii gloriam, quin altiora si spirent, subeat illud Lucani,

*Libertas populi, quem regna coercunt  
Libertate perit, cujus servaveris umbram  
Si quidquid jubeare velis.*

In vicem, esto & hoc, quod Democratico in politeumate omnia diversa sint atque opposita regno. Plura, si velit Anonymo largiamur, non effecerit tamen ut ea vel tantillum libertatem Reipub. Venetæ sint tactura. Longe illi regale nomen, longe itidem plebis effrænis licentia: quin imo, per tot sæculorum decursus, perstitit illa, statque etiamnum, suo nixa tibicini, ac virtutis instar, media, & reducta inter utrumque; Neque est quispiam qui ignoret eam quantum à Democratico abscedit regimine, tanto ad Monarchiam propius accedere, & ex ad verso tanto eam populari Remp. regendi formæ conjungi propius, quanto ab uniusdom-



dominatu longius recedit. Sunt ergo hæc oppidò quam se-  
paratissima, & ut absolvam non subsistit arcessitum à separa-  
tis argumentum.

Sed enim vero ne videatur cuipiam, quod egomet mi-  
hi ad allatam ab Anonymo distinctionem simplici hac con-  
futatione defunctus videar, scrutari lubet, ac si detur et-  
jam excutere, cui bono, cuive fini vir cæteroquin doctissi-  
mus, & ut testantur ab eo scripta, Polyhistor, in ipso li-  
mine impingere, atque tam quæsitæ anxietateque dissertationi  
tam ineptam incongruamque distinctionem præmissam vo-  
luerit.

Ejus ego causam reor aut exacerbatū in Venetos animum;  
aut præposterum Imperatori placendi studium: Quid  
eum in Venetos exstimularit equidem nescio, ac neque scio  
quid eum Imperatori tantopere conciliaverit. Quicquid  
est, judicavit. quantum assequor, sibi à distinctione in spe-  
ciem verissimā, nec minus facili, quæque nullo negotio à  
quolibet demum lectore & capi valeret & concedi, peten-  
dum esse præsidium. Hujus beneficio fidem facere sese  
posse speravit, neque olim istiusmodi libertatem qualem in  
regno suo reges habent, Venetis competiisse, neque &  
hoc tempore talem competere; qualem penes se existere  
Helvetij gloriantur: quin ex adverso, fuisse eos jam tūc à  
primis incunabulis alienæ potestati subditos, & ex quo sese  
in libertatem adseruerunt, resedisse eandem ex asse apud il-  
los, qui Reip: clavum moderantur, neque ullam prorsus  
adeoque ne vel minimam libertatis portiunculam ad po-  
pulum, nedum & ad plebem postmodum manasse. Sed de  
his plus satis.

Vnum addam non abs re fore, quandoquidem multoties  
de originariā Vencorum libertate deque præterito, nec  
non & de præsentī Reipub. statu erit dicendum descriptio-  
nem



nem libertatis, prout eam à I. C<sup>o</sup>. Florentino mox dicebamus traditam, fusius paulisper examinemus, quo si ex amussim omnia singulaque in illâ, quam assertum imus Reipub. Venetæ libertate, concurrere deprehendantur, quæ in prædictam I. C. definitionem influunt, quæque ex illa non inconcinne possunt elici; omnibus quibus hæc nostra in manus de ventura sunt, fides fiat, nolle me quippiam eorum, quæ ad cognoscendam penitissimè libertatis naturam factura videantur, occultare; quoque & manifestum evadat, prius me nihil potiusve habere, quam ut sermone per regiam veritatis orbitam constanter deducto, vel ipsi adversario, ingratis licet, ac contranitenti, nedum æquo, benigno, candidoque Lectori, assensum extorqueam.

## CAPUT. II.

*Libertas diligentius & accuratius excussa. Libertas naturalis quæ, & quare. Libertas facultas. Fundamentum libertatis. Iuris & Legum præscripta, dictæ Libertatis objectum, eidem. libertati nihil detrahunt. Venetorum Respub. liberrima. Nec superiorem, nec parem agnoscit.*

**A** It ergo I C<sup>us</sup> *Libertas est naturalis facultas ejus quod facere cuique lubet, nisi si quid vi aut jure prohibeatur.*

*Naturalem quod vocet magna ratio est* Prima, quod sola sit Natura liberum hominem quæ faciat, idque per se, ac nullius externi egena ministerii. Hinc est quod totalibertas sit à natura, & homini insit à natura, ita adhareat ut avel-  
li non possit: Quod de sese gloriatur apud Herodianum  
Commodus Imp. ὁμῶς δὲ μὲ ἐδίδεν ἡλίου & ἀνθρώπων καὶ βασιλείας,  
idem

idem & de libero homine recte dicas. Idem qui homines sol aspicit, eodem momento intuetur & liberos. Taleis nos matris alvus in lucem edit. Punctum temporis cogitatione præsumere non datur, quo quis non sit liber, nec momentum quod ullum assignaverit, quo dici possit, homini qua homini, perinde ac si ante illud tempus plenariam libertatem non habuisset, libertas primitus acquisita fuisse.

Alterâ ratio quod instar naturæ quæ communis omnium est parens, ad omnes sese & singulos libertas diffundat, nulli, privatim emancipata, ita ut quod ex fragmentis Tullianis de Iustitia recenset Nonius & de libertate usurpare liceat, *Eam nimirum ad quoslibet ex a quo spectantem explicare sese atque porrigere, foras spectare, projectam esse totam, publicam omnium cunctisque pariter communem.* Quod & confirmant verba in hac ipsa definitione sequentia, *Quod facere cuique lubet, ipsæque insuper leges libertatem non tam privatam quam publicam rem esse deprædicant;* ut est textus in *L. Si quis rogatus. ff. de fideicom. libert.* in eundem & sensum in orat. de lege Agraria contra Rullum Cicero, *Quid (inquit) tam populare quam libertas? quam non solum ad hominibus verum etiam à bestiis expeti atque omnibus rebus anteponi videtur.* Non inconcinnè & hæc adsignari posset ratio libertatem vel hoc intuitu à natura I. CIVS arcescere, quod olim non modo æquali in pretio libertas habita fuerit quo vita hominis animæque, quo spectant illa Crispi *Libertatem nemo bonus nisi cum anima simul amittit*, verum etiam majore. Erepta siquidem libertate hominem ab homine surreptum optimi mortalium majores nostri censuerunt. Sic novum hominem esse videri I. CIVS Paulus servum ait, qui postquam manumissus fuerat, in servitutem relabatur. *l. 27. ff. de adim. legat. & in l. 98. ff. de solut. & liberat.* hominem alienum qui ex libero, aut quod in idem recidit manumisso servus sit effectus alium videri pronunciat. Quin & comparatione

tione facta servitutem morte graviolem statuit Imp. l. 1. C. de latin. lib. tollend. maximeque disertim Imp. Constantinus in l. ult. Cod. de patria posses. in terminis ait, *Libertati* (verba sunt textus) à *majoribus tantum impensum est, ut patribus quibus jus vitæ in liberos necisque potestas olim erat permissa, libertatem eripere non liceret*, Optima sane ratione, vitam parentibus nostris pro parte acceptam fecimus, libertatem non item. hanc non parentibus, aut uni naturæ debemus. Recte vel hoc ipso nomine libertas naturalis dicatur, quod in ea tuenda conservandaque plus sibi licere natura voluerit, quam vel in ipsam mortalium vitam juris sibi reservavit. Neque hæc quidem obiter notasse sufficiat.

*Facultas* verbo liberam ac plenam potestatem rerumque pro arbitrio gerendarum quandam velut facilitatem nullis aliunde impedimentis interturbatam I. C<sup>us</sup> designat, unde & linguæ Latinæ auctores facultatem à facilitate metiuntur. Eadem Græcis *ἑκτέλεια* & *ἑκτέλεια* dicitur. Ad hanc respexisse facilitatem non inepte dicantur illa Lucreti lib. 1.

*Quodcumque obtulerat præda fortuna, ferebat  
Sponte sua, sibi quisque valere & vivere doctus.*

Illud notari meretur, data opera I. C<sup>us</sup> Libertatem verbo facultatis definire, nempe quo demonstret illam à jure neutiquam pendere, verum cum in merâ liberrimaque cujuscumque voluntate consistat, per semetipsam subsistere, quod quidem nullatenus ei possit aptari, si aut hac in re juris alicujus essent partes, si qua communio. Eo enim devenimus necesse est, ut cum jus nobis esse dicamus hoc aut illud agendi, ex adverso negare non possimus contrarium ejus, aut quod ab illo diversum sit adversumve, facere nobis non licere: quando & illud ipsum, quod beneficio juris nobis

quaesiti nos facere profitemur aperte satis evincit, non esse nobis vel illud ipsum faciendi licentiam potestatemve, nisi ea speciali ad id jure nobis esset concessa, quale quid in illa quæ meræ facultatis sunt, utpote quæ sponte operantur ex semetipsis determinantur, & in sola faciendi voluntate causam habent, non cadit.

Subjungit porro l. C<sup>um</sup>, *Ejus quod cuique facere lubet*. Ut absolutissimo hoc enunciato liquido constat, quemadmodum omnes omnino subjectionis species, quæ Juris ac potestatis aliquid in personam conferunt, appellatione servitutis intelligendæ veniunt, similiter sub libertatis appellatione non illud modo comprehendendi, quod servili conditioni sit oppositum sed & qualemcumque demum conditionem alieno iuri subiectam. Sic τὸ ἐλευθέρῳ ἐξουσίαν αὐτοπραγίας Zeno definit. & post eum Aristot. lib. pol. 5. cap. 9. Opus libertatis esse dicit ut velis vivere. Ita ut revera liberum sit illud quod sua natura ac conditione nulli subijcitur, à nullo cogitur, sibi pro re natâ dominatur, sibi pro arbitrio paret, quæ vult facit, quæ non vult omittit, cumque nullius, extra se, imperio præscripto, metu, aut coactione sit impeditum, & ut verbo absolvam sui sit, non alieni juris, ea quæ sese offerunt eligit repudiatve, pro libitu prorsus, ac pro liberrimo proque independente, quem habet Iudicii ac voluntatis ulu. Hoc respectu Tullius in Orat. pro Balbo *Fundamentum libertatis dicit sui quemque juris & retinendi & dimittendi esse Dominium*. Istiusmodi cuivis mortalium facultatem natura largitur, cuius beneficio personam uniuscuiusque quod attinet, nemo alienis parere cogitur imperiis, nisi ipse velit. l. 1. l. 3. ff. de lib. hom. exhibendo. Horsum spectant illa Persii,

*Non quisquam est alius liber, nisi ducere vitam  
Cui licet ut voluit.*

& pau-

& paulo post.

*Vindicta postquam mens à prætore recessi,*

*Cur mihi non liceat jussit quodcumque voluntas?*

Similiter & de rebus hominis liberi si loquamur est hoc ejusdem naturæ beneficio, ac pro dictæ libertatis Iure, liber homo rerum suarum administrationem quod habet, nec non & earundem dispositionem, procurationem & curam, idque tam in acquirendo (de qua dubium non est) quam in alienando: unde & Aristoteles tum demum proprietatem penes nos esse finitive statuit, quando pariter quoque penes nos est alienandi jus, lib. 1. Rhet. c. 5. suntque hæc homini libero, ut ante dictum est, libera, salvo ipsi quaqua versum jure utendi fruendique, omnibus omnino rebus quæ jure alicujus Domini haberi possideri aut competere possunt: quam demum veram perfectam ac legitimam libertatem I. C<sup>ti</sup> indignant. l. 1. C. commun. serv. manum. & l. Unica. C. de latin. libert. tollenda.

Definitionem claudit adjecta limitatio. *Nisi si quid vi aut jure prohibeatur.* Recte; neque enim vim extrinsecus illatam libertatem imminuere constat, sed actus duntaxat usum exercitumque libertatis coarctare, & impedire, Quinimo etiam si Quintiliano genus servitutis dicatur coacta libertas, nec non & iniquitas, quidquid facias de homine invito, manet tamen illa ipsa naturalis faciendi quod cuique lubet facultas, ex qua sola, privativè dimetienda est & æstimanda Libertas. Illam nulla vis aufert, nulla elidit violentia, sufficitque ad retinendam naturalem illam facultatem juxta ac libertatem hominem, nisi vi majore præpediretur ac suo si relinqueretur arbitrio, facturum esse quod ipsi luberet.

Iuris ac legum præscripta quod libertatem non imminuant.



nuant operose non est ut deducamus. Nota sunt illa apud Crispum Lepidi. *Quid à Pyrrho Annibale, Philippoque & Antiocho, defensum aliud est, aliud quam libertas, ne cui nisi legibus parereemus, Quidquid à ratione recedit devium, non libertas est sed dissolutio. Vtramque in jure legibusque paginam ratio facit, unde & recte in Cluentiana Tullius. Legum nos omnes esse servos dicit quo liberi simus: & ante eum Philosophus loco, quem proxime jam laudavimus, vitam quæ ex reipub. præscripto degitur non servituti deputandam, sed salutem.*

Nihil ergo libertati jura demunt aut leges, imo si verum amamus ex quo cum regio vate impressum nobis lumen vultus dominici gloriamur, ex quo ipse Deus sub legibus nasci nos voluit, & ex legum præscripto vitam componere, ipsa libertas est, quæ facit ut quæ non nisi contra legum præcepta moreque bonos admitti possunt, ea nec liber homo libera sibi esse velit, habeatque pro impossibilibus quæ non nisi cum dedecore possit, quæve salva fama & existimatione non possit. Plane aurea in hanc rem verba sunt Papiniani, *Quæ facta laudant pietatem, existimationem, verecundiam nostram, & ut generaliter dixerim contra bonos mores sunt, ea nec facere nec posse credendum est.*

Et sic quidem explicata Libertatis definitione, quid utroque illo significato, quo à me Libertatem accipi commo-  
nui, verbum Libertatis designet visum hætenus. Ad rem veniamus, &, quod in genere à me dictum est applicemus, rejectis eorum euroribus, qui Rempub. Venetam aut de jure unquam servisse, aut de facto in servitute fuisse existimant, libere statuo, Venetorum Remp. esse quam liberrimam, ac neque parem neque superiorem agnoscere quempiam, itidem & fuisse semper & esse etiamnum liberam, nec ullius imperio subjectam. Statuo similiter, civibus Venetis competiisse semper & competere etiam  
hoc

hoc tempore conjunctim separatimque omnia illa quæ in essentiam Libertatis ullatenus influere ex præcedenti definitione commonstravi. Et ut in hac re præstantissimi Sanfovini (quem unice carpere ac convellere studet Anonymus) verbis utar intrepidè affirmo, neminem Venetorum in urbe ab illâ conditâ, natum, qui non liberum ibi spiritum hauserit, nec denatum quempiam, qui non eundem illum, liberrimè quem hauserat itidem & liberum creatori Deo spiritum reddiderit. Quo tamen inoffenso pede ac citra confusionem progredi porro detur, præmittenda sunt paucula de Libertate rebus competente, nec non & de modo Libertatis probandæ, quibus explicatis, eorum quæ à me deinceps adducentur facilius erit tractatio.

## CAPUT. III.

*Libertas rerum. Naturale hominis in res creatas Dominium. Homini à casu, rebus ab accidenti servitus imposita. Servitute non probata, libertas probatur.*

**Q**UOD dictum fuit demonstratumque huc usque, libertatem insitam esse hominibus per se, ab exordio rationalis naturæ, & sic à jure naturæ, idem & de rebus dicendum esse dubium non est. Constat siquidem terras, prædia & quaslibet demum res de jure naturali primævo, atque à prima origine, liberas fuisse; nulla præsertim adhuc occupatione factâ, nulla etiamnum rerum institutâ divisione; nullis per pacta & conventiones introductis servitutibus; & quo tempore nec ulli servire poterat quod nullius esset in bonis. Accedit, quod & extra omnem dubitandi aleam positum sit, naturam creatricem rerum non ea intentione aut



aut mente res cunctas creasse ut illæ inter sese & ad invicem essent ordinatæ tanquam ad finem suum, ac sic ut altera ad alterius perfectionem iret; verum id egisse ut omnium finis esset ipse homo, utpote in cuius gratiam cuiusque causa creata sint omnia, quique ob id omnibus tanquam quæ sui causa condita sint liberè utatur fruatur: unde & consequens, est non modo naturale esse hominis in res creatas dominium, sed & illas homini ut naturaliter ita & liberè convenire. Natura (certum ut adseram) in necessariis non deficit. Hæc cum necessario liberum voluerit hominem, liberum quoque procul dubio voluit esse id omne, absque quo libertatem suam homo exserere, exercere, atque in actum producere non posset. Ast vero neque homo libere de rebus suis disponat, nisi eæ ipsæ sint liberæ ac in ipsius manu ac potestate constitutæ. Hinc est quod nec alio quam Libertatis intuitu rei suæ quisque moderator dicatur & arbiter, quæ si cui obligationis vinculo attinetur impetrata, eatenus è vestigio definit esse res sua. Quantum obligationi accedit nequive, tantum & libero illi arbitrio ac moderamini decedat, est necesse. Non est absolutè nostrum quod nobis cum alio est commune, aut in quod alteri quid est juris. Itaque cum necessario liberæ res esse debent, neque, hominem liberum si volumus, aliæ possint esse quam liberæ, earundem Libertas vel hoc nomine satis superque videtur probata. Ut ut est, intentionem naturæ si spectemus, est hominum, rerumque eadem & ab eodem fonte Libertas; utque homini à casu fortunave, ita & ab accidenti rebus est imposta servitus. Quælibet res naturaliter ac per sese libera, ex accidenti servit; accidentaliter autem quod fit, præter agentis intentionem fieri, notius est quam ut dici debeat. Tenendum igitur, res per sese consideratas, esse naturali intentione suaque natura liberas, earumque ubi de liberta-

bertate sermo est, quin dandum sit iudicium secundum illud quod est per se, & non secundum illud quod est per accidens nemo est qui ambigat: Hinc est quod servitute specificè non probatâ pro libertate sententiam ferimus, manente quaqua versum ac permanente originariæ libertatis notâ rebus impressâ; Exemplum quis desiderat? illustre sacra historia suppeditat in Iosepho, Ægyptiorum terras & latifundia tempore famis coeunte, eamque una cum omnibus populis à novissimis terminis Ægypti usque ad extremos fines ejus Pharaoni subiciente. *Ex quo factum* (verba sunt textus) *ut ex eo tempore usque in presentem diem, in universâ terrâ Ægypti regibus quinta pars solvatur, & factum hoc sit quasi in legem absque terra sacerdotali, quæ libera ab hac conditione fuerat.* Quid vero certius, quam si ab illo tempore quo comparata fuerant Pharaoni latifundia, pars quinta persolvi cœpta est, ea ante illud tempus fuisse libera, quam & reliquas quatuor partes quas in sementem & cibum familiis liberisque Ægyptiorum Iosephus reliquerat mansisse similiter liberas. Itidem in Iure nostro quotienscumque de servitutibus agitur originariam illam libertatem rerum religiosè attendi observarique constat, quemadmodum videre est in l. cum eo ff. de servit. urban. præd. Quantumvis malitiosus haberi possit ille qui ædes vicini obscurat tollendo suas & malitiis hominum juxta vulgata non sit indulgendum, tamen nullam cum eo actionem competere I. C<sup>ius</sup> pronuntiat, modo ille vicini ædibus non serviat, idemque sub d. tit. l. inter servitutes tum de muni quæ factæ sunt ad luminis impedimentum prohiberi posse statuit, si servitus debeatur, unde & vice versa ducto à contrario sensu argumento, si servitus non debeatur, prohibitioni locum non esse valide inferitur: sic etiam si domus servitutem non debeat dominum ejus altius ædificia tollere non prohiberi. Item si tibi servitute in ædi-

bus vicini debitâ paries altius ædificatus est , novum opus suis sumptibus cum qui id fecit, tollere compellendum , at contra si te servitutem non habuisse probetur tollendi altius ædificium non esse interdictum Impp. Diocletianus & Maximianus rescripsere , l. altius , & l. si in ædibus. C. de servit & aqua. Horsum quoque spectant illa quæ de præsumenda semper , nisi contrarium evincatur , libertate apud DD. passim sunt obvia. Spectat & illud quod cum iuramentum fidelitatis, & illa quæ ex nexu iuramenti debetur præstaturque fides , quædam ( licet minus propria ) sit servitus , id propter & nemo pro homine alterius habeatur aut vasallo nisi id liquido probetur , & hominis ad instar res , non pro feudali , sed allodiali & liberâ , quantisper de contrario non constat, reputetur. Idem de Emphiteusi, censu, talliis ( ut vocant ) similibusque quæ conventionibus, testamentis , consuetudine aut statutis localibus introducta , & sic à facto sunt humano, dictum esto : Ea non modo præsumptionem pro se non habent & ab allegante probanda sunt, sed cum à Iure gentium secundario sint introducta , vel hoc ipso manifeste testantur fuisse Iure primævo unam eandemque tam hominum quam rerum libertatem.

---

#### C A P V T. IV.

*Modus probande libertatis. Homines aut liberi, aut servi. Servitus contra naturam. Quæ ex natura emanent, quæ contra eam faciant. Natura quæ, & qualis. A negante naturalem qualitatem probatio habenda.*

**S**uperioribus cum ad modum in antecessum præmissis, consequens est ut de modo libertatis probandæ despi-

spiciamus, & à quo libertas sit probanda, aut quæ libertati adversetur servitus.

Summa Imperatori nostro de Iure personarum divisio hæc est, quod *omnes homines aut liberi sunt, aut servi*, tertium non datur. *Servitus autem est constitutio juris gentium qua quis domino alieno contra naturam subjicitur*, Quæ definitio, notandum est, quod generalem in sese veritatem complectatur; est siquidem semper atque omni modo contra naturam, ut quis alieno subjiciatur dominio, præsertim, si, quod & facere debemus, diffiteri nolumus, hominem ad hominem, tanquam ad finem ordinatum non fuisse à naturâ; quando & constat eam unice voluisse atque egisse, ut omnes omnino homines nascerentur, viverent, & morirentur æquales, facile hæc citra ullam aliam demonstrationem assensum impetrant. Contrariorum uno posito positum est & alterum, Nec ulli fuerit bono probationes operose conquirere. Novimus omnes rei demonstratæ frustra demonstrationes adijci. Satis est libertatem esse à natura; quod cum per ea quæ præcedentibus pertractavi capitibus cumulate sit ostensum, id ipsum deinceps vel allegasse suffecerit. Firmant quæ dico, quod nec aliam in iis quæ à natura profecta sunt probandis I. C<sup>u</sup>. viam insistant. Vestigia videas *in l. itaque ff. ad l. Aquil.* ubi dicitur quod adversus periculum naturalis ratio permittit se defendere *in l. ubi. §. fundi. vers. illud dubitationem recipit. ff. de verb. oblig. in verbis, ipsa natura manifestissimum est. in l. liberorum. §. ult. de v. s. in verbis. natura nos docet. l. qua ratione. §. ha quoque de acquir. rer. domin. in verbis. nihil tam conventens naturali æquitati. Sic in l. 2. ff. de Precario. §. item quod. Interdictum de precario, naturalem æquitatem habere dicitur. faciunt *in l. 1. ff. de furt. itemque l. probrum de v. s.* Eisdem & in iis quæ diversa sunt allegatione contraria videmus defungi, pronuntiando rationem naturalem hoc vel illud non admittere, aut simpliciter di-*

cendo contra naturam est. Ut habet textus in *l. possidetis. §. ex contrario. ff. de acquir. vel amitt. poss.* Ratio est, Cum quod ea quæ à natura sunt probare si tentes, obscures magis quam illustres. Tum quod & illa ipsa, utpote à divina providentia constituta, certa sint, inconcussa, & ut I. C<sup>rus</sup>. ait in *l. foramen. ff. de servit. urb. præd.* causam habeant perpetuam, ne ipsi quidem Omipotenti Deo mutanda. Quinimo eadem aut ejusdem saltem cum sapientia reputantur efficacix. Notum illud Juvenalis Sat. 4. *Nunquam aliud natura aliud Sapientia dicitur.* Pulchrius etiamnum, quod rerum naturam pro divina sapientia Jurisconsulti usurpent. *l. etsi. §. paterfam. ff. de iudic.* Cum Oratorum Jurisconsultissimo ut loquar, ex ista scaturigine quæ promanant Scripturam non desiderant, nascuntur nobiscum, ea non discimus, accipimus, legimus, ast è natura ipsa arripimus, haurimus, exprimimus, ad eadem illa non docti sed facti, non instituti sed imbuti: Ridiculum foret hac in re Soli (quod in proverbio est) lucem foenerari velle, & impendiis laborare supervacuis.


Contra libertatem ergo insurgere qui volet justæ probationi sese paret opus est, habitumque, ac ut nostri loquuntur qualitatem è penitissimo naturæ sinu assurgentem, à subiecto atque individuo suo remoturus, contraria quæ sunt prius astruat oportet. Ut ut factum neguantis nulla sit probatio, cessat id tamen in naturalibus. Præsumuntur omnia esse talia, qualia esse debebant à natura. Evidenter ac permanenter quid esse notorium, aut esse à natura, (probandi modum necessitatemve si spectemus) in idem recidunt. Exemplo fuerit quod cum sanam mentem in corpore sano natura intendat, nosque sanum regulariter quemlibet præsumamus, si quis talem insanix insimulet Imp<sup>pp</sup>. confestim ingerant *Adversationi tuæ mentis eum compotem fuisse negantis fidem adesse probari convenit. l. nec codicillos. C. de Codicillis.* Nulli id

id dubium, probandam à negante naturalis qualitatis negativam; ea quoniam neget, quæ naturali præsumptione omnibus omnino hominibus adfunt, imo & insunt. Naturali præsumptioni hac in re consentanea quoque Iuris est præsumptio. Hanc si respicimus, rursus occurrat, ut indubium onus probandi in negantem ex asse recumbere, quotiens ei præsumptio Iuris adversatur. Arctas hoc casu ac perfectas probationes D. D. requirunt, ipsa adeoque & lex apertissimas opponi probationes desiderat. textus in *l. verisimile. ff. quod metus*. Quod præcipue tunc quoque habet locum quando illa negativa est Iuris; fortiusque si quam (ut in proposito nobis themate) in se complectatur facti mixturam, *l. ab eaparte. ff. de Probat.*

Ast quid multis? totus est in hoc Anonymus ut ostendat Serenissimam Venetorum Rempublicam non fuisse liberam, sed verius subditam. Habet ergo ipsius. negativa propositio, affirmativam inclusam; & cum ipse in se probandi onus transumerit, non est vel omnibus illis quæ à me allegata sunt cessantibus, ut conquirendis sollicitè firmandisque probationibus me fatigem. Nulla hic juris intercedit captio, nec & ipse causam dixerit, quo minus si in probando defecerit causa cadat. *l. circa. §. si quis autem, ff. de probat.*

## CAPVT V.

*Libertas Reipub. Veneta propius excussa, & ab ipsis ejus primordiis asserta. Errores Anonymi passim taxantur, & refelluntur. Origines urbis Veneta. Originaria ejus libertas. Ejusdem fundamenta, & equalitas.*





*litas. De Insulis Italiae disquisitum. Insulanorum  
jus. Veneti nec se nec sua in alterius Principis cliente-  
lam dedere.*

**L**ibertatem igitur Reipublicæ Venetæ aggressurus Anonymus, jam inde ab ipsis exstructæ conditæque urbis incunabulis orditur, originemque ipsius neutro illo, quem præmisit modo, dici posse liberam statuit. Neutrius modi factâ mentione necessitatem mihi injectam video, repetendi ex antecedentibus, quâcumque ille alterutro libertatem habendi modo Venetos dici posse liberos inficiatur, ipsum hoc dictum velle, neque libertatem penes Venetos extitisse, aut existere istiusmodi, qualem sibi in regno suo Gallia Rex arroget, in solo nimirum Rege conspicuam, nec ultra sese exporrigentem; nec talem quoque, qua gaudeant Helvetiorum populi, apud quos in Imperio qui fuere, momentaneo intervallo vix dum intercurrente alios supra sese constitutos vident. Ast quos illos? nempe quibus ipsi antecum Imperio præfuerant. Illius iterum non alia aut ratio aut causa, quam quod ex quo ad omnes singulosque ex æquo sese extendit imperandi invicem potestas, nec non & parandi præscripta necessitas, tota in hoc capite libertas eorum consistat, nec aliunde æstimetur. Sed enim vero in prologomenis nostris ad illa responsum plus satis, demonstratumque in proposito nobis themate tertium dari, simulque aliunde arcescendam Libertatis distinctionem. Quo ne actum agam, Lectorem meum ad hujus tractatus caput ordine primum remisisse suffecerit. Hoc interim dico negare & pernegare me subditos alienis imperijs fuisse Venetos, illius duntaxat exceptis cujus *Regis in ipsos imperium est*, Dei nimirum, cui soli obnoxij, summam in se suos habuere semper habent-



habentque etiamnum potestatem. Nego item probari posse quod haud competierit ipsis naturalis illa faciendi, quæ voluerint, facultas, multoque minus ipsos à quopiam in exercenda exercendave istiusmodi facultate, aut vi aut jure esse prohibitos.

Primum subjectionis argumentum Anonymus facit, quod authore Ulpiano. l. 9. ff. de Iudiciis. *Insule Italia pars sint Italia ac cujusque Provincia*; Constet autem Venetos concessisse atque consedisse in Insulis Italiæ. Hac ratione irrefragabiliter ille confieri putat quod Veneti potiores haud esse potuerint, aut alio jure censeri, quam cætera Italiæ loca, quæ tunc temporis ad unum omnia Cæsaribus paruisse ipsi pro certo est. Hinc ad præsumptiones dilabitur, ac nec aliter credi præsumive posse asserit, quam voluisse ipsos, quo tempore alieno in districtu inque territorio superiorem agnoscente lare fixo, fortunarum suarum sedem collocabant, nulla præsertim ipsis adfulgente Libertatis spe, illius sese Imperiis submittere, quem totus ille tractus venerabatur agnoscebatque dominum. Addito, si diversa moliri aut aliquâ ratione in Libertatem novo atque inaudito ad ea tempora exemplo asserere in animo habuissent, neminem fore cui id facile ad fidem fiat, Imperatores Romanos qui in vicino juxta & in expedito haberent exercitum, Aquilegiæ nimirum, & quorum insuper aula esset in proximo, Ravennæ scilicet, æquis animis laturos fuisse cœptum tam vecors, nec nisi cum maximâ gravissimâquæ imminutione Majestatis Cæsareæ inchoandum.

Argumento deinde utitur & altero, cujus hæc mens, subditos Patavinis fuisse Venetos, Patavinos Cæsaribus: ac proinde tantum abesse ut liberos se dicere possint Veneti, uti ne quidem inter subditos primo gradu censeri possint, sed pro Vicarijs, id est ipsorum subditorum subditis sint habendi.

Dicam

Dicam compendio. Quantum in se est, id agit, ut in Venetos quadrare posse videatur illud Ambrosij Epist. 7. Minus vile putatur servire liberos, geminatur setvitus ubi servitur vernaculis.

Ad singula ut respondeam, præmittendum denuo, consentire omnes omnino in origine urbis Venetæ annalium scriptores, eos nempe à quibus urbs primum condi cœpta, metu hostili percitos, ac relicta terra continenti profugos, in Lacunas Hadriatici maris sese contulisse, quo tempore Barbaris loca vicina ferro flammaque miserè depopulantibus, excidium toti Italiæ, vastitasque imminere videbatur, easque infedisse, sibi que occupasse, vacuas illas, neque tam derelictui habitas (quamvis & hoc verum ut mox dicetur) quam quod incultæ essent, & à nemine habitarentur, neglectas, utque à nullo tum temporis possessas, ita nec à Barbaris oppressas postmodum, sed natura loci, maris, paludum vadorumque beneficio ab omni hostium incurſu insultuque tutas. Quæ cuncta maturè si quis attendere voler, longe alia veri facies vel ad primum sese obtutum est oblatura, firmumque ac non concussum pro originariâ Venetorum libertate ex prædictis assurgat fundamentum. Fortuita, recte ut loquamur, omnino fuit ista profugorum in insulas demigratio, ac nimirum dum modo unus duntaxat alterve, modo plures numero, profugis sese aggregant, domus, vicus, pagus, civitas, quid mirum! constituta. Cæterum neque hic privatim sibi suisve, cuive cum imperio præesset civitatem extruere profugorum destinarat quispiam, quin imo tale quippiam si destinasset, successu cariturum videre poterat, qui sibi nihil in advenas juris esse non ignoraret, ijdem hi profugi, si non ut segreges seperatim, verum tumultum globatumque allecto cui parerent duce convenissent, qualiter fuisse conditum à profugis Anthenore duce Patavium

tavium Historiæ nos docent. Si quoque sibi quæ occupando infederant vindicare voluissent, jam nulli dubium erit, illos, hoc suo facto concitatu-ros in se armatu-rosque fuisse territorii illius Dominum. Nihil vero tale profugis iis de quibus agendum est nobis, obvenit, aut ut obveniret timendum fuit, Primo quidem (ut simillimum vero) spretâ coeuntium paucitate, mox successu temporum rebus Italiæ turbatis, inciso Imperii poplite, accedente imperantium vecordia, sibi suæq; libertati vixere diu multumq;, quoadusq; succrescente indies multitudine, non minus inferendo bello quam vi, repulsande essent idonei, ac si lacefferentur superesse sibi vim ac voluntatem resistendi declarare possent. Hæc pri-va Venetis Libertatis fuere fundamenta; hæc stupendæ illius quæ apud ipsos exinde vixit æqualitatis incunabula. Ei ipsi vero adversarius cum quidquid est in libertate quod per se subsistat, nec aliunde pendeat, & quidem totum exasse deferat, ac nos quoque ut ut non tanta, longe, saltem maxima jure merito deferamus, facile notatu putamus prima ab origine peti illam arcessique debere. Ut jam vidimus non poterant non esse æquales inter se qui in ea se loca recipiebant. Cæterum quo minus æqualitatem exuerent, aut imperium quis sibi vindicare anniteretur, validissimum erat ipsis vinculum publica calamitas, singulis ac universis ex æquo tolerata, ex æquo toleranda. Imo vero unum agebant, primum, sibi quisque, ac mox communi conspiratione & ope, suum cuique salvum ut foret; id ipsum si cui obvenerat næ ille omni aliâ ambitione longere motâ sibi videbatur beatus, ac de felicitate in certamen venturus vel cum Iove. Recte Curtius *in communi calamitate*, ait, *quemque suam habere fortunam*. Illam igitur æqualitatem tutandam sibi & ad posteros transmittendam prudenter judicavere, utpote cui non assueverant modo, verum

etiam quam secum natam, secum educatam diligebant fovebantque. Credibile est illud æqualitatis studium non leviter exinde ipsis placuisse, cum quod omnem Tyrannidem essent exosi, tum quod suaves comprimis illius sunt illecebræ ac demulcendæ ductandæque multitud. ni efficaces, præsertim si nondum ea in justum corpus concreverit, aut præ studio præsentium, præteritorum oblita, eorumque

*Quæ postventura trahentur,*

sit secura. Quoniam vero plura super hac re suo loco inferius erunt dicenda, illi impræsentiarum diutius immorari non est necesse.

Quod de Insula movetur, Ulpiano *partem Italia dici insulas Italiae*, id ego plane non nego, quamvis si naturaliter loquamur id ipsum ne verum quidem sit, cum pars continentis dici non possit id, quod devulsum est à continente separatumque, ac dicatur ipsi Ulpiano continens, quod Italiae est conjunctum. *l. nottonem §. continentes ff. de V. S.* Quæ vero conjunctio, ubi inter utramque continentis ripam, fretum pro interspimento est? nullasane, nisi exiguum intercurrentis freti spacium pro nullo habere velimus, qualiter *d. §.* inter continentes & eas accipi videmus quæ modico freto ab Italia dividuntur. Illud vero nego ex allegata *L.* nedum recte, sed vel ullatenus inferri, quod Lectori persuasum Anonymus velit, scilicet Insulas Italiae eo quod pars sint Italiae iisdem subjacere Dominis quibus subdita sit Italia, quid enim liberæ eadem ut esse dicamus prohibet servitute non probata crebrisque passim liberarum insularum exemplis? Colunt insulam Rhenum Batavi in eas sedeis, auctore Tacito, transgressi in quibus pars Romani imperij fierent. Ast qualis illa pars, subditane ac serva? Nihil minus, audiamus modo Tacitum, *Manet*, inquit ille, *bonos & antiquæ societatis insigne, nec tributis contemnuntur,*

nec publicanus atterit, exempti oneribus & collationibus & tantum in usum præliorum sepositi, velut tela atque arma belli reservantur. Insulam colunt & Mattiaci, aut eodem tradente, non alio quam Batavi obsequio. Verba sunt. *Est & in eodem obsequio Mattiacorum gens. Trotulii & magnitudo P. R. ultra Rhenum utraque veteres terminos Imperij reverentiam. Ita sede finibusque in sua ripa mente animoque nobiscum agunt, cetera similes Batavis, nisi quod ipso adhuc terræ suæ cælo & solo acutus animantur. de morib. Germ. De Chaucis quos ex illius quam subjungimus descriptione non liberos minus quam Pene-insulanos colligas, ita Plinius lib. 16. Sunt vero & in Septentrione visæ nobis gentes Chaucorum, qui majores minoresque appellantur: vasto ibi meatu, perpetuis bis dierum noctium singularum intervallis effusus in immensum agitur Oceanus, alternam operiens natura controversiam, dubiumque terra sit an pars maris, illic misera gens tumultus obtinet altos, aut tribunalia strusta manibus ad experimenta altissimi æstus, casis ita impositis; navigantibus similes, cum integant aquæ circumdatæ naufragijs, cum vero recesserunt fugientes cum maripiscis, circa iuguria venantur. &c. Ac paulo post. Et hæc gentes si vincantur hodie à Populo R. servire se dicunt. Audin Anonyme ut non dicat aut victas esse aut victas servivisse? Quinimo fatetur id ultro ac ut vinci indignas pauperiei suæ liberas relinquit contentus subjunxisse pro acroamate, Ita est profecto, multis fortuna parci in pœnam. Insulam Rhodij colunt, de quibus idem Tacitus Ann. 12. Redditur (inquit) Rhodij libertas adempta sæpe aut firmata, prout bellis externis meruerant aut domi seditione deliquerant, sic & Astaphylæam Insulam liberam dicit Plinius Naturalis Historiæ lib. 4. cap. 12. Idem Milesiam, Alabandam, Stratoniceam Ionij maris insulas lib. 5. c. 30. nec non Gnydon eod. lib. c. 29. & alibi Cephalleniam; Zacynthum, Ægynam, Samuntem, Chion, N'vylenem, aliasque insulas complures liberas pronuntiat lib. 4. c. 12. lib. 5. c. 31. &c. Imo vero & Insulas Italiæ liberas fuisse ex*

l. deprecatio. ff. ad L. Rhodiam de jactu. manifeste colligere est, in qua L. deprecatio refertur Eudemonis Nicomediensis in Italia naufragium passi, & à publicano insularum Cycladum direpti, ac ut supra diximus attriti. Inibi cum notatum sit quoad Batavos, hoc inter libertatis insignia referri, quod à publicanis non atterantur, eliciaturque ex adverso subjectionis argumentum in Insulis Cycladibus, eo quod in illis essent, degerentque publicani, nemo est qui non videat quod ex d. l. à contrario sensu libertas insularum Italiæ rectè inferatur. Si quid publicanis in naufragos erat juris, spectavisset proculdubio naufragium illud Eudemonis Nicomediensis cujus in allegata lege mentio fit ad insularum Italiæ, si quidem illæ, ( de quo tamen non constat ) habuissent aliquos omnino publicanos. Atque ut ad prædictas maris Hadriatici lacunas à Venetis infestas deveniam, nullà Historicorum, quos ego in hunc diem videre potui auctoritate probatur, eas ante id tempus à quopiam fuisse occupatas, aut ullius agnovisse imperium. Multa de tractu illo maris Hadriatici quem Venetum vocant, deque orâ ac regione Veneta quæ singulari numero Venetia appellatur, passim apud authores videas: ast de urbe Veneta ne verbum quidem: est tamen de illa nobis sermo, nec quid ultra ejus libertatem in quæstione est. Verbum Venetiarum si partem Italiæ Anonymus velit, si ex eo quod pars sit Italiæ & subditam intendat, id jam probet necesse est, stat contra ipsum annalium fides, evidentia facti, naturæ præsumptio. Accedit quod & toto juris corpore, nulla extet lex, nulla reperiatur constitutio, quæ insulas Italiæ directè indirectève Cæsarum Imperijs subjectas dicat. Utique non facit hoc prædicta L. insulæ, quæ cum sub suo titulo sit unica, in suo contextu absoluta, neque ad ullas omnino leges sive antecedentes illas sive subsequentes, quæ sub titulo de Iudicijs continentur  
respi-

respiciat, in alienum à IC<sup>ti</sup>. mente intellectum non est detorquenda, neque committendum ut hac in parte (quod esset in ipsam legem committere) verba legis amplexi, contra legis nitamur voluntatem. Convenientius erit ut cum semper hoc legibus inesse credi oporteat, ut ad eas res ac personas pertineant, quæ quandoque similes erunt, quod & nisi contrariæ sint multis IC<sup>tus</sup>. ait argumentis probari *l. non est novum. l. ideo. l. posteriores. ff. de legib.* Idem & hic à nobis observetur. Vero simile igitur est Ulpianum in *d. l. insule*. distinguere voluisse inter Insulas Italiæ & Provincias; ac proinde dicere, non esse gestum id in Provincia, quod gestum sit in Italia, cum propter connexionem insularum Italiæ cum ipsa Italia, de quo supra ex *l. notionem. §. continentes. de V. S.* tum quod Provinciæ dicantur illæ quæ procul ab Italia armis sint victæ. Alciat ad *d. l. notionem. in §. n. 2.* sic ut Insulam Provinciæ velit oppositam, quod in Iure frequens, textus est in *d. l. notionem. d. §. & in l. exportandus. de servis exportandis.* alijsque similibus: quemadmodum & ab eodem Ulpiano res Italicas & res Provinciales inter se videmus opponi. *l. cogi poteris. §. sed etsi miles. ad SC<sup>um</sup>.* Trebell. At roget me quispiam quorsum, cuive bono hæc oppositio? expediam, est ea locum habitura in Procuratore qui in eadem Provincia Dominum defendere tenetur, ergo & in illius Provinciæ Insula, cum pars ea sit Provinciæ, non vero extra aut ultra illam. Hinc & in *l. sed & §. non solum.* durum esse dicit Ulpianus cogi procuratorem in Provinciam de Roma abire, vel e contrario, vel è Provincia in aliam Provinciam & defendere. Habebit & locum in tutoribus, quibus secundum eundem Ulpianum cum in Italia domicilium habeant administrationem rerum Provincialium remitti usitatissimum est. *l. illud ff. de excusat. tut.* ex quo & invaluit ut in partes regioneq; tutela divisa sit. Movent me hæc ut credam IC<sup>um</sup>.



obligationi officioque procuratorum tutorumque *d. l. insula.* terminum præfinire voluisse, & quousque Procurator Dominum suum defendere, tutor, bona pupilli administrare teneatur, digito velut commonstrare, eoque hæc me impensius movent, quod deprehendam & allegatam à me *l. sed & h. ff. de Proc.* nec non & *l. vel in partes. ff. de adm. & per. tut.* quæ de dividenda in partes aut regiones tutela loquitur, utramque desumptam esse ex *lib. 9. Vlpiani ad edictum*, ex quo *lib. 9.* & hanc *l. insula.* desumptam esse testatur inscriptio.

Fallitur & hoc nomine Anonymus, quod ex ultronea illa in partem Italiæ concessione quam probare intendit, originariam subjectionem deducere conetur, quippe cum constet eis, qui tum temporis non iniquis modo, verum etiam indomitis necessitatibus circumsepti imminentibus sese periculis subducere annitebantur, nihil in Cæsaribus auxilii fuisse præsidiique; quin potius ipsis vitam, fortunas. salutem sanguinemque sua suum, qua conjugum, qua liberorum, quoquo modo fuisse redimenda; sitque nec minus certum subditos ab obedientiæ vinculo liberari, quotienscumque conclamato Principum suorum patrociniis furori hostium, ac irritanti semetipsam sævitici, tanquam piaculares victimæ nudi, inermes indefensique relinquuntur, quod iis obvenisse constat, iis qui quo sese adversus imminentem jugulis suis Barbarorum illuviem munirent regerentque in dictas Hadriatici maris lacunas principes concessere. Certe & inhumanum fuerit & abhorrens à naturali æquitate in eam devertere sententiam, quæ istiusmodi advenas, extorres, profugos ac tantum non perditos, erubescendæ insuper servituti damnatos velit, idque non alia de causa, quam quod in vacua venerint, quæ si possessa ante fuerant quod tamen Historicorum nemo posteritati mandavit) tum temporis omissa erant desertaque, si nulli pos-

fessa,

fessa, ipso Iure, quodque palmarium est, naturali, fiebant occupantium. Tritum est, actus ultra intentionem agentium, nihil operari. At vero nihil inter Imperatores alterutrius Imperii ac Venetos actum apparet quo sese illi suaque in fidem aut nedum in ditionem hujus aut illius dederint. Eadem autem esse, quippiam aut omnino non esse, aut non apparere, juris est minime dubii. Imo & si ponere velimus eos abdicandæ à se & in Imperatorem conferendæ libertatis intentionem habuisse, nihil egerimus; occurrat statim, in alienatione rerum incorporalium, qualia sunt Iura libertatis solam domini transferendi causam, ac voluntatem dominium ad transferendum non sufficere, ac ne quidem pacto intercedente. *l. traditionibus Cod. de Tactis.* & quotiescumque jurisdictionem quis in alium velit acquirere, non satis esse de tali jure acquirendo transferendove tractatum aut contractum fuisse, id est quod alius sese jurisdictioni isti subditum esse velle sit professus, ut est in expresse ad hoc textu. *l. cum scimus Cod. de agric. & censibus,* (neque enim quispiam sola voluntate statum suum mutare potest) verum oportere alia insuper ut accedant, è quibus subiectio talis efficaciter inferatur: qualia sunt à parte superioris exercita in invitos ac reluctantes Jurisdictio, coactio, quæque his sunt affinia: à parte subditi assensus, silentium eaque quam in incorporalibus pro traditione leges habeant, patientia. *l. si qui diuturno, ff. de servit. vend.* Venetos vero ad faciendum tale quid ab Imperatoribus fuisse coactos aut & coactioni acquievisse cum sufficiente consensus declaratione, probabit nemo. Iungamus quod nec sit verisimile illos qui vitam periclitantem defenderent, ac Barbarorum subjectionem effugerent in mediam subjectionem proluere voluisse, & quod unum à fati calamitate nati erant beneficium, nempe ut liberi libereque viverent, insignita prorsus ignavia ivisse perditum, nulla adactos

actos necessitate, nullo qui in constantem virum cadat metu  
compulsos. Rectius Poëta

*Evasi? credo metues, doctusque cavebis  
Quæres quando iterum paveas iterumque perire.  
Possis? O toties servus! nec bellua ruptis  
Quas semel effugit reddat se prava catenis.*

Atque in hunc sensum præclare apud Iosephum Agrippa,  
durum esse periculum servitutis facere & id ne subeatur honestam esse  
certationem pronunciat. Quin & hoc addamus, eos ut ut vo-  
luissent maxime, attamen nec potuisse: deerant nempe qui  
ipsis imperarent, quibusve ipsi se suaque substernerent. Ac-  
cedit quod nec ratio Iuris fictiove permittat, ut Iurisdictio-  
nem semel pro derelicto habitam nulla stipulatione media,  
nullo ad firmandam si qua intercefferit stipulationem,  
utrimque facto accedente, postliminio reversam dicamus  
ad eum, qui illam ex animo abjecerit, quantum in se fuit,  
ejus sese possessione vel in tantum exuerit, ut eam occu-  
pandi, atque apprehendendi liberrimam cuilibet volenti  
copiam fecerit. Quò ne feramur ulterius, fixum esto, vo-  
luntarios actus, inter quos illa profugorum in lacunas Maris  
Hadriatici adnumeranda est concessio, ultra quam illorum  
tulisse vincatur arbitrium, de Iure extendi non posse.  
Tralatitium est in Iure ut non qui d. ast quo animo factum sit  
attendatur. l. obligationum. §. 1. ff. de O. & A. & similibus,  
præsertim in odiosis, inter quæ non dubiè censenda foret  
Libertatis non sine vitæ fortunarumque dispendio per tot  
rerum discrimina quæsitæ, tam projectæ, ac nec homine digna  
renunciatio, eaque ultronea. Rem suam nemo jactare præ-  
sumitur, nedum illam, quam Iuris regula dicat esse inæsti-  
mabilem, & omnibus omnino rebus anteponendam.

## CAPUT. VI.

*Falsum Anonymi argumentum à situ Venetorum desumptum. Ius & vis situs. Dubia libertatis interpretatione, secundum illam est respondendum. De Iurisdictione in territorio, ejusque jure. Situs multis profuit ad libertatem. Qui sint ejusdem territorij.*

**F**acilis similiter est ad argumentum responsio, quod ex ratione situs & relatione partis ad totum Anonymus deducit. Eo siquidem probato, nihil inde Iuris Cæsaribus accessisse quod ultro in loca prædicta concesserint illi, ad quos urbis Venetæ principia referuntur; item hoc non difficulter evincetur, situm rei per se consideratum neque de Iure naturæ item nec de Iure gentium aut civico modum esse verum aut legitimum acquirendi rerum dominii, quemadmodum neque in titulo de divisione rerum & acquirendo earum dominio recensetur ab Imperatore inter acquirendi dominii modos. Accedit quod neque ea situs per se vis sit, ut aliquam cum Iure imperandi, cumque parendi necessitate dominationem, quæ proprie potestas dicitur, l. 37. ad l. Aquiliam, possit producere. Si cui regerere subit aliam esse Iurisdictionis, de qua hic quæstio sit, naturam, aliam dominii, principes imperio cuncta complecti, singulos dominio, quæcumque Iurisdictione sit in territorio Principis, eam aut ipsius esse principis aut à principe manasse, ac quandoquidem nihil esse possit in territorio, quod non alicui Iurisdictioni subjacere sit necesse, credibile non esse alterius esse aut fuisse Iurisdictionem quam ejus qui supremam in territorio habeat potestatem; concedam lubens id omne, ac fatebor ultro, dummodo hoc mihi detur quod sa-

ne neque ullum inficiaturum existimo; Ius omne quod è ratione situs elicitur in nuda præsumptione fundari: præsumptio igitur illa non est ut multum nos torqueat, habet nempe alteram sibi oppositam præsumptionem naturæ regulis innixam, qua omnem rem à primævo statu nec non à primævo Iure liberam esse probatur, per ea quæ superius dicta sunt & notabilem præterea textum, cap. jus naturale. dist. 1. Præsumptionem præsumptione tolli elidique docuit nos textus l. fin. ff. quod metus causa. Si quis tamen in proposito themate de facto negare velit prædictam istam præsumptionem contraria præsumptione sublatam esse eliminare, utique non effecerit quo minus illa, etsi revera, atque ab omnibus habeatur pro controversâ, quod ipsum sufficit, ut contra eum qui in istiuscemodi præsumptione, quæ tam manifestam præsumptionem sibi adversantem habet, intentionem suam fundare tentat, sententia feratur. Regula iuris est, quod quotiens dubia libertatis est interpretatio, secundum illam sit respondendum. Sic & in dialecticis collectionibus, illationes observamus in eam partem devertere, quæ minus gravet; inque Iudiciis merito obtinet iure, ut si alter Iudicium damnet, alter absolvat, inter disparas sententias vincat quæ est mitior, saltem cum negari nequeat naturalem illam præsumptionem alterâ fortiozem esse potiorque de Iure sequiorem labefactet, ut jam dici coeptum, eam ad minimum præsumptionis illius quæ cum originali sive naturali consentit æquum est statuamus esse efficaciam, ut onus probandi in adversarium transferat, qualem efficaciam alteri illi, quæ primævo juri pugnat, nemo temere largiatur. Quamquam & absque exemplo non est ut etiam in ipso alterius districtu territoriove loca quædam sint, quæ omnino ejus in quo commorentur territorii Dominium pro suo non agnoscant, suis ipsi legibus vivant, summum

mum in se ac sua jus imperandi habeant, diversumque hoc  
 pacto ac separatim ipsi per se constituent territorium, cu-  
 jusmodi loca scriptores vulgo dicunt esse quidem in terri-  
 torio, sed tamen non de territorio, item & non esse sub ter-  
 ritorio: porrigente sese nimirum jurisdictione ad ea quæ ab  
 ipso dependent territorio, non autem ad ea quæ continen-  
 tia sunt territorii. Quo respectu idem esse dicitur, esse quid  
 extra territorium, aut esse immune à Jurisdictione illius cu-  
 jus est territorium. Ita ut & de facto, quantumvis pagus  
 castrum vel bona alicujus immediate nobilis, atque ita lo-  
 cus exemptus, ratione situs sit in districtu alicujus Principis,  
 tamen quoad superioritatem & jurisdictionem recte dicitur  
 extra districtum esse. *Roll. à Valle conf. 33. n. 3. Wesemb. conf.*  
*37. nu. 10.* quod idem & illustribus Cameræ præjudiciis  
 confirmatum tradit *Ruding. obs. sing. cent. 3. obs. 10.* Quin si  
 penitus introspexisse voluerimus naturam situs, re ipsa com-  
 periemus multis urbibus locisque ad libertatem nihil æque  
 viam stravisse ac situm loci, dum eorum Incolæ tutos se ma-  
 gis confinium populorum sibi invicem accessionem eorum  
 invidentium æmulatione, quam proprijs viribus caute pon-  
 derant; Utque nihil dicam de Venetis inter Orientale atque  
 Occidentale Imperium libertatem suam foeliciter tuentibus,  
 exemplo fuerint Gebennensis civitas, Sedanensis & Rau-  
 curtianus ducatus, ipsumque hoc quod nos hodie liberum  
 incolimus, inferius Belgium. Quin ut & omnem in subje-  
 cta materia dissimilitudinis effugiamus notam, evincunt  
 quod dico in Gallijs Arausionensis principatus, in ducatu  
 Montispenseriano Dombensis item principatus, in Norman-  
 nia regnum Yvetotij, & nostris quoque temporibus exem-  
 ptione sua nobile, licet postmodum dominis illius auro con-  
 tra accepto Iure suo decedentibus veterem ad formam nu-  
 per sit reversum. Apud nos Drentino in tractu Runense ter-



ritorium Munsterianę familię p̄rantiqua ditio, paucis à Frisia miliaribus Amelandiæ insula, in Brabantia ducatu Borchovium, infinitaque insuper Germaniæ loca quę districtius inquirere aut etiam enumerare nec opus nec otium est: loca inquam non limitanea aut limitaneis contermina, sed quaquaversum Galliæ, Belgij Germaniæque urbibus circumscripta, vallata, inque in earum meditullio constituta. Quamquam alias & noti juris est quod ubi de territorio agitur, & quæritur qui sint ejusdem territorij, territorium illud non sit accipiendum strictè, de ijs solummodo quę in eodem circuitu continentur, sed crasse pro universitate ditionis, quę specialem habet titulum & unius justam administrationem respicit. *Mysf. obs. 89. nu. 8. Cent. 5.* Accedit his quod non loco situve sed per exercitam Iurisdictionem & gestos vi competentis sibi Iurisdictionis actus designandum sit territorium, per ea quę tradit in tractatu suo finium regundorum *Hieronimus de Monte c. 6. nu. 10.* illud ipsum vero cum à terrendo dictum sit, *l. pupillus. § territorium. de V. S.* inibique add *§. Alciato* definiatur terrę spacium Iurisdictione armatum, ac vel ipso nominis sono coercionem importet, frustra fuerit omnis à sola situs ratione derivata præsumptio, si legitimi illi actus abfuerint terrendi, jurisdictione causa à superiore facti, quę & doctrina Baldi est in *l. data opera, vers. super situ cadit. C. qui accus. non possunt.* Ubi docet territorium ejusque fines per jurisdictionis exercitium probari, & in terminis dicit. Si vertatur quæstio in cujus territorio situatus sit ager in Perusino an in Eugubino, & probetur quod Perusini illic furcas erexerint, malefactores cæperint & homines illorum mandatis obtemperarunt, per hoc probatum esse agrum illum esse in territorio Perusino, ad quod etiam faciat *l. 1. & l. fin. Cod. de Iurisd. omn. jud.*

## CAP V T. VII.

*Frustra Anonymum à præsumptionibus præsidium petere. Italia quomodo imperio Romano subdita. Origo ejus rei. Venetorum urbem P. R. neque vi neque jure suam fecit. Veneti in insulas quare concesserint. Pro derelictis illa antea habitæ. Labente imperio Rom. coeptæ Barbarorum irruptiones. Facies rerum in Italia tunc temporis. Aula Ravenna sub Honorio. Ejus ignavia, & Leges. Roma sub eo à Gothis misere vexata. Venetorum insula tunc temporis ab Imperatore derelicta, nec proinde ei subdita fuerunt.*

**E**X prædictis patet ridiculum esse quod Anonymus ait, non esse præsumendum potiore nascentis Venetorum urbis fuisse conditionem, quam totius Italiæ, quæ tota tum temporis Romano esset imperio subdita; neque enim in re tanti ponderis ad præsumptiones refugium patere debet, cum vel ex historiarum monumētis rei veritas haberi possit, aut ex ipsa quæ dubitationes omnes præcidit facti evidentia, aut ratione Juris: Ita ut mirer cur illi qui quid facti, non quid Juris sit examinare atque commonstrare sese velle profitetur, insuper habitâ omni facti probatione (subjectionem enim facti esse nemo sanæ mentis ambigat) in præsumptione fundamentum ponat. Ad eam ipsam ut & obiter respondeam dicam cum Dn. Præside, argumentum à toto ad partem cum non simpliciter procedat, sed secundum quid, probabile quidem esse, non tamen necessarium. Addam & hoc,

non alium illius argumenti usum esse; quam ubi aut omnino eadem aut saltem proportionata ratio in toto juxta & in parte utrimque concurrant. De ratione proportionata non est quod agamus, despiciendum modo, num ratio hic in parte eadem militet, quam ille in toto probatam credit. Si cum Anonymo dicere libeat (salvis tamen ineptijs, de quibus suo loco) totam Italiam Imperio Romano fuisse subditam, ac habuisse in ea Cæsarem intentionem suam Iurisdictionemque fundatam, non aliunde tamen illud ipsum petere licebit, quam à scaturigine Iurisdictionis Cæsareæ, populo nimirum Romano, qui lege Regia, quæ de ejus imperio lata est, ei & in eum omnem potestatem contulit. *S. sed. & quod principi. Inst. de jur. nat. gent. & civil.* nec & eam ulterius de Iure protendere licebit, quam ad illos quos decursu temporis idem ille populus vi aut jure suos faciendæ rei Romanæ adjecit. Alia (nisi eam à naturali instinctu, ipsaque natura petere velimus) quam è consensu populi rectorem sibi præficere cupientis, Imperij ac Iurisdictionis origo dari non potest. Prædicta si ad urbem Venetorum, quam neque vi neque Iure P. R. suam fecit, applicemus, vulgatum illud regerent quò ad te liberæ ades habeo. Demonstrandum ergo profugos illos, quibus Vrbs Veneta condi cœpta, Cæsarum sese subdidisse imperijs. Ast silent & hic annales, Anonymus nihil probat, neque quod videam, superest quippiam, quam ut dicamus, quam ille in toto reperiri rationem voluit, in parte non deprehendi. Ipse præterea situs loci, in quo præcipue se fundat Anonymus, satis ostendit speciatim hac in re diversam fuisse rationem partis, ab ea, quæ fuerat totius. Ast qualis ille Deus bone! situs, paludibus foedus, ille uliginosus, squalidus tetricusque, ad quem (si fas ita dicere) incolumi Iove & urbe Roma, nullus eum occupandi, apprehendendi, insidendive gratia fuisset concessurus. Historiarum

rum monumenta si consulimus ante inundationem istam Barbarorum in Italiam, ac non nisi sero admodum, & cum jam illi nulli incurfionum suarum finem aut modum viderentur facturi, finisque unius insultus alterius esset gradus, in eas sese contulere, ex circum adjacentibus Italiæ oppidis profugi. Offert hic sese mihi quod de Germania Tacitus, *Quis præter periculum horridi & ignoti maris, Asia aut Africâ aut Italiâ relicta Germaniam peteret asperam cælo, tristem cultu aspectuque nisi si patria sit?* Sed ne extra orbitam. Constat Romanos tanquam e specula vicinarum gentium libertati insidiari solitos, ubi in iustas vires roburque sese succrevisse experiendo didicerant, ad invadendum primitus Italiæ, ac mox successu temporis terrarum orbis imperium, animum adjecisse, paulatimque in vicinos sibi populos insurgendo, quâ vi armorum, quâ fœderibus sponfionibulque sibi subditos fieri coegisse, quod tamen Venetis (quo nomine jam vel totum illorum comprehendendo tractû) obtigisse, nulli narratur. Non abs refuerit hac in parte Sigonii quam meis verbis uti, ait ille, tract. de ant. jur. Ital. lib. 3. *Quo tempore à Romanis victi sint Veneti aut omnino bello petiti adhuc eruere ex tanta annalium vetustate non potui. societatem quidem illos cum Romanis tenuisse ante Annibalis in Italiam adventum tradit Polybius. Ex quo æstimari potest nulla eos occasione vel nullo potius rerum Italia motu post fidem semel datam violasse, sed amicitiam bonis P. R. rebus junctam in perpetuum castissimè coluisse, neque & ipsos ullo se Cænomitanorum aut Carnorum bello implicuisse, sed sponte se fidei Romanorum permisisse.* Hactenus ille. Ac quamvis non diffitear & allegato loco nonnullas à Sigonio conjecturas adferri, quibus probari sibi ait Venetos quandoque Romanis paruisse, nullam tamen allatâ ab ipso in medium conjecturæ mentionem faciunt, aut coactionis, aut à jure sibi quæsito renunciationis, cessionisve à Venetis factæ, suntque omnia inibi ab ipso commemorata, ex eorum genere, quæ libere fiunt

fiunt, per quæ nulli jus acquiri, juris est confessi. Absit vero quod in tota regione locum non habuit in parte ejusdem neque ex magnâ contra naturalis rationis dictamen, ac nulla id evincente auctoritate admittamus: Est hæc igitur & altera exceptio ab illa regula, quæ partem cum toto jure eodem censet. Accedat nunc & tertia, nempe, quod argumento eorum quæ tradit I. C<sup>us</sup> Modestinus in l. 3. ff. *pro derelicto*, in iis quæ pro derelicto habita sunt à toto ad partem & vice versa à parte ad totum argumentari non liceat. Quo quantoque molimine sibi Romani Italiæ pararint Imperium, æquè omnibus notum est: evidens ergo, quoad illud, aliaque quæ pro derelictis habita dicimus, diversitatis ratio; ut ut enim & iisdem modis res nostræ esse desinant, quibus ab initio acquisitæ fuerunt, ut est textus in l. 1. de tit. attamen in acquisitione Jurisdictionis actus positivos intervenire necesse est; in habendo pro derelictis, negativus suffecerit, in tantum ut pro derelicto habeatur illud, cujus sese possessione Dominus hac mente exuerit, ut id in bonis suis esse nolit, atque abjectâ ex animo possessione, veluti per traditionem incertam, aut factam incerto, res non occupantis modo fiat, sed & citra ullam omnino occupationem, domini derelinquentis è vestigio esse desinat. l. quod servus ff. de stipulat. servor. Admittente insuper & jure naturali occupationem & ex ea dominium, quotienscumque illa nullius conditionem publicam aut privatam lædit: Habitas autem fuisse pro derelictis eas, de quibus sermo est, maris Hadriatici Lacunas: nemo tam in historiis hospes est ut ignoret.

Iam diu erat quod in senectutem præceps ac devexum Imperium Romanum, ac media sui parte se ipso minus, in ruinam subsidere cœperat, accessere tanquam ad communibustum à septentrione Gothi, Alani, Gepidæ Hunnique qui-



qui torrentis more Italiam inundarent, Sigonii verbis utar denuo. *Cæperat jam tum à morte Theodosii sub Honorio titubare Romanum Imperium, labi sub Valentiniano, præcipitari sub successoribus, desit in Occidente sub Odoacro, qui occidentis dominationem quidem invasit, sed honesta Majestatis Augustalis verecundia, haud quaquam sese imperatorem sed regem tantum Italia nominavit, atque Occidentem imperare nomine regio, sed sine purpura cepit. Sig. de Occid. Imp. lib. 15.* Ergo qui tum temporis hærentes penitis Italiæ visceribus repelleret hosteis nemo erat, ferali insuper Imperatorum ignavia, infractis omnium ausis, nec ullo, post interfectum ab ignavissimo Valentiniano Ætium, alicujus nominis duce, in Barbaros movere auso; illis ex adverso instantibus, succelsusque strennuè urgentibus. Quenam circa ea tempora rerum in Italia facies fuerit, testantur illa D. Hieronymi ad Gaudentium epistolâ, *Proh nefas, ait vir sanctus, orbis terrarum ruit, in nobis peccata non ruunt, urbs inclita & Romani Imperii caput imo hausta est incendio, nulla est regio quæ non Romanos exules habet, incineres & favillas sacræ quondam Ecclesiæ conciderunt.* Item in principio tertii ad Hesechielem. *Quis crederet ut totius orbis extructa victoriæ Roma corrueret, ut ipsa suis populis & mater fieret & sepulchrum, ut tota Orientis, Ægypti, Africa littora dominatricis in his servorum & ancillarum numero complerentur, ut quotidie sancta Bethleem nobiles quondam utriusque sexus atque omnibus divitiis affluentes reciperet mendicanter, quibus quoniam opem ferre non possumus, condolemus, & lachrymas lachrymis jungimus.* Et quam maxime in illo Epithaphio Fabiolæ. *Ecce subito post Romam à Gothis captam discurrentibus nuntiis Oriens totus intremuit, ab ultima Meotide inter glaciale Tanaim & immanes Messagetarum populos, ubi Caucasii rupibus inhumanas gentes Alexandri claustra cohibent, erupere Hunnorum examina, quæ pernicibus equis huc illuc volitantia cædis ac terroris cuncta complerent, aberat tunc Romanus exercitus, & bellum civilibus in Italia tenebatur, insperati ubique aderant & famam celeritatis vin-*



*centes non religioni, non dignitatibus, non ætati parcebant, non vagientibus miserabantur infantia, cogeantur mori qui nondum vivere cœperant, & nescientes malum suum, inter hostium manus ac tela ridebant, consors inter omnes rumor petere eos Hierosolimam &c.*

His perlectis beati Hieronymi locis neminem fore persuasum habeo mihi, qui non plenissime credat neque consilium neque intentionem Imperatoribus Occidentis fuisse, ea, quæ nunquam ipsi sua sub dirione tenuerunt, sibi asserendi ac non potius, si quatenus ea ad ipsorum Imperium aut Iurisdictionem spectaverant deferendi, derelinquendique. Verum quo ne egomet mihi in præsumptione blandiri ac suppalpare videar aut in ea me fundare, videamus age quæ de amissione limitis Il'yricani tradit in commentario de repub. Romana Wolphangus Lasius Ait ille. lib. 1. cap. 6. *Ter hac tempora Attila rex Hunnorum vir fortis ac superbus dum cum fratre Bleda super Hunnos principaretur Thraciam & Illyrium seu a populatione vastabat, omnia castella ac civitates in servitutem redigens præter Adrianopolin & Heracleam quæ quondam Perynthus vocabatur. Tunc exercitus Romanorum, qui in Sicilia morabatur ad defensionem Orientalium Provinciarum, revertitur, cogitur itaque Theodosius legationem Attila mittere, & sex millia librarum ei pro recessu præbens mille librarum annum tributum persolvere pollicetur. Quæ d. loco Lasius authorem suum laudans profitetur se habere ex authore Græco qui supplementum Eutropii scripsit, subiungens, Quæ quidem à nobis eo sunt fusius deducta ut quando hunc Romani limitem (Illyricum sc.) amiserint, quod sub postremis contigisse Valentinianis constat dum vires adhuc quadam Imperii essent & non solum vanum nomen candidus lector cognoscat. Ergo & sibi mihi magis quam responso dignum videtur, quod Anonymus altruendæ præsumptioni à se adlatæ adfert, neminem fore cui facile ad fidem fiat Imperatores Romanos, qui in vicino juxta & in expedito exercitum haberent, nempe Aquilejæ,*

leixæ, & quorum aula insuper esset in proximo Ravennæ scilicet, laturos æquis animis fuisse coeptum tam vecors, & cum gravissima majestatis ipsorum imminutione conjunctum. Rogare lubet cum Tullio (lib. 1. epist. fam.) *ecquæ spes esse potuerit in ea repub. : in qua neque Senatus neque populus vim habet ullam, nec leges ullæ sunt, nec judicia, nec omnino simulacrum aliquod aut vestigium Libertatis?* De exercitu siquidem quod adfertur, ex præallegatis qua Lazii qua D. Hieronymi locis videre est eum alibi distractum impeditumque fuisse : Aulam Ravennæ fuisse non negatur, ast aulam Ravennæ qui habebat Cæsar Honorius erat, non Imperatorum modo sed & mortalium ignavissimus Sed & hoc mihi expediat Anonymus velim, quid causæ fuerit cur aulam suam Ravennatem in urbem Cæsar transtulerit, anne ut nascenti Venetæ urbis incubaret Libertati, eamque in herbâ, quod ajunt, opprimeret ? nihil minus, verum ipsum vastata direptaque Roma profugo non dissimilem, Ravennæ commoratum constat, cum jam ante aspera, dira, execranda multa ac Romano nomine indigna perpeffus esset ipse fecissetque. Quis vero credat id animi futurum fuisse Honorio, ut vel per somnium arma in Venetos expedire præsumeret, qui ad allatum excisæ, direptæ, perditæque Romæ nuncium, Gallinam suam, quam Romam vocabat captam ratus, gravius quam pro re commotus est, detecto errore, cognitoque urbem Romam Barbaris in spoliū cecidisse, flentibus iis qui tam miserandæ rei ferebant nuncium nullum commoti præ dolore aut indignatione animi signum dedit. Nec est quod ad leges ab ipso Ravennæ dum esset latas respiciamus, illæ quidem hoc evincant fuisse ipsum isthuc loci, verum (quod in proposito hoc nostro demonstrari deberet) ipsum quæ tunc in rem præsentem erant, illo quo par fuerat accurasse studio, neutiquam probent. Afferamus

legibus robur suum, *quis præpotentibus* (ut ait) *remediis superiora vitia temporum solers aut negaverit aut exclusit?* Erat jam vetus querela corrupta Romana re, plurimas leges existere, olim vitiis, tum temporis legibus laborari, invalida earum auxilia, ut quæ vi atque ambitu postremo & pecunia turbarentur, quæque his sunt gemina: Itaque si id Anonymo propositum erat, ut ostenderet Imp. Honorium curas sese ac imperiali fastigio dignas in animum dimisisse, probare utique debuerat, ecquid ad avertendam ab imperio pestem, pellendos Barbaros, cordatè designatum, octeptum strenuè, gestumque fuisset fortiter. Horum ille nihil cum possit in evanida putidaque præsumptione satis habet elanguescere, cum tamen id ipsum fugere non possit, ita misere, quo tempore Occidentis Imperator esset Honorius à Gothis, rege eorum Alarico, sedem Imperii Romam fuisse divexatam, ut vel suppliceis ab urbe Roma Legatos excidium illius deprecaturus, vix dum ad se admittere voluerit. eos ipsos diu multumque ludibrio habitos agre responso sit dignatus, ea tandem ab eis flagitaverit ut ipsis nihil sibi postmodum reliquum fore antestantibus, rogantibusque ecquid ergo populo Romano superesse passurus esset, nihil præter animas præfracte regesserit. Quid ad hæc Romanus Imperator? omnino nihil, imo vero & placet conditio, corraditur omne quidquid corradi undique potest placandis Barbaris argentum, privatorum opibus ac suppellectile deficientibus, non delubris, non aris, non simulacris abstinetur, eò devenitur ut ad conficiendum aurum Alarico promissum conflato in massam Vitutis simulacro gentiles quodcumque Romanis relictum esset fortitudinis id omne eis expectoratum esse in os exprobare non vererentur. Ipse ille quem & supra allegavi Beatus Hieronymus acerba facti indignatione commotus *Quis hoc* (inquit)

(inquit) credes Romam in gremio suo non pro gloria sed pro salute pugnare, imo vero ne pugnare quidem, sed auro & cuncta suppellectile vitam redimere? Oblata autem fuisse Alarico testatur, unde hæc à me desumpta sunt, Sigonius quinque millia pondo auri, argenti trigintamillia, tunicarum sericearum quatuor millia, pellium coccinearum tria millia. Ast nec hic quidem requies, aut à calamitaribus respiramentum. Claudianum audiamus

*Invisum miles sitiens haurire cruorem,  
Per varias vestes onerataque plaustra metallo  
Transit, & argenti cumulos, & cædis avarus  
Contemptas proculcat opes, pretiosior auro  
Sanguis erat, passim neglecti prodiga lucri  
Ira furens, strictis animam mucronibus implet.*

Quid hic Honorius! furentis muneribus subvertit, quod datur placat, corrumpit, deducit, quosque ferro sibi inexpugnabiles norat, donis tranquillat; Imperium, opes, vitam ipsam prius, quam fatalem sibi, fatalem Imperio positurus ignaviam. Quinimo jam demissi Honorium animi fuisse tradunt scriptores, ut quasi re feliciter gesta, perindeque ac si impense lætus esset, quod vel ijs conditionibus impendens cervicibus suis malum amovere, pacemque depacisci fuisset datum, unicam quam habebat sororem Placidiam firmandæ paci Ataulpho Gotho regis Alarici fratri in matrimonium collocaverit: qua tamen pacis spe cum excidisset, cumq; & hic quem diximus Ataulphus Romam versus signis infestis iter converteret, ea mente ut ipsam vix dum è pristinis cladibus caput attollere occeperantem, denuo invaderet, neque Alarici fratris exemplo direptam relinqueret,

sed captam sibi adscisceret, & ut ait idem præallegato loco Sigonius dira quadam libidine delendi Romani nominis inflammatus, eam pro Roma Gothiam appellaret, certum est plus apud ipsum preces supplicationesque uxoris Placidie valuisse quam arma Honorij, quæ ne quidem eminus ipsum ostentare ausum, ad illa tempora ullus Historicorum quos hætenus mihi videre contigit memoriæ prodidit. Eat nunc Anonymus & Imperii Romani magnitudinem, terroremque Imperatorii nominis quantum lubet ebuccinet, nulli post tam aperta illis temporibus gestorum testimonia dubium deinceps erit illas, de quibus sermo est, Hadriatici maris lacunas quo tempore in illis urbis Venetæ jacta fuere fundamenta, Imperio Romani Imperatoris non fuisse subditas, saltem si forte etiamnum quispiam hac aut illa ratione eas ad Imperium spectasse existimet, erit insimul & hoc ipsi pro indubio, fuisse illas quam plenissime pro derelictis habitas, utque taleis summo, quin & omni jure, factas occupantium.

## CAPVT VIII.

*Nascentis Urbis Venetæ origo. Quid ad eam Patavini contulerint. Falsum Patavinos urbis Venetæ fuisse auctores. Patavium à Gothis captum & incensum. Aliud de jure universitas est, aliud de universitate singuli. De Patavinis, qui lacunas maris Hadriatici insedere, propius disquisitum.*

**A**D alterum argumentum quo vel ab origine Venetos aliorum fuisse Imperiis obnoxios probare nititur Anonymus

nymus, ut respondeam simulque ut ostendam, ut à veritate, ita & à Iure alienum esse, quod Urbem Venetam à Patavinis conditam eisque subditam fuisse dicit, operæ pretium fuerit despicere, ecquæ nascentis urbis origo fuerit, quidve in ea condenda Patavini contulerint. Sed ut & hac in re quod candidè me facturum fide quam optimâ promitto, notum cuivis esse possit, nihil me scribere velle quod aut imaginarium sit ac conjecturale, aut à scriptoribus Venetis, quos pròniore in patriam suam affectu ferri credibile sit, memoriæ mandatum, non utar alio quam unius potissimum Sigonii testimonio, quem & à fide exactaque diligentia Anonymo probari video. Ait ergo ille de Occidentali Imp. lib. 3. Eodem anno, nimirum 452. Italia sævo novarum calamitatum laboravit incendio, siquidem Attila cum immenso illo suo ac formidabili Barbariæ coeuntis exercitu, in ipsam demum ferox & truculentus irruit, quæ irruptio cum omnium quas Barbari intulerint nostrorum sermonibus celebratissima à vulgo maxime decantata sit, non aliud tamen est in tota antiquitate ab veterum annalium sermone desertius, ut mihi videantur in tanti periculi magnitudine non Imperator modo ac duces ejus ad tantam pestem clademque propulsandam elanguessere, sed ipsi etiam scriptores, nescio quo modo ad eam commemorandam obtorpuisse. *Paulo post.* Attila igitur in campis Catalaunicis in Gallia superatus, cum amisso magna parte exercitu languens, sese in Schythiam recepisset, haud quaquam sibi acquiescendum existimavit, actum de gloriâ ac nomine suo ratus, si quem ex adversis rebus timorem aut ullum fracti animi signum afflictarumque virium indicium dedisset. Itaque Valentiniano ante omnes infensus per quem non solum Gothos non deleverat, sed memorabilem etiam in Gallia cladem acceperat ipsum armis ulcisci, Italia invadenda ac Roma in-

flam-



„ flammândâ decrevit. Accedebat quod si voti sui compos  
 „ factus fuisset & prædam se uberiorem & victoriam certio-  
 „ rem relaturum videbat, quod Italiam omnium regionum  
 „ ditissimam atque opulentissimam, neque Gothi, neque  
 „ Alani, neque Burgundiones neque Franci suis foederati es-  
 „ sent armis ac corporibus protecturi. Igitur eisdem natio-  
 „ nibus quas ante sollicitatis exercitum superiore majorem  
 „ contraxit, eumque ad se sequendum ingentis spe prædæ ac  
 „ promissis accendit. Quo nuncio accepto Italici majore  
 „ quam unquam alias formidine ac trepidatione concussi sunt.  
 „ Veniebant in mentem varia quibus nuper ab Alarico & Reada  
 „ Gaïso conflictati fuerant mala, quibus adjungebatur etiam  
 „ præsentium amplior numerus hostium, tetrior feritas gen-  
 „ tium, major constantia militum, ac demum famosa Attilæ  
 „ cum rei militaris peritia, tum immanis quædam supra om-  
 „ nem memoriam ingenii atque naturæ ferocia, qui se flagel-  
 „ lum Dei ac terrorem hominum appellabat, & ad id in mun-  
 „ dum à Deo missum jactabat, ut tanquam iustæ illius vindex  
 „ iræ terras omni malorum genere permisceret: & crudeli-  
 „ tatem suam ac libidinem non nisi sanguine ac incendio ter-  
 „ minabat. Augebant etiam hunc pavorem cœlestia multa  
 „ quæ nunciata in vulgus erant prodigia, haud dubiè solli-  
 „ citis semper futurarum rerum mentibus triste aliquid por-  
 „ tendentia. Nam ad cætera ut scribit Marcellinus tres ingen-  
 „ tes lapides è Cælo decidisse (res raro audita & ægre credita)  
 „ ferebantur. Suberat præterea singularis rerum ad victum o-  
 „ portunarum inopia ac foeda ex ea suborta & passim dispersa  
 „ pestilentia, mala pacatis etiam compositisque rebus asperri-  
 „ ma. Hæc ubi enumeravit Sigovius & immediatè subjungit.  
 „ Ob eas res omnibus ad ipsum Attilæ nomen horrentibus,  
 „ Venetiæ populi, qui æstuarium maris Adriatici accolebant,  
 „ quod primam tam immanis ac tetrici hostis impressionem  
 „ se ex-

se excepturos videbant, passim patrias suas in continenti si-  
tas relinquere, ac familias cum pretiosa suppellectile transf-  
portare ad insulas, si vis hostilis ingrueret, statuerunt, ea  
ipse ducti aut Attilam inopia militum eo non pervasurum,  
aut si copia suppeteret, eas insulas, intento Romam versus,  
itinere neglecturum. Dicuntur autem Aquileienses Gradum  
animo destinasse, Concordienses Caprulas, Altinates Tor-  
cellum & Maurianum, Patavini Rivum altum, Opitergini  
Equitium, Atestini & Mensilicenses Palestinam, Metamau-  
cum & Clodiam. Reliqui vero aspera Alpium & Apenni-  
ni juga & sylvas, quibus se ignorantia hostium tegerent,  
sibi cogente necessitate depoposcerunt. Eodem libro idem  
Sigonius. Iam omnia quæ intra Apenninum & Alpes erant  
fuga, populatione, cæde, servitute, incendio & despera-  
tione repleta erant nullaque mali facies aberat, nefaria per  
omnes ordines sexus & ætates Barbarorum avaritiam crude-  
litate ac licentia pervagante. Si & quæ Patavinæ urbis con-  
ditio fuerit id temporis investigare lubet, audiamus eundem  
Sigonium. Aquileja captâ atque deletâ tantum proximæ  
Provinciæ pavoris injectum est, ut urbium ejus potiri haud  
magni postmodum negotij fuerit. Quamobrem Concor-  
diam, Opitergium, Altinum, Patavium & Ateste quæ prope  
tum æstuarium, eximiæ atque inveteratæ nobilitatis oppida  
attingebant, civibus plerisque ad insulas ut dixi properanti-  
bus, primo adventu præsidij deditis in potestatem cessa-  
run, captaque ac direpta subjectis facibus diro ac prope ho-  
stibus etiam ingrato spectaculo conflagrarunt. Audiamus  
& porro quid de primordiis urbis Venetæ dicat idem au-  
thor. Quare profecto illo (Attila nimirum) populi (inquit  
ille) tanta Barbarorum mole levati, alacres statim omne suum  
ad accepta suppellectilis damna refarcienda, & rectorum ja-  
cturam quodammodo recuperandam studium contulerunt,

„ nam qui ad montes insulasve diffugerant, aliove quo dilapsi  
 „ formidine fuerant revocati, urbes pristinâ frequentiâ cele-  
 „ brarunt & captivos quos potuerunt vel ingenti pecuniâ  
 „ magnitudine redimere deinde conati sunt : In Venetia ta-  
 „ men, Aquileja, Concordia & Altinum licet Episcopis suas  
 „ ad Ecclesias administrandas reversis nequaquam, Opiter-  
 „ gium, Patavium & Ateste ægre admodum restituta sunt, id  
 „ autem ( quis tandem occulta Dei consilia provideret ) bono  
 „ quodam quasi Italiæ fato evenit, etenim hoc pacto Urbs cla-  
 „ rissima Venetiarum est condita, difficillimis aliquando tem-  
 „ poribus veterem Italiæ dignitatem repræsentatura, ac for-  
 „ titer sævissimum Aquilonarium hostium impetum exceptura.  
 „ Harum namque civitatum primores, qui ad insulas confu-  
 „ gerant tam crebris & tam sævis Barbarorum impressionibus  
 „ consternati, cum patrias sedes suas crematas agrosque vasta-  
 „ tos viderent, domicilia in insulis sibi perpetua statuerunt, ac  
 „ communicatis consilijs, non solum rationem inierunt qua  
 „ se adversus inmanem incurfantium hostium libidinem tra-  
 „ ctanda re maritima tegerent, sed etiam creatis magistrati-  
 „ bus, quos Tribunos Cassiodoro teste vocarunt, certam inter  
 „ se rempublicam instituerunt, quam usque ad Caroli Magni  
 „ tempora tenuerunt, à quo armis petiti ex omnibus insulis  
 „ in unam ferme quàm nunc incolunt Rivum altum migra-  
 „ runt. Quo casu egregiè propereque defuncta civitas, belli  
 „ pacisque studijs pro temporum ratione colendis ad eam  
 „ opum amplitudinem crevit, ut jam cum potentissimo quoq;  
 „ Rege æquo Marte terra Marique armis configere non solum  
 „ possit, sed etiam ausit. Hactenus Sigonius. Quæ quidem eo  
 „ transcribenda duxi prolixius, quod & ea non leviter firma-  
 „ re videbantur quæ de Statu Italiæ, de locis illis quæ primi  
 „ conditores Civitatis Venetæ insedere in æstuarijs Hadriati-  
 „ ci Maris pro derelicto habitis, sunt à me dicta. Constat  
 „ utique

utique ex præcitatæ, falsum esse quod dicitur, Patavinos Urbis Venetæ fuisse conditores. Ut enim ipsi pars non quotulacumque sed vel & (quod nec ego diffiteri velim) Princeps fuerint eorum quibus urbs illa suam originem ferat acceptam, non tamen hoc ipsis debetur solis, uti neque ab ipsis condita primitus Vrbs, qua Vrbs, id est qua tota constat ex suis partibus. Est quod hic sibi vendicent Concordienses, est quod Altinates, quod Opitergini, Atestini, Monsilicenses, cæterique vicini & ipsi accolæ Hadriatici Maris. Apparet & illud non ea mente Patavinos in Rivum altum Dorsumque, cui à soliditate duri cognomen, secessisse, ut in circumjacentes Lacunas jam tum à vicinis parte, neque ea minima, occupatas, Imperium quærerent sibi assererentve, sed receptus duntaxat causa, quem & tutum prospicerent, & quod mercaturæ impensius essent addicti propter vicinum Mare navigationi non inidoneum. Hic iterum authorem me meum laudare quispiam si velit, non longe quærendus aberit. Stat pro me Bernardus Scardeo Patavio oriundus, ipse Patavinus dum viveret Sacerdos, quemque, quod hac in causa palmarium, ut liberrimè vocis authorem laudat Anonymus. *Non est*, (inquit ille, de rep. Patavina lib. 1. class. 2.) *Hic honos in postremis annumerandus, quod vere Patavini & magna cum gloriâ dicere possunt, sic Venetis Patricijs esse cognatos sicut & vicinos.* Subjungit post nonnulla. *Expertos Patavinos Barbarorum immanitatem formidantesque ne ab Alarico Rege longe pejora pati cogerentur, quam superioribus annis ab exercitu Radagastij Regis erant perpeffi, qui adjunctis sibi Hunnis & Vandalis Venetorum salvis aggressus multas strages miserabilesque direptiones intulerant, nec contentos unius portus angustijs, cum sibi vellent amplum instar Urbis locum juxta Mare oportuniorem ad mercandum, & tutiorem ad confugiendum, parare, si quando contingeret à Gothis durius premi, qui paulo ante Romam & reliquas Italiae Vrbes vastaverant, misisse Con-*



*sules suos ac jecisse in Rivo alio fœlicia in Christi nomine fundamenta, parvis quidem initijs, sed auspicijs fœlicibus. Quamquam ego quoque videre non possum cur credere quispiam velit Patavinos Imperium id temporis aliquod in profugos ex vicinis gentibus sibi nulla aut Iuris aut facti ratione subditis tam adversis temporibus animo designasse qui modo ipsum Paravium misere incensum à Barbaris, totumque in cineres subsedisse recordatur, idque (uti supra notatum ex Sigonio) non semel modo, ast & pluries. Testatur præallegato loco idem Scardeo postmodū ab ædificatione Rivi alti anno circiter tricesimo plus minus post Attilæ, postque secundum Totilæ regis excidium, Patavinam urbem bis reparatam & tertio ab Agilulpho Longobardorum rege miserabiliter incensam. Hac (subjungit ille) *auriti inquietudine bellorum & pertæsa patria conspectum tam miserabilem, populariter fere in unam urbem commoraverunt & ex eo tempore tam populo quam adificiorum frequentia capit locus ipse Rivi alti & Quintæ vallis, sive Castellum & Dorsum durum & Canale regium & Metamaucum latius ab obtinatis colis, & ita indies ditionibus ac nobilioribus incolis luculentur impleri.* Addit & insuper, *Verum multi postea perdurante bellorum sævitia ex toto agro ad fossam Palestinam ac Clodiam commigrarunt, simul & multi ex omni ordine allecti securitate loci & commoditate navigandi ac mercandi neglexerunt postea amplius ad pristinos lares & patriam desertam redire, & ita brevi factum est ut illi populi paulatim à Patavinis desciscerent, & Venetorum nomen sortirentur.* Patavium interim annos fere ducentos jacuit desolatum quo tempore assiduus bellis per totam Italiam savientibus, & ob id concurrentibus undique populis ex urbibus & oppidis tam Italia quam reliquarum regionum, Rivum altum una cum reliquis insulis, ditionibus, accolis repletum, Venetæ plurali numero vocari cœptum est. Quæ sane postrema Scardeonis Rivum altum cum reliquis insulis conjungentis verba satis evincunt, Rivum altum per se non constituisse urbem illam quam*

quam nunc plurali numero Venetias indigetamus, quemadmodum & idem ille textus ad oculum, ac velut digito commonstrat, non Rivum duntaxat altum Patavinos infedisse, sed & in cæteras insulas fuisse dispersos, quas jam ante ipsorum adventum ex vicinis urbibus profugi, suas occupando fecerant. Quin nec credi primum est Patavinos, ipsi urbi patriæ conservandæ non pares, extrema omnia perpeffos, perque gemini decursus sæculi desolatos altiores quam pro virium quas habebant modulo aut ratione temporum spiritus gessisse. Accedit quod & illos, qui in prædictas lacunas concesserint Patavinos descivisse paulatim à Patavinis & in Venetum nomen coaluisse testetur Scardo, ita ut non magis eos ipsos Patavinos vocare quam Trojâ Duce Anthenore profugos, postquam in oras Euganeas concesserant, conditoque Patavio sedes manfuras fixerant, Trojanum nomen retinuisse aut Trojanos fuisse dictos apud Historicos comperimus. Quapropter ergo notandum est & hoc, quod cum, ut ex præallegatis qua Sigonii, qua Scardeonis testimoniis colligere est, prima Venetæ urbis origo universitati Patavinæ non cum in modum adscribatur, perinde ac si prædictæ universitatis decreto sua incunabula duntaxat ea deberet, sed nonnullis, quod & res est debeantur illa, ex illa universitate hominibus, idque ut & ante dictum nullo publico auctoramento jussu universitatis prævio, pariterque nec solis illis, verum & eodem adnitentibus cæteris, quos communis, bellorum calamitas sedibus suis extrusos, in paludeis uliginisque prædictas compulerat. Cumque & hoc manifesto comprehendere liceat non nisi successu temporis, ac sævius indies urgente hostili metu, Patavinos Consules, ijs quas & supra libavimus causis impulsos, misisse qui in Rivum altum commigrarent, ibique sedes figerent etiam, rebus ita ferentibus



*sessione. At neque de scientia nedum de civitatis Patavinæ mandato vel tantillum apparet. Vnde & manifestum fieri non immerito dixerimus, ipsis neque animum fuisse, ullam dominij in Venetos aut Iurisdictionis possessionem acquirendi, quem tamen ante omnia *ll. requirunt. l. 3. in princ. ff. de acquir. poss.* neque unquam præsumunt nisi probetur. *arg. l. in bello. S. facta. ff. de Captiv. & poss. revers.**

Nemo autem ut opinor negaverit summam proposito in casu habendam esse differentię rationem, factumne illud singulorum prædicto loco insidentium ad omnes spectarit ut universos, an vero ad omnes etiam singulatim considerados. Ac posteriore quidem casu de assensu mandatoque majoris saltim partis anxie laborandum non esse, priore vero casu omnino locum esse debere legi finali C. de auth. præstanda; qua docemur id ab omnibus approbari debere quod ad omnes pertinet. His jungantur illa Baldi, docentis ne quidem unius civitatis universitatem sese in plureis posse dividere, atque hinc neque exiticios per se universitatem facere posse, sed (ut ipse eos vocat) intrinsecos, qui territorium retinent & Iurisdictionem possident. *In margarit. in verbo, Universitatis.* Longe abest ut hoc moveat quod ea quæ à singulis primitus fuerant concepta, ab universitate postmodum interveniente Consulium Patavij facta ratihabita videri possint. Vt ut enim non diffitear reperiri scribes qui in istiuscemodi successivis actibus ratihabitionem comparent mandato, iis præsertim quos certum sit ipsius universitatis utilitatem respicere; attamen rationi magis consentaneum existimo facturos nos, si statuamus ea quæ in re aut in rem universitatis à singulis fuere facta, ratificari postmodum per universitatem non posse. Quippe si per ejusmodi ratificationem juris aliquid universitati quæreretur, non alio id facto subsistere posset, quam mediante fictione, qua  
nimi-

nimirum retrotraheretur ipsa ratihabitio mandato æquiparanda, quod & unicum prædictorum scribentium est fundamentum. Constat vero duas pluresve ex eodem fonte promanare, inque eadem causa fictiones locum habere non posse; fingendum autem esset quod insulani illi, de quibus loquimur, etiam si eo ipso quod aliis in oris fortunarum suarum sedem collocando pars esse desierant ejus, ad quam ante spectarant Vniversitatis, nihilo secius tamen ex quo in prædictas lacunas se contulere, nullo Vniversitatis suæ jussu, si bique eas sedes delegere, pars illius à qua discesserant universitatis remanserint. Quin & fingendum nobis esset in animo fuisse prædictæ Vniversitati ut per illos Ius Iurisdictionemque in inessæ occupataque ipsis loca sibi quæreret, non secus ac si omne id jussu ipsius factum foret. Fingendum esset item singulos illos eo animo possessionem adeptos, ut eam & universitati à qua exierant nanciscerentur, atque ut ut animum suum hac in re non declarassent, fuisse tamen animo alieno, non suo, possessionem universitati questam. Fingendum denique etsi revera singuli illi cives possessionem essent adepti eorum, quæ occuparant, attamen istiusmodi possessionem non aliter accipi posse, quam si eodem illo momento, quo ipsi possessionem istam apprehenderint, universitas quoque eandem in solidum sibi possessionem acquisivisset, & sic uno eodemque tempore occupati à singulis dominij, & enatæ à dominio Iurisdictionis in solidum possessores fuisse, cum singulos illos de Vniversitate, tum & Vniversitatem ipsam. His accedit quod semper in fictionibus, per quas ab uno ad alium quid transfertur Iuris, extrema duo habilia concurrere sit necesse, nimirum extremum à quo, & extremum ad quem, quorum prius revera ita sese rem habere desiderat, posterius cum veritate requirit & possibilitatem: quo tantundem in casu ficto operetur fictio,

fictio, quantum veritas in casu vero. At vero singulos illos si considerare velimus ut eos considerat Anonymus, id est ut cives Patavinos, & Civitatis suæ partem, jam tum primo falsum erit, eos qua tales Imperium Iurisdictionemve sibi quærere potuisse, & in superiores suos, id est S. P. Q. Patavinum conferre. At cum jam ante dictum sit per Liberas personas alteri sine mandato, possessionem dominiumve haud acquiri, ut ut dare vel invita veritate voluerimus, singulos illos occupando insidendoque cum dominio Iurisdictionem sibi comparasse, ejusque in possessione fuisse, manebit tamen totius Universitatis intuitu impossibile, ut in eodem genere possessionis modoque ipsa cum singulis illis in solidum ex æquo concurrat universitas. Ita ut retroquærita per istiusmodi rationem possessio, ne quidem per fictionem de jure possit introduci: sed nec multis agam in re per se manifesta. Singuli illi si, quod Anonymus vult, subditi civeisque fuere Patavini, jam nec Iuris ratio patietur ut in eadem potestatis qualitate ipsi alios in potestate haberent sua, quimet ipsi supra se aliquod agnoverint imperium. Facit huc quod est in regula, cum qui possidetur non videri possidere *l. 118. de Reg. jur.* Item nec vero domino nec sibi acquirere eum, qui ab alio possidetur *l. 1. §. 1. de acq. poss.* quibus geminum est quod est in *l. sic evenit ff. ad Leg. lul. de adult.* Vbi simili ratione Papinianus negat filium familias posse liberos in potestate habere, cum ipse adhuc sub potestate sit, ac proinde non posse adulterum cum filia deprehensum occidere: verba sunt textus, *in sua enim potestate non videtur habere, qui non est suæ potestatis.* Perinde nec Iuris parietur ratio Patavinos illos qua singulos, qua universos qui sparsim in Lacunas dicti maris junctimve in unum profugum locum confedere, inque Venetum nomen coaluere pro Patavinis à quibus eos descivisse annalium nos docuit fides ha-

beri cenſerive; exemplo nimirum navis, quæ diſſolutis tabulis ea mente, ut in alium uſum tabulæ converterentur, licet poſtea mutato conſilio ex eiſdem tabulis compacta, alia tamen navis eſſe creditur. l. 10. §. 7. Quemadm. uſuſ. amit. Exemplo item & hominis manumiſſi quem I C<sup>tas</sup>. Paulus in. l. 98. ff. de ſolutionibus, itidem navi comparat.

## CAPV T. IX.

*Nec Patavini imperio Romano, nec Veneti Patavinis ſubditi fuere Italia loca quo pacto ſederata fuerint, aut ſubdita Romanis. Variæ ſederum forma. Patavini amici populi Romani. Quæ Præſecturæ apud Romanos. Argumentum Anonymi à miſſis primitus Patavio ad Venetos conſulibus diſcuſſum. Miſſio non eſt imperii argumentum. Patavinis extraterritorium æque liberis jus dicere non licuiſſe. Conſules à Patavinis miſſi vi jurisdiſtionis prorogata: Patavini conſules biennio tantum aut triennio Venetis præſuere. Adverſari ſibi ipſi Anonymum oſtenditur. Certamen Venetorum cum Patavinis de finibus. Conſulis dignitas quæ tunc & olim fuerit.*

**R**eliquum eſt ut deſpiciamus ecquâ veritate nitatur, quod Anonymus vult Patavinos Imperio Romano fuiſſe ſubditos, Venetos Patavinis. Mirum quod ad hoc, quod de Patavinis effatur, verſari ſeſe in notorio crediderit nec ullius omnino probationis indigere, adeo ne gry quidem

dem quo id quod Lectori persuasum velit, comprobet, adfert in medium. Mihi hic actum agere non lubet: repetat qui volet dissertationi quæ præmissi de præsumenda libertate, deque probanda ab allegante quæ libertatem aut libet aut tollat, subjectione. Nego iterim subditos Populi Romani fuisse Patavinos, aut & unquam P. R. Imperium sive vi sive jure coactos agnoscere. Constat utique omnia Italiæ loca aut foedere aut sponsione, pactionibusve in amicitiam P. R. convenisse, aut pro colonijs, municipiis aut præfecturis habita. Foedrum variæ erant formæ, diversa & genera, è quibus solum quod dicebatur æquale foedus, inter eos qui nunquam inimicitias inter sese exercuerant constabat, intacta utrimque ac inviolata libertate, atque amicitia ex æquo contracta, ac æquis Legibus, unde omni imperio subjectioneque remotis, nullaque Lege data aut accepta, nihil erat quod istiusmodi foederatos utrimque devinctos attineret, quam quod eosdem amicos haberent, eosdem inimicos, & ex eo pace belloque ad auxilia reciproca exurgens necessitas. Hac ratione amicos P. R. Patavinos fuisse videre est apud Ciceronem in *Philippicis*, ubi de Patavinis attestatur illos exclusisse alios, ejecisse alios ab Antonio missos, pecunia militibus, ac quod maxime deerat, armu duces nostros. (Romanos scilicet) adjuvisse Cic. phil. 12. Alia foederum genera libertati obstabant, quamvis non ex æquo, sed pro re nata plus minusve, nempe cum aut victis dicerentur leges, aut ex partis utriusque commodo componerentur controversa. Alterutrum istiusmodi foederum Patavinos Romanis junxisse nemo est qui tradat. Coloniam P. R. Patavium deductam nullus item est qui asserat, uti & nemo Patavinos agrorum parte fuisse mulctatos est qui dicat, aut receptos, cum jam ante jure suo uterentur, in societatem munerum P. R. honorumque, ut ex eo municipiis accenseri potuerint; Multo

etiamnum minus hætenus invenire potui adnumeratum fuisse Patavium præfecturis, quarum ea (quemadmodum de Capuâ, quæ P. R. præfectura erat lib. 36. testatur Livius) conditio, ut frequentarentur modo habitarenturque tanquam urbes, nullo interim civitatis corpore, nullo senatu, plebis consilio senatuque itidem nullis, verum inhabili ad consensum multitudine, nullius quippe rei inter sese sociâ agerent sine consilio, sine Imperio, datoque duntaxat quotannis Roma qui Ius redderet præfecto. Quæ quisquis considerare volet non male à me judicabit ut reor negari Patavinos P. R. subditos fuisse, & contra tam evidentia veræ Libertatis argumenta justas ab eo qui contrarium tueri in animum inducet mecum requireret probationes. Et sic quidem confutata priore argumenti ab Anonymo allati parte; accedo ad alteram, qua Patavinis in Venetos summum id temporis imperii jus competiisse monstrare studet; quamquam & non accedo, neque enim omnino quippiam ab Anonymo adducitur quo id quod asserit probet: Easane jam ante satis confutata existimo, quæ de Dominio Patavinorum ex in sessione, inhabitatione ac frequentatione dictarum lacunarum exurgente, scrupulose conquirat. nulla nobis de Dominio quæstio est, est de Imperio, quod à proprietate Dominioque esse separatissimum, nemo est qui nesciat: Facit huc tritum illud. Quæ reges Imperio cuncta teneant ea si gulos Dominio complecti. Quamquam & jam ante ostensum est, nec ultra extendi posse Dominium quam quoad usque locum hunc aut illum occupando, insidendo detinendoque suum quisque fecerit, eaque & in parte nec potiores esse potuisse eorum qui Patavio excefferant partes, quam cæterorum qui ex circumjacentibus oppidis in ea loca confluerant. Vnicum ab Anonymo duntaxat adfertur, quo Patavinis nonnulla superioritatis prærogativa



rogativa videri queat competiit, nempe quod Consules Patavio in æstuarium illa dicantur missi consulari potestate, item accepta potestate condendi juris, atque pro arbitrio statuendi, quidquid conducere re novæ civitati atque è republica fore putarent. Quia in re sane virulentiam proposito in Anonymo manifesto deprehendere mihi videor. Dicam cum scriptore Patavino, *Urbes ut cætera ex infimo nasci, deinde quas sua virtus ac Eÿ juvent magnas opes magnumque nomen sibi facere*. Certe non magis mirum petitos Patavio Consules primos, quam Curetibus Numam Pompilium, qui Romulo succederet: nec tamen inde Curetibus quispiam Romæ nascentis incunabula subjecerit, quod eorum ex districtu ille sit missus in Imperium magnum. At inquires, nulla hic petitio, verum missio, superioritatis non leve argumentum. Imo vero levissimum, nam id ipsum & de Numa dictum; quem tamen quæsitum, juxta illud,

*Quæritur interea quis tantæ pondera molis  
Sustineat, &c.*

petitumque constat, nec non ex mox allegatis Poëtæ verbis *missum*. Si locum effatis Anonymi esse volumus, opus erit ut ipsa per se missio jus Imperii subjectionemve inferat, quod verum non est, quid enim si mittant ii penes quos Ius summæ potestatis non sit? quid si & ad eos qui sui Iuris sint alienique expertes Imperii? Requirit ergo & istiusmodi missio duo extrema habilia, in quibus consistat, nostro nepe casu, ut Patavini cum effectu mittere potuerint, Veneti missos debuerint admittere. Sed si Anonymo credimus, erant Romano imperio subditi Patavini, qualis ergo subditorum illa missio? utique aut nulla, aut ridicula. Vnde si verum esset id, quod ille credi velit, jam non modo non potuissent Patavini in absolutæ potestatis, quam ha-

bere non poterant, argumentum, consules suos Venetiā mittere, sed nec potuissent istiusmodi sibi consules Venetī deposcere. Neque enim privatorum (quales ille Patavinorum intuitu Venetos describit) consensus possit tribuere aliquam iurisdictionem illis qui nullam habent, *l. 3. C. de Iurisdict.* Sed nec illa quoque quam Patavinis competere asserimus libertas, ac summum in se suosq; Ius, extra territorium Ius dicendi facultatem largitur, nedum in æque liberos. Iurisdictiones confundi turbarive justum non foret. *l. a. divo Pio. ff. de re Iudic. l. cum unus. §. is qui possidere. ff. de reb. auct. Iud. possidendis*; Atque hoc est quod Iura clamant, prætorem quidem in prætorem, vel consulem in consulem nullum jus habere. *l. ille à quo. §. tempestivum. ff. ad S. C. Trebell.* Subjungit ibidem immediate textus, *sed si iurisdictioni sese subjiciant solet prætor in eos jus dicere.* Cui consonat quod & dicitur in *l. 14. ff. de Iurisdict. esse receptum, eoque nos Iure uti, ut si quis major aut equalis subjiciat sese iurisdictioni alterius, possit ei & adversus eum jus dici*, ex quibus etiamnum textibus adversus objectionem Anonymi responsio est & manifesta & facilis, Consules nimirum à Patavinis missos fuisse vi Iurisdictionis prorogatæ, ac nec suo sed alieno beneficio Iurisdictionem habuisse: secus statuere si lubeat, non modo absurdum evitare non dabitur, sed & ipsa rei nos confundet evidentia. Quantulum enim id est spaciij quod vel Anonymus, Consulibus Patavinis adscribat! Certe biennij aut triennij ad summum, haud longius. Atqui non pænitendis indies incrementis nova Vrbs assurgebat, neque vero quicquam similis quam Patavinos, si quid apud ipsos in urbem Venetam Iuris supremi potestatisve reledisset, afflicto, exusto, perditoque Patavio, retenturos fuisse mordicus id fastigij ad quod vel volentibus ita Venetis, ac manu quasi ducentibus sese videbant evectos. Non jam dicam laborare hic (ut fere semper in originibus urbis fieri asolet

folet) annalium fidem, quamquam & id compluribus ijsque fide dignissimis rerum Venetarum scriptoribus notatum, Non jam repetam quod supra ex Scardeone retuli, abunde sibi gratulari Patavinos, quod sese Venetis ut vicinos sic & cognatos depredicent, neque enim phalerata ista moror, veruntamen si verum amamus quo pacto conciliari poterit quod eodem ipso contextu, quo subiectos Patavinis Venetos Anonymus fingit, illorum inter sese certaminis meminit non de summa Imperij (neque enim id vel per somnium sibi arrogare voluisse, ex ijs quæ allegat colligere est) verum de finibus, id est, super quantilla eorum, quæ sese occupando sibi quæssiisse affirmant. portione: Erit tamen super hoc dicendi conveniens mox locus cui ista reservo. Suffecerit quod quemadmodum illa (ita loqui liceat) missio, nec subjectionem arguit à parte Venetorum, aut Imperium ab altera, ita nec eorum qui missi fuerint qualitas. Consulis siquidem dignitas si sæculum respicimus, imo vel jam tum ab V. C. absolutè summa non fuit, quos sane & Romæ prætores modo à præeundo, cum nondum prætores à Consulibus essent distincti, modo Iudices à judicando, ac tandem consules dictos constat à consulendo, sive quod ipsi aliis consulerent, quo spectat illud Accii,

*Qui recte consulit consul cluat.*

Sive quod ab aliis (cujus vestigium est in l. 14. ff. de reb. creditis) adiri consulendi gratia solerent, quemadmodum & ipsos Græci Συμβολας ac ποσειδας vocant. Anni spacio terminata dignitas, nulla in civis Romani caput absque populi jussu permessa animadversio, ab eis ad populum provocatio, fatis evincunt id quod dicimus, facitque hic mecum qui id esse extra omnem dubitationis aleam constitutum fatetur, Anonymus. Ea porro ipsa quæ allegat, de misso Venetias ad con-

ad condenda statuta Doctore, argumento esse possint, voluisse Venetos civitatem suam ad mores statutaque urbis Patavinæ componere, Patavinos Venetorum velificari ac satisfacere voluisse desideriis, nulla tamen Patavinis in Venetos imperium tribuit, nisi & dicere velimus, quod ridiculum foret, eò quod Laconum instituta Sabinis communicata fuerint. Sabini ea Romam, cum aut sub Numā Pompilio intulerint: quodque teste Athenæo lib. 6. Romani diligentius quam ipsi Lacones politiam conservarint Laconicam, ideo subditos Lacedemoniis fuisse Romanos aut etiam Ephesiis, eo quod Hermodorus Ephesius Romæ legem XII tabularum, si Pomponio nostro credimus, auctor fuerit, aut ut mavult Plinius earum quas Decemviri ferebant legum, extiterit interpres.

## CAPUT. X.

*Post Consules Tribuni Rempub. Venetam tenuere. Illi à Patavinis neutiquam creati. Præcipuum Libertatis insigne eos rectores creare, quos velis. Creatio Tribunorum quando instituta. Ab imperatoribus illi non creati. Epistola Cassiodori in eam rem excussa. Provinciae quæ sint. Urbs Veneta Provincia non fuit. Tribuni ab Insulanis creati. Eorum imperium limitatum. Frivolæ circa hac Anonymi conjecturæ. Post tribunos Duces, post Duces magistri militum suffecti. Contradicit sibi Anonymus dum Venetos etiam sub potestate Græcorum fuisse asserit.*

Et sic



**E**T sic quidem iis, quæ originariæ Venetorum Libertati ab Anonymo obiici potuerunt, confutatis, accedamus ad ea, quibus deinceps id quod intendit adstruere conatur; nimirum quo tempore Gothi in Italia rerum domini fuerent, absque ulla temporis intercapedine vixisse continuo Venetos Imperatori Romano subditos, nec non & Odoacri qui sese princeps Italiæ regem dixit, iisque porro qui exinde Odoacrem sequuti sunt Gothorum regibus.

Primum quod adfert, ex creatione Tribunorum deducit, atque antiquata consulari dignitate urbi Tribunos præfuisse, eos ipsos vero ab Imperatore creari solitos. Id ex Cassiodoro manifesto liquere: quod & firmet in sua Italiæ descriptione Albertus Leander, qui Consulum Tribunorumque temporibus urbem Venetam usquedum imperio Romano paruisse dicat. Consulibus Tribunos successisse fateor; sed jam hic expediat mihi Anonymus velim, quid causæ fuerit Consules abrogandi in eorumque locum Tribunos sufficiendi, quique & fuerint illi qui Tribunos crearent Venetinae an Patavini? Si Venetos dicit, rogare lubet quo pacto id sufferre potuerint Patavini, quibus ille subditos fuisse Venetos nugatur, quo id animo tulerint Consules qui jam tricesimum & quod excurrerat annum urbi cum imperio præerant? sin Patavinos inquit, quin adducit ergo pro Patavinis suis insigne continuatæ jurisdictionis, possessionisque argumentum? Videt nimirum Anonymus veritatem ab adversis stare partibus. Cumque nec ipsum fugiat comprimis eximium id esse libertatis indicium quod sibi met ipsis, suæque sponte, ac pro liberrimo prorsus animi motu, quos vellent, eaque qua vellent dignitate præficere Veneti potuerint; ut & de facto præfecere, aspergendus hic fuit nigræ loliginis succus, & arcessendus ex machina velut imperator Tribunitiæ (si diis placet) potestatis auctor

ac Tribunorum creator. Verum & hoc, ut demonstrabo statim, & perperam juxta & falso. Creatio Tribunorum incidit in annum imperii Theodosij junioris, qui Honorij erat nepos, novissimum; anno nimirum à nato Christo supra quadringentesimum tertio & quinquagesimo, neque est quispiam scriptorum qui recordetur ullos omnino à Theodosio Tribunos ceratos, imo neq; allegat Anonymus quempiam qui tale quippiam affirmat, non à Theodosio modo sed ab ullo prorsus imperatorum fuisse factum. Cassiodori quem aducit locus pro ipso plane nihil facit, quæ enim ab illo citatur epistola, ut jam non dicam esse eam sine die ac consule, utque & consulto præteream totis quadraginta annis ab excessu junioris Theodosij, & sic à prima Tribunorum ceratione scripsisse Cassiodorum, ea sane Venetos non tangit, uti ex inscriptione manifesto vel ad primum obtutum colligere est. Semper ubi sua ad Venetos Cassiodorus dirigit, Venetorum nomen exprimit, ut videmus ex inscriptionibus quartæ, septimæ, ac vicesimæ sextæ, Libri 12. Variarum ipsius, Ast vero non modo hic nihil tale, sed nec ad fine quippiam, qualis esse possit illa, de qua mox ejusdem Cassiodori inscriptio *Tribunus maritimarum*, imo potius plane contrarium; habet enim illa, epistola pro epigraphe F O R M U L A T R I B U N A T V S P R O V I N C I A R V M E T D E T R I B U N O P R O V I N C I A E. Nemo est qui nesciat provincias quasi procul victas non alio significato apud Historicos autoresque linguæ Latinæ solitas accipi, quam pro regione, quam armis devictam aut quovis modo in potestatem adductam ipse magistratui suo P. R. administrandam subjecerat, aut pro regione in qua ipse Imperator jussu P. R. bellum administrarat. At neque Venetam urbem pro provincia haberi ipse Anonymus velit qui ex l. 9. ff. de iudiciis eam esse Insulam Italiæ asseruit, insulæque



que Italiæ partem esse Italiæ; quæque & ipsa, ex quo nunquam à Romanis bello superata est, longe abest ut procul victa dicatur. Demus ergo id quod Cassiodorus ait verum esse, atque in Tribunis Provincialibus locum habere, eos nimirum ab Imperatore debuisse designari, non extendet id sese tamen ad illos de quibus hæc nostra disceptatio instituta est, Venetos, in quos nihil Imperatori juris fuisse pro comperto est. Ex adverso item pro comperto est traduntque Venetarum rerum scriptores ad unum omnes, creatos primitus fuisse ab insularis Tribunos, idque ex singulis singulos, quas & sexaginta numero fuisse antequam in unum urbis Venetæ corpus coagmentarentur coalescerentque iidem affirmant, neque id collegialiter, aut communi omnium insularum concilio, tanquam ab universis; sed separatim, ac (si ita dicere liceat) tributim. Tribunorum imperium limitatum fuisse, ac omnium Insularum conventus obnoxium sententiæ, vereque populare, cum ipsa probet electio, cum ad modum, ut jam dictum est, instituta, tum quod ex annalium Venetorum scriptoribus, nec non & iis qui privatim de Repub. Veneta sunt commentati, notare licet, multotiens Tribunos si quando negotii id exposceret amplitudo in viciniorem continenti insulam Heracleam putata aut Gradum, cæteros insularos convocasse, ibique quæ in rem præsentem essent proposita decretaque, liberrimâ omnium insularum ad reddendum suffragium potestate, ita ut revera non aliud esset Tribunorum officium, quam ut Insularis quisque suis jus dicerent, & de summa rei in medium consulerent. Accedit quod & nomen Tribuni, sive id cum Varrone à tribu, sive cum Isidoro ab eo quod iura populo plebique tribuerent deducimus, satis arguat magistratum istum fuisse omnino popularem. Contra tam manifestam scriptorum auctoritatem, plane frivolas Anonymi conjecturas

cturas nemo sanæ mentis ut opinor admiserit. Ego sane quantisper his diversa non commonstrantur probanturque, ut credam adduci non possum Tribunitiam apud Venetos potestatem à designatione, collatione aut creatione Imperatorum ortum habere; neque verum si amamus simile vero cuiquam fiat, sexaginta quotannis ab Imperatore Tribunos fuisse creatos, eo præsertim Italiæ statu. Id enim si re vera ita factum, non potuit non & indefinenter & absque intercalatione ad imperium spectare istiusmodi tribunorum creatio, quin etiam si vel & hoc (cujus nobis nulla necessitas.) Anonymo concedere lubeat, creandi Tribunos potestatem populo subinde ab Imperatoribus factam, lectosque à populo Tribunos, non nisi auspiciis imperatoriis fuisse creatos; non potuisset tamen ulla ratione ullove pacto licita populo fuisse tribunitiæ potestatis abrogatio. Constat vero ex annalibus, antiquatis Tribunis duceis à populo coëptos legi, cumque nec duces placerent, eorum in locum suffectos Magistrum militum, eos ipsos postmodum cum Ducibus populum mutasse certum est, ac cum ne sic quidem satis compositæ res viderentur, tradunt annales Dominico Monegario duce eundem populum binos pari cum Duce potestate creasse Tribunos, nullo quaquaversum intercedente Imperatoris aut facti aut jussu, nedum coactis ad hujusmodi ab Imperatore magistratus accipiendos insulanis.

Testimonium quod pro sese adducit Anonymus, quo Tribunorum temporibus Imperatori Venetos paruisse tradit Leander Albertus, id vero tale non est ut quempiam moveat. Sat recens ille est author & qui in rebus tam antiquis nullum ante se authorem laudet, quod & neque facere eum posse magno sit argumento, quod nec ab Anonymo, qui magnam id ipsum probando sententiæ suæ lucem sceneraturus esset, id factum hætenus. Sed neque & hoc pro vero quis

temere

temere credat, solum Leandrum ea à quopiam hausisse aut adnotasse, quæ nulli ante ipsum scriptori fuisse cognita nedum credita, altoque omnium silentio, næ multum facilis sit, qui ejus solius auctoritatem pro oraculo, aut Sybillæ folio amplectatur. Taceo quod cum hætenus nullum ab Anonymo probatum sit impedimentum, quo minus vel ab V. C. solida Venetos Libertate gavisos inemorare liceat, aut id in antecessum probari debuisse, aut eo non probato pro deridiculo habenda, qualiacumque sint illa scriptorum commenta, quibus hoc cum Minerva commune, quod auctoris sui cerebro nataleis debeant. Sed tamen quandoquidem nec simplici subjectionis demonstratione contentus Anonymus, Vicariæ quoque notam, Venetis inurere satagit, quando adhæc ille in eo totus est ut Imperatori placeat, quid eum impellat, equidem non assequor, cur, idque nec uno loco, Venetos *sub potestate Græcorum imperii fuisse* statuatur ex Sansovini fragmento, ex Blondo, *illos Græco parentes imperio* describat, perinde ac si non videret ea frontibus obversis inter se pugnare, alterutrum necessario falsitatis argui? Est nimirum ipsa per se subjectio individuum quid; pluribusque unum idemque ex asse subjici, ut est impossibile, sicubi plures illi diversam inter sese causam habent titulumque, ita & pro parte in plures distringi dominos, ab accidenti est, deque raro contingentibus. Notum illud,

*Nec regna socium ferre, nec tædæ sciunt.*

## CAPVT XI.

*Argumenta Anonymi ab Historicis nonnullis et Panegyristis desumpta non magni momenti. Ex iis, quæ ad pompam dicuntur, certa argumenta non deducuntur.*

*tur. Valentinianus Venetorum Dominus non fuit. Differunt omne & totum. Locus Pauli Diaconi excussus. Verba quomodo accipienda. Sub ditionem aliquam recipi nulli debent, qui sub eâ nunquam fuerunt. Romani Imperatores totius orbis Domini non fuerunt. Id ipsum de se Iustinianus testatur. Argumenta in contrarium adducta discutiuntur. Quod de Imperatore, idem de subditis verum. I. C. de jure, non de facto debent respondere.*

**I**llud porro magni ponderis argumentum non est, quod è nonnullis historicorum locis generaliter atque indefinite loquentibus Anonymus deducit, cujus generis sunt illa Diaconi, *Valentinianus consensu totius Italiae Imperator efficitur*, item illa Iornandis, *Interim Odoacer rex gentium omni Italia subjugata &c.* quæque his similia è panegyricis desumpta, non sine fastu jactat. Velit quidem ille ex generali vocum locutione persuasum, Imperatores per totam Italiam intentionem habuisse fundatam, quemadmodum & complures hoc tempore Germani I. C.<sup>ti</sup>. eam ex quo mundi Dominus imperator dicitur per universum terrarum orbem fundatam statuunt, sed male: certum siquidem comprimis illud est, ipsam rerum veritatem hac illave unius aut alterius historici enunciatione non immutari. Multo etiam minus panegyricorum scriptoribus hac in parte tribuendum. Sunt ut plurimum ampullata ipsorum verba, quibus cum nihil potius habeant, quam ut effuse placeant, mirum non est ea fere semper inaniloquio (sequius ne quid dicam) quam veritati magis esse vicina. Recte Cevallos *com. cont. com. tome 4. p. 906. n. 24.* ex ijs, quæ ad pompam modo, & ampliandæ dignitatis gratiâ dicuntur, certas demonstrationes arcessi  
haud

haud debere monet. Sunt nempe voces istæ indefinitæ synecdochicæ, quo pacto & partem pro toto, & è converso totum usurpamus pro parte. Ita & *Cretam* Minos apud Poëtam orbem suum vocavit. *Orbem Romanum* dixit & *Antoninus*, l. 17. ff. de stat. homin. Illud præterea in omni vita observatum, ut verba quantumcumque præcisa limitationem & interpretationem congruam recipiant. Quod si & mihi verborū hîc insistere proprietati luberet, dicere possem, illud quod de Valentiniano adfertur, cum totius Italiæ dominum factum, de Venetis accipi non posse: differunt siquidem inter se se omne & totum. Cumque totum sit illud quod unum est & continuum, Quemadmodum & Festo in verbo *cuncti*, omnes etiam cuncti dicuntur sed conjunctim, possem & simul probationem ab Anonymo requirere, quæ planum lectori faciat, Diaconum cum de tota id est continenti Italia mentionem facit, & ad ea sese extendere quæ à continente sint divulsæ. Perinde cum & universalis illa locutio Omnis, dicatur de pluribus quæ numero discreta separataque sunt, non item & de ijs quæ specie differunt, ut notat Bald. in c. quanto. col. ult. de iudicijs, aliamque longe Reipublicæ speciem constituerint illæ regiones, quæ P. R. agnoscebant imperium, aliam gentes quæ illius in ditionem nunquam concesserant, quid vetet Venetorum cum primis intuitu, quos liberos asserimus, & hoc quod ab Odoacre omnem Italiam subjugatam dicit ad illas urbes regionesq; restringere, quæ ante Barbarorū in Italiam adventū fuerant P. R. sed non ea mihi mens. Teneo memoriâ, civiliter intelligenda verba esse, non cavillanda aut captanda; esse quæ in generali sermone tacite excipiantur, ut habet text. in l. si cui simpliciter. ff. de serv. Etiam si omne qui dicit, nihil excipere videatur, recipit tamen id interpretationem suam, l. sed si compromissum in fin. ff. de arbitrio. Docet ipsa æquitas, & communis ratio non tantum  
verba.

verba generalia contrahi & ambigua commode explicari, sed & à proprietate usuque recepto verborum recedi non-nihil ut sensus evitetur incommodus alienusque, unde generaliter quoque ab omnibus, qui de Verborum scripserunt interpretationibus, observatum, verba omnis, nihil, quælibet, atque alias hujusmodi voces universales in jure restringi ad æquitatis normam. Illam autem hanc esse statuunt omnes, ut disertim Iason. *in l. 1. ff. de Legat. 1. n. 22.* ubi hæc latissime profequitur 1°. ne ex generali enuntiato sequatur absurdum : ac 2°. ne damnum adferatur tertio. Quid vero absurdum æque quam eos in ditionem receptos velle, qui sub illa ditione fuerant nunquam, aut armis subactos, qui uti id ne fieret in ea se penetrarunt loca, ad quæ armatis aditum loci natura præcluserat? Quid vero juri tertii noxium æquè, quam indiscreta verborum istiusmodi interpretatione Venetorum eum Libertati illudere, quam post in-exhaustam numinis benignitatem prudentiæ suæ juxta & constantiæ ducentis jam supra mille annis acceptam ferunt?

Et poterant quidem prædicta sufficere, ad illas, quas toties reciprocatur Anonymus, hyperbolicas synechdochas, nisi insuper quoque ille vel in frontispicio tractatus sui declarasset, velle se illam, quam sibi in Venetos hodieque imperium Romano Germanicum arrogat, jurisdictionem potestatemque adstruere; quod cum & quos mox nominavimus IC<sup>ti</sup>. Germani ingenui cæteroquin pro more gentis, candidique, ex universalis domini capite arcessant, cujus illi vi ac potestate quasi syderati, nihil esse quod non de jure teneatur imperatorem supra sese agnoscere mordicus tenent; pedem hic paulisper figam, & Lectorem meum contentus remisisse ad libros de Repub. Iohannis Bodini, qui vel Trajani temporibus, queis latissime Romanum patuit imperium, vixdum id tricesimam orbis terrarum partem com-



complecti potuisse notat; multisque ab omni historia petitis exemplis probat. dicam obiter, ipsam rerum evidentiam contrarium evincere, nec videre me quid de Boccho dicendum sit, quem *neque bello neque pace cognitum Romanis* Salustius ait; gentibusque similibus. Certum, quod neque Syrorum, nec Persarum, nec Græcorum, nec Romanorum unquam ullus Monarcha universum terrarum orbem obtinuit. *Ignis in l. necessarios. §. non alius. ff. ad S. C. Syllantan.* Addamus & Medos, quando id inter cætera Lyricorum principi votivum videmus, ut vincere

*Thriumphatisque possit  
Roma serox dare jura Medis.*

Idem alibi, Sabæ regis non ante devictos indigetat. Illa Petronij Arbitri,

*Orbem jam totum victor Romanus habebat  
Qua mare, quæ terræ, qua sidus currit utrumque  
Nec satiatu erat &c.*

ut nihil amplius, poetica sunt. Modestius alter, magisque concinnè,

*Roma caput mundi quidquid non possidet armis  
Relligione tenet, sic se Roma inclyta jactat.*

Et ante illum Tullius, *Quo non arma nostra pervenerunt vel terror armorum pervenit* Orat. pro Planco. Sicubi de orbe ll. loquuntur, certum est eas de orbe Romano cum Imperatore Antonino loqui, ut modò notavimus, id est de ea parte, quæ populo Romano subdita erat. Ita & Tacitus fatetur Germanos *triumphatos magis quam victos*. Seneca quoque

Germanos & quicquid circa Istrum vagarum gentium occurſat, *gentem* vocat in quibus Romana pax deſinit. Ille quidem minus recte, ſi quid e: Straboni libro. 7. credimus Auguſtus flumen Albin tranſire noluit, & illic quietas gentes turbare, ne laceſſitæ obſequium exuerent, & vicinas nationes traherent ad res novas. Vnde inferre liceat, haud deſiſſe pacem, quæ fortean ne cœperat quidem. Cæterum, dubium non eſt, quin revera gentes iſtæ, quas Seneca designat, ac ut vagas traducit, extra Romanum imperium fuerint conſtitutæ, ſic ut eo ipſo quod pars imperii haud eſſent P. R. pax dicenda ſit in illis deſiſſe, nec male. non abſimilem ad modum de Roma Claudianus lib. de laudibus Siliæ.

*Hæc eſt in gremium victos quæ ſola recepit,  
Humanumque genus communi nomine fovit,  
Matris non Domine ritu, civeiſque vocavit  
Quos domuit, nexuque pio longinqua revinxit.*

Conſonat quod de Cheruſcis Tacitus, eos *nitiam ac marceſcentem pacem*, diu illaceſſitos nutritiſſe commemorat. Quin & foederum cum Germanis idem Claudianus de 4. conſulatu Honorii meminit. Ait ipſe,

*Nobilitant veteres Germanica fœdera Drufos,  
Marte ſed ancipiti, ſed multis cladibus empta.*

Auguſtum interim hic mihi ſi quis objiciat, jam ſenem timidumque, & incertum metu an per invidiam agitantem conſilia imperii intra terminos coercendi, eo quod judicaret jaçantis eſſe ingenii (verba ſunt Aurelii victoris in Auguſto) & leviffimi, ardore trium phandi, & ob lauream coronam id eſt folia infructuoſa, in diſcrimen per incertos eventus certami-

taminum securitatem civium præcipitare, reponam etiam Trajanum regendi jam veterem recoctumque, prudenter judicasse, nimia dum ambiuntur, universa multotiens intercepti. Extat ejus apud Dionem querela. Ægre posse se eas gentes quas devicisset, in fide & officio continere aut à vi & injuria defendere. Verum ut exemplis agamus indubitis, evincit assertionis nostræ veritatem Iustinianus Imperator noster. Ipse ergo ille, cui tamen positam statuam auream malum aureum in universalis Dominii signum historici testantur, priscorum exemplo Imperatorum Alemanicum, Gothicum, Francicum, Germanicum, &c. sese dicit non tamen universi orbis Dominum. Cui vero non videretur ridiculum plane, siquidem ille totius orbis extitisset Dominus, titulos eum dominationum suarum voluisse contractos, ac paucos illos numero, exiguæque, ad universum instituta comparatione, magnitudinis, enumerare singulatim maluisse, quam universali sibi quod competeret enunciato, omnium titulos unus habere, omnium solus possidere jura? Quid vero quod ne eo quidem ipso tempore Iustinianus, quo se Alemanicum Gothicumque &c. dixit, Alamanorum erat Gothorumve Dominus. Nec est quod quispiam hic me aliena à veri fide proferre suspicetur. Ipsius hujus tam manifestæ usurpationis etiamnum hodieque varii varias assignant causas. Hi quod leges composuerit omnibus ex æquo populis tanquam sibi subditis servandas, quasi legum Romanarum Dominus, juris æquitatisque rector. Quam opinionem merito explodit suis ad *avéxdoſa*. Procopiana notis Gabriel Thivorius. Illi quod spes ipsum teneret firma, recuperaturum sese quandoque ea, quæ ab Imperio Romano vis Barbararum gentium distinebat avulsa. Alii denique quod non insolita dominandi spe totius orbis affectaret imperium: quam ego conjectu-

ram eidem Thrivorio probari demiror sane, cum met ipse fateatur Iustinianum cessisse Francis ea cuncta, quæ Gothi à se devictis sua fecerant belli jure. At quomodo cessisse? nempe abdicato omni quantum in se erat Romani imperii jure. Ita de hoc facto Procopius lib. 3. belli Gothici. *Omniibus Gallie provinciis sue ditioni subditis initio hujus belli Francis cessere Gothi, cum vires eorum non paterentur ut eodem tempore duplici Francorum & Romanorum exercitui obsisterent, sicut jam à me dictum est, nec etiam Romani hujusmodi facto possent intercedere. Quin imo Imperator Iustinianus huic cessioni subscripsit, & reliquarum Galliarum, quas armis sibi paraverant Franci, dominatum ratum habuit. Neque aliter securitati sue se consulisse arbitrabantur Franci quam si Galliarum suarum integram possessionem manu sua subsignata Imperator comprobasset. Vnde factum est ut deinceps Francorum reges quieti fuerint Massiliæ Phocensium Colonia, totiusque ora illius maritimæ possessores, nuncque in Arelatis Circo sedeam equestris certaminis spectatores, nummumque aureum è Gallico metallo percutiant, non Imperatoris Romani ut fieri assolet characterem solido imprimentes, sed propriam ipsorum imaginem.* Haftenus Procopius. Quæ qui attendet judicaturus est nullo negotio rejectis dissidentium opinionibus ea quæ tucinur esse vero consentanea. Quod porro de Imperatore verum, idem & de subditis imperatoris dicendum. Tralatitium in jure est ut generales istiusmodi voces præterquam quod æquitatem non dedignentur interpretem, restringentibus item verbis coerceantur, ut in *in l. 26. ff. ad S. C. Trebell. Omnibus civitatibus quæ sub imperio Romano sunt. item l. 1. C. de summa trinitat. Cunctos populos quos clementia nostræ regit imperium, etc.* Neque enim relativa illa quæ & quos inibi posita aliter accipi possunt, quam ut antecedentia verba universalialia atque indefinita restringant ac sequentibus jungant. Verum nec hic opus, à natura aut potestate verbi restrictivi argumenta petere, ipsum.

ipsum quod citamus jus Civile P. R. Liberos populos, Liberas civitates dari commonstrat, & qui tales sint designat, facta vel & insuper distinctione, quo manifestum sit eos non aliunde quam à semet ipsis pendere. *Liber populus est*, inquit IC<sup>tes</sup>. Proculus qui nullius alterius populi potestati subiectus est, siue is fœderatus est, siue, &c. l. non dubito, ff. de capt. & postl. Et Paulus descripturus quid esset postliminium, ait id esse *jus amisse rei recipiende ab extraneo & in statum pristinum restituende*, inter nos, liberos populos, regesque, moribus, legibus, constitutum, l. postliminium. ff. eod. idque quod miremur etiamnum oppositione facta dum expressim dicitur. *Quæ nationes in ditione nostrâ sunt, cum his postliminium non est, & ex adverso cum populis liberis & cum fœderatis & cum regibus est nobis postliminium ut cum hostibus*. Similiter in l. postliminij. §. in pace disertim dicitur, *Si cum gente aliqua neque amicitiam neque hospitium neque fœdus amicitie causa factum habemus, hi hostes quidem non sunt, quod autem ex nostra ad illos pervenit, eorum sit, & liber homo noster ab ijs captus, servus sit illorum, Idemque est si ab illis aliquid ad nos pervenit*. Res ipsa loquitur, frontibus adversis ista pugnatura si totius orbis imperator dicendus est dominus. Accedit quod Imperator quoque noster quem (ut hoc illius honori detur) Agathias lib. hist. 5. primum omnium imperatorum, qui Byssaniij imperium tenuere & nomine & re ipsa liberæ potestatis fuisse pronuntiat, eam quæ à natalibus, & sic à natura venit libertatem in Afris extollit l. 1. C. de Off. pref. prat. Afr. & ut manifesto agnoscamus ne quidem ipsos imperatores credidisse sese universi orbis esse dominos, fidem ejus fecerint nobis, cum rescriptum illud Leonis C. de Eunuchis l. 2. in §. *Barbare gentis Eunuchos*, extra loca nostra, id est Romano imperio subiecta factos emendi vendendique tribuentis facultatem, tum & illud Honorij & Arcadij quod in hæc verba sonat. *Mercatores*

*eam imperio nostro, quam Persarum regi subjectos (notentur adverbatiuæ dictiones) ultra ea loca in quibus fœderis tempore, cum memorata natione nobis conuenit, (attend. quod d. l. 7. liberum populum dicat & illum, qui fœderatus est) nundinas exercere minime oportet, ne alieni regni, quod non conuenit scrutentur arcana.* Quæ cum ita clara atque in aperto sint posita, quis ultra dubitationi locus esse possit non vidco. Nec me movet quod ab imperatorij circa universale dominium juris assertoribus regeri solet, de factò quidem, sed non item de jure evenire potuisse, aut & evenisse, ut quædam gentes, regiones, urbes Imperatori sese subducerent, verum aduersus tales illibatum Imperatoris-jus etiamnum perdurare, qui non minus contra tales intentionem suam habeat fundatam, quam iis in locis ubi quam plenissime imperat. Nulla siquidem eo nos impellit necessitas, uti Imperatoris nostri rescriptum quem diximus vel naturalem extollere libertatem, uti IC<sup>ti</sup>. à quo liberi populi definitionem accepimus, responsum, potius ad factum trahamus, quam ad jus; eaque ad vim detorqueamus & injuriam, interpretatione prorsus temeraria quæque nec nos qui æqui bonique & esse & haberi sacerdotes velimus, deceat. Est hoc IC<sup>ti</sup>. munus & officium, ut de jure tantum non etiam de factò respondeat *l. idem erit ff. de stat. hom. l. mora. ff. de usur.* Quin & Leges ipsas deprehendimus, in illis quæ ex facti circumstantiis dependent, certum jus præscribere non audere *l. aut facta. ff. de Pœnib. speciatimque l. ultim. C. de his qui ad eccles. confug.*

---

## C A P V T. XII.

*Falsum sub Valentiniano & Odoacre Venetis libertatem non constituisse. Parva eorum initia. Divites plerique*  
*poten-*



*potentesque fuere, qui in Insulas concessere. Labascens tunc temporis Respubl. Ro. Veneti Odoacri non paruerunt. Victus & cæsus Odoacer. Theodorici tempora qualia fuerint. Ejus clementia. Libertas quamvis arctis finibus conclusa, libertas tamen est. Baganda qui fuerint. Veneti nec pro Barbaris, nec pro Bagandis habiti.*

**I**llam denique quam large in Honorio explicuerat in Valentiniano atque Odoacre præsumptionem Anonymus iterat, perque exigua, quæ tunc erat, Venetorum potentia cum magnitudine ac viribus Romani imperii collata fidem facere annuitur non esse credibile Venetos Libertatem sibi parare voluisse, aut & ullam, si quam fortean sese habere crederent, conservare; quin & dedecori Venetos injuriæque fuisse deputaturos, si quis illos inter imperii membra haud accenseret, notissima iis temporibus gentium in Romanos, Barbaros ac Bagandas sive Bacaudas distinctione.

Sed non ero hic longus, nam quod exiguas nascentis urbis vireis fuisse dicit, resque multum arctas, ipsum id ut ut fateri velim nihil agat. Non aliæ fuere Carthaginis, non aliæ Romæ, non aliæ omnium earum urbium quæ ab exilibus, profugis aut sede sua depulsis originem arcessunt. *Sunt, ut lib. 5. de finibus ait Orator omnium rerum parva principia, sed suis usa progressionibus augentur:* quin & jam ante ex Livio adductum à me *urbes ut cetera omnia ex infimo nasci, deinde quas sua virtus ac Dii juvent, magnas opes magnumque nomen sibi facere,* Tempus illis duramentum accommodat & robur. Quæ de tenui priscorum Venetorum conditione, cui nimis sane inclementer insultat Anonymus, ex historia Bernardi Justiniani allegat, non efficiunt tamen quo minus illi, & nobiles  
& re-

& rebus salvis apud suos dignitate conspicui aut divitiis prælustreis fuerint. Ut ut enim fuerit in prædictas insulas intratum promiscuè fueritque & promiscue in unum corpus commixta multitudo eorum qui in illa loca concesserant, nihil tamen vero similius (quod & non unus firmat annalium scriptor) quam ut quisque maxime dives fuit, ita & à periculo quam longissime abesse voluisse, quo ne cum omnibus fortunis suis hosti crudelissimo in prædam concederet. Blondum ipsum quem toties pro se adversarius citat audiamus agedum: ait ille in descriptione Regionis Venetæ, *In-  
sule eo concludæ spacio* (littoris nempe) *que habitantur*, multos habuerunt conditores, qui in unicam hanc Venetiarum civitatem opes & concilia contulerunt, unde hanc Venetiarum civitatem pro una regione non immerito à nobis positam esse intelliget, quicumque considerabit, non modo opes ejus, non modo opibus cujuscumque Italiæ regionis equiparandas esse, sed multas fuisse urbes, multa oppida quorum excidio hæc unica sit condita. Aquilejam, Altinum, Concordiam, Taurinum, Montem felicis, Opitergum, Eracliam, Equilium Gradum, Caprulas & Lauretum. Quanquam & ex Vicentia Verona Mantua Brixia Mediolano & Tapia ab Auita afflictis, & ab aliis Italiæ civitatibus presertim urbe Roma diversis in persecutionibus nobiles & potentiores quoque Venetias à principio confugisse in historiis abunde docuimus. Igitur Aquilejenses primi Gradum, Concordienses condidere Caprulas. Altinates sicut urbem suam in sex portas divisam habebant sex quoque in stagnorum insulis oppida condiderunt, Torcellum, Majorum, Burianum, Amoriacum Constantiacum & Armanum, Taurinorum pars Rivum alium & postea Torsum durum. Montefeliceses Sibestumque Melhamaucum Albrolam, Palestrinam sive ut Plinius appellat Philistinam & fossam Clodiam qua nunc est civitas Clugia. Crevit autem ilico ab ipso conditionis initio civitas Veneta, quia non à pastoribus sicut Roma, sed à potentioribus ditioribusque regionis olim Venetiæ fuit à principio sicut diximus habitata. Ac ne Blondum quoque natione

Venet-

Venetum causetur noster homo, jungamus illi Hieronymum Rubeum civem Ravennatem in sua rerum Italicarum Ravennatumque historia, cujushæc sunt verba, *Neque vero quod plerique scribunt verum est aut verisimile, ejus initium ab obscuri infimæque plebecula hominibus ductum, cum non ij, sed quos nobilitas & fortunarum amplitudo Athilano furori maxime subjecisset propria salutis consulerent.* Sane quod tanto molimine Romanam extollit magnitudinem, id vero conditioni temporum de quibus scribimus consentaneum non est, nam præterquam quod nulla magna urbs diu quiescere potest, si foris hostem non habet, domi invenit, ut prævalida corpora ab externis causis tutavidentur, sed suis ipsa viribus onerantur. Liv. quodque ut est apud Poëtam,

*In se magna ruunt letisque hunc numina rebus  
(rescendi posuere modum.*

Nimiumque vere Philosophus edicat nihil privatim, nihil publice stabile, non hominum minus fata, quam Urbium volvi: Erat ut vel ipso (veritatis ô magnam potentiam!) dum hæc disserit, authore, quem pro se adducit Anonimus, Salviano erat, inquam, *Romana Respublica vel jam mortua vel extremum spiritum agebat.* Si pro vero, etiam quam optime ac quam mitissime de Romano imperio sentire quis velit, illud merito dicat de illo, quod de Pompeio suo instituta illius ad Cæsarem comparatione usurpat idem Poëta,

*Stat magni nominis umbra,  
Qualis frugifero quercus sublimis in agro  
Exuvias veteris populi, sacrataque gestans  
Dona ducum: nec jam validis radicibus harens  
Pondere fixa suo est, nudosque per aëra ramos*

L.

Expan-

*Expandens, trunco non frondibus efficit umbram.*

Illa quæ porro in dicta comparatione continuat,

*Sed quamvis primo nutet casura sub Euro,  
Tot circum sylvæ firmo se robore tollant,  
Sola tamen colitur.*

quam non cadant in conditionem illorum temporum jam ante notavi, repetat ea si tanti id est benignus lector, quo ne jam dicta geminatim repetere sit necesse.

Interim cum ab excessu Valentiniani moderandis imperii habenis Maximus sit admotus, Maximum Avitus exceperit, Avitum Majoranus, Majoranum Severus, Severum Anthemius, Anthemium Olybrius, Olybrium Glycerius, Glycerium Nepos, Nepotem demum Augustulus, quem imperio deturbavit Odoacer, mirum sane nihilque minus quam simile vero, nihil interim toto isto vicennio (tantum enim est spaciū quod inter Odoacrem Maximumque intercurrit) obvenisse, quo Romani imperii majestatem adstruere, adversum Venetos asserere possit adversarius; aut si omnino nihil tale quid obvenit tantum tamen roboris viriumque aut imperantibus, aut imperio fuisse, quantum ipse fuisse credi vult, nemo credat. Ut vero & ad illud quod de Odoacre à præsumptione deducit respondeam, equidem si præsumptionibus locum facit, nec rerum gestarum fides patiatur, ut verosimile cuiquam videri possit Venetos Odoacri paruisse. Annalibus si fidem habemus, vixdum ille Italiam in regnum erexerat cum statim à Theodorico armis victus fuit, ac Ravennæ per totum triennium obsessus, tandemque deditione facta cum vix tantillam regni portiunculam esset depectus, per speciem litis, ab ipso ut creditur Theodorico; quod non nisi sublato belli duce requiem

quem fore prospiceret, motæ, saltim jussu Theodorici interfectus est. Initia Theodorici satis exagitata fuere. Rebus pacatioribus ac subsidentibus paulisper bellorum minis, tantum abest ut ille tenellam ac caput attollere occipiantem, tanquam quæ Romanæ adversaretur potentia, Libertatem attriverit presseritve, ut & ipse Ravenne sese cum aula sua contentus continere, ne quidem in urbem illam unde in omnem regionem (quamvis capotitus dicatur) intrare quo sibi sedem defigeret, sustinuerit. Potens ille fuit, fateor, sed & pacatus placidusque collegit sub illo afflictæ Italia spiritum jam fatiscentem & cum ea respirarunt & à calamitatibus suis illi, qui in penitiora Hadriatici maris sese abdiderant. Aurea illius apud Cassiodorum verba sunt, *Pietatis nostræ remedio surgant, qui fortune suæ acerbitate corruerunt.* Quorsum vero imaginari attineat cum qui populis quietem, sæculo pacem suo reddere sese velle gloriatur in eos quos sibi nullatenus metuendos sciret ac longis defessos malis novisset, scire?

*Fortuna amorem pejor inflammat magis,*

*Ipsas misericors fors an ærumnas amat.*

ait Seneca in Herc. Oetco. Notum illud ejusdem authoris,

*Miseros magis fortuna conciliat suis.*

Quid quod & illud regi magnanimo clementique (talem siquidem illum Historiæ, nisi quod ad extremum Boëtii ac Symmachi consularium virorum cædes multum ei de clementiæ laude detraxerit, volunt) nihil æque ad laudem famamque fuerit profuturum? Gloriatur occasione non dissimili de Atheniensibus suis Aristides, esse ipsis *ἡμετέροις*

ποπλὴ πρὸς τῆς ἀθηνῆς ἰλεῖται τὰ ἀτυχῶντων, ἐν κενόν, ἀλλὰ ἀφελὼ εἰς ζωηρίαν, id est, ingentiam in infirmos propensionem & in infeliceis miserationem sive misericordiam, non evanidam illam, sed quæ vel ad salutem sufficeret. Cui non ablutit quod de Mario Florus. *Facile invenit exercitum miser Imperator.* Sed his omisissis, agendum id quod vult salva veritate, largiamur Anonymo, nempe vel eo quo ipse deprædicat loco res Romanas fuisse, concedamus accisas & perquam angustas fuisse Venetorum res, quid inferat tamen? Sæpe majori fortunæ locum fecit injuria; multa ceciderunt, ut altius surgerent, & in majus; etiam Venetorum reddere Libertatem potuit infirmitas, potuit ipsa inopia præstare non invidendam, iis præsertim quibus non poterat non esse periculosum imperium nimis quod esset grave, quibusque cum nec ad capiendum quid ultra, nec ad continendum facultas suppeteret ad felicitàtem abunde sufficeret, si nihil eorum, quæ tanquam ex communi naufragio receperant recollerantque, denuo amitterent. Libertas interim quantumvis arctis circumscripta finibus æque Libertas est, atque est illa quæ longe lateque sese diffundit.

*Nihil colosso demit aut addit Basis,*

*Nihil cothurnus adjuvat nani statum.*

Vtque Scholaſtici loquuntur majus minusve rei speciem non immutant. Aliud plane fecerit Anonymus, si quod præsumptione ante capit re ipsa, ac de facto obvenisse dicat, quæ si ipsi mens, expecto jam dudum quibus historicorum auctoritatibus sententiam suam tam à vero alienam sit adstruaturus.

Illud & in transcurso subjungam, ad rem non facere quod cum Salviano dicat. omnes aut pro Romanis habitos aut pro

Bar-



Barbaris & Bagandis, unde & Venetis nisi pro talibus haberi velint, fatendum, sese ad rem Romanam spectasse. Notatum jam ante, quod nunc non repetam, divisionem denominationemque hujus aut illius historici veritatem rerum haud immutare. Est & insuper inepta ista in Bagandas (perinde ac si vel hilum à Barbaris differrent) divisio, nec satis assecutus fuisse videtur qui Salvianum allegat Anonymus, quod qualevis Bagandæ fuerint. Constat impositum fuisse nomen Bagandarum nonnullis Galliarum rusticis, quos Amandus ac Ælianus intolerandis Carini Cæsaris injuriis exacerbati, sollicitarant. Bagandas, adsumptum à Caro ad imperii consortium Maximianum, prælio fuisse auctor est lib. 1. historiæ suæ de occidentali imperio Carolus Sigonius. Assumendo, neque barbaros quis Venetos dixerit, nisi ipse barbarus. neque etiam Bagandas, ut quibus nec ulla ratione metuendum erat, ut aut pro barbaris haberentur aut Bagandis: quanquam nec video quid ex eo dedecoris ignominiaeve in ipsos derivari potuisset: neque etiam facile crediturum quempiam existimo, Venetos id temporis de vita fortunisque suis conservandis sollicitos, inque exædificanda quam sibi delegerant sede plus satis occupatos, istiusmodi cognominis injuriam magnopere fuisse curaturos, nedum facturos tanti ut quam suo sanguine, suis sudoribus pepererant Libertatem, scommatis, quod ne quidem eos tangere poterat, evitandi gratia turpiter è manibus judicarent abjiciendam & alienis imperiis substernendam.

Esset quidem hoc loco non modo non inconueniens, verum etiam per necessarium ostendere quam non ingenuè totum oræ regionisve Venetæ tractum Anonymus cum ipsa urbe Veneta confundat, quamque & perperam ea inter sese esse separata, nec non & ab authoribus separatim esse intellecta sibi ille probari desideret, utpote quod nostris

pro Veneta Libertate vindiciis multum lucis allaturum esset, plurimumque facilitatis additurum solutionibus quas ad objectas ab Anonymo scribentium auctoritates adferimus. Verum enimvero quantumvis summo labore complurima à me in eam rem privato lucubro fuerint conquisita, antequam ea videram quæ Philippo Cluverio notata sunt, simulque & ab Angelo Portenaro, qui speciatim edito apologetico, eorum Libertatem qui ante urbem conditam Veneti dicebantur, tutatus est, ea tamen prætermittere satius habui, cum ne aliorum compilasse scrinia redarguar, quod homini ingenuo ut inglorium, ita etiam turpe ac probrosum esse semper existimavi, tum quod & illud tam accurate tamquesedulo ab ipsis sit præstitum, uti neque vel ad spicilegium quippiam relinquere voluiss: videantur iis qui post ipsos simile quid designare aggredive in animum induxerant. Debitam illorum capitibus coronam ego non detraham, priores me ea annotarunt, epituncium ferant, ac insuper etiamnum, quandoquidem illorum scripta æterna laude sane dignissima omnium manibus teruntur, Lectorem meum rogatum volo, ut quæ alioquin nostrum fuisset hoc loco commonstrare, ex illis petere non dedignetur. Si qua mihi fides, pulchra sunt, accurata, jucunda.

## CAPVT XIII.

*Canonicarii Venetiarum qui sint apud Cassiodorum.  
Canon vel ex imperio, vel ex conventionem solvitur.  
Canon à Venetis solutus protectionis causa, salvâ  
Libertate. Frustra ex canone soluto subditos Imperatori Venetos fuisse probare nititur Anonymus. Ca-*

*non pactionis nomine sæpe venit. Tributorum triplex genus, Canon, Oblatio, Indictio.*

**M**AGNUM subjectionis argumentum Anonymo illud esse videtur ac vel solum per se ad eam probandam sufficiens, quod nonnullæ Cassiodori reperiantur Epistolæ cum hac epigraphæ CANONICARIO VENETIARVM: fuerint autem Canonici, exactores annuorum Canonum: quos si Imperatores habuerint (quemadmodum id omnino negari non potest) dubium non sit, quin & imperatori subditi fuerint illi, à quibus istiusmodi canones exigebantur; præsupponente nimirum jurisdictionem istiusmodi canonis exactione, unde & deinceps irrefragabiliter è jurisdictione subiectio inferatur.

Hoc ad argumentum ut respondeam considerandum in subiectâ nobis materia non sufficere, quod dicatur exactum solumve fuisse canonem, nisi & exprimatur eum exigendi solvendi que causa. Solvitur quandoque ex imperio canon, quandoque ex conventionem, estque ipse canon, ut & census, vel subjectionis indicium, vel redemptæ Libertatis, aut impetrati ab altero privilegij gratia remuneratio, aut denique quod protectionis gratia debetur; plures canonis solvendi causas non invenio ab Authoribus assignari. Cum ergo neque vi à Romanis Veneti fuerint subacti, neque ultro concessione aut mediante juris vinculo in eorum concesserint ditionem, absit, ut istiusmodi canonis exactiorem pro servitutis indicio accipiendam ducamus. Absit item ut cum neque & illi sint antestati, sese Libertatem, quam à natura habebant, quamque gentium jure firmatam asserabant stabilemque, solvendo canonem redemisse, nos id dicamus; quem porro si protectionis gratia persolverint (quod nec à temporum, nec à rerum Venetarum conditione ac

ne ac statu abhorreat) jam tum certum est, nullum ex istiusmodi contributionibus subjectionis argumentum posse desumi. Canon in adhuc, qui subjectionis indicium sit, exigere non potest nisi dominus illius, à quo ille exigitur, aut qui domini vices sustinet, quod numquid in imperatorem cadat nec ne, id vero demum est, de quo controvertimus, saltem quoadusque id ita esse non evincitur, merito nec ea, quæ pro istiusmodi potestate, aut vi potestatis istiusmodi dicuntur gesta, subsistere dixerimus. Pro redimendâ Libertate aut impetrandis privileg'is non nisi ratione competentis Dominii quid exigi posse juris ratio dicat, quod nos item in imperatorem cadere posse constanter negamus.

Protectionis vero causâ licet vel quilibet protector canonem petit, verum salva Libertate illius à quo eum sibi solvi desiderat, nimirum ut supra ex l. 7. de capt. & poss. rev. citavi, *liber & ille est populus, qui non aequali sœdere in amicitiam venit, puta si sœdere comprehensum sit, ut si populus alterius populi majestatem comiter conservaret. Hoc enim adicitur, ut intelligatur illud populum superiorem esse, non ut intelligatur alterum populum non esse liberum, quemadmodum & clientes nostros intelligimus liberos esse, etiamsi neque autoritate, neque dignitate nobis pares sint, &c.* Hoc nomine modove, si Canoniarum Venetiarum Imperatorem habuisse, dicere velit Anonymus, neque me sibi habebit contradictorem. Potuit hac ratione obligatos sibi Venetos Imperator habuisse, dominus eorum existere non potuit. Aliter si sentit ante omnia probandum erit ipsi, non ratione aut intuitu juris alicujus privati, sed pro plenitudine potestatis solum fuisse canonem; item nec ex conventionem partium, sed mero imperantis jussu, & sic in argumentum subjectionis. Expectabo quos ille actus sit enumeraturus, qui istiusmodi canonis solutionem fuerint comitati; expendamque numquid & illi tales extiterint, ut efficaciter

caciter ex ijs, illa quam sibi probandam defumfit, inferatur subiectio. Quo verò (ut & hoc obiter notem) solum verius ex pacto canonem, quam pro imperio, constet: animadvertendum, & ipsum canonem pactionis nomine venire, ac sic depacisci solitum, ut videre est in *l. etiam. de Obseq. patron. prest.* ubi dicit Imperator Alexander, jure omne obsequium debere dominis, etiam qui pactione datâ, à dominis manumittuntur: ad quam L. Gothofredus verbum pactionis pro canone accipit, quemadmodum & *Novella 120. c. 1.* pactum eodem significatu accipitur pro canone, verb. *sub isto pacto accipiat* uti & ante Gothofredum notavit Cujacius in *l. 7. §. quod fere. ff. de pactis.* & ex eo in commentarijs suis ad Alexandr. Imp. rescripta Chassanæus. Est & hoc observatu non indignum, tributorum genera Asconio Pediano tria constitui Canonem nempe, oblationem & indictionem, quorum indictio ut est, quando id quod imperatum est recusatur, ita oblatio à voluntate magis offerentis, quam ab illius cui offertur imperio dependereprehenditur. Canonem denique exemplificando constituit in portoriis.

Quidquid vero porteriorum nomine exigi solet, id commerciorum jura concernere potissimum, nemo est qui nesciat, uti & ea, sic usu exigente & humanis necessitatibus, locum habere etiam intra illos, qui neque propter sese parem, neque & alias superiorem agnoscunt quempiam. Subjectionem autem per semet sola quod inferat, nisi speciatim id inter contrahentes actum fuerit, à nemine traditum hactenus est, imo potius istiuscemodi non interveniente partium utrimque pacto convento, contrarium statuendum est. Caldev. cons. 5. de privil. per totum.

## CAPV T. XIV.

*Epistola Cassiodori ad tribunos maritimorum excussa. Tribunorum maritimorum nomine Veneti non intelliguntur. Istriae populum Imperatori subditum non fuisse probatur. Veneti ab Istris disertim in epist. Cassiodori separantur. Multum mandatum à jussu distat. Istri fœderati P. R. Devoti & devotionis vocabulum explicatum. Devoti dicuntur, qui sese in alterius amicitiam deditere. Devoti pro externis sumpti. Allophylis qui sint. Imperium cadit etiam in liberos, aequales, fœderatos. Non verbis, sed æquo jussuque pugnandum.*

**C**onsequens est alterum Anonymi ut nunc examinemus argumentum, quo prædictam, quam intendit Veneto- rum subjectionem probare tentat, suggessit illud ipsi ejusdem Cassiodori epistola, lib. Variarum duodecimo, ordine quarta & tricesima, ad Tribunos maritimorum scripta; quam licet ille verbotenus transcripserit, additisque postmodum de suo commentariis ampliarit, nulla mihi tamen idem faciendi videtur necessitas, neque enim metuendum erit, ne mutila referendo verba sententiasve minus plenas, de fama aut candore periclitetur. Sunt illa quæ ad eam adnotare voluit istius generis, ut lectorem moratura non sint, utpote & sine quibus coeptæ disputationis filum absque offensa ulla aut remora facile sit pertexere, iis modo exceptis quæ ad priorem epistolæ periodum adduxit. Est hæc verbotenus.



*Tribunis maritimorum Senator præfectus Prætorio : Data pridem iussione censuimus , ut Istria olei & vini species , quarum præsentī anno copia inclita perfruitur ad Ravennatem sæliciter dirigeret mansionem , sed vos qui numerosa navigia in ejus confinio possidetis pari devotionis gratia providete , ut quod illa parata est tradere vos sub celeritate studeatis portare , similis quippe erit ejusdem gratia perfectionis , quando unum ex his dissociatum adimpleri non permittit effectum. Estote ergo promtissimi ad vicina qui spacia sæpe transmittitis infinita , &c.*

Hanc ergo ad suum propositum Anonymus ut applicat, ait cum ex inscriptione , quæ præfert eam esse scriptam TRIBUNIS MARITIMORVM, tum & ex ipso textu satis apparere, Cassiodorum eo nomine Tribunos Venetos designasse , qui Venetorum Tribuni cum eodem habeantur modo , quo Istriæ populi , qui populi Romani erant subditi , cumque & jubeantur pari devotionis gratia id quod Istriæ populis imperatum erat perficere ; idque verbis *estote promtissimi , providete , reficite* , & quæ his similia sunt , ultra dubium non esse ille putat , quin & ejus , qui ita jubeat , imperio Venetifuerint subditi. Videamus utrum recte. Inscriptiōnem epistolæ quod attinet , certe ea planum non facit maritimorum Tribunorum nomine Tribunos Venetos designatos , eos nempe Tribunos , quos abrogato consulibus imperio urbis Venetæ aut earum quæ successu temporis in unam urbem coaluerunt insularum habitatores sibi elegerant : certe verbi *Maritimorum* indefinita generalitas , istiusmodi restrictionem non admittit , atque ut ut maxime de

Venetis effcet intelligenda, multo tamen prius in toto tractu maris Hadriatici, qui singulari numero Venetia dicitur, quam in urbe Venetiarum sola locum sibi ea vindicaret. Sed vel demus verum esse, quod credi vult Anonymus, sit epistola illa speciatim ad Venetorum Tribunos data, non tamen ex illo quod ipse vult sequetur eos Imperatori paruisse. Nam quod pari modo eos habitos fuisse dicit cum Istriæ populis, illos autem Imperatori fuisse subditos, ejus neutrum pro comperto est, imo contrarium potius. Dicitur inibi de Istriæ populis censuisse pridem data jussione Præfectum Prætorio ut Istria vini & olei species ad Ravenatam dirigeret mansionem. Ast vero jussione illam in Venetis non geminat, quin potius postquam quid data jussione censuerit exposuit Venetos ab Istriæ populis separat verbis *Sed vos &c.* item verbis *Quod illa parata est tradere, vos studeatis sub celeritate portare.* Quæ verba non tam jussione, quam mandatum, nec id omnino strictum, sapiunt. Multum à jussu mandatum differt, estque vel ipso fatente Anonymo inter impares & inæquales jussus, ut inter patrem & filium, dominum & servum, magistratum & subditos: mandatum vero inter pares & æquales, inter quos imperium non est, ut inter amicos.

Deinde dicit quidem ipse, sed non probat Istriæ populos, ut subditos ad imperium Romanum spectare. Illud ex Sigonio cæterisque rerum Italicarum scriptoribus constat, perinde ut Athenis, Corynthis, Thebis, Sparta cæterisque Græciæ urbibus plenum in semetipsas erat imperandi jus, neque tamem eo minus inter sese foedere contra Persas colligabantur, ita & plerosque Italiæ populos cum summum etiam in sese suosque imperium haberent, cum Populo Romano foedere fuisse junctos. Istrios eundem ad modum Populi Romani extitisse foederatos quo minus credamus  
 nihil

nihil impedit servitute non probatâ. Scio regeret hoc loco Anonymus verbo DEVOTIONIS plenariè servitutem confieri; atque quandoquidem *parem devotionis gratiam* præfectus prætorio proponit, non minus quam Istriæ populos, quorum ille alibi regionem devotam provinciam vocat, subditos imperatori fuisse Venetos. Ego vero illud nego, *devoti* aut *devotionis* verbum subjectionem inferre; super cuius dictionis efficacia Barnabam Briffonium eleganti suo de formulis tractatu qui volet consulat. In subiecta nobis materia notasse suffecerit verbum illud in malam olim acceptum fuisse partem, nunc vero usu,

*Quem penes arbitrium est & vis & norma loquendi,*

semper accipi in optimam, affectusque prolixè proni benevolique (unum divini numinis excipio cultum) promptitudinem designare. Aliud est subditum esse, aliud amicum. Si quis tamen scribere desiderat qui proprie dicantur devoti, is ita habeat, proprie devotos dici qui sese in alterius amicitiam dediderunt. Faciunt id clarum verba Cæsaris libro 3. de bello Gallico. *Alia ex parte oppidi Acanuannus (exitum molitur) qui summam Imperij tenebat cum sexcentis devotis, quos illi soldurios apellant, quorum hæc est conditio ut omnibus in vita commodis fruantur cum his quorum amicitia se dediderunt, si quid jû per vim accidat eundem unâ casum ferant; aut sibi mortem consciscant, Neque adhuc hominum memoriâ repertus est quisquam, qui eo interfecto cuius amicitia se devovisset mori recusaret.* Hactenus Cæsar. Hoc significatu in jure sumi pro fideli amicoque, sicubi dicitur *devotus possessor, devotissimus miles*, quæque ejus generis plura sunt, neque ipse diffitetur Anonymus. Nos vero quod si verbum *devotus*, ita accipere volumus, prout id etiam in jure nostrò acceptum videmus, manifesto id non subjectionem, sed quæ subjectioni adver-

sa est Libertatem inferre deprehendemus. Notum illud Poëta,

*Omnem equidem terram, sceptris quæ libera nostris  
Dissidet, externam reor.*

Verbum autem devoti injure alienigenam externumque denotat, ut observare est in l. à legatis. C. de vestigal. & commiss. ubi verba *Gentium devotarum* Græce sonant τὸ ἀλλόφυλον ἔθνος, id est, *externarum gentium*, quod & clare evincunt verba d. l. *quas de locis proprijs unde conveniunt huc deportant*. Scimus & passim in sacra pagina Allophylorum nomine indigetatos fuisse Philistæos, easque porro gentes, quibuscum ut misceri Israëlitis nullatenus licebat, ita perpetuo ut eos bello prosequerentur Deus injunxerat. Ipsum & insuper ἀλλόφυλος etymon hominem alterius classis sive alterius tribus sonat. Ad quæ si attendatur, nos illos Istriæ populos, nec non & Venetos pro externis habitos fuisse dicere non inconvenienter possemus, imo & eadem ratione liberos. Ut ut enim quam latissime Cassiodori verba interpretari, aut extendere revelimis, fateamur attamen necesse est, ad summum ex illa majus ampliusve quid haud posse colligi, quam illos ipsos, quibus ea scripta est, quod de Tyrijs Curtius ait, sub tutela Romanæ mansuetudinis acquievissæ. Amplius si quid elicere posse sperat Anonymus non equidem invideo, miror magis. Ego saltem quid & quale futurum sit vel cogitatione me præsumere non posse fateor ingenue. Ast sunt, inquit ille, verba epistolæ istiusmodi, ut non monitum, non consilium, non preces inde colligas, sed absoluta, regia & parendi necessitatem injungentia verba. At tamen, nec hic omnino veridicus est. Illa sane verba, *studeatis sub celebritate portare*, item, *festinetis excurrere*, non tam imperio, quam ordini directionique esse commoda nemo non judicet. Sed

est.



esto, largiamur & hoc Anonymo, ac non mandati modo sed vel & plenariæ jussionis concedamus effectum, ergone ipse jussus, ipsum imperium, ut de verbis nihil jam dicam, non cadit in æquales, fœderatos, liberos? cadit vero. Ipsum imperium si respicimus audiamus de Alexandro Curtium *Ex fœdere naves socijs imperat, quæ Helleſponto præſiderent.* lib. 3. Imperativa verba si requirimus offerent ſeſe nobis è veſtigio Ætoli liberi illi & majeſtatem populi Romani duntaxat comiter conſervantes. De his ita Livius *Diu jactant Ætoli ut ad conditiones pacis convenirent, effecerunt. Fuerunt autem hæc, imperium majeſtatemque Populi Romani gens Ætolorum conſervato ſine dolo malo, ne quem exercitum qui adverſum ſocios amicosve eorum ducetur, per fines ſuos tranſire ſinito, neve ulla ope juvato, hoſtes eoſdem habeto quos populus Romanus, inque eos arma ferro, bellumque pariter gerito, perſugas, fugitivos captivosque reddito.* Agnoſcet hic, ut opinor, verba imperium ac dictamen ſpirantia noſter Anonymus. Fecit id ante ipſum in *Orat. pro Balbo* Marcus Tullius dum inquit, *Primum verbi genus hoc conſervandi, quo magis in fœderibus, quam legibus uti ſolemus, imperantis eſt, non precantis: deinde cum alterius populi majeſtas comiter conſervari jubetur de altero ſiletur, certe ille populus in ſuperiore conditione cauſaque ponitur cujus majeſtas fœderis ſanctione defenditur.* Sed nec & minus fatebitur vel invitum eam ipſam gentem, cui tam imperioſæ fœderis dicuntur leges eſſe exaſſe liberam, ita ſtatuyente IC<sup>to</sup>. Paulo in allegata ſubinde l. non dubito. de Captiv. quin vero ſi totam ei perlegere legem lubet & noviſſima ejus verba notare, quæ ſic habent ſunt apud nos rei ex civitatibus fœderatis & in eos damnatos animadvertimus, ſi conſiderare jus illud animadverſionis in ociosos fœderatosque non tam ratione delicti Romæ perpetrati enatum, quam è nudo & abſoluto imperii jure exortum, ut clarum faciunt illa Crispi in Catilinaria, *ea poteſtas* (nempe vide-

viderent Consules nequid resp. detrimenti caperet) *per Senatum Magistratus Romano maxima permittitur, exercitum parare, bellum gerere, coercere omnibus modis socios atque ciues, domi militiaeque summum imperium ac iudicium summum habere.* Si perpendere porro secum velit Iudicia inuitos dari, nec minus omnibus in ore esse: Qui te iudicat Dominus tuus est, ac nihilominus foederatis istiusmodi populis rationem Libertatis constare, imo vero eos ipsos Libertate frui illaesa, nec ulla sui parte imminuta, desinet ut opinor deinceps verba captare cavillarique. Est nobis de Iure, & de facto quaestio, non de verbis: cum cum *Innocento* pertinacibus relinquamus. Callide verbis controversias diiudicare velle, non æquo & bono, nec ingenui est, nec generosi. Esset hoc cauponare bellum, non belligerare. Præclare ut omnia *non verbis literisve, sed veritate atque adeo communi utilitate exprimenda jura*, Otator monet, idem nec minus cordate è campis æquitatis ad verborum angulos vetat revocare.

## CAPUT. XV.

*Frustra Anonymum conari libertatem Venetam subvertere, quia Salvianus, & Justinianus ejus non meminere. Mentio scriptorum nec addit aliquid ejusmodi rei, nec demit.*

**I**llud vero leuiusculum est, quod de Salviano Massiliensi Episcopo dictum antea, mox & de Iustiniano repetit Anonymus, nullam eos nimirum Venetæ Libertatis mentionem facere, etiam sicubi contingit eos ex professo, ut de Iustiniano constat ex proemio Novellæ vicesimæ novæ, de Venetis loqui. Non esse autem credibile, si qua  
Vene-



Venetorum eo tempore fuisset Libertas, comoda in id sese offerente occasione, ac vel invitante, rem tam notabilem silentio fuisse pressuros. Colligendum ergo vel ex illo, nec ullam ijs competiisse statuit; quasi vero potuerit à Salviano aut ab Imperatore facta mentio Venetorum Libertati addere quippiam aut detrudere. Quis non videt fortuitum esse & ab accidenti id omne quod ab istiusmodi mentione deducitur? Potuerunt illi meminisse Libertatis Venetæ, potuerunt eam silentio præterire, pro ut visum fuit, nihil inde Venetis compendij, præjudicij item nihil. Sed nec interim verum, occasionem eò velut invitasse Imperatorem. Adeo ex allegata novella deprehendere non potui, necessario Imperatorem nostrum de Veneta Libertate mentionem fuisse facturum, ut ne quidem appareat probabiliter id ipsi fuisse propositum. Accedit quod nec Anonymo in proposito nobis themate, si argumento ab autoritate sententiam suam defensam cupit, simplici negativa defungi liceat: affirmativæ inhærendum foret ei, nec autoritati ut authoritati, verum etiam ut ad id quod intendit adstruendum habili. Ea quæ à fide dignis dicuntur haberi pro veris est tralatitium, sed nec ex adverso ullius tanta unquam autoritas fuit, uti ex eo solo, quod cum probabiliter naturam veritatemque rei habere cognitam posset, nullum tamen scientiæ suæ ad posteros transmiserit indicium, statim qua veritatem, qua existentiam rei ob id in dubium revocare fas sit. Tritum est illud argumentum ab autoritate negativè non procedere. Tantum vero abest, ut habilis esse possit hoc nostro casu negantis autoritas, ut nec ea vel affirmantis ob stare possit. Ponamus agedum, (quod tamen factum nunquam) adseveraturum fuisse Imperatorem Venetos de quibus disputamus ad imperium suum pertinuisse, quid tamen inde præjudicii, quantisper non constat popu-

lum Romanum eos aut vi aut jure suos fecisse? ut ut enim deferenda foret, ut certe foret Imperatori fides, in iis, quæ jurisdictionem respicerent imperatoriam, cessaret tamen fundamento jurisdictionis sublato omnis illa autoritas, non jam ultrà publica, sed privata merè, neque tantum sui valitura momento, ut vel punctum temporis subsistere tue-rique se se posset adversus illam Libertam quam hætenus monstravi nullo non jure Venetis competere.

## C A P. XVI.

*Cetera adversarii argumenta diluuntur. Turbata in Anonymo methodus. Agathie locus excussus. Adversatur sibi Anonymus. Gothi Veneti non fuere subjeti.*

**H**ætenus aliquo saltim ordine argumenta Anonymi refutare licuit, idem ut & in posterum faciamus sperandum non est, adeo ille ordine non servato capite Ttætatus sui tertio probare conatur Venetos exterminatis pulsisque Gothis postliminio in ditionem Imperii reversos, in qua per aliquot deinceps sæcula perseverarint. Etsi vero, & hic quoque ea quæ ab ipso adducuntur incerta capita dispescere, nec factu difficile foret nec inconveniens, ac fortassis etiam lectori non ingratum, omitti id tamen visum satius, quo ne quispiam judicet id non tam à me factum consulto, quam quod ad objecta respondere me posse diffiderem. Tolerabilior ergo mihi visa est qualis qualis de Vitio ordinis querelâ, quam vel aliquantulum uper candore meo præjudicium. Quanquam non est quod tantopere id nos sollicitos habeat, quandoquidem ipsum illud quod refuta-  
mus

mus Anonymi scriptum, servata saltem quoad fieri potuit annorum serie continuatum sermonem deducit. Legam ergo præeuntis vestigia & quem ille in probanda Venetorum subiectione ordinem servat, in afferenda eorum Libertate servabo.

## §. I.

**A**Gmen illi ducit Agathiae locus, qui libro *historiae suae secundo* de Gothis sic infit, *cogendas sibi id temporis* (instante nimirum cum exercitu Belisario) *unde quaque vires suas putabant, subditosque quotquot supervacui, neque admodum oportuni videbantur, missos faciendos, quippe qui non amplius de principatu & glorie essent contentaturi, sed jam pro Italia ipsa, neve funditus deleverentur, periculum adiuri.* Hunc ut pro sese adducat Anonymus, ait ex illo Agathiae loco manifestum esse, Gothos ante id tempus in quietâ Italię possessione fuisse, neque ullam aut ipsis aut Venetorum libertatem, (exemptionem ille vocat) fuisse cognitam. verum non leviter hic hallucinatur & cespitat scriptor, nisi omnia nos fallant Historiarum monumenta. Certe ut omnino ulli mortalium nec diuturna potest esse possessio in quam gladio inductus sit, ita nec quietâ, quantisper is cui per vim ablata possessio est ei recuperandæ intentus agit, & quæ sibi per vim erepta videt, aut intercepta dolet, ab invasore conatur avertere. Expedias mihi, te rogo Anonyme, ecquæ Gothorum sub adventum, ecquæ quo tempore Italiam inundaverant Cæsarum fuit authoritas? Si aliqua, falsum est quod ex Agathiae loco deducis, sin omnino nulla, quin fateris falsa esse quæ de Originaria Venetorum subiectione sparsisti. Quin saltem quo ad Imperatores tuos, quod in communi sermone est, liberas ædes habuisse Venetos confiteris? Ast

vero ubi & nunc tibi magna illa nomina, Honorius Valentinianusque quos mox totius *Italiae dominos* laudato auctore prædicabas? ubi quem tanto modo fastu crepabas formidabilis ille Cæsarum ad Aquilegiam exercitus? nimirum & Gothorum inter arma silent tibi numerosæ illæ leges, quas in vicino urbis Venetæ tot annos continuos tulere Cæsares: nec earum satis es memor quæ mox è myrothecijs panegiricorum deprompta tanta affectuum animique contentione geminabas: prope est ut nec Cæsar tibi neque regum quispiam superfit, cui alter Ennodius dicat, *minui existimas quod non crescit Imperium*, aut ejus generis similia, quæ non ita pridem tantæ tibi videbantur autoritatis, ut neminem ausurum fuisse dicas de libertate Venetorum vel verbum facere, ac ne cogitatione quidem non vigilantem modo, sed & neque per somnium præsumere. Compose mihi quæso hinc Gothos rerum in Italia non dominos tantum, sed & pacificos, cum Cæsaribus tuis, tantis vel te auctore, majestatis Romanæ zelatoribus, ut earum quæ ad imperium spectarent regionum, ne spithanam, ne passiam manum, ne latum pedem (agnosce hic tua ipsius verba) passuri fuerint ab alio detineri. Habet sane imaginem falsitatis quidquid à vero abscedit, ac miror Anonyme & Gothis quietam Italiæ possessionem temet largiri, ac nec continentis solum, sed & quâ in insulas divellitur; cum nec ignores verosimile haud esse, gentes immanitate barbaras ad ea divertere voluisse, quibus invictam securitatem & loci natura & necessariorum quâ ad explendum, qua ad alendum exercitum inopia rerum præstaret. Eoque impensius miror, quandoquidem tutemet ipse fateris nec Gothis quando & quam maxime isthuc divertere voluissent, ad manum fuisse navigia transmittendo exercitui, nisi fortean & homines illi fuerint de volucrum genere, aut tu aliquando perticas hastas-

hastafve queis se illi saltu libraverint in Venetorum æstuaris,  
nobis es adducturus.

---

§. II.

*Veneti Constantiano non parvire. Frustra Anonymus illa  
pro confessis vult haberi, quæ ne quidem scriptores il-  
lorum temporum prodidere. Eadem JC<sup>ta</sup>. Verum ac  
justum. Procopius res quoque levissimas magno stu-  
dio sectatur. Chalcondys de incrementis urbis Venetæ  
testimonium.*

**V**erosimile porro sibi videri Anonymus ait, quo tem-  
pore Dalmatiam Lyburnicumque tractum sub ditio-  
nem Constantianus (quod factum imperante Iustiniano)  
redegit, sub eandem concessisse & Venetos. Ac quamvis  
neque Procopius, neque alter quispiam eorum, qui illius  
temporis historiam scripsere, illud narret (neque enim Hi-  
storiæ leges sinant singulis iisque exiguis rebus minutatim  
percensendis immorari) rem tamen ipsam loqui, cum jam  
tum ab illis temporibus constanter Imperatorum partes Ve-  
neti sequuti sint.

Quis vero hic impudentiam hominis ferat, qui cum ubi-  
que in eo multus sit, ut ex authorum silentio negativam  
Libertatis Venetæ eliciat, & ex eodem insuper scriptorum  
silentio subjectionem illorum vel assertivè ac *gêlaxôs* demon-  
strare satagit! Verba scribingentium in sequiora detorquere hu-  
manum non est, ea vero quæ nec ipsi scripserint pro explo-  
ratis haberi velle & in odium damnumque tertii valida  
etiam nefas. Nobis, verum non aliud est quam id quod  
justum, & è converso non aliud justum, quam quod & ve-

rum. Ecquod autem in eo quod nemo ita sese habere dicat, verum detur, cujus & porro Iustitiæ dictamen Libertatem huius aut illius isto configat nomine, quod eam nulla scribentium damnent præjudicia? Accipiamus tamen & hanc ipsius pro nobis confessionem, faciet ea ut vel se iudice condemnetur ac juxta illud Evangelicum, judicetur ex ore suo: proindeque stet fixum modo id ipsum quod ille ait neminem esse qui scribat Venetos sese aut coactos, aut rebus ita ferentibus etiam ultro Imperatoribus dedidisse, non erit ut multum nos moretur eaquam sibi fingit Anonymus proponitque similitudo veri.

At, inquit ille, minuta isthæc erant, neque tanti ut iis commemorandis præter Historiæ legem decorumque diu immoraretur Procopius. Quantumvis autem existimem nec semel nec perfunctoriè recitaturum fuisse Anonymum, si quippiam ab ejus ævi Historicis memoriæ fuisset proditum, quo palam fiat Venetos sese Imperatori subjecisse, tamen id apud me tanti non est, ut quod magis demirer cur post tot annorum decursum tam exiguas Venetorum res fuisse credere nos velit, ut ne ullis quidem ex annalium scriptoribus se de illius ad imperij ditionem vel de novo accessu vel postliminari reditu libuerit vel verbula loqui. Venetæ enim urbis incunabula si à Gothorum in Italiam adventu arcessimus. qui in annum à nato Christo quadringentesimum & septimum incidit, jam nunc annos ea steterat centum & triginta duos: sin ab eo quod Patavium evertit Alaricus, sex duntaxat anni fuerint demendi: aut si denique & illis accedere lubet qui ad exædificatum in Rivo alto fanum D. Iacobo sacrum urbis originem referunt, anni sint supra centum undeviginti. Quasi vero qui sub Hesperio regno Dalmatas, Liburniam Istriam & Venetorum loca Procopius posuit, quique de  
Con-



Constantiano narrare potuit, quod Dalmatiam Liburniamque omnem in ditionem redegerit, eodem ipso loco & tempore (hoc est. id ipsum quod conjectura sua designat adversarius) non & Venetorum facturus fuisset mentionem, si quidem & ipsi sub Constantiani ditionem concessissent. Ridere vero hic Anonymum lubet, qui insolens Procopio putet & minuta sectari, cui nihil æque vel ad fastidium est frequens: sed enim vero liberum hic unicuique esto iudicium. Si Bodino credimus, qui eum inter selectos recenset & magni verissimi scriptoris argumentum præbere dicit, Ille, quæ ad historiam pertinet singula commemorat ac res quoque levissimas magno studio confectatur. Sed de his plus fatis. Ut tamen planè Anonymo satisfiat, adscribere lubet ea quæ de incrementis primis urbis Venetæ testatur Laonicus Chalcondylas. *Apparet gentem illam (Venetam nempe) admodum esse vetustam, & nobiles fones fortitudine & generoso spiritu longo intervallo post se reliquisse. habitaverunt antiquitus regionem vergentem ad sinum Jonicum & ab Illyrico in Italiam excurrentem Antiqui eos Enetos nuncupabant, postmodum Veneti dicti sunt. Trofecti autem ex Epiro partim voluntate, partim necessitate subacti, ut quorum regio vastata esset ab Atyla rege, ut in majori securitate essent in posterum, Insulam quandam parvam & illustrem distantem ab continente quindecim stadiis, adificiis occupare statuerunt. Initium adificandi factum est à paucis Venetis in unum collectis. Deinde accessere quoque finitimi Epiro bellis graviter divexati. Urbs autem illa usque incrementum sumebat adificiis & legibus, cum Epirote plurimi non cessarent eo confluere. Crescebat quidem ea civitas mirum in modum discipline sanctitate, cum eo accurrerent plurimi bonis legibus nutriti & plurimi virorum Epirotarum illustres eo advolarent, præterea si quis patria fortunisque omnibus pulsus vi hostili eras, huc gressus dirigebat. Urbs illa incredibile dictum est, quam brevi opibus creverit & disciplina. Multi Græci & Romani nec non alij viri clarissimo genere exorti in patria usi banditū pro-*

*in prospera fortuna aut ab civibus pulsi in hanc urbem congregabantur, filij  
 existentes virorum illustrium qui regebant regionem haud infrugiferam.*  
 Post quæ omnia neminem fore credo qui non mecum ali-  
 ter de origine deque incrementis Urbis Venetæ judicaturus  
 sit, quæ quidem eo describenda judicavi prolixius, tum quod  
 authores illi sint extra omnem suspicionis aleam, utpote qui  
 præteritis vixerint sæculis, nec ullo partium studio laborasse  
 dici possint, tum quod multotiens pro more suo nimis in-  
 clementer origini urbis Venetæ insultat Anonymus, cui  
 per allegata hæc duo authorum loca; quibus & jungi pos-  
 sint, quæ superius ex Sigonia, Schardeone, alijsque supra  
 citavimus, abundè responsum putamus. Quatenus verò  
 conjecturam Anonymi firmet, quod ex quo tempore Con-  
 stantianus Dalmatiam Liburniamque in suam redegerit  
 ditionem, Veneti constanter Imperatorum partes sequuti  
 fuisse perhibeantur, commodius sequenti §. tractabitur.

### § III.

*Joannis, belli ducis sub Iustiniano factum, nihil demit  
 libertati Venetæ. Silent leges inter arma. Nulla gens,  
 quæ turbis bellicis non aliquando exposita. Immotæ Li-  
 bertas Veneta semper stetit. Duces Justiniani à Venetis  
 auxilia sumpsisse potuerunt. Socij à subditis distin-  
 guendi.*

**E**Xemplum Ioannis, qui sub Imperatore Iustiniano belli  
 dux erat, seu potius allegata Procopij verba. *Ioannes per  
 maritima loca ex templo dimissis qui in Padum ad trajiciendum ex-  
 ercitus, acates (genus id est navigiorum, ciulos dixeris) in-  
 ferret*

*ferret ad iter se preparabat*: non probant quod adversarius intendit. Ipsum illud ducis factum nihil per se juris imperatori confert. Nec par necessitas est, de facto quam de jure despiciendi. Quanquam & si de facto despiciere sit necesse spectanda sit temporum personarumque conditio. Silent leges inter arma, nec modo ut ait ille,

*arma tenenti*

*Omnia dat, qui jussa negat.*

Verum & ipsum adeoque jus,

*Ius est in armis, opprimit leges furor.*

Ex adverso nulla tam libera potensque gens fuit, aut etiamnum est, quæ non subinde militum trajectus, hospitaliones, excursus, pabulationes aut his similia tulerit feratve, sed neque ex eo Ius illis ademtum aut his quæsitum dixerimus. Non ita in puncto, aut in acie, quod ajunt, novacula Libertas est constituta, ut quemadmodum inter hoc vel illud esse, & inter non esse hoc vel illud, nihil intercedit, inter rectum & curvum nihil est medii, similiter sicubi vel tantillum à Libertatis exercitio recedas, statim pronus in servitutem ruas. Laxiora hic dari spatia fateamur necesse est, dum inter mediorum, quæ inter utrumque reducta sunt inter cursu, modo ad hoc, modo ad illud extremum propius accedunt, sicut diversitatem quandam deprehendas quidem non tamen repugnantiam, qualia Libertati adversa si dixeris aut obversa, dum nec adsistit iis liber homo, nec resistit, omnia dixeris. Ac sane ingenue ut agamus æquitatemque uti, fas est, aliquanto sequamur solutius, quæ jam commemoravi, minime minus abest ut libere fiant: mutatum quid in qualitate videri queat, in substantia ne hilum. Manent,  
O  
neces.

necessitate quodammodo exceptionem porrigente, cuncta quo fuerant statu. Tuta periculosis libenter omnes antepo-  
 nimus, utque præclare in hanc rem Tacitus, *Nemo est tam promptus in armis, qui non idem quietis pretium quod periculi malit.*  
 Procopius ad hæc, ea unde desumpta sunt, ecquid ad iussa du-  
 cis factum à militibus sit, quid & à Venetis ( quorum ne no-  
 minis quidem meminit) ad imperium ab eorum parte præsti-  
 tum fuerit, nihil explicat, sed ait Iohannem in via morbo fuisse  
 correptum, qui utique rem omnem interpellaverit. Sed  
 enimvero sit ita, fateamur agedum duces Iustiniani à Ve-  
 netis auxilia subsidiaque sumsisse, demus & sumsisse ex Im-  
 perio, non inde sequatur tamen ea Venetis imperata, tan-  
 quam subditis: imo vero quantisper de subjectione non  
 constat, statuendum ea ut foederatis imperata ac socijs.  
 Nulla cum Venetis Imperatorum foedera memorari apud  
 Historicis si reponat adversarius, & ego jure optimo de  
 Venetis istorum temporum iteravero, quod de priscis Sigo-  
 nius. *Nempe quo tempore visti sint à Romanis Veneti, aut omnino bello petiti, hætenus ex tanta annalium vetustate erui non potuisse.*  
 Subjectionis ( ut omnino nulla est) ablata causâ subeat  
 quod jam ante à nobis evictum, vel illibatâ libertate in foede-  
 ratos imperium subsistere, nec non & in socios, coercitic-  
 nem juxta ut in civeis, idque plenissimo imperandi jure. De  
 socijs notatum quod & speciales sibi præfectos habuerint.  
 Ita lib. hist. 6. Polybius. *Vbi cum Romanis etiam socij sunt congregati omnia inter illos administrant & disponunt viri à consulibus constituti, quos præfectos vocant numero duodecim. Hi ante omnia ex universo cætu sociorum qui adsint, consulibus appositissimos ad omnia, quæ virtute verâ eguerint, equites peditesque seligunt, quos extraordinarios vocant.* Nemo tamen est qui non distinguat socios à subdi-  
 tis. His addatur, istiusmodi imperia, de quibus nobis hoc  
 loco sermo est, cum non alio quam contra communem ho-  
 stem

item intendantur, eo ipso nedum ut subjectionem inferant societatem foedusque (Græci *Συμμαχία* vocant) valide arguere societatem inquam æqualem utrimque ut & æquale foedus, quale fuit olim illud Locrense, de quo sic Livius. *Locrensis jussu Annibalis pax data, ut liberi suis legibus viverent, urbs pariter & portus in eorum potestate essent, societas eo jure staret, ut Pænus Locrensem, Locrensis Pænum bello ac pace juvaret.*

## §. IV.

*Potissima pars Libertatis ita vivere, ut velis. Totam Libertatem Venetam esse pluribus ostensum. Suum sociis in socios imperium. Differt subditum esse, & præstare, quæ præstant subditi. Habuerint ne Veneti insuper suam Libertatem? Fuerintne coacti Cæsarum imperia agnoscere? Nihil adducit Anonymus, quo id probet. Voluntas quæ sit. Actio libera, & minus libera, nec tamen coacta. Aliud est & coactum esse, & non esse spontaneum. Voluntas Venetorum in conservanda sua Libertate. Probandum Anonymo subsidia Imperatori data ultronea non fuisse.*

**S** Vpra libri hujus cap. 2. monuimus potissimam Libertatis esse partem sic, ut velis, vivere, illumque & esse & dici liberum, qui se ipso contentus, ex se pendeat. non ex alieno imperio atque arbitrato. Offert sese ad hunc §. (quamvis & alibi passim) occasio pressius ventilandi, quo pacto verum sit id quod nos asserimus, Venetos nimirum esse liberos, neque in definitionem descriptionemve Libertatis influere quippiam, quod non ex amussim in ipsos quadret, quodque



ex adverso hoc §. adstruit author Scrutinii ex Blondo aliisque Venetos imperio subditos fuisse. Qua de re deinceps verba factururus, fateor equidem, si verbum illud nomenque *subditi* præcisam parendi necessitatem induceret, talem nimirum, qualis est in servis, causam me dicturum non fuisse, quominus in Anonymi sententiam concederem. Sed enim vero demonstratum jam antea etiam suum sociis in socios esse imperium, socios autem ipsos eatenus quoque subditos dici. Accedit quod haud leviter inter se differant esse quem re vera, ac de facto alteri obnoxium, aut re vera obnoxius cum non sit, ea tamen præstare, quæ subditi facere ac præstare consueverunt. Erit & insuper operæ pretium ecquæ nam istiuscemodi præstationum causa fuerit; ecquod principium, pervestigare, utique in suscepto themate, quo dilucide progrediamur, nihil ad eruendam veritatem æque profuerit, quam si hæc duo nobis considerata ducamus, nempe voluerintne Veneti Libertate insuper habita, vivere in subjectione. Deinde num quid illi, quæ præter, qua contra voluntatem fuerint adacti Cæsarum supra sese imperia agnoscere. Ac postremo quo id demum factum sit tempore. Quod ut constet despiciendum porro numquid actum aliquem adducat Anonymus sive à Venetis, sive ab Imperatoribus profectum, qui id lectori planum faciat. Cessat hic utique adversarius. Nos quo ne cessemus humanarum actionum principia si attendimus, fateamur necesse est, ut in homine, ita & in cætu hominum jure congregato, quem civitatem appellamus (eadem enim utrobique ratio) voluntatem esse, quæ se ipsa moveat, subijciat, nec non determinet, idque vi suæ Libertatis, consensu ac motu à semetipsa præditam, voluntatis deinceps actus (qui quidem ei correspondent) esse non perturbatos: ipsam adhæc voluntatem non volendi duntaxat actibus includi ( ipsum siquidem nolle aliud



aliud nihil est, quam velle hoc, aut illud non facere aut non fieri) sed quatenus voluntate quadam quidpiam renuimus volumusque illud quoque ipsum non velle, sub voluntate comprehendendi. Atque hoc fortasse sensu Plinius in Paneg. non cogi, sumit, pro libere agere, dum inquit *beatissimum esse in principatu non cogi*. Ut ut vere non diffitear eam, quæ quid abnuit, voluntatem propriè non esse, ac nisi late sumpto verbo voluntatem dici posse, cum ex aduerso, idque necessariò voluntas sit illa quæ aliquid assertivè vult; par tamen (ut suo dicitur loco) utriusque subjectionem quod attinet, est habenda ratio. Ab instituto non ab eo. Omittamus, si lubet, illam quæ sese foras haud exserit voluntatem, deque ea sola quæ semet per exteriora signa videndam præbet, inque actum deduci patitur, sermo sit: est hic iterum indubium, ad hoc, ut voluntatis actus pro voluntario reputetur, volentis cum actione scientiam debere concurrere. Succedit actioni liberæ, secunda minus libera, nec tamen coacta, sed propriè loquendo gravatè spontanea, vicina (neque enim id negari potest) actioni coactæ: Ad cuiuscemodi actionum classem redigenda sunt illa, quæ nobis pro ingrata temporum, circumstantiarumve quæ nos urgeant malignâ conditione, sic extorquentur, ut re vera magis id quod agimus velle, quam nolle deprehendamus: qualia ut flectere movereque nos possunt, ita plane cogendi potestatem non habent: manente nimirum immotâ voluntate ipsa, quæ sola verum est propriumque actionum suarum principium. Vtrique istarum quæ opponatur tertia est, illa scilicet quam coactam dicimus, & ipsa Libera, sed respectu principioque diversis. Cogentem quippe si intuemur sunt ea, quæ à coacto proficiscuntur quam liberrimè voluntaria; ad coactum vero si attendimus, passio sunt, nec aliter actionis indigitanda nomine, quam & apud Poëtam pugna est,

*Vbi tu pulsas, ego vapulo tantum.*

Harum porro quæ prior est actionum, necessario nihil cum agat, agit liberè; si quæ necessaria sint (cujusmodi ad conservationem individui in homine sunt edere, bibere, dormire, &c.) facit quidem ea, sed sponte liberâ. Secunda, principium volendi ab externis si secernas, item operatur liberè. Si ad externa te convertis, hæret nonnunquam in libertatis coactionisque confinijs; ubi præeligendi facultas deficit, eligere, ac assistendi tantisper resistendique facultate suspensâ, velutque à se sequestrata, id quod possit velle contenta. Tertia denique, cum tota juris sit alieni, ducaturque ut nervis alienis mobile lignum, mutum est mereque passivum cogentis instrumentum. His ita positis etiam liquido constat; longe aliud esse coactum quid esse, aliud, quid esse non spontaneum. Clarius loquar. Coactum quod est, nunquam potest esse voluntarium, non spontaneum vero, subinde voluntarium esse potest, quatenus voluntatem designat, sed non plenam, minusque liberam. Ea propter ergo in Venetis liberam si considerare voluntatem lubeat, si quid animi ipsis fuerit, attendere dubium non erit, quin jam tum à principio non minore voluntatis impetu ad amplectendam servandamque libertatem fuerint accensi, quam vel rationis expertia totis istud curare viribus animantia deprehendimus. Si liberæ voluntatis actum requirimus, nemo utique sanæ mentis credat (ut id è præcedentibus repetam) homines, qui lares, focos, aras, divina, humana cuncta, quo se servituti subducerent, deseruere, inque vacua recipere, cum jam tunc liberi essent, sui que juris, alterius esse voluisse. Qui rebus ita ferentibus fecisse eos nonnulla dicere volet, quæ sua sponte facturos fuisse non sit præsumendum, quænam sint illa necesse est ostendat, quo judicare

care liceat, ecquid ea, quatenusve à libertate declinent; durus interim humanæ conditionis æstimator ipse, si quidem isto nomine ipsorum libertatem nititur convellere; quam sane parum admodum sese nosse ipsemet prodat, qui liberum, ut notavi, volendi principium ab extrinsecus gravante causa non discernat; durior etiamnum, si, quæ à necessitate aliqua profecta sunt, ilico ad coactionem (perinde ac si non sint ea separata, atque inter se discrepantia) velit translata.

Ego vero quandoquidem illa, quæ subjectionem refugit voluntas, allo probari nequit modo, diutius ei non immorbor. Præclare Seneca, *Si scire vis an velim, effice ut possim nolle*. Præstitum id mihi, cum jam ante, tum hoc ipso, per ea quæ dixi, loco. Poterant utique sese in paludibus suis continere Veneti, quos ut Barbaros propullarent, ut laborantibus sese Italiæ rebus permiscerent, qui adigeret, erat nemo, &, ut ut quam maxime fuisset, protegebant illos incerta vadorum, nec ulli temere superanda paludum uliginumque vastitas: sunt tamen illi, quacumque potuerunt ope, suam versus afflictos pietatem testati, nimio poluendam, si libertatis ea dispendio pensari commecruit. Verum enimvero cum ex libero servum, & vice versa ex servo liberum enuntiativa Historicorum verba neminem faciant, neque adhæc de verbis sit laborandum, ubi ipsâ, rerum evidentiam quod asseris evincendum est, probandum adversario, quæ id temporis adversum Gothos auxilia Veneti tulere, ultronea haud fuisse, nec & socialia, verum (quod ipse nobis persuasum cupiat) Imperatori vel in tantum debita, ut nec citra majestatis imminutionem detrectari, inque recusantes ipsa majestas insurgere jure potuerit, armarique: probandum denique Venetos etiam ipsos (postquam de subjectione ultronea non liquet) ab Imperatore coactos, illius

illius supra se imperium agnoscere. Hæc illi in animo est à violentis arcessere principius, si Venetorum in vicinos pietatem servitutis damnare, in antecessum sciat oportet, ad hoc, ut actio aliqua omnino coacta dici possit, plenissimè requiri, non duntaxat modo ut principium actionis consistat extra apertem, pariterque ut externa illa principia cogant pervim: sed & sibi deinceps probandum fore, quæ non minus in subiecto casu, quam præcedentia illa desiderantur, Venetos, quo eos tempore cogebat imperator, assensum non modo ullum istiusmodi præbuisse coactioni, sed eam omnibus viribus enixissime coactionem averfatos. Hæc ille si è fide dignis scriptoribus probare potest, vinci me patiar: id vero cum perinde sit ei pronum factu, quam si digito (quod ajunt) cælum tangat, non admittam sane illud mortalium optimis, improbisque vel eo usque conjecturis indulgeri patiar, ut quæ tam duris temporibus, rebusque in arcto constitutis adversus Barbaros, pro vicinis suis, imo universa Italia imperioque Romano, cordate, fortiter, piè Veneti gesserent, servilibus ministeriis accenseantur. Senecam potius audiamus. *Quæ alio præstante beneficia dicerentur, servo præstante ministeria sunt, beneficium enim id est quod quis dedit, cum illi liceret & non dare, servus autem non habet negandi potestatem, non præstat sed paret, nec id se fecisse jactat, quod non facere non potuit.* Et paulo post. *Vñ scire quando sit beneficium, ubi dici potest, quid si nolis? ubi vero id præstat quod nolle licuit, voluisse laudandum est.*

## J. V.

*Tractus maritimi à continente separandi. Male hoc dissimulat Anonymus. In terra continenti regionis Venetæ, nec non in tractu maritimo quadam direptionibus hostium*

*hostium cessere. Venetorum urbs non occupata. Loca  
Procopij quadam excussa.*

COMMONUI jam ante, mala fide ab Anonymo dissimulari, etiam classicos authores, diversam terræ apud Venetos continentis, oræ maritimæ, ipsiusque adeo urbis Venetæ rationem habere, quotiescumque generalis aliqua eorum mentio fit, ac proinde & recte facturos dixi, idem si observandum nobis ducamus. Quam meam hac in re opinionem luculenter adstruit, cum hic ipse quem nunc è manibus deposui, tum alter ille ad quem progredior in Anonymi discursu paragraphus; estque hoc loco adversarius vel semet iudice in errore (sequius ne quid dicam) multum claro. Quum enim dicit Venetos à Pado ad Istrum totam maris oram accolentes, sub fide imperii fuisse, satis si quid iudico, fatetur non posse illud prædicari de terra continente. Eiusdem farinae est quod recenset ex Procopio Iohannis Vitaliani f. datum Narseti consilium, ut secundum mare iter faceret, cum suæ ditionis essent homines, qui maritimam oram incolerent. Ex adverso quod dicit de oppido apud Venetos munitissimo, à Belisario una cum Tarvisio in ditionem redacto, continentem spectat. Sane Tarvisianorum montium, de quibus est apud Plinium *lib. 3. c. 18.* qui recordatur, facile concedet non fuisse id oppidum maritimum, sed in continenti situm. Similiter ubi ex eodem Procopio Anonymus citat Francos concertatione partium usos, ex utrorumque bonis crevisse, eosque, cum Gothis pauca Venetorum oppida remansissent, nec non & maritima quædam Romanis loca, cætera suæ ditionis fecisse, cui non appareat evidens tractus maritimi à continenti separatio. Ut tamen & hac in parte lectori satisfiat, ore Diaconi loqui lubet. ait ille *lib. 2. c. 14.* *Venetia non solum in paucis insulis quæ*

nunc Venetias dicimus, constat, sed ejus terminus à Pannoniæ finibus usque Adnam fluvium protelatur. Probatur hoc annalibus libris, quibus Pergamus civitas legitur esse Venetiarum. Nam & de Benaco lacus in Historiis ita legimus. Benacus lacus Venetiarum, de quo Minius fluvius egreditur &c.

Hujus distinctionis accensa luce facilis quoque est respon-  
sio ad ea loca, quæ hoc §. Anonymus allegat, posse nimirum  
ex illis adstrui fortassis, in terra continenti regionis Vene-  
tæ, nec non in ejusdem tractu maritimo Gothorum, Roma-  
norum ac mox quoque Francorum direptionibus quædam  
loca cessisse. Ipsam vero Venetorum urbem, quod hic pro-  
bandum foret, occupatam, direptam, subjugatamve fuisse,  
mihi sane ex illis haud probatur. Illud subjungam non satis  
ingenue ab adversario citari Procopiana, ac perperam quo-  
que corrigi. Quæ ille è lib. 30. allegat sic habent *φράγξαι*  
*τῶν βενετῶν τὰ πλεῖστα (φίσι) παρὰ πειρήσαντες ἔδειν πῶτα*. Non ve-  
rissimile hic lapsus interpretem, ac cum *nullo labore* ponere  
deberet, posuisse *nullo jure*: neque enim (quod quidem ego  
didici) Græcis *jus* idem, sonat quod *labor*. Alterum quod  
attinet locum, quem ille ex libro quarto ejusdem Procopij  
nobis citat, in eo utique vertendo, plane nullum interpre-  
tis est erratum. Clara sunt quæ de Theu liberto Francorum  
Rege ibi habentur verba, quibus ille *τῶν βενετῶν τὰ πολλὰ ἔδειν*  
*λόγω ἐς ἀπαγωγὴν φέρεται ὑποπλῆ πηλὴ ἀμύθη* dicitur, quo  
loco verba ista *ἔδειν λόγῳ* xquè parum interpretari liceat  
*nullo labore* atque altera ista *ἔδειν πῶτα* *verbis defectum juris signifi-*  
*cantibus* explicata queritur. Nullus ergo hic correctioni  
locus. Neque pol ego quo pacto sese hic excusaturus sit A-  
nonymus assequi possum. Demus voluisse, non potuit ta-  
men non videre verba ista *ἔδειν λόγῳ* utpote quæ immédia-  
te præcederent, imo & pars essent illius, quam ipse (câ pro-  
culdubio causâ) non totam allegat periodi. Maligni sit im-  
probi-



probiq; cum sciamus aliena invadentibus, omnia eorum, qui valentiores sint, reputari ipsumque jus ab armis peti; historici non justam invasionem damnantis epiphonemate suppresso, illiusmet verba, contra veri fidem ac significandi usum, in sequiorem sensum velle distorta; pejus etiamnum, si nulli id velis bono, nisi ut vel hoc saltem modo calumniæ vela laxare liceat. Ast quid aio? quos impetere Anonymus satagit, Veneti sunt;

*Quæis si non aliqua nocuisset, mortuus esset.*

§. 6. 7. 8.

*Anonymi vana insultationes. Loca ex historia Iustiniani discussa. Libertatem non imminuit sociorum in socios imperium. Fides Veneta in socios. Narsetis historia excussa. Omnia Libertatem Venetam spirant. Ab extructa Venetiis ade frustra deducitur subjectionis argumentum.*

**R**Em magnam se præstiturum Adversarius existimat, si cui persuaserit sese non externis modo, verum petitis quoque è scriptis eorum, quimet ipsi Venetijs nati sunt, argumentis autoritatibusque, quam sibi convellendam sumsit, Venetorum Libertatem destruere atque evertere posse. Hinc est quod ille hoc § in allegatis à se ex historia Iustiniani locis tantum sibi præsidii ponat, tantumque placeat ut parum esse putet, quod turgidis planeque tragicis exclamationibus intumescat, nisi Venetis insuper insultet atque illudat quoque. Erit tamen ut spero probatu facile, ipsum hoc loco, quod fere semper facit, triumphum canere ante victo-

riam, sed enimvero in uno Iustiniani testimonio quandoquidem ipsi visum est acquiescere, sequar antecedentem, atque ut ut non desint aliunde, quibus appositè responderi ad objecta possit, æque tamen ac Anonymus unum modo illius pro me testimonium citabo. Illud in antecessum præfari liceat: Scripsisse Iustinianum Latine ac à Ludovico Dominico versum in vernaculum, neque exemplar Latinum nancisci hætenus me potuisse. Hujus ne sit nescius, quicumque hæc nostra lecturus est, velim: quo ne candom meum, ejus ignarus in dubium vocet, sicubi nec eadem, nec eodem contextu posita deprehendet verba, quæ ex illo sumus allegaturi. Id vero sancte quoque polliceor annisurum, ut quæ nobis pro firmanda sententia nostra citari erit necesse, ab auctoris instituto ac genuino verborum significato omnino ne recedant.

Primum ergo quod adfert est. *Venisse ad Narsetem frequentes Oratores ejus oræ populorum, imperata facturos.* Alterum deducit ex illa, quam Patavini Venetis movebant lite. Nimirum hoc ipso quod de causâ Narsetis cognosceret Venetorum subjectionem valide probari putat, ac Venetos præterea, suo ad Patavinorum objecta responso non obscure fassos, sese iis quæ jam tam retro effluxerant temporibus, Gothis fuisse subditos, seseq; Gothis Italia pulsâ, aut mox pellendis, ad Imperium Romanum, cujus sequela ac quasi quædam pars sint, spectare. Quod frequentes adfuisse dicit Oratores ejus oræ populorum imperata facturos, quando non dicit illos qui aderant Veneto fuisse, non est quod nos moretur, illud vero nec ipse quidem dixerit. Constat utique ex Iustiniano Oratores illos missos Venetias istuc nimirum loci, dum ad sua retrogreditur paulisper subsistente Narsete. Ast qui? non ut apud populum sibi subditum (ne cui id imponat) sed videndæ novæ urbis studio, quam & suo in  
illam

illam introitu cohonestare volebat, cuique & insimul sciebat se pro fideli adversum Barbaros operâ navatâ gratias habendi reum. Quod adfuisse ait imperata facturos; id vero mirum non est, erat enim belli inter ipsos societas, & in hostem communem auxiliorum in vicem amica communio. Viderant jam ante Veneti sese nisi prius diversi esse desissent, diversos pugnare non posse, ac quo ne vincerentur universi, dum pugnarent singuli, opus esse belli duce. Cui vero novum turbatis & ad bellum spectantibus rebus unius ductu, auspiciis, imperio cuncta regi? Polibium modo Thucididemque qui legit, animadvertat satis, libertatem singularum Peloponnesi civitatum non minuisse quod pondera, mensuras, numos, magistratus, iudices eosdem, etiam quod longe majus est, leges haberent easdem, ita ut re vera si quando inter sese colligatæ essent contra hostem communem quo minus unius urbis speciem præ se ferrent communia duntaxat abesse mania viderentur. Quotiens Homero Rex regum Agamemnon est, ac quam sæpe ille pro imperio, planeque *πρωταγικῶς* agit? At vero quis (belli societatem si excipias) Ulissem, Diomedem Ajacem cæterosque reges ejus imperiis obnoxios fuisse dicat? Vtique nemo. Sed & ingeminatum nobis jam ante, Libertate salvâ, sociorum quoque in socios imperia ferri. Vnde quoque constat nequiquam id unum sufficere, quod adfuerint imperata facturi, nisi etiam subditos illos Narsæti fuisse probaverit, utique taleis, præsto ad imperium adfuisse. Tantum vero abest illud ut probet, ut ex ipsa rei gestæ veritate contrarium omnino manifesto deprehendas. Iustinianus sane quantumvis ait adfuisse frequentes ejus oræ populi oratores nominatim nullos enumerat, neque ullam prorsus aliorum, quam qui Patavio missi fuerant, mentionem facit. Patavinos imperio Romano obnoxios haud

fuisse vivis ni fallor rationibus jam pridem demonstravi. Illis nunc & Iustiniani accedat autoritas, quam tunc ut commodiori loco servandam, omisi consulto, quod in eo probando testimonium illius ut Veneti scriptoris defugerem: id ipsum ut inpresentiarum faciam necessitas non est, cum & in hoc ipso cum exemplo approbet Anonymus, semelque approbatum frustra sit reprobaturus. Ait ergo illos, postquam ea quæ facerent suæ in Romanos fidei demonstrandæ, essent exsecuti acriter de illata sibi à Venetis injuria questos. *Fidem* dicit non *obsequium*. Subditis, ut ait ille, obsequii gloria relicta est, sociorum propria est fides. Si quis id voluisse addubitet, Audiamus Patavinos. *Semper* (ajunt illi) *ô Narses summis Romanorum nomen honoribus prosequuti sumus. Testantur annales nostri, rebus ita ferentibus* (adversum Lacones, de quo Livius, Gallos, de quo Polybius, Antonium, ut citavi jam ante ex Philipp. 12.) *centena & quod excurrit militum millia à Patavinis auxilio Romanis fuisse submissa, ac pro tantis in Remp. benefactis jure civitatis ac ferendi suffragij donatos majores nostros, &c.* Item, *Heccine amici Romani nominis experiamur, quæ ne inimicis obventura sint?* Item, *Bello accingeris, cujus quæ tibi, eadem nobis, ac communis omnino utrimque causa.* Quid quod & sermonem suum non alio claudunt argumento, quam quod sese ut antiquissimos, ita & fidelissimos P. R. socios vocent? Ex altera parte Venetos audiamus. *Centum* (ajunt illi) *imo & plures nobis literæ sunt à Zenone, Leone, Justino, Iustiniano ad nos datæ, judices illæ testesque nostræ versus imperatoriam Majestatem observantiæ ac fidei, prolixæ item ipsorum erga nos liberalitatis, nec non & clementiæ. Testantur ibidem Narseti arma se illi ferre socia. Item totis se animi viribus ad tuendum imperii decus propendere. Hoc ipso inquit cui te paras bello fidelissimos ac constantissimos nos expecturus es socios.* Orationem illorum similiter plenum generosi spiritus effatum claudit, *se se nimirum haud eo quod impe-*  
ratoriar



iatoriæ majestati satisfacere teneantur, quodque Narsetis gloriæ velificari velint, aut sibi met etiam ipsis deesse nolint hæc offerre, *fidem nostram duntaxat* (inquiunt) *apparere volumus anteqm; magnitudinem, quam non verbis modo ac facultatibus, verum corporibus quoque ac sanguine etiam nostro sancire atque antestari parati sumus.* Nemo sanæ mentis verba istiusmodi ab iis prolata judicet, qui (sic nempe alienis obnoxios imperiis Tullius describit) *nihil imperanti negare possint, nihil recusare audeant, quæ si possit dandum sit, si ejicere abeundum, si vocat veniendum, si denique minatur extimescendum.* Prolata sunt tamen ac fidenter adserta, tanto duci, non bellicoso modo, sed victori imo & armato ac in media urbe versanti. Notum Demetrii ad Athenienses monitum Leonem intra muros ne admitterent. Studio prætereo, inter ancipitia rerum metuendos quoque fuisse Patavinos, quos habebant jam tum sibi infensos Veneti, ac si vel tantillum inclinasset Narses, hostes etiam manifestos, certo certius erant habituri. Spirant igitur hæc cuncta Liberatem ut solido subnixam sui que fervandi constanter tenacem, ita & grata benefactorum recordatione ab injuria tutam stabilemque, & in majus indies provehendam. Ipsam illam tantis Venetorum pro salute imperii studiis, tanto illorum pro illius incolumitate affectu, tanto ardore, vel leviter libatam imminutamque velle, Narseti non turpe modo fuisset ac probrosum, verum nefas quoque, imo & sacrilegium.

Putida porro sunt illa quæ in subjectionis argumentum trahit, quod coram Narsete ut Iudice, dicta superius caussa ventilata sit. Sane nec ordinariam ille jurisdictionem habebat in eos, neque quod sciam delegetam: Vnde mirari quoque satis non possum, cur tam operosus in eo enarrando sit Anonymus, cum sciat missum ab Imperatore Narsetem, belli gerendi, non Iuris dicundi gratia. Non inficior utique coram

coram ipso querelas suas instituisse Patavinos, & ad illas respondisse Venetos, sed tamen ipsi pro eo, quo præditus erat imperio, ex semetipso nimirum ac quatenus unus erat Iustiniani ducum, competiisse potestatem terminandæ litis, & jus etiam in invitos dicendi facultatem, illud ego equidem nego. Sed neque novum videatur cuipiam, exsurgente inter vicinas liberaeque civitates jurgio sibi-met ipsis jus dicere cum nequeant ac nec aliunde dependeant, deferri ad arbitros cognitionem causæ, potius, quam ut eam dubii Martis arbitrio decidendam committant. Ne privati quidem extrema primo loco tentent, nedum illi, quorum ut causa publica est, ita & successus qualiscumque demum ille fuerit, non potest non esse publicus. Præclare ut omnia Grotius *ubi judicia desinunt bellum incipit lib. 2. c. 1. de belli ac pacis jure*. In legendis arbitris, summam aut spectatæ virtutis aut animi æqualitatis, aut denique gratiæ rationem haberi videmus. Adeo fere semper, disceptaturi eos sibi arbitros legunt, quos aut benefactis, aut aliqua ratione sibi æquiores fore præsumant, aut saltem non adversaturos. Qualis vere inter Venetos ac Patavinos Narses fuisse credendus est, apud quem è contextu rei gestæ facile desumere est, utramque partem gratia potior ut esset pro virili annisam fuisse. Fuerit ergo Iudex, aut (qui Iudici æquatur) inter partis arbiter, Narses, non fecerit tamen adversarius ut ulteriusquam ad illum ad quem prorogata est actum, sese jurisdictio exporrigat: finiri porro atque evanescere actu consummato jurisditionem istiusmodi nulli est dubium; ut & hoc notum ex ante dictis, actum ipsum non aliunde quam ab agentium utriusque voluntate dimetiendum. Absit autem ut eam aliam dicamus fuisse, quam ut medium sese Narses vellet interponere, ac litem motam componere. Neque enim credibile est, quâ Venetos, quâ Patavinos arbitrum legendo propo-

diq̃sè



diosè à se Libertatem suam abdicare, & in insolitas sibi ad ea tempora servitutis leges convenire voluisse. Addo & hoc, repertum hætenus neminem, qui statueret, quæsitum etiam alias de semetipso Iura majestatis habenti, summæ ex eo potestatis jus, quod consensu partium, in Iudicem electus fuerit, ac pro facta sibi à litigantibus potestate lites diremerit. Ortâ inter Lusitanos Castellanosque super navigatione maris Indici controversiâ, Alexander VI Pontifex medium sese certantibus interposuisse legitur. At vero hætenus Lusitaniæ Castellæque regibus hoc ipsorum facto ademptum jus aut in pontificem translatum; nemo doctorum asseruit, non magi utique quam senatui Parisino quæsitum jus in Castellæ Lusitaniæque reges dixit quispiam, quum illi percussis inter se foederibus ea non prius rata voluere, quam à prædicto senatu sancita fuissent ac valvis apertis promulgata. Ne quidem Anonymus dubitet explosissimum futurum fuisse, qui summum in Imperatorem pontificemque imperandi jus eidem Parisino senatui hoc nomine vindicare atque asserere fuisset aggressus; quod ex annalibus doceamur Fredericum secundum controversias, quæ ipsi cum Innocentio quarto super regno Neapoleos erant, ad eundem judicandas detulisse. Ast inquit Anonymus provoca: à Patavinis Veneti judicium Narsetis non diffugiunt, incompetentiam iudicis non allegant, imo vero in iudicem agnoscunt, quin etiam ex ipsa Venetorum oratione colligas quod vixisse sese pridem Herulorum regi Odoacri ac post ipsum cæteris Gothorum regibus obnoxios plane non diffiteantur. Allegat & hæc è quibus id colligi putat verba, *Questine esli unquam de hac injuria apud ullos? Si nunquam, videte quo pacto vos explicetis, qui dixistis sepe questor. Si questi aut apud Goibos aut apud Herulos aut Imperatorem. Si apud illos, spretus ergo imperator, et antelatus Gothus, Quod si est cur nunc appellatis imperium? Si apud Imperatorem, quod*

Q

sepe

*sæpe fecistis, exaudiri ne unquam estis, an vero repulsi, exauditos non dicetis.* Hactenus Anonymo citante Iustinianus.

Ad utrumque ordine ut respondeam, haud nego, incompetentiam à Venetis allegari debuisse quod dicit, verum fuisse futurum, si quid Narses inchoare voluisset, per quod iniqua Venetis inferri potuisset conditio, quodve in imminutionem præjudiciumve juris ipsis quæsitum deverteret. At nihil hictale, non ingessit se partibus pronuntiaturus se competentem si declinare alterutra, aut judicem agnoscere detrectasset, sed vacivas duntaxat (ita Comicus loqui amat) aurium ædes præbuit litigantibus, cum hinc ad causæ notionem deferrent Patavini, Veneti ab altera parte tantum bonitati causæ suæ fiderent, ut vel paratos sese testarentur illam judici etiam non suo terminandam permittere. Non obtendam ego hic in aliena à forensibus velitationibus hæc incidisse tempora, ac neque cuiquam temere persuasum iri Venetos, quos commune Italix discrimen plus satis exagibat habebatque exercitos, de quærenda probandaque exceptione quâ Patavinos repellerent a limine judicij multum fuisse laboraturos. Sufficerint quæ de prorogata Iurisdictione notasse memini, nempe etiam si prætori in prætorem, consuli in consulem nihil sit juris, solere tamen prætorem in eos qui sese Iurisdictioni subjecerint de Iure decernere, *recepto* (ut textus ait) *jure si major aut æqualis alterius sese Iurisdictioni submittat, ei & adversus eum jus dici.* Absurdum plane & ab omni ratione dissentaneum est quod ex allegato Iustiniani loco conatur elicere. Repetat si tanti est benignus Lector, quæ superius à me demonstrata sunt, nuda assertione illius, qui se alteri obnoxium dicit, fatetur imo & pro tali gerit, statum liberi hominis immutari non posse aut conditionem, quæ primavæ Libertati repugnet, probari; inveniet ut spero, ex iis quæ ibi dicuntur ut facile, ita & per allegatas à me authoro-

thoritates legum firmum ad hanc adversarii objectionem responsum. Subjungam porro, si quæ Patavinis Veneti interrogatione facta objiciunt eum ad modum, ut facit Anonymus, interpretari liceat, optimo me jure, atque eâdem omnino ratione, argumentum ei contrarium formare posse. Ajunt illa ipsa oratione Patavini detulisse sese multotiens super ea quam Narseti exponunt causâ, querelas suas ad Gothos, expresso nominatim Theodorico illorum rege, eas vero insuper habitas dolent, eoque instantius Narsetem urgent, testanturque, mirum non esse, siquidem ipsi amici P. R. qui essent, ab inimicis nominis Romani non sint exauditi. Ego sane causam non video cur & mihi dicere non liceret Gothorum reges eo quod scirent Venetos Patavinosque ad imperium jurisdictionemque suam haud spectare, querimoniis ipsorum deferre noluisse, seque alienæ rei, ac ad se non pertinenti immiscere. Sed enim vero agendum candide, & ubi de mente loquentium constat ab ea recedere, nefas est. Certum est igitur atque indubium, prædicta, in oratione Venetorum, haud alio esse directâ, quam ut à Patavinis laudem illam, suæ erga Romanum nomen observantiæ, quam magno verborum apparatu sibi arrogabant, quantum potest cismoverent. Huc spectant illa verba quæ spretum Patavinis imperatorem, & antelatos Imperatori Gothos arguunt, spectant & illa quibus bene de Romano nomine promeritos Patavinos negant, & cum nulla quæ à semet ipsis profecta sint in Remp. Romanam benefacta enumerare valeant, aliena crepare, in os exprobrant, faciuntque illa denique quæ ex adverso de affectu suo Veneti studioque & officiosa in Imperatorem voluntate Narseti edisserunt. Quisquis utramque modo apud Iustinianum orationem legere velit, haud aliter allegata verba intelligi aut posse aut debere, mecum scio judicabit; ac prorsus malignè captata di-

stortaque ab Anonymo loquentium verba, & cum verbis mentem (verum modo amet) ingenue fatebitur.

Quod dicitur ex Diacono Narsetem universos Italiæ fines obtinuisse, Item eum, universam Italiam ad Reipub. jura reduxisse, responso non eget: sumus eo labore jam ante defuncti, ac satis, ni fallor, superque ostendimus, verba quantumcumque universalia ac præcisa, interpretatione congruâ explicari debere, diximus item pro interpretatione congrua haberi illam non posse, quæ aut veritati rerum gestarum adversetur, aut jus tertij lædat; ac deniquè quam exacte utrumque illud in proposita nobis materia attendi pensarique æquum sit, abunde monstravimus.

Postremum denique quod ab extructa Venetiis æde divis Theodoro & Geminiano sacra, subjectionis contexitur argumentum omnino enerve est: Ait non facturum id fuisse Narsetem nisi in loco sibi subdito. Nihil ex adverso prohibet quo minus id factum sit in alieno. Est quidem inædificatio inter acquirendi rerum dominij modos à gentium jure introductos; ut tamen illa, una cum Dominio soli, jurisdictionem quoque conferat, in loca jam ante infessa alterique possessa, non modo non est juris gentium, sed nec ullius. Sæculum & quod excurret, jam effluxerat à primâ Venetorum urbis origine, cum demum ædificari cœptum illud, de quo sermo nobis est, fanum. Quis hic in vacua Narsetem venisse dicat, & occupanti cessura? Longe similis est vero, sui in Venetos affectus, inque divos pietatis, illum voluisse *μνημόσυνον* exstare. Quoniam vero ex illo ducis facto, jus aliquod imperii sibi fingit adversarius, videamus quale id sit, ac quidem ut existimo, nemo est quin videat nihil inde juris ulterius exsurgere potuisse, quam ut naturali ratione, ædificium ei cui inædificatum esset, solo cederet, eo deinceps jure censendum quo cætera quæ

quæ divinis ministeriis dicata sunt. Summum quod ex hac ædificatione inferri possit Anonymo si demus, nempe nullius in solo ædem extructam; cesserit ædi solum, *l. in tantum ff. de rev. divis.* sed neque quid, ultra illud. Sin vero (quod sane veritati omnino consentaneum est) habebat jam nunc solum illud dominum suum, exigat utique eadem naturæ ratio, ut ædem solo cesserit dicamus, præsertim si cum nosset solum illud ad se non pertinere, sciens in alieno ædificaverit: quo casu donandi animum in ædificante jura præsumunt, & nihil æque esse naturale dictitant quam ratam haberi voluntatem domini rem suam alienare, & in alium transferre volentis. Sed nec quempiam fore puto, qui circa hoc factum non animadvertat, gratum obvenisse Venetis insigni opificio urbem suam decorari, ac ut fere semper acceptissima sunt nobis munera, quibus suum est ab authore pretium, quam pronis illos animis tulisse insignem bello ducem, amantem nominis Veneti, & flagranti apud imperatorem gratiâ urbis feliciter adfurgentis decori splendorigue de suo etiam quid voluisse superaddere. Mirum sane est Anonymum, qui toties pro se auctoritatem Blondi citat, non animadvertisse idem illum judicare atque ad exornandi urbem in Narsete studium & reddendas pro latis suppetiis gratias factum referre. Ait ille loco quem & superius citavi, *primus externorum Venetiis exornandis attulit adjumentum Narsetes Eunuchus Patritius primi Iustiniani imperatoris, copiarum adversus Gothos in Italiam missarum dux, qui quum Veneti eum traducendû à Tarvisio Ravennam copiis navigio juvissent, postquam subegerat Gothos, Ecclesias sancti Theodori & Geminiani in capite Brôlij Venetiis edificavit.*



## I. 9.

*Que de Aquilegiensi Patriarcha Gradum confugiente, Gradum autem insula Exarchis Ravennatibus subdita, ab Anonymo dicuntur, solide excutiuntur. Exarchis Gradus subdita non fuit. Smaragdi historia explicata. Aliud Exarchus, aliud Patricius. Patricij qui sint. Esfrenis Anonymi recordia. De regimine seculari, non Ecclesiastico, instituta hac disputatio.*

**D** Evenit ad Logobardorum tempora author Scrutiniij, quos cum neque vi neque jure sibi Venetos obnoxios reddidisse adseverare aut possit, aut audeat, imo vero etiam fateri cogatur, illos in penitiora tractus Veneti loca se penetrare non potuisse, eo quod navigijs destituerentur, petit è longinquo nonnulla, quibus thesin suam firmet; ea-que ipsa remota adeo, ut magis de mente argumenti, quam de solido ad illud responso sollicitum me habuerit. Sententiam illius si quidem satis assequor, hoc vult. Aquilegiensem Patriarcham metu hostium Gradum confugisse, Gradum insulam Ravennatibus exarchis fuisse subditam, ac proinde Cæsaribus: ac cum sit in confesso Gradensem Episcopatum ad rem Venetam pertinere, nulli quoque dubium esse posse, quin ex eo recte colligatur inferaturque ipsosmet imperatori subditos fuisse Venetos. Quam recte hæc omnia, quamque verè, agendum videamus. Quod de Patriarchæ fuga è Diacono allegat verum est. Negari item non potest Gradum esse ditionis Venetæ, ac nec ei contradico, quod de Ravennatibus exarchis Imperatori subjectis commemorat, nego tamen exarchis Gradum fuisse subdi-  
tam



tam, quæque porro ex illa, quam sibi imaginatur, subjectione infert consecranea. Recumbit ergo in adseverantem probandi onus. Hoc ipsum cum nec effugere se posse videat, exemplum adfert Smaragdi cujusdam Ravennatis patricij, hunc ait Ravennâ Gradum sese contulisse, atque ibi pro libitu cuncta tractasse. Respondeo breviter, ex illo quem pro se allegat Diaconi loco non liquere, Smaragdum illum, de quo ibi sermo, Ravennæ fuisse exarchum ( quanquam fuisse pro comperto habeam.) Aliud Exarchus est, aliud Patricius. Docent nos instituta Iuris, tit. de adopt. ita dictos patricos, quod ab Imperatore in patrem legi solerent, essentque quasi patres ipsius Principis. Sic apud Zozomenum Eutropius Imperatoris Eunuchus *παῖς καὶ πατὴρ βασιλέως ἐν αἰτίᾳ ἐλευθέρῃ*, & apud Zonaram ipsa Imperatoris mater, Zoste (dignitatis id nomen) & patricia creatur. Præterea quod adfert de Smaragdo illud omnino est facti, atque etiam talis, ut manifestam præ se violentiam ferat. Ait enim Diaconus illo, quem Anonymus allegat, loco, Heliæ Aquilegienſi Patriarchæ Severum successisse, & regendam suscepisse Ecclesiam. *Quem, inquit ille tamen, Smaragdus ventens de Ravennâ in Gradum per semetipsum à Basilica extrahens Ravennam cum injuria duxit cum alijs tribus ex Histria Episcopò, id est Iohanne Parentino & Severo & Vmdemio, nec non etiam Antonio jam sene, Ecclesiæ defensore, quibus comminans ex illa atque violentiam inferens, communicare compulſit Ioanni Ravennati Episcopo trium capitulorum (supple Chalcedonenſis concilij) damnatori, qui tempore Pape Vigilij vel Pelagij à Romane Ecclesiæ desciverat societate. Exempto vero anno à Ravenna ad Gradum reversi sunt, quibus neque plebs communicare voluit, neque ceteri Episcopi eos receperunt. Smaragdus Patricius à Demonio non injuste correptus successorem Romanum Patricium accipiens, Constantinopolin remeavit. Hactenus ille. Quis perlectis alij quid judicaturi nescio. Ego sane effrenem Anonymi vecordiam demi-*

demirari satis non possum, quem è factis tam alienis ab omni jure, simulque ab authore, qui vivus etiamnum Dæmonibus in prædam cessit, ac sacrilegiorum à se patratorum pœnas dedit, argumenta sua non pudet mutuari. Est hoc si quid unquam

*Flectere cum nequeas superos, Acherunta movere.*

Execrandum remedij genus & Paganis dictum, morbo sanitatem debere velle: at quo demum nobis habendus est loco, qui jus ipsum justitiamque summa humani generis bona, vastissimis injuriæ violentiæque barathris debere velle pudendum haud putat. Quod porro Cardinali Baronio notatum commemorat Anonymus, Gradenſes Episcopos exortis in Ecclesia diffentionibus ad Ravennates exarchos ut plurimum deflexisse, Aquilegienses vero ad Longobardos convenire solitos; plane ad rem non facit. Sermo nobis de regimine Ecclesiastico, ut jam dici cœptum, omnino non est, aut de ulla prorsus Episcoporum inter sese subordinatione, neque video ad ea, quæ tractamus ullatenus spectare quæ versum illi, si quando sævientibus schismatum malis durius haberi premique sese viderent, concedendum sibi judicaverint, una duntaxat nobis de subjectione, temporalem quam vocant, est controversia. Hanc Anonymus si probare sese posse confidat, hæc duo demonstret necesse est, fuisse Gradenſes ullo unquam tempore imperatori subditos, ac fuisse etiamnum tales, quò tempore eorum insula cum urbe Venetorum coaluit, païsque illius fieri cœpit. Accedit quod etiamnum tota illa caussa alterius fuerit fori, neque actum sit unquam de jure aut potentia Exarchorum aut obsequiis, quæ illis deberentur, verum de reconciliatione eorum, quos hæresis divulsos ab Ecclesiæ gremio, transversos egerat. Venetorum ecquid à partibus intervenerit scire lubet? audiamus

diamus age Rubeum suæ rerum Italicarum ac Ravennatium historiæ lib. 4. Ille de Smaragdo loquens sic ait: Severum de basilica tractum Ravennam secum adducit una cum aliis tribus Episcopis quos tandem omnes cum Joanne communicare invitos coegit. Insequenti anno cum se ad sedes quisque suas reciperent, Veneti rudes adhuc earum rerum, nisi quod Romanum nomen summa illis esset venerationi, subsistere parumper an recipiendi essent, concilioque hac de re omnium oppidorum indicto cum plerique existimarent recipiendos, neque quod fecissent involti & coacti id illis vitio & culpa vertendum, ea tandem sententia vicit, qua decretum est ab Romano pontifice, quem tunc, ut diximus, Pelagius gerebat, expectandum quid agendum esset. Pontificis enim Romani esse non arbitrii senatorum, hæreticorum, qui in hæresi per annum perseverassent, Ecclesiæ reconciliare. Quapropter ex ejusdem pontificis responso non prius ad Ecclesiæ quisque suam admissi quam coacta decem Episcoporum apud Maranum oppidum quod Varanum olim fuit Synodo coram omnibus hæresin jam acceptam abjuraverint. Hactenus ille.

## §. X.

*Ingenua Anonymi confessio de Longobardis. Falsum Impp. Romanos profugorum in insulas Hadriatici maris Dominos fuisse. Nullum inter profugos & imperatorem imperandi vel parendi jus intercessit. Insula Amacina Exarchis non paruit. Nihil necessitas cum aliis se conjungendi Libertati demit.*

**F**Acta Longobardorum, nec non & Gradenfis oppidi mentione, pergit adversarius & cum fateri cogatur, nequiquam sese ex annalibus eruere potuisse Longobardos, non modo ipsam Venetorum urbem, sed ne insulas quidem ad-

R

jacentes

jacentes sibi subdere potuisse, firmat insuper, quæ nobis sub hujus disputationis principium fuere dicta, complureis nimirum hostiliumque profugos, concessisse in Hadriatici maris lacunas, ac vel patriâ carere potius habuisse, quam Barbaris servire; hanc ergo ut Gradenſis Patriarchatus, & multarum civitatum extitisse originem, quæ tamen nec eatenus extendi debere statuit, ut vel præsumere liceat id egisse profugos istos, ut se justis legitimisque Dominorum suorum (Imp. scilicet) imperiis subducerent, quin potius vixisse eos Ravennatibus Exarchis subditos, quod & Amacinæ insulæ (Ital. *Commachio*) exemplo existimat posse probari.

De Longobardis post tam ingeniam confessionem illius, ultra non est quod urgeamus, ut neque operæ de Gradenſis patriarchatus origine, deque exordio aliarum adjacentium insularum multa coacervare. Hallucinatur in illo, quod Romanos Imp. veros legitimosque profugorum dominos facit, quos utique expellendis Barbaris impares, multis Italiæ locis, quod ea tueri non possent, ultro decessisse aut ut decederent, qua vi, qua sponſionibus adactos fuisse, liberaliter ostendimus; quin & diximus durum, barbarum, ac ne quidem humanum, fore, si quis istiusmodi loca, postlimio servituti velit addicta, sicubi sese, etiam non adnitenſe imperatore, suo Marte, suoque sanguine, in libertatem afferuerint, ut alibi Boethius,

*Repetunt proprios quaque recursus,  
Redituque suo singula gaudent;  
Nec manet ulli stabilis ordo,  
Nisi si fini junxerit ortum,  
Stabilemque sui fecerit orbem.*

Atque ut est à naturâ Libertas, ita & ab illius interruptione  
ac im-

ac impedimento recessus; atque ad primævam conditionem recursus pro naturali quoque haberi debet. Quapropter si nos ad stipulari ipsi desiderat Anonymus ac statuere cum ipso, illos de quibus nunc loquimur profugos, quantumvis Barbarico jugo colla subduxerant, mansisse tamen imperatori subditos. Hic iterum duo necesse est ut probet, quorum prius erit Imperatori tanquam vero legitimoque illorum domino, ut ut esset illis tutandis impar, adeoque & suæ illis tutelæ permitteret, durasse semper ac permanuisse plenum in illos jus imperandi. Posterius, sicubi in Historiarum monumentis imperatori nonnulli ex prædictis insularis adhæsisse aut ejus agnovisse aut observasse Majestatem deprehenduntur, (inter quos fuere forsitan incolæ Amacinæ insulæ) id eam in sese necessitatem includere, ut omnino dicere nefas sit, illismet ipsis fuisse liberum, illam in quam sese asseruerant retinere atque exercere libertatem. Primum quod attinet, aliter sese rem habere jam ante vidimus, ac abesse longe ut revera Imperator dominus illorum fuisse dici possit, quos ipse fatetur, sedibus suis e citos, quæsi visse novas, civitateis extruxisse item novas, idque medio in mari, loco prorsus (si quis usquam) libero & tum quoque vacuo. At nec minus ægre, quod sibi ipse fingit, Imperatori jus durasse, probaturus est, quale quidem ego illi ut largiar à me non impetro.

Movet, quod in proposito nobis themate non possit Imperator ( quiloquendi mos ) pro subjecto habili reputari. Quippe cum natura dictet dominos ad protegēdos sibi subditos non minus obligari, quam ad præstandam cum obsequiis fidem, dominis subditi tenentur, necesse est fateamur, juris id esse minime dubij, cessante potentia, nec non & illa, quæ facultatem imperandi tribuere solet, qualitate, jus ipsum cessare; idque modo non dissimili quam ( si privata publicis fas est componere ) cessat in hæredem collata



dispositio testatoris orbi, liberis supervenientibus, & sui heredis agnatione testamentum rumpentibus. l. tale pactum. §. ultimo ff. de Pactis. Accedit huic, quod, neque juris patiatur ratio, uti quippiam, vel tunc quoque subsistere, ac non potius extinctum velimus, si quando in istiusmodi casum revolvitur, à quo principium capere non potuit. Vidimus non uno loco, quam accisæ profligatæque essent imperij res, quas eo statu fuisse probavimus, ut ne quidem à direptionibus barbarorum immunis fuerit Roma, sedes ac caput imperij, nedum ut cætera illius membra longe lateque diffusa secunda forent. Isto quoque imperij deliquio, apud omnes in confesso est coeptam condi Venetorum urbem, à quo utique in novellam urbem regimen, jurisdictionemque, ac imperium ut facile vel quivis iudicer, inchoari non potuisse, ita & tali rerum cardine (ut ut dare velimus aliquid omnino juris Imperatoribus fuisse) servari illud defendique potuisse nemo crediderit. Iisdem artibus (addo & viribus) quibus initio partum fuit imperium, facile retineri author est Crispus, at vero alios in tutela ut habeat, qui sibi ipsi tuendo sit impar, etiam Imperator Romanus absurdum esse pronuntiat. Si verum amamus non potuit illis temporibus inter Imperatorem profugosque præcitos, ulla prorsus existere, aut introduci obligatio imperandi parendive; ad minimum saltem utiliter illa constitui non potuit. Imo ut si vel defacto contra textum d. l. existimo de verb. obl. cum Iuriconsulto Paulo pronunciare lubeat, Novum haud esse ut quæ semel utiliter constituta sunt, durent, licet ille casus extiterit, à quo non potuerunt consistere, nihil tamen inde compendii ad Imperatorem redundare possit. Quæ diximus illustri exemplo probat Rupella, infractis adverso Marte Gallorum rebus, Anglici quondam juris, ac nec multo post excusso jugo libera,



bera, neque etiam prius exinde regni Gallici accessio facta, quam in istiusmodi ultroneæ suæ ad parteis Gallicanas adjunctionis redhostimentum, ea à Rege stipulati essent, quæ subditorum conditionem immane quantum anteverterent. Interfuere castris, quod urbi incubabat, destructio, Rege pro se ac successioribus aliud ædificandi Libertatem in perpetuum abdicante; Cudendæ monetæ jus: Vt præfectos à rege misos, extranei si forent, aut justa de causâ suspecti, recusandi jus esset potestasque, nulli privatim publicève futura fraudi, aliaque his similia, pacto quin insuper adjecto, crimini sibi aut vitio vertendum neutiquam fore, si quidem regibus contra pacta conventa venientibus à corpore regni sese divellere vellent ac in alterius cujuscumque demum luberet Domini, potestatem concedere.

Amacinam insulam, eque adjacentibus civitatibus complures, Exarchis Ravennatibus quare paruisse credat, causam non video: neque enim id ullibi expressum, quod sciam, aut à quoquam memoriæ præditum. Sed neque firmum est illud, imo ne ullum quidem subjectionis argumentum, quod de vicinis civitatibus ( id enim ex Diacono noster in argumentum citat ) divitiæ multæ ibi fuissent commendatæ; quodque Francio militum præfectus, quem ibidem de partibus Narsetis fuisse Diaconus ait, cum post sex obsidionis suæ menses Longobardis insulam tradidisset, essetque ipse, pro ut optaverat, à Rege dimissus, Ravennam cum uxore ac supellestili properaverit. Arguant hæc insulam Amacinam cæteris iusulis ( quod & continuo semestri obsidio tolerata, vel me racente, satis evincit ) munitiorem fuisse, arguant insulanis non male convenisse cum vicinis sibi Ravennatibus, subditos tamen fuisse, omnino non probent. Quo ne tamen agere præfractè nimium quispiam nos credat (salva quaquaversum veritate) largiamur age, ita ut nobis per-

suadere tentat Anonymus rem sese habuisse: Demus Amacinos Exarchis paruisse; insula amissa Francionem ad ducem suum, superioremque Exarchum Ravennæ, remeasse concedamus, nihil tamen egerit. Ut in omnes sese formas vertat, personam, aut corpus non est ut egrediatur servi conditio, neque etiam in proposito nobis themate ullo modo est ut subsistat argumentum à loco ad locum, à personis ad personas deducendum. Salustii hic verbis utar: *Libertas, juxta bonis & malis, strenuis & ignavis est optabilis, verum eam plerique metu deserunt.* Si quem fortasse in Amacinis, insulisque circumjacentibus metum (quod tamen eum fecisse non video) notasse potuit, ejus sane Venetos non est quod insimulet, ut quibus firmum semper immotumque stetit, id vero demum esse bonum nulli æstimandum, nulli obnoxium agere: unde & illibatam ab posteris transmissere libertatem, suis adusque subnixam viribus, & ab alienis arbitrijs pendere detrectantem. Quanquam & aliàs novum non est, ut tenuioris conditionis si quæ sint civitates, fortioribus sese adgregent, ab illis deinceps protegendæ. Enimvero iniquum foret, quin & iniquissimum, libertati ipsorum præjudicium aliquod ex istiusmodi facto creari, quod ipsos alia mente complexos haud constat, quam ut eandem sibi sartam tectamque conservare possent. Facit hoc casu necessitas ut omnis honesta ratio esse videatur expediendæ salutis. Quod olim de bello Samnitium Dux adseverabat, *Justum esse bellum quibus necessarium, plaque ijs arma esse, quibus nulla nisi in armis spes relinqueretur:* idem & nos usurpare possumus de obsequijs, quæ novis durisque rebus ab infirmioribus plus quam Manliana necessitatis jussa nonnunquam extorquent. Nihil ea libertati abradere, ac si sola, & per se considerentur, nihil ea juris in eum qui potentior sit, conferre, manifestò ex l. 7. ff. de Captivis & post l. revers. jam aliquoties

ties nobis citatâ, deprehendere est. Quin imo si quid isto casu moribus receptum sit, attendere volumus, notatum Bodino lib. de rep. 5. Bernates olim Burgundiorum metu compulsos, sese in clientelam Comiti Allobrogum dedisse, soluto metu, clientelari pariter lege confestim solutos, neque quicquam hoc nomine, quod clientes eos habuisset, comitem prædictum ausum sibi arrogare. Multoties illud usu venit, ut belli direptionumque militarium metu alienæ ditioris homines in oppida munitiora se recipiant, neque dubium est quin quam diu ibi agunt eandem cum cæteris obedientiam loci magistratui debeant, nec alia, quam è subditis quilibet, conditione regi; ast quam primum oppidi finibus excessere, retrogressos ad sua, ultra habendos esse ut subditos, nemo dixerit. Facit huc quod casu non absimili ac in terminis etiamnum fortioribus absolutissimi sui quem de Commissariis scripsit tractatus part. 3. l. c. 3. n. 5. observat Rulandius etiam Iudæis, quorum ut scimus, durior apud Germanos causa, liberum esse quotiescumque voluerint exire è tutela illius cui sese addixerant magistratus. Notat idem, firmatum id esse Cameræ Spirensis præjudicio, decretumque adversus nonnullos equestris ordinis viros, qui Iudæorum è clientela exire volentium uxores liberosque captivos attinuerant, mandatum cum clausula de dimittendò. Nota sunt illa Plantii apud Livium lib. 8. *Neminem populum diu in ea conditione esse posse cujus ipsum pœniteat.* Agit denique perverse hoc § Anonymus, qui corporis tutelam rerumque, ac ipsam quoque servitutis fugam ab impulsu naturali ipsemet cum arcesat, præsumendum tamen negat iis adipiscendæ libertatis animum fuisse, qui sese servituti ereptos inque plenaria Libertate constitutos videbant: perinde ac si non esset idem in libertate adipiscenda, servanda, tuendaque, natura

turæ dictamen, quod in tutelâ sui. In hanc rem pro Milone Tullius, *Hoc & ratio doctis, & necessitas Barbaris, & mor-gentibus & feris natura ipsa præscripsit, ut omnem semper vim, quacumque possent ope, à corpore, à capite, à vita, propulsarent.* At nec minus cordatè lib. 3. de bell. Gall. C. Cæsar, *Omnes homines natura Libertati student & conditionem servitutis oderunt.* In concursu utrum præponderet (ut & hoc nomine, quod in adversario culpamus, fiat evidentius) si quispiam quærat, decidet id ipsum Tullius qui *vel ipsa præcipiente sapientia ne quid vita habeat antiquius* (sunt hæc illius verba) *ne decernat captiû periculo, fugiat omne discrimen, quæram inquit ex ea sit ne serviendum? subjungitque, sin annuerit, ne ego istam sapientiam quamvis sit erudita, non audiam, sin responderit, tu vero ita vitam corpusque servo, ita fortunâ, ita rem familiarem, ut hæc posteriora libertate ducas, itaque his uti velis, si liberare rempublicam possis, nec pro his libertatem, sed hæc pro libertate proicias tanquam pignora injuria, tum sapientia vocem audire videar, etque ut Deo parem.* Hactenus ille, ac meo quidem judicio rectissime. Libertas si absit, nihil viro bono beatum esse potest, hac ipsa, non altera voluptas homini ingenuo suavior est, atque ut ut magno labore paretur aliquando ac majore etiamnum retineatur, est tamen absque ea nihil bonum, nihil expetendum hominibus, utpote quæ vel sola maximum bonorum sit omnium, quæ in vita haberi possint.

---

J. 11. 12. 13.

*Loca aliquot B. Gregorij de Exarchis Ravennatibus excussa. Adsertiones eorum, qui supra se superiorem non agnoscunt, quomodo accipiendæ. Quæ verborum vis ad conferendum tollendumque imperij jus.*

Pergit

**P**ergithis § § in aſtruendo Exarchi ac ſic Romani imperii jure antagoniſta, quod ut ſe non minus ad Venetos, quam ad cæteras imperij partes extendiſſe doceat tria Beati Gregorij loca allegat, unum nempe quo Callinicum Ravenatē Exarchum per Epistolam monet, ut Imperatorem certiorē reddat de mutua reconciliatione inter ſeſe, nonnullorum Epiſcoporum, & inter illos, Caprulani ſive Caprulenſis Epiſcopi. Verba ſunt, *Neceſſe eſt hac ipſa piſſimis Imperatoribus noſtris ſuggerere feſtinè debeath.* Alterum deinde, quo conſtet ipſum adeoque Pontificem maximum perquam multum detuliſſe Exarchi poteſtati, verba item ſunt ejusdem Gregorij ad Ravennæ Epiſcopum Marianum, *Magis autem apud excellentiſſimum filium noſtrum Exarchum id ſtudioſius peragite, ut ſuis illos juffionibus apud eos, quorum illic intereſt, ſecuros in omnibus reddat.* Tertium denique quo aſſeritur Gradenſem Epiſcopum ſub Romanis fuiſſe. Eſt quidem de Ravenna, de qua ſuo loco, alia res, Caprulanum vero ac Gradenſem Epiſcopatum eſſe ditionis Venetæ ac tum quoque fuiſſe dubium non eſt. Vult ergo Anonymus ijs locis perlectis æquus lector ipſe ut judicet eccejuſ ſub imperiis Veneti dicendi ſint vixiſſe.

Fateor ingenuè multum apud me valere illius, quem pro ſe adverſarius allegat, authoritatem, ut quē non modo ſic vixiſſe atteſtatur Platina, ut neminem uſque ad illa, quibus iſthæc ſcribebat, tempora parem habuerit, nedum ſuperiorem, vel ſanctitate vitæ, vel in rebus agendis diligentia vel doctrina & ſcriptis. Sed & conſentiens bonorum fama receptis cœlo mentibus adſcripſit, interim ut, ne perperam ſi diſtorqueantur, Venetos lædant cautio nobis eſt. Quod ergo dicit vir ſanctus Imperatoribus noſtris &c. Exarchum tangit ipſumque qui ea ſcribit D. Gregorium, nec eorum perſonas egreditur; ac ut egredi demus, non ſunt



alia ista verba, quam enuntiativa merè, quæ ut animo disponendi prolata non sunt, ut ullius omnino dispositionis ac assertionis quoque legitime necque nomen habent, necque qualitatem, (ut de effectu jam nihil dicam) ita quoque nec alia dici possunt, quam prolata simpliciter, & cum narrativis *ἰσχυρισμῶν*. Tum quoque per se sola si considerentur, nihil probant, ast quid sola dico? imo ne quidem dispositiva si sint atque affirmantia, atque illius insuper à quo scripta proferuntur autoritate suffulta. Assertioni (assertiva si fuisse largiri placet) Papæ, Imperatoris, Regis ac cujuscumque demum, qui superiorem non agnoscat, fidem haberi debere plenariam, recepta quidem est DD. & maxime communis opinio, est tamen & hoc verum multis illam, nec immerito, limitationum repagulis obvallari. Quid si enim non per modum causæ (ut loqui solemus) sed narrative duntaxat quid asserant, ac nec in illo quod asserant intentionem suam fundent, utpote quod ad illius, quod sibi alterive arrogare nituntur, juris dispositionem minus sit necessarium? quid si pronuncient de facto aut jure alieno, quod non modo verosimiliter ignorent, sed & cujus in contrarium veritas è vestigio possit probari; quid si per errorem? quid si de re in controversiam non deducta? quid si & de tali, circa quam ipsis non modo non libera, sed ne ulla quidem dispositio competit? quid si ulterius exporrigenda sit assertio quam ad illos ad quos directæ est? quid si denique in tertii præjudicium sit redundatura, nec leve quidem illud aut modicum, sed longe maximum, ac cum gravamine continuo? quid si tertius ille asserentis imperio subditus non sit? quæque his adfinia sunt. Consulat super hac re qui volet Oldradum conf. 258. Ios. Mascard. Concil. 139. Cardin. Thuscum conclus. pract. tom. 6. concl. 62. per tot. non dictis modo casibus sed & longe pluribus, quos illi liberaliter enumerant & compluribus  
 autho-



authoritatibus firmant, adferentes vel ijs ipsis, quos enumeravi in illis quæ dicant fidem haud esse habendam. Quæ si quis ad propositam nobis materiam velit applicare fateatur necesse est, ea ex amussim atque ad unum omnia sive separatim ea spectemus, sive conjunctim, concurrere, atque in illa locum sibi vendicare. Prædictis insuper addere si cui lubet, eam esse verborum, quæ enuntiativa vocamus, naturam ut neque dispositionem aliquam inducant neque probationem, comprimis eò si directa dicantur, ut iniquè tertio nocitura, jus aliquod per ea constituendum sit, cui semel constituto, tertio illi deinceps ut ut maxime velit renunciare liberum non sit, næ ille de facili judicaturus est, leviora hæc esse quam ut morari nos debeant, nedum movere. Addamus jam dictis, agi hic de probando per enuntiativa supremo domini jure, idque per enuntiativa non modo non prolata in instrumento aliquo publico (quanquam ne id quidem de jure suffecturum sit *l. si quis in aliquo. C. de Edendo.*) sed in Epistolâ, quam ad instrumenti publici pondus in astruenda fide neutiquam assurgere, vel me tacente nemo est qui nesciat. Ferreus sit oportet qui cum jus ipsum, quod tamen impensissime libertati favet, enuntiativis verbis in favorem Libertatis disponentibus, vim juris effectumque non largiatur, l. cum testamento. C. de jur. & fact. ignor. in opposito casu, potentia ad infligendum Libertati lethale vulnus, istiusmodi verba esse velit, ac valida.

Atque hæc quidem de verbis, eorumque ad conferendum tollendumve imperii jus ἐνέργεια dicta sunt. Super re ipsa, subjectione nimirum illa, de qua ibi D. Gregorius, multis agere operæ pretium non videtur. Subjecta materies, nec non & scribentis qualitas (ut de meo nihil addam) satis evincunt, esse eam alterius fori, ac nec aliter quam de spiritali

*Utrumque* quæ inibi dicuntur intelligi debere. Non immitto  
falcem in alienam messem.

---

S. 14.

*Frustra Anonymus ex Heraclia ab Heraclio dicta, probatum vult Imperatori subditos Venetos fuisse. Heraclia à quo condita. Ordini sacro addictus Heraclius. Equilium à quibus dictum.*

**N**ARRAT porro Heracliam ab excidio Opitergij conditam, eique ab Heraclio, qui tum temporis Romanorum erat imperator, nomen impositum fuisse, ac cum nomine urbi nascenti, quæ brevi ex inde spatio non pœnitendis incrementis assurrexerit, ac prima quoque Ducum Venetorum fuerit sedes, subjectionis characterem vel ab origine impressum.

De veritate historiæ non est quod ambigamus. Conveniunt in eo Sabellicus, Iustinianus, Sigonius. Quod tamen de impressio subjectionis characterē fingit Anonymus, id non falsum modo est, sed & malignitatem spirat. Heracliam qui condidit Antistes fuit cognomento Magnus, patriâ Altinæ, vir sanctimonia vitæ ac morum comitate, apud suos longe, clarissimus. Hunc Opiterginæ Ecclesiæ pridem Episcopum, ejusdem Opitergii excidium, novam ubi sedem fingeret, despicere coegit. Secessit ergo in interiora paludum ac novæ urbis fundamenta jecit: quam quod ab Imperatore Heraclio denominari ac Heracliam dici voluerit sat erat causerum. Ferebat sese Heraclius addictissimum ordini sacro, tremendis id temporis (non ignorat hoc, qui Ecclesiasticam historiam modo à limine salutavit) persecutionibus obno-

xio ; fovebat illum protegebatque, & qua poterat, suble-  
bat. Recens erat illius erga Aquilegienſem Eccleſiam be-  
nemeritum, ut qui non modo aurea atque argentea vaſa com-  
plura, ſacris uſibus deſtinanda, Patriarchæ ſive Epifcopo  
Primogenio, ſed ipſam quoque Divi Marci cathedram,  
Chofroe debellato ab Alexandria uſque tranſmiſerat, ſui in  
Aquilegienſem Eccleſiam amoris ac pietatis monumentum  
ſuis ipſe ulnis manibusque Crucem Chriſti Saracenis erep-  
tam bajulaverat, & victor in urbem Hyeroſolymam atque  
in ipſum montem Calvariæ reduxerat, nudus pedes & ad  
Patriarchæ monitum projectis imperatoriis inſignibus veſte  
plebeia indutus. Fortunatus quoque Gradenſium Epifco-  
pus ſede ſua deturbatus, quantumvis alieno tempore ac im-  
plicito bellis Perſicis Heraclio ; non aliunde tamen quam ab  
ipſo auxilium ſeſe expectarem conſtraverat. Secutus exem-  
plum Magnus quid mirum, ſi illa quoque ratione conci-  
liare ſibi Imperatorem ac demereri tentaverit, ut quem  
non modo lætioribus ſi quando ſe offerrent, rebus faventem  
ſibi experturum ſeſe confideret, verum etiam ſi quid denuo  
à Longobardis, Opiterginæ ſedis everſoribus, exitiale timen-  
dum foret, aſyli loco eſſet habiturus.

Atque hoc eſt quod uno ore quos allegavi Hiſtorici notant  
Magnum Altinatem impietatem Longobardorum, quos  
tanquam peſtilens ſidus, adflaverat Arrianæ Hæreſeos vi-  
rus, deteſtantiem fugientemque, urbi à ſe conditæ in Prin-  
cipis gratiam Heracliæ nomen indidiſſe. Quando vero id  
factum ? quo nimirum tempore nondum ſeſe ad Monothe-  
litas (hæreticorum id genus unam in Chriſto voluntatem  
deprædicantium) deflexerat, aliiſque (verba ſunt Hiſtorici)  
ſceleribus ſeſe contaminarat, ſed virtutum opinione, om-  
nibus gentibus erat venerabilis. Hic vero in Anonymo cal-  
umniandi animum lector deprehendat, & non vulgare li-

bertatis spiramentum etiam in profugis Heracliæ conditoribus conspicuum. Est eorum quæ dicturus sum, leviusculum quidem illud, tantum scilicet abesse ut in servitutis notam nomenve exules illi consenserint, ut conditâ jam tunc Heracliâ, à supradictis Opitergii quondam civibus, eundem antistitem agrestes quidam cum equis pecoribusque secuti, cum Heracliæ mœnibus contineri non possent, alium sibi locum elegerint, cumque (ab equis ut etymon sonat pecoribusque) Equilium appellarint, ut est auctor Sigon. de Regn. Ital. lib. 2. Hi sane si quidem una cum civibus suis Imperatori sese obnoxios antestari volebant, earundem calamitatum, fugæ ejusdem socii, ac pari cum illis necessitate ad novam urbem condendam compulsi, non erat ut nomen principis quod civis suos arripuisse avidè, ac ominis etiam loco videbant amplexos, ipsi diffugerent. Illud vero majus est, quod ruente, atque adeo etiam devexo in scelus non minus quam in hæresin, Heraclio, perinde ac si indignus esset ille cujus nomen ad posteros transmitteretur, ac ut sunt urbes ad spem æternitatis institutæ, cum urbe perennaret, ipsum Heracliæ nomen superesse noluerint, cœperitque posteris urbs nova dici, quæ prius Heraclia fuerat dicta. Suo sic olim sæculo, quamvis occasione longe diversa Nolanis iratum Maronem cum ante dixisset

— *Vicina veservo*

*Nola jugo* —

Urbem illam cujus nomen victuris æternum carminibus inscruerat, ex albo velut immortalitatis expungere voluisse Servius notat. καὶ ταῦτα μὴ ἐν παρῳδῳ. Debuerat quæ retuli apud eundem Iustinianum, eodem loco, eodemque quem citat libro, Anonymus vidisse, aut saltim animi morbo eo usque indulgere non debuerat, ut iis vernilis conditionis stigma

stigma inustum vellet, apud quos, res ipsa planum facit, etiam duris adversisque rebus, neque declarandæ gratitudi-  
ni pronos affectus, neque generosam quoque Libertatem  
detuisse, qua cum vitiis, ipsam insuper vitiorum scelerum-  
que memoriam, gravem sibi esse exosamque testarentur.

---

## §. 15.

*Male Anonymus quod ex jure probare non potest, ex fa-  
cto adstruere conatur. Duces ab Imperatore non creati.  
Duces Veneti à quibus instituti. Prima Ducum in Italiâ  
origo. Longinus totius Italiæ Exarchus nullum Venetis  
ducem præfecit. Non eadem Venetorum cum cæteris  
Italiæ ducibus origo. Exarchi quot annos rexerint. Eo-  
rum sedes. Primus Dux Venetorum. Nullum Exarchi  
nullum Pontificis, nullum Imperatoris factum in crean-  
do Duce intervenit.*

**D**iversam hic ab IC<sup>tis</sup>. viam Anonymus insistit, qui  
cum ex facto jutori tradant, ipse contrario prorsus  
modo, quod ex jure probare non potest Imperatori compe-  
tuisse, in facto fundamentum locat, illiusque validitatem  
deducit, atque hac ratione subditos Imperatori Venetos  
asserit, quod Ducum Venetorum, ut vult origo, Ravenna-  
tibus Exarchis, ut delegatis ab Imperatore Vicarijs, adscri-  
benda sit: Exarchis vero quum nec aliunde creandi Duces  
potestas quam à delegata jurisdictione imperatis proficisci  
potuerit, à delegatis facta ad ipsum delegantem referen-  
da statuit. Prætereo ea quæ in hac hypothefi sunt juris, ut-  
pote talia, quæ probationem non requirant: ipsam thesin  
pro-

probari ait posse, utriusque Iustiniani, Antonij, nimirum Petrique testimonijs, quorum prior fatetur nonnullos existimasse dignitatem ducalem ab Imperatore collatam, quamvis ipsi ea se minus probet opinio; aitque Italiam, quâ ab Exarchis, quâ à Longobardis, dignitate Ducum cœptam repleri. Posterior Legatos ad Pontificem missos ait, ut instituendi legendique potestatem Pontifex autoritate, perpetuo Venetis confirmaret.

Quod ex jure deducit argumentum petitione principij peccat: aliud nobis in quæstione hætenus non est quam id ipsum, quod pro fundamento ponit. Dicunt ex adverso Veneti, cum delegantem nunquam supra se agnoverint, nec gesta à delegatis ad se pertinere. Videas ergo illos de imaginariæ illius delegationis vi atque efficacia plane idem pronuntiare posse, quod olim de condemnatis usurpatum Ulpiano in l. si sese non obtulit, 4. ff. de R. I. §. condemnatum accipiendum nempe pro condemnato, cum qui rite condemnatus est, ut sententia valeat; cæterum si aliqua ratione sententia nullius momenti sit, nec condemnationis verbum tenere. Nec male: eadem utrobique ratio negat, in rerum natura quod non est, accidens illius dari. Sed nec alio laborat vitio, quod Iustinianus recenset voluisse quosdam dignitatem ducis ab Imperatore collatam: quicumque enim illi tandem fuerint (quos mirum est ab Anonymo non conquisitos, eum tam curiosus etiam minutula atque adeo remotissima quæque pervestigaverit) non habuerunt illi fundamentum aliud opinionis suæ, quam quod Imperatori obnoxios fuisse Venetos crediderint. Probanda ergo in antecessum illius potestas foret, quod quam diu non sit (sane hucusque id non fecit adversarius) supervacuum fuerit rationum momentis conjecturas per se satis vanas & nulla veri autoritate suffultas, cludere velle. Veniamus ergo ad illa quæ fa-



quæ facti sunt, eaque male ac perperam in Venetorum detorqueri præjudicium demonstremus. Ait ex Iustiniano, *Italiam qua ab Exarchis, qua à Longobardis captam repleri ducibus.* Sed quid hoc? ergone & illo tempore urbi Venetorum præfectus dux? id si factum, à quo vero? num à Longobardis? nihil minus, id enim verum si esset, jam non Imperatoris, sed Longobardorum regum subditi fuissent Veneti. An ab Exarchis? quin cum nominat. Annales age consulamus, qui de prima ducum in Italia origine scripserunt. Blondus, cujus potissimum auctoritatem sequitur adversarius, ac quacumque potest thesi suæ aptat lib. 8. decad. 1. sic ait: *Ceperunt autem urbs Roma & Italia novam gubernationis formam, ex qua dignitatem, gloriam & apud orbem terrarum timorem magis amiserunt, quam omnibus ex illis calamitatibus, quæ eos centum & sexaginta annos attriverant, atque aliquando fecerant Romam relinqui feris & obscenis avibus habitandam.* Longinus namque novum in Italiam adduxit Magistratum nomen Exarchatus Italie, qui interpretabatur Summus Italie Magistratus, & Ravenna se continens, nunquam ivit ad urbem Romam vel qualis esset inspiciendam. In administratione vero Italie, & urbium, quæ in Iustini Imperatoris partibus cum Roma & Ravenna duraverant, hunc primus servavit morem, ut non Provincie sive regioni præfesset Princeps aliquis aut Magistratus, sed singule urbes singula oppida à singulis custodirentur regerenturque magistratibus, quos appellavit duces.

• Sigonius, quem & ipse non uno loco commendat, à fide, lib. 1. de regno Italie Blondo adstipulatur ac de Longino sic ait: *Js Nasetem &c. & quod summa cum potestate atque imperio venerat, novam pro arbitrio Italie administrationem induxit.* Primum Ravennæ non Romæ præfecturæ suæ sedem posuit, nec se ducem sed Exarchum Italie quemadmodum Exarchus erat vocavit & provinciarum consularibus correctoribus, præsidibusque sublati, singulis civitatibus singulos duces imposuit, ac varios eis ad reddenda jura judices assignavit.

T

Iustinia-

Iustinianum, Sabellicum, Sanzovinum, aliosq; idem memorie prodentes omitto, ne Veneti cum sint, Venetis addictiones esse objiciatur: quanquam in simplice rei gestæ narratione, nec odiis, nec affectibus locus esse potest, ac citra mendacii notam scriptoribus à veritate defletere non detur; & ex allegatis qua Blondi, qua Sigonii locis, longe diversum elicio. Esse nimirum evidens pro Venetis Libertatis argumentum, quod Longinus, qui totius Italiæ Exarchus erat, qui singulis Italiæ urbibus duces suos assignabat, nec urbibus modo, sed & oppidis etiamnum munitis, nullum Venetis ducem præfecerit. Nemo eorum, qui modo cum adversario statuere velit Imperatoriam Iurisdictionem, ad omnia generatim ac nullo discrimine exporrectam ex istiusmodi creatione ducum à vicariis Imperii facta, valide probari, in dubium id mihi, ut reor, erit revocaturus, non leviter adstrui Venetorum Libertatem, ex hac ipsa ducis creatione apud Venetos omissa. Quin assensum hic mihi si quis negare sustinet, diversitatis assignet velim rationem, causamque edisserat, cur qui per omnem Italiam priores magistratus antiquaverat, & ad novam regendi normam cuncta redegerat apud Venetos pristino statu res manere voluerit, suisque eos potissimum, ac neque præ cæteris, verum & solos Magistratibus permiserit regendos.

Dicam amplius eo majore cum instantia diversitatis me rationem assignari velle, quod non modo vicini Ravennatibus essent Veneti, ita ut (nisi liberi, ut erant, fuissent) verisimile non sit Longinum (qui & remotissimis Italiæ locis de duce prospexerat) ipsorum in eo præficiendo rationem habiturum non fuisse, sed quod ipsum Longinum Veneta in urbe versatum ex annalibus constet, benigneque exceptum, ac Venetis insuper honoris ergo multis cum navigiis comitantibus deductum Constantinopolin, factum id anno  
ab urbe

ab urbe condita centesimo quinquagesimo octavo, id est toto quinquennio (si Sigonio credimus) antequam ab Imperatore Mauritio, suffecto ejus in locum Smaragdo domum revocaretur. Nemini sane istorum temporum historiam revolventi non videatur absurdum Anonymi dogma, qui velit Longinum in potentia suæ argumentum Venetis ducem (si quem alias præficere in animo habebat) præfecturum fuisse, qui non Venetorum modo indigebat auxiliis, eaque ut rebus suis firmandis valida deponere sustinebat, sed Classensi oppido, quod quam paucissimis à Ravenna miliaribus aberat, quodque ejus velut in conspectu obsidione premebatur, liberando par non erat; absurdum etiamnum, statuere si quis velit, factum id fuisse pro summi Imperii jure, cui reluctari Venetis tantumdem fuisset ac strigosis equis τὸ πρὸς κεντὰ λακπλῆν. Alia longe quam ut tale quid admittamus temporum erat ratio, alius rerum status, nec id sinat Longinus ipse, qui præterquam quod tum temporis bellicis distineretur curis, ubi ad se redierat, erat (talem eum annalium depingunt scriptores) infrunitus prorsus ignavusque, ac ipsi quoque Pontifici Pelagio dispectus juxta ac invisus. Eorum quæ dicimus fidem adstruant illa ad Apocrisarium suum, qui illi postmodum in Pontificatu successor fuit, Pelagij verba à Sigonio citata: *Agite consulti quo pacto possitis mature nostris periculis subvenire, quia res publica (Romana nempe) in tantas est angustias deducta, ut nisi princeps magistrum militum ac ducem huc mittat, omnibus simus auxiliis destituti: Nam pleraque urbes Romanæ ditionis præsidij vacant, atque Exarchus scribit nullum se nobis auxilium ferre posse. Ne se ad Ravennæ quidem partes tuendas satis valere. Faxit Deus ut Imperator nostris subito periculis præsto sit, priusquam nefandissimæ gentis exercitus occupet quæ à Repub. adhuc obtinentur.* His de rebus subjungit immediate Sigonius: *Mauritius in præsens Longinum ut parum ad*

*tantam rerum molem sustinendam idoneum revocavit, ac Smaragdum patricium virum impigrum atque imprimis militiae gnarum Exarchum cum novo exercitu Ravennam, Gregorium vero ducem & Castrorum magistrum militum destinavit. Quid quod Gregorius ipse alibi scribit: Malitia Exarchi erga nos, gladios Longobardorum vicit, qui nos rapinis ac fallaciis perdit. Sed pergamus.*

Evanidam esse omnino Anonymi conjecturam, Venetorum originem ab Exarchis deducendis, probatur quoque, vel hoc ipso quod non eadem Venetorum ducum cum cæteris Italiae ducibus fuerit origo. Referunt cæteri omnes ad Exarchum Longinum sua principia, Veneti ad Exarchorum neminem. Annorum computum si inimus, tribuuntur Exarchis anni centum & septuaginta quinque. Primus sese Longinus Exarchum, non ut sex civitatibus præfectum (qui quærundam est error) sed ἑξαρχον, id est eximium, sive principum principem dici voluit, anno à partu Deiparæ quingentesimo septuagesimo octavo, à Venetorum urbe condita, centesimo & octavo supra quinquagesimum, Longinum Smaragdus excepit, Smaragdum Romanus, Romanum Callinicus, Callinicum alter Smaragdus, illum Iohannes Lanugius, natione Thrax, Lanugium Eleutherius, Eleutherium Isaacius, Isaacium Calliopa, Calliopam secutus Iohannes Platina, Platinam Theophilacius, illum Paulus Exarchorum penultimus, cui demum successit Euricus, qui anathemate percussus eundem & Imperij & Exarchorum nominis habuit finem. Exarcho demum Paulus, id est totis novemdecim, supra centenos, annis primus Venetis Dux creatus Paolucius, sive Paullus Anafestus. Revolvantur omnes omnino Chronologi quotquot sunt, vel ante quot fuerunt si quis dicat ab ullo prædictorum Exarchorum, Venetorum ducem creatum, causa cadam. Quo tamen malignas suspiciones, quas legentium animis callide adver-

adversarius insinuat, planissime configam, ac ne illarum vel umbra superesse possit, ostendam mox suo loco ubi Anonymus agit de nonnullis, quæ sub Pauli Exarchatu, (sic lequi liceat) obvenere, ad Exarchum illum Paullum, ducem eligendi institutum referri non posse, eive acceptum ferri. Quod ubi præstitero, neminem fore puto, qui ducis creandi morem receptum jam tum & approbatum ad Euricum Exarchorum novissimum retro trahendum existimaturus sit. Ut alia omnia præteream, constat illum tanto odio laborasse adeoque despectui habitum ut non alia de causa Stephanus Romanus Episcopus Pipinum Gallum sibi in Italiam evocandum judicaverit. Ut vero conjecturis omissis regiam veritatis ingrediamur viam, mirum mihi videri profiteor quid Anonymum impulerit quam ob rem, si quidem allegatam à Iustiniano quorundam opinionem in medium adducere volebat, nullam prorsus eorum fecerit mentionem, quæ illamet ipsa verba, quæ citat, proxime antecedunt sequunturque. Vidit nimirum figmentis suis insignite pugnatura, nec fieri posse, quin eximium pro parte adversa ex illis ipsis assurgeret argumentum; quale sit hoc, quod non modo haud eadem creandi duces causa apud Venetos reperiatur fuisse, quæ cæteris locis, sed usque adeo diversa, ut nihil in illis aut simile aut commune quis comprehendat. Primis per Italiam ducibus Exarchi lubido præpostera principium dedit. Venetis vero commune urbis jam prope ultæ bonum. Nempe Juvenis ad instar aquilæ, quam (Poëtæ verbis loquar)

*Olim juventus & patrius vigor  
Nido laboris propulit inscium  
Vernique, jam nimis remotis,*

*Insolitos docuere nifus.  
 Venti parentem, mox in ovilia  
 Dimisit hostem virvidus impetus,  
 Mox in reluctantes dracones  
 Egit amor dapis atque pugnae.*

Veneri jam tum vires, in quas succreverant exploratas habebant, illarum robur laceffendo senferant, hinc Longobardi, Veneto nomini vel alias minus æqui, inde Turcæ, nec non & pyratarum maleferiata colluvies, à vicinis prosperos urbibus successus oculo sinistro torve spectantibus, submissa: accedebat ferale discordiæ virus, & à secessionibus periculum. Ventilabant quaquaversum dissidiorum flabella Tribuni qui si quid delirarent, plectebantur cives, illorum subinde conspirantibus studiis pressi, aut ubi dissiluerant distracti. Primus Christophorus Gradenfis Antistes non aliud discordantis patriæ remedium fuisse, quam si ab uno regeretur, cum jam tum ut ad unum cuncta deducerentur pacis interesset cordate demonstravit, additoque in omne ævum salubri temperamento libertatis, valere jussis missisque Tribunis, auctor fuit ut Rectorem quidem Senatus crearent, sed regnantis tamen. Extat illius digna magno præfule, digna populo libero ad insulanos concio, traduce libertatis spiritu vel isto sæculo decora. Nullum vero Exarchi, nullum Pontificis, nullum Imperatoris factum intervenisse reperio. Si quis intervenisse dicat, probationibus justis se paret. Me quidem, ut ut aliter rem se habere commonstranti cessurum ingenue profitear, non movet illud, quod ducis sui ab Adeo-dato Pontifice confirmationem Venetos petijisse Anonymus à legat ex annalibus Petri Justiniani, cum vel ipse totis viginti annis, antequam Duces Venetijs creati cœperint, Adeo-



Adeodatum invivis esse desisse notet. Tunc tamen Venetos petisse à Pontifice confirmationem Ducis sui, idne eos pontificum potestati subjecerit ? nihil minus, utique longe absit, ego id ut statuere præsumam, cum ne quidem Anonymus Venetos simpliciter subditos finxisse minime contentus, nisi ut vicarios insuper traducat, rem tam à vero dissolutionem effeire, nedum argumentis rationibusve ausit tueri. Summum ut largiamur potuit erroneo illo suo effatu, Iustinianus theoninis Anonymi dentibus lancinandum se præbere, potuit illi quid admorderet ostendere, facta tamen manet, actecta Venetorum Libertas, nec ullum inde veritatis luxamentum, quæ rerum gestarum erroribus non vitiatur.

## §. 16.

*Fallitur Anonymus, dum inter terram continentem à Venetis incultam, & lacunas Hadriatici maris distinguendum non putat. Inepte etiam ex scripta à B. Gregorio ad Venetorum Ducem Epistola subjectionis infert argumentum.*

**E**ST hæc Marci Tullij Ciceronis ad Quintum fratrem sententia, *Ea est hominum labes, ut simulationum involucris regatur uniuscujusque natura.* Vel tuta in adversario mihi suspecta sunt, nec tamen suspicionibus indulgere est animus: quod res est fatebor, non satis assequor quid sibi noster velit, cum hoc §. Gregorium 11. Marcello Venetorum Duci, ordine pariter secundo, scripsisse commemorat, cum inscriptione *Dilectis filiis, Donato Patriarchæ, & Episcopis atque Marcello Duci, & plebi Venetiæ & Istriæ*, cujus epistolæ tale quoque sit exordium: *A Deo salvata communitas vestra, &c.* Quantum con-

conjicio, vult hoc, non esse distinguendum inter Venetos, qui terram conticentem incolant, quive in lacunas dispersi degant, sed nullo eos habendos discrimine, Pontificis nimirum exemplo, qui omnes ac singulos uno communitatis verbo sit complexus, aut si non id ei est in animo, subjectionis inde aliquam notam conatur elicere. Utrumque male, de priori, jam non agam, ne retexendis iis quæ jam ante adstructa sunt, ac vel adversarij confessione stabilita, fastidium legenti creem; illud addam, alterius illum cujus Epistolam jactat, atque ipsam quoque Epistolam, ut ex inscriptione liquet, fori fuisse, ad filios spirituales directam, hos ipsos arctis nimium finibus, malignisque prorsum, circumscripserit Anonymus, si alios ipsis limites, quam quousque Beati Petri temporale (fas sit ita dicere) patrimonium exporrigitur, assignat, ut de Epistola ipsa nihil dicam. Quin ea pastorem curam, quin ordinationem ad spirituale bonum spiret, mihi non est dubium: quidquid sit, adversarius ne quidem ex illius contextu adfert, quo libertati Venetæ vel tantillum decedat. Sin ex hoc, ipse quod scripserit Venetorum duci, plebique eorundem subjectionem infert à spiritali diversam, putidus est, eademque ratione Nasetum, Constantiam Augustam, Theodelindam Longobardorum, Brunichildem Francorum reginas, & quos non denique? Gregorio primo subiectos dixerit, hoc nomine quod multotiens ad illos literas dedisse illum videamus. Filij sane vox dilectionis nota est, non Imperij, patrem spirat, non dominum, affectum denique scribentis adversus illos, quibus scribit, propensissimum, ac verbo ut dicam istiusmodi, qualem à nullo superari ipsæ adeoque sacratissimæ leges ajunt, sed non ero hic longior ne aut *οκισμομαχῆιν*, aut Andabatarum more in tenebris decertare credar.

## S. 17.

*Historia Leonis Isaurici Imp. excussa. Varii propterea motus exorti. Tempora nonnihil turbata ostenduntur. Venetorum duces & antiquati & denuo restituti. Exarchi quando esse desierint. Pontificatus Gregorij tertij, & Leonis Isaurici coincidunt. Rebellionis nomen aut crimem in Venetos non cadit. Rebellis quis sit. Argumentum ex Etymologia infirmum. Diaconi locus illustratus.*

**A**Ltius hoc S adversarius assurgit, ac non vulgare propositionæ sibi subjectionis illius indicium putat quod Diaconus, exulceratis contra Leonem Isauricum animis, & rebus, ut videbatur, jam jam erupturis in nervum Ravennatem exercitum cum Veneto confundat. Verba Diaconi sunt: *Omni quoque Ravennæ exercitus vel Venetiarum talibus jussis uno animo resisterunt & nisi eos prohibuisset Pontifex, Imperatorem super se constituere fuissent aggressi.* Hos ipsos animorum motus Blondo rebellionis voce taxari signarique notat. Illius item verba sunt: *ut Ravennates primi, exinde Venetia populi atque milites apertam in Imperatorem Exarchumque rebellionem præ se tulerint.* Tria consideranda videntur ipsi in Diaconi loco: primò, quod pari gradu Venetus ac Ravennas exercitus constituatur, ideoque indubie & pari subjectionis gradu censendi sunt: secundò, quod Imperatores supra se constituere voluerint. Ac denique quod Blondus loquatur de *populis Venetiæ* quod omnino etiam auctore Sabellico de terra Venetorum continenti non sit accipiendum, sed de Insulis maris Hadriatici.

Commode ad hoc argumentum responderi non poterit, nisi facem nobis præluceat historica Veritas, quam nimio plus parachronismis & enatis inde erroribus involutam, quo defensionis nostræ fides constet necesse erit expediti. Loquar ergo verbis alienis quacumque poterò, & jugi collatione facta, protinam è Democriti puteo temporis filiam, quæque de Venetis ex Diaconò, Blondoque allata sunt iis, de quibus nobis sermo est, Venetis aptari neutiquam posse demonstrabo. Certum est Leonem Isauricum Imp. Rom. cui post modum Iconomachi sive Iconoclastæ inditum nomen, Philippici cognomento Bardanis inhærentem vestigiis, *ἱερογδορ* omnibus omnino sanctorum imaginibus bellum indixisse, utpote qui auctore Sigonio vano Hebræorum vaticiniò inductus, hostem eis se fore, si imperio potiretur, promiserat; quin eousque progressus est, auctore Diacono, cuius hæc verba sunt, *ut compelleret omnes Constantinopoli habitantes, tam vi quam blanditiis, ut deponerent ubicumque haberentur imagines, tam saluatoris, quam sanctæ ejus genetricis vel omnium sanctorum, easque in medio civitatis incendio concremari fecerit. Et qui plerique ex populo tale scelus fieri præpediebant, eodem referente, aliquanti ex eis capite truncati, alij parte corporum multati sunt, cujus errori Germanus Patriarcha non consentiens à propria sede depulsus est, & ejus loco Anastasius presbyter ordinatus est.* Hæc eadem Diaconi eisque sequiora excipiens Blondus allegato porro loco sic continuat. *Non cessavit mala intentione frustratus Imperator, quin imo majora in dies exaggerans scelera apud Pontificem blanditiis primo egit, ut si in suam vellet gratiam promoveri sanctorum imagines ubique in Italia, sicut ipse in suo Orientali fecerat imperio aboleri, deponi, incendiique curaret. Cui (subjungit) impietati tantum absuit ut consentiret Pontifex, quod è contra per universum terrarum orbem scripsit, ne impiis profanisque istiusmodi jussionibus obedirent, tantam tunc potestatem habuerunt Romani Pontificis decreta, ut Raven-*  
*nates*

nates primi, exinde Venetia populi apertam in Exarchum Imperatoremque rebellionem jure se tulerint, impulerintque Pontificem ut abrogata Constantinopolitani imperii majestate, ex Italia Romæ Imperator diligeretur, eoque processit Exarchi rebellio, ut depositi Exarchi magistratibus, singula ei civitates, singula oppida, tunc primum postquam Romanum inclinavit imperium, proprios sibi magistratus quos appellarunt duces præficere inchoaverint. Compescuit vero Stephanus Pontifex eam deligendi Imperatoris novi Italicensium voluntatem quod Leonem speraverit, saniori postmodum consilio flagitiis temperaturum; procedebat tamen & invalescebat indies Romanorum Italicorumque rebellio; Marinus Spatharius qui Romæ urbis duxerat, ejusque filius Campanie populos perentiarunt. Quod cum rescissent Romani, patre & filio interfectis, Ducem & ipsi quendam Petrum nomine crearunt. Et pariter Ravennates auditu huius quæ per Italiam primo, & postea Romæ facta erat, post variatas inter cives intentandarum rerum novarum consultationes Paulum Exarchum interfecerunt. &c.

Quantum ergo ex Blondo colligere licet, opposuit sese Leoni Isaurico Pontifex Stephanus, hunc authorem, hunc ducem, hunc denique moderatorem habuere illorum temporum motus rerumque transitus, sed metuo ne parum ex vero id narretur. Ut enim vult Anonymus ac quidem (ut nec inficior) recte, gesta sunt hæc anno circiter septingentesimo vicesimo quinto. Stephanus vero totis viginti & septem annis ab illo demum tempore Pontificatum adeptus est, nempe anno septingentesimo & secundo supra quinquagesimum, rerum jam tum ab excessu Leonis, decennium integrum potiunte Constantino Copronymo. Turbat insuper sedis Apostolicæ successionem Blondus. Verum quippe ille si diceret, eradendi essent ex albo Pontificum Gregorius III. Zachariasque, quorum uterque Stephanum præcessit, annosque quisque sui Pontificatus enumerat plures decem. Sed neque res Venetæ permiserint ut

hæc in Stephani tempora dicamus incidisse, cum certum sit, etiam annuente adversario, obvenisse illa Uisi Hypatii Venetorum ducis temporibus. Urso, dum turbantibus Heracleanis & Equiliensibus medium sese interponit in turba occiso, cessavit quantisper Venetijs ducum electio; quin ducibus antiquatis fasti numerant quinque equitum magistros annuo imperio urbi præfuisse, hic vero Magistratus cum denuo minus placeret, constat Theodatum Hypatum jam anno ante Constantini Copronymi imperium creatum fuisse Venetorum Ducem. Similiter non ferat hoc Exarchorum Ravennatum Historia, nam si Blondo credimus, præcessit hoc Stephani factum Paulli Exarchi necem, quam sub Isaurico obvenisse certum est, quin imo aliquot annis ante Ilius Isaurici mortem. Tradunt nimirum annales Isauricum Paulo interfecto Eutychem constituisse Exarchum, in quo & Exarchorum ut dignitas, ita & nomen, idque illo etiamnum imperante esse desijt; licet non desint qui demum Copronymo imperante Exarchorum gubernationem desijisse memoriæ prodant. Quid? quod & Longobardici regni series evincat contrarium. Siquidem enim illa obvenere, ut certe obvenere sub Luytprando, fieri non potest ut hæc Stephano attribuantur, cujus, Sigonio si fidem habemus, ut Aistulphi regnum Pontificatus incidit, cum tamen Aistulphum Hillebrandus præcesserit & Rachis, quorum prior paulo plus semestri, posterior toto quinquennio & quod excurrit Longobardini regni habenas moderatus est. His addamus Chronologos passim, ac nominatim qui de rebus Italicis Pontificumque scripsere, Platinam in vita Gregorij, Sigoniumque lib. 3. de Regn. Ital. diversum à Blondo statuere: quamquam nec diffitear, qui post illos scripsit, Sabellicum, ut ut illis propior accedat, à Blondo non omnino abscedere. Ut ergo ex incertis certa constituamus, eaque tandem



tandem nostro instituto applicemus, statuendum in eadem tempora incidisse Leonis Isaurici imperium & Pontificatum Gregorij tertij, tumultusque illos, de quibus nobis agi jam cœptum ac deinceps agendum crit, præcessisse Pauli Exarchi necem, quorum posterius omnium consensu verum cum sit, probationem non requirit, prius etsi enervata Blondi contrarium statuentis autoritate probatum satis videri possit, non gravabor tamen hic quos modo citavi Platinæ, Sigonij locos (cum & insuper lucem illaturi sint ad ea quæ nobis dicenda sunt) hic transcribere: ait ergo ille, *Hic Gregorius, nempe statim ubi Pontificatum inijt, Cleri Romani consensu, Leonem tertium Imperatorem Constantinopolitanum imperio simul & communione fidelium privavit, quod sanctas imagines è sacris adibus abrafisset, & statuas demolitus esset, quodque etiam de Homousio male sentiret.* Sigonius vero sic inquit. *Romæ autem Gregorius Pontifex harum rerum certior factus, sevitæ animo atque extrema meditari remedia cœpit. Itaque Pontifici Constantinii exemplo decretum proposuit, quo Leonem Imperatorem piorum communione removit, ut qui non solum non Catholicus, sed etiam Catholicis infestissimus esset, ac mox Italiæ populos, sacramenti quo se illi obligaverant, religione absolvit; & ne ei aut tributum darent, aut alia ratione obedirent indixit. Quo decreto accepto Romani, Campani, Ravennates & Pentapolitani à Leone subito defecerunt ac varijs tumultibus excitatis, ipsos etiam violare Magistratus non dubitarunt, quippe Ravennæ Paulus Exarchus occisus est, Romæ Petrus dux luminibus captus, in Campania Exhilaratus dux cum filio Adriano obruncatus est. Quin etiam odij sui vim adversus eum vehementer adeo intenderunt, ut ad hostiles acerbitates proveci de imperio illi abrogando alioque Imperatore legendo retulerint. Quod consilium Pontifex ut parum præsentì tempori aptum opportunumque repudiavit. Hactenus ille. Quæ cum nostram irrefragabiliter sententiam firment, constanter nego, rebellionis aut nomen, aut crimen, quod ex Blondo Veneris impingere studet Anonymus,*

nymus; in illos pōtuisse cadere. Fundamentum mihi est cum Bartholo, non dici rebellem qui fecit contra Principem vel statum Reipublicæ, quando ei nunquam fuit subditus, quia tunc dicitur hostis, nōn autem rebellis. *Extra. qui sint rebelles. versic. tenore in verbis. Sed quæro in quō differt.* Venetos autem Imperatori subditos nōn fuisse, ut alia jam dicta preteream testetur vel ipse ille Gregorius Pontifex, de quo sermo nunc est, qui literis etiam datis ad Ursū Venetorum Ducem, precibus egisse apud illum, Leoni & Constantino Imperatoribus, contra Longobardos suppetiās ferre ut vellet, legitur; ut mōx ad sequentem § dicemus fusi⁹, ac quam non cadat in subditos adductis rerum testimoniis ostendemus. Rectius ergo in hostiles acerbitates erupisse Sigonius ait. Mihi quidem si adversarium hoc loco petitis ex jure rationibus confodere animus foret, non essent ea quærenda longe, quid enim illud cuive bono, quod c. p. rato rebellionis etymo tantum sibi placet? est re vera aliud nihil etymon ipsum, quæque inde Etymologia deducitur, quam vocis quāviscumque, notatio, aut rei quā designamus expressio, quæ cum longe differat à vera certaque rei designandæ notitiā, ne quidem adfirmative (ut nostro casu) concludit; tantum abest ut argumentum inde deductum, ad effectum (qualis nobis esset ex etymo rebellionis subjectionis illatio) ex etymo, aut ratione etymi causandum, procedat. Sed enimvero id mihi hunc animi nō est, consulat qui volet super hoc Præsidentem Everardum in Topicis ubi late hæc singula subtiliterque pertexit. Illud ago, ut ipsa rei evidentia testatum faciam, quos pro se Anonymus adducit locos, eos adduci perperam. Ac quidem comprimis ipsum illum Blondi locum ad urbis Venetæ incolæ applicari nō posse, duo evincunt; primum est, quod, ut ad sequentem § latius dicam, Leoni Exarchoque vixerint addictissimi, quorum gratia

gratia ipsos etiam Longobardos, nihil adversum ipsos hostile designantes, ultro bello petierant. Alterum ex ipsius Blondi contextu deducitur, ubi enim dicitur *eo usque progressam rebellionem ut voluerint ex Italia Romæ Imperatorem deligi item compescuisse Stephanum eam deligendi novi Imperatoris Italicensium voluntatem.* Item *invalesebat indies Italicorum Romanorumque rebellio.* Item *Ravennates auditis quæ per Italiam primo ac postea Romæ facta essent, &c.* nisi quis lumen animi excæcare atque extinguere sponte velit, satis indicant non quadrare in incolas urbis Venetæ, sed iis adaptanda oræ Venetæ locis, quæ jam antea, qua Gothis, qua Narsæti, cæterisque Imp. belli ducibus, qua Francis, qua Longobardis, cessisse, ex Agathia, Procopio, Diacono, Blondo cæterisque dixit author Scrutini. Quod porro ex Diacono notari jubet Ravennatum Venetorumque exercitum componi, pro me facit plâne, verbum enim *vel* quod Diaconus usurpat, ibi accipiendum est, aut ut copulet, aut ut exprimat, quod novum nulli videbitur cui stilus auctoris etiam tantillum est notus. Quin imo eodem hoc capite, cum Diaconis dicit *voluisse Leonem deponi ubicumque haberentur imagines tam Salvatoris quam sanctæ ejus genetricis vel omnium sanctorum* facturos hic mecum omnes credo, asserturosque particulam *vel* aliter, quam cum jungendi exprimendive potentia, nec posse accipi nec debere. Hoc si evinco, per me licet Ravennatem exercitum componat cum Veneto. Evidens plus omnibus erit exercitum illum aut unum fuisse eundemque, aut saltém non aliunde Veneti nomen sortitum, quam ab illis quos ilico designari monstravi Venetis.

S. 18.

*Epistola Gregorij Pontificis diligenter excussa. Nihil illa Libertati Veneta detrahit. Hortatur illa, non imperat. Pontificum vires unde creverint. Ad Venetos ut ad Tutores Ecclesiæ scripta hæc Epistola. Orationes Paulli Exarchi & Urbi ducis, Venetorum libertatis luculentum argumentum.*

**P**ersonam hic Anonymus ac scenam mutat, cumque videat ea, quæ contra Luytprandum Longobardorum regem gesta sunt à Venetis precibus qua Exarchi, qua Pontificis Gregorij fuisse data, ipsasque illas preces cum annexis optimo jure in libertatis insigne argumentum Venetis deduci, tacite ei occurrere conatur, ac, veritatem facti negare cum nequeat, ne nihil dixisse videatur, negat pontificijs in literis ullum omnino libertatis vestigium deprehendi, simulque nec debere nos, ait, factum illud Pontificis subditos ad præstandum, quod superioribus debeant, officium cohortantis, sic accipere, ut ex illo libertatem aliquam exemptionemque è jurisdictione veri legitimique domini inferri putemus.

Verba ejus quam citat epistolæ Pontificiæ fatetur Antonio Justiniano se debere, cujus fidei tantum in hoc rerum id temporis gestarum articulo cum deferat, ut vel ipsam pro se adducendam, ac contra libertatem Venetorum allegandam putet, in cæteris idem negotium spectantibus absque piaculo sane eam ipsam, quam usque adeo liberaliter ei se habere ostendit fidem, enervare tentet, aut denegare.

Ac quidem ingenue candideque agere, si mens ei fuit aut id quod adstruit, nobis probare, debuerat utique totam nobis exhibere Pontificis Epistolam, ejusque è con-

textu

textu, si quid inferri valide possit, deducere, atque ob oculos ponere, aut id si nollit, saltem æqui lectoris iudicio permittere. Ipse quod omisit, ego præstabo. Epistolæ hæc sunt verba.

*Gregorius Episcopus servus servorum Dei dilecto filio Urso Duci Venetiarum. Quia peccato favente Ravennatum civitas, quæ multarum caput extat Ecclesiarum, à nefanda gente Longobardorum capta est, & filius noster eximius Dominus Exarchus apud Venetias ut cognovimus moratur, debeat nobilitas tua ei adherere, & cum eo nostra pariter vice decertare, ut ad pristinum statum sanctæ Reipublicæ imperiali servitio Dominorum filiorumque nostrorum Leonis & Constantini Magnorum Imperatorum ipsa revocetur Ravennatum civitas, zelo & amore sanctæ fidei nostræ. Deus te incolumem servet dilectissime fili.*

Judicet nunc æquus lector ecquod breve hoc Pontificium in sese verbum contineat, quo Venetorum subiectio inferatur. Ex adverso multa sunt Libertatem quæ evincant, ac disertim illud, quod à subditis suis auxilium nemo implorat, suamque auctoritatem ac fidem nemo interponit, ut subditi Dominis suis, quibus quin in læsæ Majestatis, feloniar, ac perduellionis crimen committant atque incidant deesse non possunt, laborantibus adesse velint. Nihil abhorret æque refugitque longius, potestas nulli obnoxia, quam precarium regnum. Hic si quidem, ut adversarius vult, subditi erant Veneti, si officii sui non satagebant, si ad defectionem spectabant, agendum erat pro auctoritate, imperiisque ut ut

blandis, non segnibus tamen, aut in vanum lapsuris; Sic apud Poëtam, dum Phaëtonæum post incendium suam gnatique vicem non sine indignatione miseratur Phoebus, verbisque non obscuris, si Poëtam audimus, solitum currus moderamen detrectat,

*Talia dicentem circumstant cætera solem  
Numina, neve velit tenebras inducere terris  
Supplice voce rogant.*

Ex adverso,

— *Divum sator atque hominum rex,*

sic patrem sese gerit, ut simul regem meminerit, sic regem ut patrem non deponat, subiungit ergo idem qui ante Poëta,

— *Missos quoque Iupiter ignes  
Excusat, precibusque minas regaliter addit.*

Verum nihil hic tale. Ipse Pontifex non imperatorium modo numen aut nomen, non barbarorum tetras gentes, non Ravennatum duntaxat urbem multarum Ecclesiarum caput, permovendo duci allegat, verum semet ipsum, ut

*Quo nihil majus meliusve terris,*

ac secum communem zelum amoremque sanctæ fidei ob oculos ponit; sua pariter vice decertandum ingerit ac zelo & amore sanctæ fidei revocandam urbem à Barbaris detentam. Est insuper (si verum amamus) hoc ipsum quoque Libertatis ac potentia Venetorum non leve argumentum, quod ab ipsis auxilium suppeticasque Pontifex deprecatus sit. Qui historiarum Italicarum à translatione præsertim utrius-



utriusque Imperii, omnino hospes non est, novit ille procul dubio, primos Pontifices vitæ sanctimonia miraculisque claros, ac sic exemplo magnos, præstringente oculos ad hæc nova Evangelii luce, Imperatores multos ad sese pertraxisse, invitos etiam ac reluctantes: successu deinde temporum, sæculis hæresium sectarumque feracibus, cum tremenda in Ecclesiam Dei persecutionum tempestas desuper etiamnum incumberet, multotiens parricidalis, securi jugulum præbuisse, sub ictibus gemuisse, ac sacri cruoris stillicidio terram maculasse. Quoad usque tandem ab aliquot imperatoribus erecti promotique, in illas sese vires asserere cæperunt, quibus impræsentiarum instructi sunt, sed pedetentim gradatimque, ac confugiendo semper ad illos, tanquam ad Asylum, sicubi res eorum in arctum redigi, seque durius haberi animadvertēbant. Sic in hujus ipsius Gregorii tertii vita memoriæ tradit Platinā: *Consuevisse Pontifices, ait, Romanos, si quid mali ab externo hoste immineret auxilia ab Imperatore Constantinopolitano petere, quod, subjungit ibidem immediate, facere Gregorius substituit, tum ob illas causas, quas jam commemoravi, tum vel maxime quod urbem regiam ægre Leo à Saracenis tutaretur, nedum alios defenderet. Hæ itaque rationibus accidit, ut primum Ecclesiæ tutela ab Imperatoribus Constantinopolitanis translata sit.*

Atque hoc modo, qualiter & postmodum Ecclesiæ tutelam, Gregorij ejusdem precibus motus suscepit Carolus Francorum rex, tunc temporis ad Venetos, ut ad tutores Ecclesiæ scripta est Epistola Gregorij, non vero ut ad subditos, quos, ut sui quæ essent officij implerent, hortari (si Dis placet) opus ipsi fuerit. Amplius dicam, nisi perspectam sibi veritatem suppressere dolo malo, nisi contra mentem ire, suæque met conscientiæ vim facere voluisset Anonymus, vidisset apud eundem Iustinianum, cujus auctoritatem pro se ad firmandam thesin allegat, orationem Ex-

archi Pauli, ejus quam asserimus Venetorum libertatis inconcussum testimonium, notassetque quam non pro subditis eos Imperatores habuerint. Allegabo ego eorum nonnulla, ut nisi Chamælion sit, erubescere discat adversarius. Illud tamen in antecessum Lectorem monitum volo, esse ea, quæ citaturus sum non Iustiniani ipsius, verum Sabellici, qui ea fere semper verbotenus, quanquam non ea subinde, qua Iustinianus, emphasi, expressit; Causam jam ante dixi, non est mihi nisi Italicè loquens exemplar Iustinianæ Historiæ, nec adeo sum arrogans, ut in exprimenda Iustiniani sententia æquare me posse confidam Sabellicum, hominem Italum ac tersissimæ Latinitatis scriptorem.

Ait ergo Exarchus, *Sese qui secundus ab Imperatore summo, summumque Magistratum gerebat, copias ducebat, cui populi, civitates, & insula nobilissima parebant, à quo auxilia cuncti implorabant, barbari & externi reges, exulem, extorrem, sine exercitu, sine dignitate supplicem cogi alienum auxilium implorare. Si subditi fuerant, Anonyme, cur supplicat Exarchus, cur alienum eorum auxilium vocat? repero hic illud Poëtæ,*

*Omnem equidem terram, sceptris quæ libera nostris  
Diffidet, externam reor.*

Primæ libertatis apud Venetos testimonium si desideras, audi Exarchum, Nec prius, ait ille, *quietura est seva barbaries, quam totum libertatis nomen tota Italia extinxerit, quod cum alijs molestum videri debet, tum vobis acerbissimum, Dux & viri Veneti, quorum majores non tam mortis, quam servitutis metu olim in hæc loca devenere, qui hoc domicilium libertatis medijs fluctibus constitutum vobis per manus tradiderunt, cui tanto sunt barbari infestiores, quando stabilior est hic omni tempore libertas, quam alibi futura, si sint dico, qui*  
cam

eam tueri velint, sed cur vos illorum progenies non omni tempore tueri velitis, quod prisci Veneti ne amitterent amanissima Italia ora relicta in hac loca decreto migrarunt, in quibus nihil erat. quod posset quemquam ad sui cultum invitare præter locorum fiduciam, quibus illi freti per tot bellorum motus, tot strepitus, tot rerum novitates, libertatem tutati, jam adultam & stabilem vobis reliquere, &c. quam vero notanda sunt illa ejusdem Paulli? Et nunc illud persuadete viri Veneti non Italiae Exarchum, sed Romanum Pontificem, & Leonem Imperatorem, in conspectu vestro stare, vestrum auxilium, vestram fidem implorare, multis precibus contendere, ut urbem clarissimam velitis vestra opera ad imperium retrahi, in vestra igitur potestate est velitis apud summos nominis Christiani principes summum beneficium collocare, de cujus hostimento dubitet quidem nemo, nisi qui Imperatoriam majestatem dignitatemque pontificiam ita profligatam existimet, ut nulla possit inde gratia in futurum expectari, quod tam esset impium, quam stultum credere. Ac paulo post. Etiam atque etiam vos hortor ac monco, ut ne talem promerendorum principum oportunitatem elabi patiamini. Ac denique quo fœderatos amicosque Imperatoribus semper fuisse Venetos constet, ne Apelles quidem penicillo æque graphice urbis situm faciemque expresserit, quam rerum Venetarum statum, exponunt illa Urbi Ducis: Quum mea magis quam cujusquam vestrum intersit videre ne quid in Republica peccetur, vel quia optimi sit Principis id cavere, vel quod major in me quam in alios redundaret invidia, nunquam paterer viri Veneti publicam fidem eo fœdere labefactari quod cum Luytprando ictum habemus. Nam id in dubium video venire utrum fide publica incolumi possint Veneti laborantibus Imperij rebus opitulari. Sed meminisse vos oportet in eo fœdere, quod cum Longobardis regibus est publice ictum, discrete positum ut imperij & Romanorum Pontificum rebus caveretur, atque ita fœdus tenere diceretur, si Longobardi ab

utrisque injuriam abstinere. Quod cum Ravenna de rebus imperij capta sit à Longobardis, sit & Italia Exarchus hostiliter pulsus, quis non videt jam Venetos nullo fœdere teneri. Caterum quantum illorum injuria liberat publicam fidem ab omni perfidia crimine, tantum necessitas cui nemo repugnat subigit nos etiam invitos Imperij rebus mature subvenire, quibus in Italia cadentibus, cadere Venetos necesse est. Nam quantacumque est hac rerum Venetarum fortuna, est enim Dei benignitate minime pœnitenda, quibus alijs artibus aut quibus viribus crevit, quam perpetuo cultu & amicitia Imperij? Et quæ porro sequuntur. Et sic quidem ad hunc § ni fallor dictum satis, probata quoque satis superque puto, quæ superioribus à me in commodiorem locum rejecta fuerunt:

- I. Exarcho Paulo non ferendam esse acceptam Ducis apud Venetos creationem, ut ut illa durante illius gubernatione principium habuerit.
- II. Pontificum epistolas, quæ ad Venetos datæ sunt, nullam superioritatis quo ad ipsos Pontifices, aut subjectionis à Venetorum partibus esse notam.
- III. Perperam ac contra veri fidem à Blontaxatam Venetorum adversus Leonem Imperatorem, ejusque Exarchum.

Liber ergo solutusque a

## S. 19.

*Anonymus frustra ex militum Magistris, Magistratu Veneto, colligit Venetos Imperatori subditos fuisse. Ejusmodi Magistratus etiam apud alios fuisse. De Tribunis Venetis & Romanis.*

**C**ommonstravi jam ante, non infimum ex illo Venetæ libertatis argumentum peti, quod pro libitu suo arbitratuque Tribunos, Militum Magistros, Duceis, ac quoscumque demum Magistratus sibi præfecerint, nedum ut inde aliquod omnino subjectionis indicium erucere liceat. Adversarius tamen quo probet Venetos Imperio fuisse subditos unum ait: ut Exarchos, ita & Magistros militum, nec non tribunos, Magistratuum nomina fuisse alijs in locis haud nota, quam ubi summum habebat Imperatorium, ac sic quidem Africæ suum fuisse Exarchum.

Imperatorem agnosceret, idem in Africa tribunis statuit dicendum porro, et fuisse Venetos ad Imperij cetera Imperij membra istiusque Imperij quem vel ipsum nomen Romanæ vim suam, unumque tribunos

Vt jam  
etiam

illo

Lon-

, atque

is Ravenna

bus iterato

et illa:

et illa:

nymum Rubeum : is vero sub principium libr. 3. Ravennatis historiæ *Fuere & aliis in locis Exarchi, ut in Africa Gennadius ad quem hoc titulo D. Gregorius scripsit. Atheniensis quoque (an & hos Imperatori vendicas Anonyme ?) Exarchum habuere ut Iulius Pollux est author. Sicilia etiam Exarchum præfuisse à Michæle Balbo ceterisque Byzantiis Caesaribus missum ex Joanne Curopalate & Thoma Fazelio rerum Sicularum diligentissimo scriptore satis constat. Quod si repertis vetustis Marmoribus habemus fidem Mediolani etiam fuit Exarchus, nam Merula tabulam ex marmore Mediolani inventam scribit qua hæc continebantur. D. M. Aurelio Ianuario Insigni Dalmat. fert. & Aurelio Valentiniāno Exarcho posuit Aurelius pater Ianuarius, vixit annis XXXIII. M. II. Ad Tribunos ut veniamus, est hic omnino ineptus adversarius, neque est quisquam tam hospes in Historia qui ullos omnino tribunos, quales sub Imperatoribus fuere, Primanos puta, Laticlavios, aut Augusti clavios, Rerum nitentium, Militum, Aetuosos & Vacantes, Sacri stabuli, Notariorum, à præfecto prætorio institutos, & qui plures ejus generis fuere, cum Tribunis Venetis comparandos putet. Quid ? quod popolare ab initio tribuni nomen vel hoc ipso placuisse potuit populis servitutis nomen exhorrentibus.*

Quid ! quod cum nomine munus eorum similiter fuerit popolare. Pone tamen tribunis apud Venetos largius aliquantisper imperium fuisse, ac regendi jus. Non minus id fuit sub populari regimine P. R. Appiano si credimus lib. 4.º belli civili *ἡρεσεν ἢ δὲ χη καὶ ἀπλῶ καὶ τὰ μέγιστα ἰχύνει καὶ τῶν ὑπατῶν πινὰς καὶ ἐν τοῖς φυλακαῖς ἐμβαλεῖν.* Ac si quod res est dicimus mutuati sunt tribunitij nominis velamentum ipsi Imperatores, sic ut fere semper Libertatem everfuri qui sunt, speciosum Libertatis nomen præ se ferunt. Introducæ jam in Rempubl. Tyrannidis stator ac vindex Augustus, consulem ab initio se tulit authore Tacito & ad  
tuendam



tuendam plebem tribunitio jure contentum. Ac ut neque Militum magistros relinquamus intactos, magistratus illi qui apud Lacones *ἑταίροι* dicebantur Athenis *ἑταίροι*, ut apud Sigonium suo de Atheniensi Republ. tractatu videre est, ejusdem, si non omnino nominis, authoritatis saltem ejusdem fuere. Interim longe diversa illorum potentia fuit dignitasque ab illa, quam habebant apud Venetos militum magistri. Quos cur illo nomine indigetare Venetis visum sit, annales tacent, neque ego dixero. Si conjecturis locum facimus ut exemplum, ita & nomen à Constantino Magno fortasse desumpsere. Ille narrante Zozyro, ut præfectorum prætorio qui à Maxentii partibus steterant vires infringeret, Magistros militum instituit, Venetis, quod Ducum potentiam res illorum temporum minus ferrent magistros militum legi coeptos, quo minus dicatur nihil vetat. Putidus sum, si cum res ipsa discrepet similitudini vorum nominumve recte quid deferri, multis aut negem, aut doceri velim.

## §. 20.

*Frustra est Anonymus, dum negat ex eo, quod Longobardi nunquam Venetæ urbis domini fuere, Venetorum sequi Libertatem.*

**N**Ullum hoc § argumentum, directe atque in propatulo format Anonymus, sed cum jam ante fassus sit, Longobardos nunquam urbis Venetæ fuisse dominos, atque etiamnum fatetur, quo tempore Longobardis Ravenna una cum locis omnibus ad Exarchatum spectantibus iterato cecisset, haud enumerari tamen urbem Venetam inter illa :

Y

quæ

quæ Longobardis cesserint; negat tamen ex illo recte quippiam inferri pro Venetorum Libertate, tacitæque objectioni velut occursurus, novum quoque negat esse, ut summo pluribus subalternis magistratibus hic aut ille cum imperio præsit, ac nihilo tamen minus cæteri illi distinctos habeant Iurisdictionum suarum territoriorumque fines. Ut exemplo res illustrior fiat. Neapoleos proregem Mediolanique præfectum refert, cæteris Hispani regis per Italiam ministris cum imperio præesse, neque tamen ullatenus ob hoc mutatos regni Neapolitani terminos, sineve Mediolanensium confusos.

Multis hic non agam, vereor enim ne opera me abuti candidus lector credat; ad illa respondere si velim, quibus neque ipse quidem adversarius legitimæ argumentationis robur accommodat. Sciunt omnes quæ inter alios fiunt, tertio, cujus quidem nullum interesse vertitur, nec obesse posse nec prodesse, nihil id ipsum facit ad Venetorum Libertatem, qua lege ministros attineat Hispaniæ Rex, aut quam late quamve large jurisdictionis suæ limites extendat Mediolani Dux; Ac cum ex separatis nihil potenter inferatur, sufficit ex adverso pro Venetis ipsa illa adversarii confessio, cui elevandæ, ac in se quantum foret exterminandæ, sincera legentibus perstare judicia, quod haud patiatur mirum mihi non sit, quando neque ipsum fugere potest, quoties ex hujusmodi omissionibus authorum, scriptorumve, occasionem sibi arripuerit atque argumentum. Ac quidem illius confessioni quanta sit efficacia etiam ostendi à nobis posset, valideque in authorem Scrutinij contorqueri, non est tamen proprie id ipsum nostri instituti, ut pote qui debitum veritati, nec non & illi quam defendendam adsumpsimus Libertati præstitisse patrociniûm videbimur, si confutatis illius objectionibus, quid sentiendum sit de

tota

tota controversia, ipsi porro rerum evidentiae commissum linquamus.

§. 21.

*Donatio Pipini imaginaria. Homines liberi in commercio esse non possunt. Duces Venetorum apud Imperatores orientis variis dignitatibus facti. Male exinde subiectio Venetorum infertur. Proedri, Spatarij, Archispatarij, qui fuerint. Batavi corporum aliquot Imp. Rom. custodes. Id honoris etiam Frisiis delatum. Sebastii dignitas. Dignitates in Duces Venetos collatae amicitiae, non subiectionis argumenta.*

**A**C ne hoc quidem § directe argumentari noster audet, quo ne tamen sui aliquo pacto dissimilis sit, quantumvis etiamnum ipse met fateri cogatur, nullis historicorum monumentis sufficienter probari posse Venetos (eadem ipsius hæc sunt verba) in temporalibus S. R. I. fuisse subditos, citat nihilominus textum ex Ostiense desumptum ac vel se iudice, erroneum, cujus auctoramento fides legentibus fieri possit Pipini munificentia donoque patrimonio sedis Apostolicæ Venetos accessisse. Is vero textus tenuis multum cum sit, ac cum propius inspexeris pellucidus, ait porro, spectasse potius ad imperium Orientale res Venetorum, utpote quorum Duces Spatarij, Protospatarij, Archispatarij, Imperialis Hypati, Protosebasti, Protoedri, Patricij denique imperialis, dignitatibus functos constet. Nisi omnino fallor animi morbo indulget, cunctaque è quibus inferri aut in suspensionem influere possit Venetorum sub-

jectio, coacervat argumenta ut ut evanida ac nec hilum profutura, nulli prorsus bono, nisi forte id agit, ut ex ipsa faragine præsidij quid suæ thesi acquirat, ut quæ

—*Lectori singula duram*

*Flectere non valeant, flectant simul omnia mentem.*

Donationem Pipini quod attinet, imaginariam (ut est re vera) dixisse contentus, operosè adversus illam non insurgam; fatigavit multorum calamos immensa Constantini donatio, ne quidem iis ipsis credita, quorum maxime ne convelleretur intererat. Peti ex illorum scriptis rationes possunt horum facturæ.

Ac nec tanti judicet id quispiam, obviæ cum sint, tritæ, ac nulli non cognitæ. Clamat ipsa naturalis ratio quemadmodum homines liberi, in commercio esse haud possunt aut alienari, perinde quoque non aliam esse donationum materiem quam res illas, quæ in commercium cadunt, & sic quidem eodem jure donari possunt, quo illas alienare liberum est. Spectarintne porro ad Orientalis Imperii sedem res Venetorum, ac quatenus, commodius pleniusque suo mox loco exequemur, in præsens ergo quid sibi velit adversarius despiciamus, cum Duceis Venetorum iis apud Imperatores Orientis quas modo enumeravi dignitatibus functos ait. Dicam quod IC<sup>tus</sup>. Celsus, Domitio Labeoni rescripsit. I. Domitius. ff. qui testam. fac. possunt. *Aut ego non intelligo quid sit de quo queris, aut valde stulta est questio tua.* Si enim simpliciter id allegat, ut constet verum esse quod dicit, perperam omnino facit; cum quia plane nihil ad subjectam materiam tali commemoratione accedit, tum quod nec sit quispiam, qui factum neget, id ipsum quod dicit. Hoc vero si agit ut ex ista Imperatorum Orientis in Venetos Duceis dignitatum collatione subjectionem, quam sibi præscribit, adstruat, nã totus

totus in errore est, eoque nec uno. Nemo tam est in historis hospes, qui Libertatem Venetam ( Ius hic summæ potestatis designo ) pari cum ducibus jure censendam ducat. Ac ut ut summo cum imperio duceis apud Venetos (quanquam falsum & hoc, ut suo pariter loco) rerum potitos asserendum putet, ea ad totum reipub. corpus pertinere, dicere audeat, quæ ducis personam ut egrediantur, nulla juris ratio permittat. Addo quod nec hætenus authorum repertus sit quispiam qui sentiat, cum, qui aliàs, in se consideratus, subditus alteri non sit, eo solo nomine, quod ab altero illò beneficiis adfectus, aut dignitatibus ornatus sit, è libero subditum reddi, quo nimirum casu non rei, sed personæ (ut hic) dignitas collata deprehenditur. Addo & hoc, rei alienæ & ad se non pertinenti etiam ab eo qui superiorem non agnoscit frustra atque inutiliter ullam dignitatem conferri, in subjectionis argumentum, ut ut secus sit in proposito adfectus testandi, de quo statim. Illud non inficior posse Papam, Imperatores, Principes, reales in terris sibi subiectis erigere dignitates, easque dignitates subjectionis argumentum esse non infirmum; etiam ultra statuo cum Abbate in *cap. cum inferior. de Major. & obed. Socin. consil. 152. lib. 2. per totum.* Verum nec hoc mihi quispiam eripiat, concludi id omne territorii sui finibus, quos excedere si cui lubet, audiat illud; Extra territorium jus dicenti impune non pareri. Ac ut pressius etiamnum loquar, ipsa quæ enumerat dignitatum nomina vel me tacente evincunt datum quidquid id fuit amori, adfectus, personæque (fas sit ita dicere) ducum ipsorum, nec quid inde ad Rempublicam dimanasse, præter illud unum, quod etiamnum per subditorum gloriam inclarescere, ac (summum ut dicamus) quodammodo etiam vivere dicantur Respublicæ. Vêruntamen, pone ullas, Venetis, quæ ducibus, quæ civibus, dignitates contulisse, hinc Orientis, inde



specturi erant tam sublimeis honoris prærogativas. Ad ipsam denique rerum veritatem experientiamque quotidianam recurrere si lubeat, videbimus nullas hic subjectionis, aut dominijs parteis esse, sed amicitiaë. Sunt hæc Scytharum ad Alexandrum, quibus bellum non intuleris bonis amicis poteris uti, nam & firmissima est inter pares amicitia, & videntur pares qui non fecerunt inter se periculum virtutum. Quos viceris amicos tibi esse cave credas. inter dominum & servum nulla amicitia est. Ea ipsa examussum in Venetos ac Orientis Imperatores aptari posse ex tota Historia patet, ut ex mox dicendis clarius patebit: saltem ab ijs, cum nec armis petiti fuerint, nec victi, minus ingenui sit, quæ amori debentur, violentiæ coactionique delata velle. Amicitia ergo in conferendis dignitatibus *περὶ σωπληψίας* omnem ignorat. Nihil jam dicam, antiquam olim eamque iussimam apud Thraces legem fuisse ut nobis Atheneus lib. 4. Deipnosophisticorum memoriæ prodit, ut quibus facultates suppeterent regem munerarentur, qui vero nihil haberent iis rex daret: In conferenda dignitate subsistam, ac ne multis, brevitatis ergo è veteribus unum, pariterque unum è recentioribus, allegasse contentus defungar. Plutarchus suo de rebus publ. tractatu author est, Alexandro magno civitatem à Megarensibus decretam, atque hic cum studium eorum pro joculari duceret, regessisse Megarensis, soli se superiorum memoriæ, civitatem Herculi, & secundum illum ipsi decrevisse; atque ita Alexandrum admiratione adfectum, dignationem raritate dementem, agnovisse honorem. Recenti exemplo, nonne quotquot fere sunt ex Austriaca domo progeniti, aurei velleris equites se ferunt? At nec ipsi Imperatores, ipsi Hispaniarum reges, Austriæ Archiduces, suæ cum domo Burgundica dignitatem, non exæquatam modo, sed & infra ipsam constitutam ferant, quod ex invento Philippi Burgundionis



dionis crecta sit prædicta aurei velleris societas, ejusque, nec non ab eo descendentium, manu, in ipsos collata sint societatis ac honoris insignia. Ut nec sanæ mentis futurus sit, qui magnum illum Alexandrum, cui ne quidem Orbis unus suffecit, Megarensibus ob admissos ipsorum honores æqualem, nedum inferiorem effingere in animum inducat.

---

## § 22.

*Historia capti à Desiderio Longobardorum Rege filij Mauritiij Venetorum Ducis. Malignus Anonymi animus. Aliquando inimicorum amici hostium loco habentur.*

**A**It hoc § narrare Bibliothecarium Anastasium, Mauritiij Venetorum Ducis filium à Desiderio Longobardorum rege fuisse captum, nec eorum quæ tradat rationem assignare, aut causam, quæ tamen in promptu sit, nempe factum id eò, quod adversum subditos imperij male affecti essent Longobardi. Leviusculum hoc, & quod sine responso transmitti posset; est interim adversarius apertè malignus. Filium quippe ducis si respicit, est ab accidenti quod vult captivum fuisse; ista namque captivitas, si dubio Martis debetur eventui, dicendum cum Epirotarum rege:

*Quorum virtuti belli fortuna pepercit,  
Eorundem me Libertati parcere certum est.  
Dono ducite, doque volentibus & magnis Dīs.*

Sin vero illam delicto deputat, peccat in ipsam humanitatem,

tem, quæ delicti causas in se considerata procul habet. Si Venetos Imperatoribus subjectos credit, jam recordetur quæso, aliter olere catulos, aliter sues, ac longe à subditis amicos differre, quamvis & hoc novum quoque non est, neque inauditum, hostibus, inimicorum amicos, hostium loco nonnunquam haberi; nullam ob id necessitatem existere, cur subditis annumeremus, atque ut subditos odio Imperatorum male dicamus habitos, quos amicos dicere possimus, quibusque ipsum non minus quam subditis noxæ esse & potest & solet, amici nomen. Exemplo fuerit gens Ætolorum, eisdem cum P. R. amicos, inimicos eisdem ex fœdere habere iussa: Urbs etiam illa, quæ dum Senatus deliberat fœde eversa est, ut nihil dicam de iis, qui bello medij sint, quos neque partis quæ superior est gratiam ini-  
re certum est, neque alterius odium diffugere. Notum illud Poëtæ,

*Nunc neque Pompei Brutum, neque Caesaris hostem  
Post bellum victoris habe.*

## § 23.

*Eandor in Anonymo quæsitus. Carolus Magnus Franco-  
rum Rex in Italiam adversus Longobardos excitus.  
Suppetias ei Veneti tulere, non ex imperio, aut mer-  
cede conducti, sed sponte libera.*

**P**roduxit annorum gestarumque rerum series adversa-  
rium ad finem regni Longobardici, utinam quoque ad  
metam perverſe cum rebus authorum scripta detorquendi,  
caque

eaque supprimendi quæ Veritati lucem allatura, non potest non esse vel ipsimet quam perspectissimum. Id ut vo-  
veamus, meritissimam nobis hic § occasionem suppeditat.  
Ait ille, scriptores Venetos memoriæ prodere, excitum  
ab Adriano Pontifice Carolum Magnum, Francorum Re-  
gem, adversus Desiderium Longobardum, à Venetis classe  
viginti quinque navium adjutum fuisse, quod cum nulli au-  
thorum, qui præteritis vixere sæculis, narretur, addit, non  
videre sese, quo pacto veritati consonum sit, quod Bernardus  
Justinianus inquit, dum in consilio Tribunorum venti-  
latur, ferendæne essent Carolo suppetiæ nec ne, Desiderij  
quoque erga se studium multis in rebus perspectum memo-  
ratum fuisse; cum tamen certum sit, à Desiderio fuisse cap-  
tum ipsius Ducis filium. Negat porro ex suppetiis Carolo  
latis, aut pro Venetorum Libertate, aut contra illam argu-  
mentum desumi posse, quamdiu non constat, qua lege,  
aut conditione, arma sua Francis adjunxerint.

Verumne sit nec ne, quod ille refert, non nisi Venetis  
scripteribus tradi de latis Carolo adversus Desiderium Lon-  
gobardorum regem auxiliis, indagine non est opus. Satis est  
quæ à Venetis tradita sunt, hætenus stare, neque esse qui  
ea, pro minus veris habeant. Illud vero aperte malignum  
est, & viro bono indignum, quod ait, assequi se non posse,  
quo pacto temporibus istis beneficia Desiderij commemo-  
rari potuerint, qui eo ipso, quo hæc gererentur, momento,  
filium Ducis attineret captivum. Sin nescit, videat vel hinc  
saltem, discatque Anonymus, privatam Ducum conditio-  
nem ut ut civitatis Principem, cæterasque magno intervallo  
supergressam, non eo tamen fuisse loco, ut totum ad se Rei-  
pub. corpus sui momento attraxerit, sed neque omnino ha-  
bendum pro impossibili, ut cujus in Rempub. extant bene-  
merita, ejusdem quoque offensæ Rempub. lædant, ac vel in

tantum, ut reipub. Rectores ancipites habeant, vindicandæ sint offensæ, an vero grata benefactorum memoria oblitterandæ. Non est humanarum virium rectum semper tenere cursum, neque eos, qui nunquam peccent, sed qui sæpius honeste agunt, pro honestis habendos ratio docet. Sane laudabili apud Persas instituto cum quis à Iudice quippiam contra leges argueretur fecisse, etiamsi liquido constaret eum culpæ æfinem esse, non tamen condemnabatur statim, sed prius in omnem ejus vitam inquirebatur diligentissime, plurane turpiter & flagitiose, an bene laudabiliterque gessisset, turpius si vinceret numerus condemnabatur, si præponderarent turpibus honesta, absolvebatur. Ac sic quidem facile conciliantur, quæ adversario videntur *aristota.* Ut vero liqueat peccare ipsum contra viri boni officium, verba ipsa Iustiniani à me versa recitabo. Ille post hæc verba: *Desiderii quoque regis erga se studium multis in rebus perspectum memorabatur, quæ ab Anonymo citantur, immediate subiungit, Et spectatim in Heracleæ confiniis, quæ pridem Venetis Luitprandus donaverat, donationem Desiderius ratam habuerat, amplissimoque insuper confirmarat privilegio.* Arbitror equidem, quicumque videbit hæc non esse ab Historico ex intervallo posita, verum annexa, cohærentia, eidemque inclusa periodo, debitum veritati candorem in Anonymo requirere, damnabi indignam viro ingenuo suppressionem veri, aut non negabit saltem malignum hominis esse iudicium; eique ne locum quidem fuisse futurum pronuntiabit, si quidem ille aut sibi met ipsi vim haud inferre, aut veritati, quam plenissime perspectam habebat cognitamque, quantum debuerat deferre voluisset.

Eandem omnino censuram opus est incurrant ultima citata à nobis §, quibus asseverare nititur, nihil Venetorum Libertati præsidii accedere, nihil quoque decedere posse, quan-

quantisper non constat, an Carolo militaverint ex imperio, an sponte liberâ, an vero mercede ad id conducti. Quid enim dicemus, si manifesto appareat, neque ex præscripto latas suppetias, nec exactas mercede media? Quod video, restabit nihil, nisi ut ipsemet secundum enumerationes illarum, quas fecit partium, spontaneas dicat. At vero dico, non fuisse latas illas ad imperium mandatumve Caroli. Argumento ipsa sit rei evidentia. Incognitum nempe ante ea tempora fuisse constat Caroli in Italia regnum. Sigonio si credimus: *Victo captoque rege Desiderio, & Longobardis omnibus in fidem ac ditionem receptis* (ipsamet illius verba sunt) *Carolus regnum Italicum jure victoriæ sibi vindicavit.* Si victoriæ jure, fuit ergo illi victoria pro titulo, quem antea nullum habebat, si cum demum sit nactus victo captoque Desiderio, & acceptis in ditionem Longobardis, dicat ratio non habuisse illum simile jus ante ea tempora, ac per consequens, neque Venetis pro imperij lure, naves auxiliare sive copias, sibi ut submitterent indicere eum, aut præscribere potuisse. Si dicendum sit Venetos operas præstitisse mercenarias, (sciens prætereo aliud dicere rerum gestarum fidem) rationem non video, cur minus Anonymus liberos illos pronuntiaturus sit, quam Helvetios, quos ipse pro populo sui juris qui sit, in fundamentum velitationis hujus, ac exemplum, ultro adfert, omni exceptione majus. Insolens haud est, aurum qui accipit. Libertatem ut vendat, est tamen id inter ea quæ libere fiunt, ac in quibus, siubi displicuerit, liberum est juxta & poenitendi arbitrium, paterque plenarius ad pristinam libertatem regressus. Nihil ergo certum æquè, quam spontanea fuisse auxilia Venetorum illis temporibus Francorum regi lata. Quod quidem ita si est, ut esse negari non potest, lubens assentior, ipse per se benignus lector ut judicet, cujusnam fuerint status Veneti qui isto

saeculo vixerunt. Dixi jam ante non suscepisse me patrocini-  
um asserendae illorum libertatis, firma per semet ipsam  
ea haecenus stetit, stabitque (fave benignum numen) inte-  
merata, intemeranda. Calumniarum iniqua averruncare  
volenti, succederit, intra justae defensionis modera-  
menta, mentem manumque arctare potuisse.

§. 24. 25. 26.

*Carolus donationem Pipini patris confirmat. Inter  
alia donatae Provinciae Venetorum, & Histriarum  
dicuntur. Nec Pipinum, nec Carolum donare eas  
potuisse ostenditur.*

**H**orum ut §§ refutationi operose insistant non est ope-  
rae; neque enim illi directe instituto nostro adversan-  
tur. Accedit quod ex iis, quae jam ante attulimus, satis ap-  
pareat respondendum quid sit: hoc vult. Carolum Romae  
cum esset, confirmasse donationem patris Pipini, atque  
etiamnum iterasse, Anastasium vero Bibliothecarium, inter  
illa, quae Pontifici donata sunt, Provincias Venetiarum at-  
que Histriarum comprehendere, credere vero sese textum  
illum Anastasii mendosum, non minus utique quam alte-  
rum illum Hostiensis, quem tertio ab hinc §, ipsemet erro-  
ris damnat.

Quam paucissimis ergo ut defungar, unum dicam titu-  
lum hic me requirere, cujus vi atque efficaciam donare Vene-  
torum oras Histriaeque aut Pipinus aut Carolus potuerint.  
Sigonii, quem praecedenti § adduxi, locus, jus Carolo nul-  
lum desert, nisi post debellatum Desiderium: atqui si Ano-  
nymo credimus, paternam donationem tempore obsidionis  
Patavi-



Patavinæ, ac sic nondum depulso sedibus suis Desiderio, ratam Carolus habuit. Monstrandum ergo quo jure Provincias illas aut donare Pipinus potuerit, aut quo pacto rata habere Carolus ea, quæ pater donaverat, cum tamen illa neutrius in potestate essent ac manu, sive donationis tempus attendas, aut quæ donationem sequuta fertur, confirmationis. Aliena dono dari posse, perinde ac vendi testamento-ve relinqui, modo interesse præstetur, quis forte dixerit, ac neque ego negavero, sunt tamen ab alienis ea segreganda quæ in commercio non sunt, inter quæ liber est homo, ni semet ipse venundari lucelli faciundi causa sit passus, spreta-que Libertate, cui superesse forsitan haud potuerat, alterius esse maluerit quam suus.

Quod posterioribus §§ ait rede gisse Carolum sub ditionem suam Ducatum Beneventanum annoque à nato Christo VIII<sup>c</sup>. Imperatoriam suscepisse dignitatem, ad ea quæ præ manibus habemus, ne hilum quidem faciant, aut sicubi (ut facturum se adversarius præfert) iis repetitis erit opus, aut confutatis, unius dilutionis aut confutationis labor ille futurus est, atque eo levior procul dubio, quod una eadem-que responsione ad binas simul objectiones, respondere dabitur, ac quod in proverbio est, geminos parietes una dealbare fideliâ.

§. 27.

*Anno DCCCII. utriusque Imperatoris Legati  
convenere.*

**P**lane nihil hic § continet, quam anno recuperatæ salutis secundo, supra octingentesimum, nec non & tertio ultrocitroque utriusque Imperatoris comisse Legatos,

inferatur) si Gradensem civitatem velit anno superius citato nempe 15 11 12 14. urbis Venetæ partem fuisse. Si non fuit, ut revera non fuit, separatam Venetorum Gradiensiumque fuisse causam, æquum est patiatur. Ut quid obtineat, probandum foret, ad urbem Venetam, ut totius sui partem Gradum pertinuisse. Id vero ei impossibile; cum ex Historijs doceamur, totis quinque annis postmodum insulas illas, ac inter eas Gradum in unum corpus coagmentatas, nempe post navalem obsidionem à Pipino tentatam (ut seqq. §§) parum sæliciter. Italos scriptores ut consulto præteream Paulum Æmilium Historiographum Gallum patria cætero quin Veronensem, si placet audiamus, ait ille, *Constat bello Gallico faciem Venetæ urbis immutatam, ac paulò post: Veneti summi viri videbantur, Francorumque bellum, cæteris horrendum, ipsi etiam in bonum verterunt, ac relictis pars maxima reliquis sedibus, quas Venetiæ contribulas diversissimis æluariis littoribusque passim incoluissent sexaginta passim insulas, ut quæque Rivo alto proximè adiacebant, pontibus inter se jungunt, quæ singula admodum parvæ, universæ magnificentissimæ urbis speciem præberent, ubi Ducum sedes publicumque deinceps concilium haberetur.* Æmilio astipulantur Chronologi, neque qui dissentiat hætenus mihi visus. Accedit quod factum illud Caroli privilegii nomine vix est ut venire possit, sed citius beneficii habendum sit loco: quis enim privilegium dicat, si quis libere aliquem ac quiete agere permittat, qui sibi amicus sit, aut quem amici causa offendere non audeat? Conspiraverat adversus Venetos duces, quibus ob decessorem suum interfectum quam pessime volebat, Fortunatus Gradenensis Episcopus, detectaque conspiratione, Gradi ulterius haud ausus subsistere, in Galliam profugerat ad Carolum, cujus sese penitiori familiaritati jam antea Romæ cum agerent, insinuaverat: Ejus adminiculo, Carolum in Venetos extimulaverat. Quid hic mirum ergo si Carolus

Venetorum hostis à Gradenſibus contra Venetos adjuvandum, iis conceſſerat, ut quiete viverent ? fuit ergo conceſſio iſta, non tam (ita loqui liceat) beneficii poſitiva, quam negativa maleficii, qua ſcilicet iis qui ſub ejus agerent exercitu, aut imperio, prohibitum fuiſſe dicendum eſt, Gradenſes aliquo pacto lædere. Si quis urgeat, cum cauſam ſucceſſivam habuerit, imo maxime dicendum Privilegium, atque eo magis quod ipſe Juſtinianus ait extare exemplum iſtius Privilegii (quod ampliffimo epitetho etiamnum ornat) in Chronicis Andreæ Danduli; adſtringi tamen id ſuis finibus dicendum eſt: Hiſtriæ nimirum, Romaniolæ ac Longobardix, quas quidem Carolus ex foedere, de quo ſtatim ſequenti § fuſius tractabimus, ſibi depectus erat. Vnde etiam apparet, iniquè cum Juſtiniano, qui eum rideat agere Anonymum, cum dicit ex textu illius Privilegii videri nullum Imperio Gallico in maritima Venetiâ jus fuiſſe. Exigit quidem ipſe dicti rationem à Juſtiniano, eam tamen ſi non videt, cæcus eſt, ſi videre non vult malignus. Certum eſt poteſtatem concedentis Privilegium attineri territorii finibus; certum eſt item verba generalia ſpecificis ſubjuncta reſtringi ad ſpecifica. Si Gradus pars fuit Venetiæ maritimæ, ſi Dominus ejus erat Carolus, cur quæ adjacentium Provinciarum Hiſtriæ, Romaniolæ, Longobardiæ meminit, Venetorum obliſcitur. Si pars non fuit, quis non videt verba illa: *& ubique quiete degant.* ad Hiſtiam, Romaniolam, & Longobardiam ſeſe referre, nec ultra porrigi?

Hæc ergo Juſtiniani dicti ratio eſt; quam cum ipſe fundet in textu privilegii à ſe viſi, ſi quid contradicere volebat adverſarius, poterat illius fidem (ut ſæpiuſcule ſolet) elevare, rationem vero ut exigeret, cauſa non erat, cum præter textum illius privilegii immediate etiamnum alteram Juſtinianus ſubjungat rationē, quam non potuit ille non videre, nempe

Caro-

Carolus Magnus post firmatum cum Orientis Imperatore foedus, cum ducem Istriæ Provinciæ præfecisset Iohannem, quererenturque Istriæ populi atteri sese insolitis oneribus, tres eo destinasse quæsitores, qui despicerent, ne populus Clerusve, durius haberentur, cunctaque in pristinum restituerentur statum, ejusdemque essent conditionis, quæ ante fuerant, Græcorum sub imperio: additque Iustinianus nullam oræ Venetæ mentionem fieri, curè quia ex foedere libera manere iussa erat, nec imperium Caroli agnoscere tenebatur. Inter hæc Iustiniani verba si quid intercessisset rerum, si quæ lacunæ, si quæ sententiarum digressiones, venia forsitan adversario danda esset; at nihil hic tale, imo ex adverso connexa sunt omnia, atque inter se concatenata, medijs nihil est. Adeo sicubi præjudicijs iudicium succumbit, vel ad solis jubar caligant mortales,

*Nec juvat ad surdas si cantet Phineus aureis,  
Nec miserum Thamyram picta tabella juvat.*

§. 29.

*Frustra Anonymus Venetos utrique Imperio subditos facit. Fieri id non potuit. Diviso Orientis atque Occidentis imperio sibi, & libertati suæ Veneti sunt relictæ. Aliud est utrique imperio obedire, aliud neutris partibus accenseri. Pax inter Itenicum & Carolum facta. Quæ Veneti neutri obnoxij pronunciantur. Fazoldi mens explicata.*

**L** Anguere coepisse videri poterat adversarius aliquot §§. in disputatione sua. Hic vero se recolligit, & illo quod

inter Nicephorum Orientis, ac Carolum Magnum Occidentis Imperatores, sancitum est *foedere*, cautum refert, authore Blondo, ut Veneti, qui antea *ex vetusta consuetudine Constanti-*  
*nopolitano magis parentes* ( verba sunt Blondi ) *erant imperio, legi-*  
*bis proprijs ita viverent, ut pariter utrique Imperio obedirent.* Citat  
 insuper & alterum Blondi locum, ubi sic ait, *Pariter altera in*  
*parte Italiae Veneti, etsi Græco magis consentiebant quam Romano, non*  
*tamen in omnimoda illius potestate erant.* His non contentus in  
 Iustinianum denuo incurrit, Bardum adulationis taxat, Gof-  
 freddi Viterbiensis fidem elevat, cœlum denique terræ mis-  
 cet, ut Venetos, utrique imperio fuisse subditos, Lectori  
 persuadeat.

Equidem, sicubi unquam veracem adversarium expertus  
 sum, hic expior, agnosco ipsum quod facere se velle dixit,  
 abunde præstare, ac non quid juris sit, sed quid facti in-  
 quirere. Hoc ipsum tamen lubens ei condonarem, nisi vir  
 egregie, quod hic ipse testatur discursus, in jure versatus,  
 in quæstione facti, captiosis vera postponere, injustaque  
 pro legitimis venditare præclarum putaret. Veniamus in  
 rem præsentem. Utriusque Imperij subditos Venetos facit.  
 Plebis hic apud Livium voces audire videor: Unius Regis  
 ejecti loco, binos sibi imperitare quiritantis.

Quid vero hoc monstri, binis eundem populum paruisse?  
 non diffiteor, ubi scissis in contraria studiis, in partes itum  
 est, aut bello civili factione, ut Rempub. hic premat, ille  
 distrahat, accidere posse; verum quis hoc evenire posse  
 præsumet eo in loco, qui utrique imperio medius, & per se  
 subsistere poterat, ac neque impedire, quo minus Imperium  
 utrimque intra sineis suos terminosque cœrcitum, secure  
 subsisteret? Si credi debere putat Anonymus, utrique im-  
 perio Venetos paruisse, unde illa quæso, ac quidem primæ-  
 va parendi necessitas? à situnc urbis? absit; à primo urbis  
 condi-

conditore utrique subdito? nec hoc quidem; à quaesito utrique imperantium jure? multo minus. Hactenus id saltem non liquet, ac refuga dominantium Libertas, non alia jura novit quam quæ à communi parente cuius prompta sunt obviaque, ac ne verborum sim prodigus, ingenta. Obedisse Anonymus si vult, Imperium necesse est ut ponat, illud vero unde? an translata Constantinopolin sede, facta quoque eodem tempore divisio conventumque eccujus Imperio Venetum Vrbis accederet? sin facta est aliqua, cur non adfertur? sin nulla, quid frustra tempus extrahimus? Iterum dico, si facta est aliqua divisio, unde tam altum omnibus omnino, qui Historiam istorum scripsere temporum, super hac re silentium? id ipsum fortuitum si quis putet, nec ultra æstimandum, ad quid pactione opus fuit? Iam ante obedientiæ vinculis attinebantur impetrati, quid stipulatione, ut utrique obedirent imperio? Apage ergo Alexandri maleferiatam sententiam, cui nec magis duos Asia Reges habere potuisse visa est, quam mundus geminos soles susferre: ridicula sit experientia Lucani, cui

— *Dum terra fretum, terramque levabit  
Aër & immensi volvent Titana labores,  
Nulla fides regni socijs, omnisque potestas  
Impatiens consortis erit.* —

Arduum esse eodem loco potentiam esse & concordiam, frustra Tacitus (hist. 4.) cui & alibi (ann. 12.) Regni cupido fratre & filia potior dicta est, monuerit. Frustra Carthaginensium deploraverit antistes, quos unius uteri hospitium ceperit, unius regni non cepisse consortium. Cypr. Epist. ad Demetr. Anonymo si credimus per decursum non unius sæculi, utriusque imperij, Venetum Vrbis portio fuit, &



quidem ex æquo ; tamque immensa rerum omnium, sursum deorsum euntium, vertigine. Mansit illibata imperatoribus utrimque concordia, neque quis sibi præcipuos illos habere, aut eis præ altero dominari in animum induxit. Taceo jam eo deveniundum, ut ipsam veritatem quæ neminem posse simul duobus obedire dominis pronunciat, (cum adversario si sentimus) inaniloqui ream pronunciare sit necesse; prætereo, frustra IC<sup>tes</sup>. proprium imperio, innatumque jurisdictioni & adæquatum ducere, ut sint individua: quibus tamen si quis recte sentire velit, non video quo pacto cum adversario ei sit conventurum. Me quidem iudice (salvo melius sentientium placito) tutius fecerimus, si cum ipsd<sup>em</sup> JC<sup>tes</sup>, formam ipsam substantiamque ab effectu secreverimus. Individuum quid est servitus, at vero fructus dividos nemo neget: Individuum quid jurisdictio, at non perinde individui sunt jurisditionis effectus, & cum effectu commoda. Ut Blondum veritati, quin etiam sibi conciliemus, statuendum quod res est, Venetos quo tempore facta est divisio Orientis, atque Occidentis Imperiorum, ejus jam tum fuisse momenti ac pro talibus habitos, ut alterutri si sese illos adungere partium eveniret, uterque Imperator judicaverit fieri non posse, quin illa cujus accessionem sese Veneti vellent, alteram viribus excessura esset, ac tantum non oppressura; ac proinde communi suffragio satius esse visum, ut quos natura situsque loci utrimque sejunxerant sibi sua haberent, resque imperij ut extra se positas, nihil ad se pertinere putarent, essentque tuta utriusque imperij subditis cum Venetis ac sine fraude commercia. Venetisque ex adverso cum subditis Imperij ita componere se suaque liceret, ut assolent illi, qui nulli privatim, publice obnoxij, secure degunt, ac neminem cum læserint, ne quis eos lædat neutiquam timent. Usu compertum non semel, ex ipsa situs  
vicini-

vicinitate, quæ dominantibus ut firmissimum amoris vinculum, nunquam non prætendi solet, graviorum quaquaversum curarum, sequiorumque fere semper suspicionum, ac simultatis non infrequenter causas enasci. His si jungimus vicinorum odia semel concepta non eadem facilitate, qua nascuntur, emori solere; utique nullam hic cum adversario imaginabimur in proposita nobis facti specie similitudinem veri, saltem istiusmodi nullam, qualem ille nobis delineat, nedum à facti verisimilitudine delabemur ad credulitatem nullis (solida ac per se subsistentia ut omittam) veri simulacris suffultam, quamque ipsa, quæ stultorum mater, rerum experientia, viam monstrantibus innumeris omnium omnino sæculorum exemplis confodit evertitque. Atque hoc est quod firmant illa Blondi, quæ ipse quoque Anonymus citat, *in foederibus illud accurate apud vetustos Scriptores legimus intervenire, ut Veneta urbs Italiae maritima utrumque reverita Imperatorem, proprijs uteretur legibus, & sive pace sive bello neutrius partium censeretur.* Nemo est qui non videat, aliud esse, utrique imperio obedire, aliud, proprijs uti legibus, &, sive bello sive pace neutris partium accenseri, sunt tamen hæc utraque ejusdem Blondi, quem sibi si contrarium dicit Anonymus, qua fronte quave fiducia volet, contra receptam praxim, ut testi fidem habeamus contraria attestanti? Sin existimat conciliari posse, ecquæ sane conciliatio excogitari, nedum dari possit, quæ vero magis sit consentanea, quam est illa quæ jam nunc à nobis est allata? quam sane conciliationem non leviter probant illa Pauli Æmilij Veronensis qui libro historię suæ tertio in vita Caroli Magni, ubi de foedere inter Carolum & Nicephorum agit, ait. *Id in hæc condiciones ictum, ut alter Orientis, alter Occidentis Augusti fratresque essent, dicerenturque simul hinc à Neapoli, illinc à Siponto, quidquid ulterioris Italie in mare procurrit cum sit è regione insulis à Græco, reliquum à Franco*  
jura.

jura peterent, inter duo imperia medius cardo Venetia, utriusque Imperij Majestatem comiter conservarent. Quam procul hæc ab omni remota sint subjectione, per se videre Lectorem non dubito, modo recordari velit geminatim jam ante repetita IC<sup>ti</sup>. Proculi verba, *Liberum nempe haud minus esse populum, etiamsi fœderis legibus adjectum sit, ut ille populus alterius Majestatem comiter conservaret.* Atque ut sic etiam ab eo quod juris est, accedamus, ad ea quæ facti sunt, id est, ad ipsam gestarum rerum veritatem, videre lubet quid super hac transactione posterorum memoriæ commendatum sit. Qua in re ut eo, quem sanctè professus sum quaquā versum observaturum, candore progrediar, IC<sup>tos</sup>. primum omnes ac quidem magni nominis ac inter eos Alciatum præteribo: Historicos etiam ipsos, atque inter eos Egnatium prætermittam, licet ille disertim tradat in vita Caroli Magni, voluisse Carolum in transactione terminorum cum Orientis Imperatore ut Veneti neutrius legibus tenerentur. Atque omnes denique annalium scriptores, qui Venetæ urbi nataleis suos debent. Omnes etiam præteribo Chronologos, qui Venetos Authores hoc loco laudant, ac quo nulla vel suspicionis umbra residua sit, minime suspectos allegabo, ac primo quidem Carolum Sigonium, vel ipsi adversario à synceritate ac fide commendatissimum, & Huldricum Mutium, hominem Germanum, eoque judicio ac candore scriptorem, quantum in probatissimo vel votis optare liceat. Ait ergo Sigonius de regno Italiæ lib. 4<sup>o</sup>. *Nicephorus initio rebus pariter suis conducere arbitratus pacem cum Carolo habere, Legatos ad Carolum ad Salam annuam castra habentem, de feriendo fœdere misit; Eos Carolus non benigne solum excepit, sed etiam fœdere iuncto cum literis domum remisit, in fœdere illud nominatim expressum, ut Veneti inter utrumque imperium positi, libert, atque immunes, & ab utroque securi viverent, ac sine molestia res suas, in Italico regno possiderent.* Posterior

sterior rerum Germanicarum lib. 9. *Paxque facta est*, inquit, inter *Frenem & Carolum & cum Nicephoro*, ea conditionum lege, ut *Veneti suis legibus uterentur, essetque civitas libera neutri, neque Orienti neque Occidentis imperio obnoxia*. Subjungam his epimetri loco *Iacobum Lefmoræum Theologum Scotum e Societate Iesu*, nec id alia de causâ quam quod authorem suum nominat. *Emilium lib. 4. integerrimum hac in re testem*, aitque, quantumvis pacis condiciones essent inter duos Imperatores, ut uterque *Augustus esset & Orientali maneret Sicilia, cum ea parte Italie que est à Sipontinis in Apulia versus Græciam, reliqua omnia essent Imperatoris Occidentis, Veneti tamen ab utroque Imperio immunes ac liberi decernuntur*.

*Lefmoræo etiamnum alterum è dicta Societate Iesu adjungere libet Horatium nempe Tursselinum*, ita ille *Articulus hujus fœderis additum, ut Veneta Respub. nec hujus, nec illius imperium agnosceret, nequaquam imperio subdita, utpote absolute libera, suisque Juris*. Petrus autem Berthautius Presbyter oratorij D. Iesu. *Flori Gallici lib. 2. c. 15. Convenit, ut Orientis alter, alter Occidentis Augustus diceretur, ac medius inter duo imperia velut limes, Venetiarum Respubl. utriusque Majestatem observaret: libera, immunis, & ab utroque secura*. Recordatur etiamnum fœderis hujus *Petrus Mexias nobilis Hispanus*, aitque in vita *Caroli Magni fœdere isto cautum fuisse, Veneta urbs utrique parti ut esset amica, neutrarum cateroquin partium nec huic nec illi subdita*. Plura non addam, videt ex allegatis benignus Lector, quam vera sint quæ de origine incrementoque libertatis Venetæ è *Blondo, Cedreno, Sigonio, alijsque supra citavimus*, videt quoque, ut successu temporis urbs illa, velut eo manu ducentibus fati, indefesso supremi numinis favore quaqua versum comitante, tantos progressus fecerit, ut quam ab initio opprimere pronum fuisset, quo minus id fieret, quos magnis conatibus oportunos notatum, transitus rerum, primo im-



pedierint, videt exinde ut viribus civiumque numero indices auctior, suammet ipsa libertatem tutari servareque, servatam in majus extollere potuerit, ac veleo magnitudinis virtute ac constantiâ civium suorum promovere, ut media cum esset inter utrumque imperium constituta, imperantium uterque suis eam legibus permittere maluerit, quam aut communibus armis appetere, aut uni sibi vindicandam relinquere. Nec aliter videas saluberrimo in omne ævum consilio, rerum humanarum peritissimos, quacumque datur sic potentiam vicinorum viresque admoderatas velle, ne unquam graves sint, ac in æquilibrio velut bilancis trutinæ pendulæ, se finesque suos tutari possint, adversum vim atque injuriam: res aliorum novare, turbare aut invadere, non item. Ut longior ne sim in re (ut spero) nulli dubia, consulto prætereo, quæ adversus Iustinianum nugatur Anonymus, quæ Bardo convicia ingerit, utpote talia quæ sint ut ijs jam nunc responsum sit, aut nullo præterea responso sit opus. Paucis addam, leviusculum esse quod ex Faroldi elogio elicit. Hunc nimirum, Anonymi mens est, cum dicat eo anno sive superiore remansisse Venæ os, subjectionem in præteritum tacite fateri; Quasi vero aliter accipiendum sit illud, quam Venetos, ab omni ævo ante ea tempora liberos, ad illud jam fastigij traducem subvexisse libertatem, ut vel ipsorum imperantium non consensu modo, sed decreto, liberi, sui que juris, sine superiore remanserint. Alia sane Faroldo mens esse non potuit, aut si fuisse ut credamus postulat, subjectionem in præteritum oportet adstruat argumentis indubijs validisque, in tam ardua, tantique momenti re, conjecturas male formatas, exsurgentesque ex perperam detortis scribentium verbis, ac contra ipsam scribentis intentionem prolatas, admittere æquum haud esse, non uno discursus sui libro adseverat

severat Anonymus, nos etiam quid epiphonematibus, eloquijs, enunciatisque ejusmodi deferendum sit, non uno loco monuimus.

§. 30. 31. 32. 33. 34. 35. 36. 37.

*Pipinus Venetos neutiquam in potestatem redegit. Id ipsum Æmilii Veronensis, Sigonii & aliorum testimonio luculenter probatum. Historia illius belli accurate excussa. Libertas Veneta passim stetit immota. Magnifica Venetorum legatio ad Carolum Imperatorem. Historia horum temporum & res obscuræ. Facta probari debent, non præsumi. Imperator à Venetis Dalmatisque minus recte inter se convenientibus consultus, & quare. Fœdus inter Venetos, & Italicos ante Caroli-Crassi tempora percussum. Male Anonymus ex Nicephoro sententiam suam de debellatis Venetis adstruere conatur. A perfidia in Pipinum notâ Veneti liberati. Locus Adelmi de subiecta Pipino Venetia quomodo intelligendus. Adversatur sibi Anonymus. Variis auctorum testimonijs sententia adversarii refutata.*

**H**Orum quos nunc in manum desumo §. 5. una hæc est intentio, ut Lectori probet Pipinum Caroli filium, vivente etiamnum Carolo patre, Venetos in potestatem redegisse, eversurus nimirum fundamenta nostra, quibus Libertatem esse diximus quod velis faciendi facultatem, nisi



aut vi aut jure prohibearis, neque enim causa est, quin si vi superati sint, actum sit cum eorum libertate. Quid præstet agendum videamus, Acquidem primo fatetur plurimum tenebrarum circumfusum esse historiæ, fatemur & nos: verum cum id fateri habeat necesse, perperam agit, ac fide prorsus non bona, qui fragmenta quædam Gallicorum scriptorum eruit, ac lectori obtrudere satagit, quo ne ullum ex iis quæ præcedunt quæve sequuntur, judicium ferri possit, nos ad singula cum bono Deo responsa paramus, ac quidem ut in hac re, notus sit candor noster, hoc lectorem meum ut notare dignetur etiam atque etiam rogo, laudari ab Anonymo circa veritatem hujus historiæ; atque etiam in argumentum, adeoque in argumentum à sensu corporeo desumptum ac sic quidem validissimum adduci, adductum etiam jam ante à nobis Paulum Æmilium Gallicarum rerum scriptorem, qui sane patriâ Veronensis cum fuerit, omnino credendus non est, plura studio partium, quam veritati dare voluisse, equidem jure optimo etiam à nobis adducetur, eoque majore ut æquum est efficacia, quod ipsius etiamnum testimonio acquiescentem Anonymum videamus, ac, sic quoque causam lûbessè non posse, quo minus ejus narratis plenaria fides habeatur. Hic ergo lib. historiarum suarum tertio, ab ovo cuncta repetens, causasque belli primi enarrans postquam inter Nicephorum & Carolum fide sic satis ambigua scripsit agitata pacis consilia, porro subjungit, *Venetis utrumque Imperatorem observare jussus, ultro citroque commeanis pacem redintegrare conabatur, nulla re infecuta, nisi quod infestior hostis Veneto Pipinus quam Græco effectus est, crimini dans eum inter speciem reconciliandæ gratiæ pecuniâ supplementoque hostium classem juvissè.* Agnoscer hic ut opinior, (si quidem vir bonus esse aut videri vult) adversarius, sequestra Venetorum inter utrumque Imperatorem moderamenta, ad pacem in-

ter

ter eos formandam spectantia, Bardumque male adulationis sibi taxatum fatebitur, ac in posterum sugillare desinet. Pergit *Æmilius*. *Ac paulo ante Nicephorus Augustus duces fratres Obelerium Spatarium, Beatum Consulem creavit, igitur Francus Brundulum, Palaslinam, Albiolam, quæ Venetæ civitatis perbonæ partes erant, capit, Methamaucumque desertum fuga Optimatum, nobilem locum, quod ibi tunc ducum sedes ac regimen rerum esset occupat, & velut confecto bello, cum una parte Nicetas, altera Paulus cum classe advenirent ne circumveniretur classem reduxit. Est apud Venetos fama, Pipinum cum Rivo altum insularum Venetarum celeberrimam classe tentaret, brevibus stagnisque impeditum astu recedenti habuisse, cladeq; Francorum nobilem locum factum, certiores authores nihil tale tradunt. Constat Gallico bello factam Veneta urbis immutatam, Tipinum, dimissa classe, Mediolanum se recepisse. Augustus Francus eo exorabilior paci Venetiæ reddenda fuit, quod omnem culpam à republicâ in duces suos converterent, quos in patriam nefaria consilia intuisse vel ea fides erat, quod voluntarium sibi conscripissent exilium, & Veneti summi viri videbantur, Francorumque bellum ceteris horrendum ipsi etiam in bonum venerant, ac relictâ pars maxima reliquis sedibus, quas Venetiis contributas diversissimis astuariis littoribusque passim incoluissent, sexaginta circiter insulas, ut quæque Rivo alto proximæ adiacebant pontibus inter se jungunt, quæ singule admodum parvæ, universæ speciem magnificentissimæ urbis nobis præberent, ubi Ducum sedes, publicumque Concilium deinceps haberetur. Sunt qui non ductu sed jussu Pipini Vencium bellum gestum tradant, idque facile crediderim quod neque Carolum Augustum, neque filios ipsos aliis certaminibus navalibus interfuisse constat, sed præfecisse Comites suos, cum in terrestribus neque suo, neque filiorum periculo parceret Francus.*

*Æmilio Veronensi quem Comitem potius addiderimus quam castigatissimæ fidei atque sedulitatis historicum Carolum Sigonium, ille ergo postquam belli illius historiam variè adco à Francis Venetisque narrari est pro-*

fessus, ut neque in caussa neque in eventu consentiant; postquam ostendit in quam diversa inter sese illi, ac discrepantia dissiliant, ad se ubi redit, historięque suę filum prętexit, Belli, inquit, ut apparatus, sic etiam exitus fuit memorabilis. Pipinus cum Metamauci nihil, nisi domos vacuas repperisset, eas diruit, ac littore toto percurso usque ad portum pervenit, ibi cum omnem belli summam ad Olivolam & Rivum altum constitisse, omnesque Venetorum copias ad eum locum tenendum collatas esse audiret, cum invadere statuit. Verum majoribus navigijs eo penetrari non posse à peritis regionis edoctus, ex proximis amnibus lintres omnes contraxit, ad quos, quia satis multi non erant, rates ex trabibus compactas adiecit, ac castellorum in modum munitas affatim armis, virisque implevit, atque eas adversus hostes, Obelerio facilem victoriam pollicente, immisit. Rates passim accessu æstus, partim remulco lintrium, partim longis militum pilis impulsæ, aliquanto spatio cursum prospere confecerunt, ubi vero in altiore aquam sunt provectæ, neque contis amplius impelli, neque propter gravitatem suam remulco trahi longius potuerunt. Id cum Veneti sensissent, atque æstu decedente, jam in contrarium rapiente, Francos laborantes vidissent, continuo levibus Lintribus, quibus abundabant, se intulerunt, ac remulcis incisis rates à lintribus separarunt, quo factò lintres ipsos adorti, plerosque aut fluctibus submerserunt, aut in potestatem adductos pessimè habuerunt, inde rates quæ in paludes ab ipso æstu impetu abrepta subsederant, usque adeo urgere cęperunt, ut Franci tenui vado consissi in aquam se demitterent, quo pedibus ad litus perfugerent. Verum opinione sua decepti, mox obruti limo, casi omnes, aut capti sunt. Pipinus qui cum paucis Metamaucum fœlicem rei exitum operiens se retulerat, ubi tantam suorum cladem audi-vi, mæstus Obelerio & Valeptino secum ductis, Ravennam repetijt. Hac tantâ victoriâ partâ ingens inter Venetos gratulatio facta, novaque formanda Reipublica consilia inita. Beatus

Dux

*Dux cum Metamaucum excisum videret, animum ad sedem in Rivum altum & Olivolam traducendam adjecit, eas propter magnitudinem suam satis amplas ad vicinorum populorum multitudinem & Reipublica, quam sibi pollicebatur, dignitatem recipiendam fore arbitratus: atque tribunis & primoribus insularum in consilium advocatis, ex eorum auctoritate regiam eo traduxit. Beato vero, antequam res ad exitum perduceretur, vita functo, Angelus Particiacus Dux substitutus incepta persolvere instituit, itaque cum Rivum altum Duci, Olivolam Episcopo destinasset, prima Ducalis pratorij, quo loco nunc est, fundamenta jecit. Urbs Rivoaltum & Olivolam continens, post uno Venetiarum nomine appellata. Hac ejus urbis & Reipublice, qua ad hunc usque diem opulentissima, atque amplissima fuit, principia fuisse feruntur, que tum terminis à Grado ad Caput aggeris angustissimis claudabatur.*

Atque hic etiam definit Sigonius, cujus equidem testimonio etsi probatam satis assertamque Venetorum existimem libertatem, monstratumque eos Pipini armis in prædam nullatenus cessisse, ut tamen evidentius sese legentium oculis nuda rei veritas ingerat, intexam ut luculentum, sic & veracissimum testimonium Huldrici Mutij, quem Germanum cum dixi, germana virtute & fide quivis intelligat, utique à partium studiis immunem, omitto quod vel fatente invidiâ scriptor ille fuerit comprimis magni judicij, ac quod caput rei est, qui nihil unquam veri indictum relinquere, nihil falsum dixisse ausus fuisse deprehenditur. Ait ille libro Germanicarum rerum nono. *hanc defectionem Venetorum* (nimirum quod Constantino-politano imperio adhæsisse videbantur, spretis quæ cum Gallo inierant pactis conventis) *non laturus Imperator Carolus, multo quam prius apparatu belli ampliore, invadit eos Duce Pipino. Venetorum subditi, ut antea ex oppidis & agris*  
*passim*

*passim se intra mœnia Venetiarum recipiunt, Pipinus omnia habitatoribus & omnibus rebus vacua facile in potestatem redegit. Erat autem consilium & spes Venetorum, non diu cum tanto exercitu permanere posse in castris: Ipsi vero habebant omnia necessaria in urbe uberrimè & liberè navibus per mare, quo volebant, irvehere poterant, neque enim navali facultate Pipinus pollebat, ipsi vero classem habebant magnam, & bene instructam, & qui eam vegebant peritissimos, ad pugnamque navalem expeditissimos.*

*Cum igitur Pipinus aliquamdiu sic in castris tempus frustra tereret, Venetique nullum deditiōis aut timorū signum præberent, sed se intra mœnia continerent, intellexit eorum spem esse brevi discessurum. Erat primum consilium Pipini captum agrum & urbes adventu habitatoribus tradere, fortibusque viris ex Germania, & Italiam reliquam illi jungere ut quando Veneti post exercitus discessum, recipere conarentur, una conjuncti resisterent. Sed Carolus jubet eum nullis impensis parcere, classem quoque parare, quæ etiam ab usu maris prohibeantur, pontifex in classe paranda & tota Italia juvat eum. Postquam circumdedit urbem mari & terrâ pontem ab arido usque ad urbem, magnum opus facere instituit, cum autem pene erat ad urbem perductus, igne à Venetis miro artificio ex materia factō, correptus, mediâ nocte totus conflagravit, peritque eâ nocte magnus militum, qui in ponte erant, numerus, Classẽ quoque ejus incendere conati, sed Itali qui in ea erant, caverunt: sed navali prælio congressi, cedere coacti sunt Pipini naves, unâ atque alterâ amissâ, quibus rebus non parum commotus est irâ Pipinus, sed quo magis cupit ulcisci, hoc minus spei est fieri posse, videt enim inexpugnabilem urbem, videt obstinatos civium animos, pudet sic decedere rebus infectâ, Imperator Carolus subornat Pontificem ut se interponat, & qualemcumque possit pacem faciat. Pontifex ad Venetos mittit legationem Episcopum virum facundia & prudentia insignitèr dotatum, qui ubi venit ad Venetos & Pontificis voluntatem & postulata de pace exposuisset, responderunt, se nullis rationibus posse mercaturam quæ civitas cœperit, & in eam magnitudinem creverit & hætenus conservata sit, relinquere, nisi*



velint & cœlum mutare, sed ad impossibilia promittenda adactos à Carolo, quæ servare ullis legibus nemo cogatur, quare aut Libertatem suam veltinere, aut extrema omnia tentare. Si Carolus eis velit integrum relinquere cum Constantinopolitanis & etiam cum Turcis mercaturam exercere, habiturum amicam civitatem, & quæ officia justa nunquam sit negatura. Interea Tipinus reparare naves, simulare se alios milites ex Germania expectare, moliri maxime quæquæ, Veneti respondent Pontificis Legato, si possit efficere ut in quiete possint statum civitatis conservare, salva Libertate, maximi beneficii loco habituros. Donant præterea munuscula non vulgaria legato, qui horum responso audito ad Carolum proficiscitur in Germaniam, agitque apud Carolum Venetorum causam, & exponit Pontificis voluntatem de facienda pace, quasi ignarus, quod hoc Carolus à Pontifice petierit, & incertum est an dissimularit se scire, an vero nescierit. Carolo magno placuit taciturnitas & fides Pontificis, Venetorum causam serio agiti, quod tueri statum urbis sine Græcorum & aliorum exterorum commercio non possint: Si ex agricultura aut pastione vivere velint, urbem relinquendam necessitate coactos, invitos contra cesaream Caroli Majestatem egisse, Caroli virtutes à pluribus Venetiarum Principibus viris predicari candidissime, nihil æque cupere quam à Carolo occasionem præberi, quo animum civitatis erga eum declarare possint. Petere pacem sed cum Libertate conjunctam, sed in qua urbis status possit durare, sed possibilem servatu, contraque quam non cogantur, velint nolint, agere. Carolus à Pontificis Legato Episcopo placatus, & Venetiæ benivolus redditus totus, respondet se majora Pontifici non negare aut posse aut debere. Veneti ignoscere, & quacumque ad augendam civitatem faciant, concedere. Episcopum multis officiis collatis, dimittit, cupitque arbitros Pontificem & hunc legatum de componenda pace cum Venetiis. Est pax, sua omnia recuperant, liberè cum omnibus commercia agunt, dimittuntur exercitus. Hoc pacto hoc est finitum bellum. Hactenus Mutius. Sunt porro Mutianis illis multum affinia quæ traduntur à Petro Mexia, cujus jam ante mentionem fecimus. Super hoc inquit ille bello, quod in Ve-



netos susceptum fuit antiqui scriptores tam diversa tradunt, ut veritatem perfecte assequi non datur. Tradunt quidam, aliquot illorum insulas, & in ereas regionem cui à Rivo alto nomen, adversus vim sese defendisse. Quidquid sit, in longum tempus protractum fuit id bellum, fecitque tandem pacem cum Venetis Carolus, integerrima ipsis Libertate relicta illa, quam semper conservarunt, facta item pax cum Imperatore Græco, quæ occasione belli Veneti fuerat disrupta.

Spes me tenet his pollectis, judicaturum etiâ quemvis Lectorem, modo mens ei lava non sit, aut corrupta partium studijs, veritatemque ante sententiam condemnatione, ante judicium præjudicio, parata gravare, in tanta antiquitate sequius de Venetis eorumque libertate nihil esse statuerendum, nec aliud sane meretur illorum virtus, constans illa maculaque, atqueut ait ille,

*Adversis rerum immerfabilis undis.*

Cæteroquin in re tanta candide hæc tractantem Petrum Berthantium oratorii Domini Iesu Presbyterum audiamus, ille sane ut ut Gallis æquior alienum ab illa, aut ea indignum quod sit nihil adfert; & clarissimam Venetiarum insulam tentatam quidem fatetur, devictam vero, dicere non sustinet. Ita ille capite decimo & octavo Flori Gallici lib. 2. Multorum jam annorum erat Respublica Venetorum, Franciæ Regno prope æqualis xxxv ferè annis, ab initio Francorum desuncta, ruinis & ipsa Romanorum aucta, cum Francorum vires tum vel maxime horentes ausa est experiri. Media, (ut dictum est) utrumque imperium observare ac colere iussa; Sed Nicephoro Orientis Augusto prior, Pipini Italiæ Regis à Carolo Magno instituti inimicitias in se convertit; Adeo difficile est cum finitimis ac potentibus prætereaque emulis pacem tueri, qui nec vincere, nec vinci, sine finitimorum periculo possunt. Duces Venetorum Obellerius & Beatus Fra-

tres

tres Græcorum classe sub Paulo Patricio primùm freti, sed eo propter occultas cum Venetis similitudines discedente penè fracti: rem tamen strenuè gesserunt. Sed Francus superior tandem evasit, quanvis foedè decerptam Pipini Classem Itali scriptores insinuent. Occupatis aliquot nobilissimis locis, ac tentatâ Venetiarum clarissimâ insulâ Ravennam iter intendit, mox Mediolanum se recepit Pipinus, ubi intra paucos dies fato functus est. Vir mehercule si diutius vita suppeditasset, virtutis magnitudine, patriam avitamque gloriam facile adæquaturus. Inita deinde cum Venetis pacis foedera, omissoque cum nobilissimâ gente bello, Græcis petentibus, Nicetæ, ac Paulo Nicephori Ducibus data pax. Ab eis etiam stare Venetos ob locorum opportunitatem & mercaturæ usum, concessum est, satis suâ magnitudine tutâ ac securâ Francorum potentiâ. In hoc summi certe viri, & singulari laude digni Veneti; qui Francorum bellum cæteris formidabile, aut invicti sustinuerunt, aut victi in bonum suum verterunt.

Reliquum nunc nobis ut transcendamus atque enitamur quin & superemus tremenda illa repagula, quæ scisc è penitissima antiquitate producere jactat. Primus locus est ex Chronico Adelmi Monachi sive Ademari. Dico liberè non vidère me quid sibi adversarius velit. Ait textus, *venisse Wilhelmarium & Beatum Venetorum Duces, nec non & Paulum Ducem Jadervæ, atque Donatum ejusdem civitatis Episcopum, Dalmatiarum Legatos ad præsentiam Imperatoris cum magnis donis, & facta est, inquit, Ordinatio ab Imperatore de Ducibus & populis tam Venetie quam Dalmatie.* Non credo id adversarium velle, non licuisse Venetis ad Imperatorem accedere, absque præjudicio libertatis suæ, quam ipse Imperator confirmarat solemni decreto, conceptisque verbis. Minus existimo, vitio id ipsum vertere, quod cum muneribus acceperint ad eum, cujus ipsi juxta

ac Orientalis Imperatoris Majestatem comiter observabant: hoc si urget, dispositionem factam ab Imperatore de Ducibus & populis tam Venetiæ quam Dalmatiæ, æquum proflus est ut ostendat dispositione istâ præjudicium Venetorum libertati illatum fuisse: quam diu id non probat, alia quævis credendi causa justissima est. Quid? quod nisi fœdistragus esse vellet, nihil in præjudicium libertatis Venetæ disponere potuerit? De hoc ipso facto ita Sigonius: *Iohannes & Mauritius (qui duces fuerant Venetiarum) cum Metamauco pulsî, se Mantuam receperunt; Nicephorum de rebus quæ evenerant, de quo exilio in quo ipsius causâ erant, fecerant certiores, rumorque increbuerat, Nicephorum classem ad eos reducentes, missurum. Itaque extremo anno Obelerius & Beatus, Valentino fratre domi relicto, una cum Paulo Duce & Donato Episcopo Iadertinis, Carolum cum Pipino & Iudovico filiis, hybernantes, post solenne natalitium, magnifici cultum donis rogaverunt, ut Venetos ac Dalmatas in amicitiam reciperet, ac duces populosque suos confirmaret, quibus auditis Carolus haud gravatè assensit, ac fœdere concessio dimisit.* Ex quo Sigonij loco facile deprehenditur, turbata partium studiis cuncta cum sursum deorsumque agerentur, ex primoribus, hos ad Nicephorum, illos ad Carolum concessisse; illud verò neutiquam deprehendi potest, ecquid ab ipso aut statutum sit, aut omnino statui potuerit, libertati publicæ noxium quod esset, nisi forte facta privatorum, ut revera privati erant, hinc Iohannes, Mauritiique, illinc Obelerius ac Beatus, statim prototius urbis facto accipienda dicat adversarius, ac perinde habenda quasi publico mandato gesta. Dictant ex adverso jura, quæ facta sunt non præsumi, sed probari debere, mandata vero, quin sint facti, nemo addubitet. Cumulatius ut satisfaciam, causam me non videre profiteor, cur in hac rei gestæ caligine nobis idem haud licere credamus, sibi quod liberum esse legiflatores volunt, nempe ut hoc judicemus rebus

rebus inesse, atque ad eas pertinere personas, quæ quandoque similes erunt, quod & nisi contrariæ sint multis, IC<sup>us</sup>. in l. non est novum ff. de Legib. ait argumentis probari. Ut ergo proximum vero quod est assequamur, de Ducibus cum viderimus, ipsosque etiam ut stringamus populos Venetos nimirum Dalmatasque, convenientissimum mihi quidem videtur dicere Imperatorem à Venetis Dalmatisque ( ut fere rara vicinorum est concordia ) minus recte inter se convenientibus, fuisse consultum : à Venetis nimirum, qui Dalmatas Imperatori subditos, læsos nollent, nec Imperatoris cujusmet ipsi Majestatem comiter observarent, judicium defugerent : A Dalmatis, ut subditis Imperatoris, & qui absque illius assensu, in Venetos quid designare, molirive haud auderent, ut sic quidem sequestra potius fuisse dicenda sit ista dispositio, quam ex mero absolutoque imperio, aut ut DD. loqui amant, ex plenitudine potestatis profecta. Cur ita credam, movet me, præter illud quod statim hoc ipso Sex Sigonio sum allegatus, quod apud eundem Sigonium lib. 5. de Regno Italiæ invenio, Carolum Crassum Regem Francorum & eundem Imperatorem, foedus inter Venetos & populos Italicos sibi subjectos, renovasse. Ac lib. 6. Regem Berengarium secundum ejus nominis cum Adelberto filio cum esset Olonæ foedus inter Venetos atque Italicos renovasse, sineque eorum inter se determinasse. Opus ergo fuit, ut foedus aliquod inter Venetos Italicosque aut Dalmatas tempora Caroli Crassi præcesserit, cujus equidem regnum inter proxima est, ab illis temporibus. Ac cum istiusmodi foederis mentio nulla fiat, non est omnino ad fidem difficile, hanc ipsam dispositionem, de qua Anonymus agit, foederis in se leges, inter Venetos Dalmatasque continuasse. Nolo tamen mihi meisve conjecturis hac in re quippiam deferri, subsistam potius, a videque expectabo, nunquid for-

tasse posthac probari contingat quo lucis aliquid Historiæ, aut roboris argumento adversarij adferatur.

Secundus textus, quem pro se citat, totidem verbis ait. *Classẽ à Nicephoro Imperatore, cũ Niceta Patricius præerat ad recuperandam Dalmatiam mitti*. Quid vero inde sequitur? Dalmatiam recuperare voluit Nicephorus, ergo & Venetam urbem quam non amiserat, ac cum ipsius nunquam fuisset, amittere non potuerat, ergo in potestatem suam Venetam urbem Carolus Pipinusque redegerant. Sibilo digna sint, non responso.

Tertio textu hoc ait, *Nicetam qui cum classe Constantinopolitana in Venetia se continebat, pace facta cum Pipino & inductis usque ad mensem Augustum constitutis, statione solita regressum Constantinopolim*. Nec hoc ex textu quid inferendum sibi statuat Anonymus video. Classẽ in Venetia se continuisse, mirum non est, patebat undique littus & aër, ac longe aliud diversum ab urbe Venetiâ, tractus est Venetus, ut jam notatum pluries.

Quarto loco ait, *anno insequenti classẽ Constantinopoli missam, primo Dalmatiam, ac mox Venetiam appulisse, prælium commississe, victa cum esset, Venetiam recessisse, agitasse Ducem Taulum pacis consilia, sed cum conatus ejus Beatus Obeleriusque impedirent, ipsique etiamnum insidias pararent cognita illorum fraude discessisse*.

Delio hic narratore opus foret ad eruendum ea, quæ desumere nos ex hoc Adelmi aut Ademari loco vellet adversarius. Citat ille hunc locum ut ostendat domitos à Pipino fuisse Venetos, at nihil minus ex eo elicitur. fieri forte potest, ut Græcis superiores fuerint Franci, ut fuisse credibile est, domitos tamen ex eo non sequitur bello superatos fuisse Venetos. Ut toti rei gestæ lucem veritatis circumdem, operæ pretium fuerit Sigonium denuo ut audiamus ille



ille paucis lib. 4. sic inquit. Eodem tempore (nempe ab N. C. **IOCCCVI.**) Nicetas Patricius cum classe in Sinum Adriaticum venit, à Nicephoro ad compescendas intestinas Venetorum Dalmatarumque discordias missus. Ad ejus adventum Dalmatia nulla expectata oppugnatione in fidem, eadem quâ desererat levitate, revertit. Veneti recepto Niceta, duces quos ille restituere jussus erat, se recepturos negarunt, ac Beatum Ducem Constantinopolim miserunt, qui sui consilij Nicophoro rationem redderet, atque excusationem cur non recepissent, adferret. Idem paulo post, Pipinus his auditis cum Niceta Kenetis agentis obviam ire, ac socios Venetos in fide retinere, pro regia dignitate studeret, amen hoc anno (nempe **IOCCCVII**) nihil tentavit. Scire velim num & hic Venetos adversarius dicturus sit utrique imperio paruisse? Si dicit Orientali, videt ipse, ut Nicetam quidem recipiant (id enim erat Majestatem comiter conservantium) postulata vero illius non admittant, Legatum Constantinopolim (an & hoc subditorum?) ut ablegent, causas recusationis expositurum Imperatori, probaturumque. Sin Occidentali & quidem bello domitos à Pipino, quomodo verum erit, quod ait Historicus voluisse Pipinum; *Socios Venetos in fide retinere pro dignitate regia?* aliud socij sunt, aliud subditi, aliud socios in fide retinere, aliud subditos ab obedientia tramite devios in ordinem cogere. Supervacuum sit in re manifesta pluribus agere velle.

Agmen adversario claudit terribilis Anonymi, sive ut ipse vocat Adelmi locus, qui sic habet *Pipinus rex perfidia Ducum Venetorum irritatus, Venetiam bello terra marique statuit appetere, subiectaque Venetia ac ducibus ejus in deditionem receptis, eandem classem ad Dalmatiae littora vastanda misit, sed cum Paulus Cephalenia praefectus cum Orientali classe ad auxilium Dalmatis ferendum adventaret, regia classis ad propria regreditur.* De fide aut perfidia Venetorum Ducum non est quod quaeramus, excusat utique à perfidia nota Vene-



tos loco à nobis citato Paulus Æmylius, cujus eo libentius recordor, quod eum adversario probari sciam: feceratque di aliquot ante Æmylium sæculis, in suo Chronicorum supplemento Bergomensis qui ubi de hac ipsa expeditione Pipini ei sermo est, sic ait, *Hunc etiam pater Carolus in Venetos sibi infideles falso accusatos (nota Lector) misit, & Heracliam atque Equilium invasit, propter quod multe familie nobilium Venetias migrarunt, quibus gestis etiam multis alijs prælijs egregie confectis Mediolanum veniens ibi vitam multa cum laude finit.* Accedit quoque, quod si Ducum qui Pipinum irritasse dicuntur, edita forent nomina, parata esset ad tam atrocis sugillationis objectionem responsio; id cum non fiat, dandum id auctori, homini Gallo, regis domestico, ac fidei non integræ; eum ergo animi sui morbo pravitateque; nec non & gestarum rerum ignorantia ulciscendum relinquamus.

Mirum vero cur Venetiam subactam dicat, nulla tractus Veneriab urbe Venetâ, sive rivo alto saltim, quæ jam aliquot sæculis potior pars erat, separatione factâ. Erat jam quoque longo tempore Rivus altus Ducum sedes, ac ut manifestum sit quod de subacta Venetia dicit, intelligendum esse synecdochice, nimirum qua partem pro toto efferimus. Evincit illud supra citatus Bergomensis locus, quæque ibi refertur, captis Heraclia, Equilioque familiarum nobilium Venetias migratio; evincit specifica locorum à Pipino, ejusque exercitu occupatorum enumeratio Æmilij, Sigonij, Mutijque; evincit illa insularum omnium in unum corpus coalescentium occasione belli illius enata conspiratio, eamque insecuta nova Venetæ Urbis facies. Neque enim simile vero nobiles familias Venetam in Urbem fuisse concessuras, si quidem ejus dominus jam tum factus erat Pipinus; quas non aliam ob causam eo concessisse vel imaginatione præsumi potest, quam

quam ut in tuta se reciperent, quoque imminenti se incubantique faucibus suis Franco subducerent. At vero, inquit, Duces in deditionem recepit. Quos vero illos? Beatum atque Obelerium? atqui stabant illi à Francorum partibus, atqui concitaverant illi Francos, injurijs suorum irritati. Si Valentinum vult (tres enim id temporis Venetos duces habuisse annales notant) frater ille erat utriusque, utriusque ex æquo charus, ac qui nihil adversus fratres suos ab amore fraterno alienum, nedum hostiliter designasse, aut ut designaretur accurasse usquam legitur; aut alios ergo duces fuisse adversarius doceat, aut confundent ipsum iidem illi auctores, unde sua depromit. Vt ut est eos in ditionem receptos, persuasum nobis si cupit, nomina denuo cur filet? ecquid amabo in eos exempli statutum? neque enim credibile sit, ut dedentes sese in gratiam Pipinus receperit, quorum, si diis placet, perfidia, belli suscipiendi gerendique causam dedisse narratur. Ast nec hic opus multis insistere. Scit ipse adversarius noster, falsa esse quæ scribit, neque opus aliunde ea quæ allegat, quam ex ipsismet illius allegatis confundere. Citat ille hoc ipso §. Æmilium, qui nunquam expeditioni illi maritimæ Pipinum ait interfuisse, nec id permisisse Carolum Pipini patrem. Unum hoc pro omnibus sufficecit, ac quidem videt sibi hic aquam hæcere, quò tamen effugium pateat (ut ingeniosus est) loco verborum: *Venetiam terrâ marique statuit appetere*; Ait scribendum esse *jussit*, ac sic quoque à Reginone aliisque scribi. Veruntamen non est admittendum, ut verbo medicinam facere qui velit, totam rei gestæ veritatem pro libitu intervertat. Sed faxo, ne hic auctoritatem diffugere videamur: agedum demus adversario non interfuisse Pipinum. Id si verum, jam non video quomodo subsistere ac cum rei gestæ veritate conciliari possit, quem in suis ad Scrutinium additamentis citat.



ter suos illustres, Venetis rebus se intromiserant, Imperator cum Francis suis, grandi clade à Venetis affligitur, Veneti tamen nullum inde victoriae suae retulere fructum, quam quod inter omnes Italiae populos, qui victricibus armis Caroli magni cedere fuerant coacti, non modo invicti permanserint, sed felici successu sese magno illi Carolomagno (pro uno id Historicus nomine usurpat) opposuerint, siquidem nominis sui famam illo pacto longe lateque propagarunt quidem, non tamen ditionis suae fines ullatenus extenderunt, satis nempe erat ad laudem, arma adversum talem, tantumque inimicum expedire, isthoc cum successu, potuisse. Hæc ille, quæ cum idiomate Gallico conscripta omnium manibus circumferantur, videat quivis, ex fide à me in Latinum sermonem conversa.

Sed nec silentio premenda sunt quæ tradit Horatius Tursselinus Iesuita in annalibus suis. Itaque (ait ipse) lib. 7. in vita Caroli M. accinxit sese (Pipinus nempe) ut Venetos terra marique appeteret, ac primo quidem impetu Metamancum, Venetorum ducum iis temporibus sedem, in potestatem suam redigit. Inde Rivoaltum, quo se cum duce Beato Veneti receperant aggressu est, crebris insultibus mari obsessos urgens, militari ad id manu navibus imposita, ceteroquin hic ipsum successus destituit. Hinc factum ut post amissos Gallorum plurimos, quos insuper vadorum incerta & locorum incommoda misere premebant Ravennam retrocesserit, nulla re gesta unde quippiam honoris domum referre potuerit. Hactenus ille. Pluribus si rei veritatem constabilire juvat, videbimus etiamnum juratissimum Venetorum hostem, Vlricum Huttenum, eo ipso tempore, quo sub Maximiliano copias in Venetos ductitabat ipsoque illo carmine, quo Venetorum ortus incrementaque foedissime collutulat, id fateri. Ergo ille ubi ad expulsos duceis ad querelas ad Gallum delatas pervenit, sic ait,



*Cæpta est interea Veneti captura senatus  
 Suspiciosa, animos regum passimque petitos  
 Irritare duceis, coeunt ex urbibus omnes  
 Italiae proceres, tentant divellere, servat  
 Casibus in mediis tutos fortuna, marisque  
 Esse jubet dominos.*

Adducere interim ea tanto impensius volui ut potens etiam adversum temporis edaceis morsus, adversum sribiligines barbarici ac malevolorum, veritatis regnum ostenderem, dignumque quod mecum omnes, quotquot sunt boni devenirentur; emergit illa nimirum ac per nequicquam obtentas umbras, ijs devictis caput effert, tanto magis decorum, quanto foedius id suppressere calumniantium conatus est livor. Hæc dum scribo influit menti, ac de propiore nota insinuat le cogitationibus nostris plenum illud generosi spiritus effatum, quod est apud Tacitum, *Serviat Syria Asiaque & suetus regibus Oriens*. Videor sane mihi parce, si non malignè Venetorum defendere libertatem, qui cum ante idque summo Iure, sum antestatus, esse quam verissimum, neque natum, neque donatum quemquam Venetijs, qui non ibidem spiritum hauserit liberum, liberum itidem creatori Deo reddiderit, in eo laborare videri possim, ut probem, victos à Pipino non fuisse, quos, nulli unquam victos, longe sit certissimum. Afferro me mihi. Ita de Venetis Iul. Cæsar Scaliger,

*Pervia barbaricis tellus Oenottia turbis  
 Pertulit impositi pondera dira jugi.  
 Ipsa suos flevit populares Roma Quiriteis,*

*Sensit*

*Sensit & indomita noxia tela manus.  
 Haud tulit hoc Genius, cujus fatalibus ausis  
 Tutior in medio Roma renata mari est.  
 Clara virum virtus animo, insatiata cupido  
 Imperii, vasta non numerantur opes.  
 Iupiter, haud temere tua sunt ita dissita cæli  
 Mœnia, si possunt tangere, parte cares.*

Janus Pannonius de iisdem.

*Illic millenos indelebata per annos,  
 Succubuit nullis Libertas Virgo Tyrannis.*

Autor proso-metricæ Cosmographiæ Ritteius Grunbergen-  
 sis, disertis verbis de urbe Veneta sic ait. A primo funda-  
 toris tempore, nunquam in hostis alicujus potestatem ve-  
 nit. Quid clarius quispiam velit aut dilucidius? Desi-  
 no in Laurentio Scraderio Halberstadiense Saxone: is in  
 suis Italiæ monumentis, prorsus ingenua atque appositif-  
 sima proposito nostro confessione de Vrbe Veneta sic ait.  
*Et quamvis multa bella gesserit, variamque fortunam in mille annis sit  
 experta in externi tamen hostis potestatem nunquam devenit sed ad ex-  
 tremum victrix facta est multarum urbium & insularum Domina.*  
 Plura non addam, ne vel meridiano soli facem præluere  
 velle videar. Vtique si debitis magnorum virorum mani-  
 bus, qui minoris Libertatem haud fecere quam vitam, quam  
 spiramenta animæ, honor nos tangit, certò nec olim terra-  
 rum Deam, gentiumque Romam elogium Hasdrubalis Pœ-  
 ni decuit magis, quam post repulsum fortiter, ac retro ce-  
 dere coactum Pipinum idem illud Lyrici de Venetis u-  
 surpes.



*Hos opimus.*

*Fallere & effugere est triumphus.*

*Gens, qua cremato fortis ab Jlio  
Lactata Tuscis aquoribus, sacra,  
Natosque maturosque Patres  
Pertulit Hadriacas ad undas,*

*Duris ut Ilex tonsa bipennibus  
Nigra feraci frondis in Alcido,  
Per damna, per cades, ab ipso.  
Ducit opes animumque ferro.*

*Non Hydra secto corpore firmior  
Vinci dolentem crevit in Herculem.  
Monstrumve summisere Colchi  
Majus, Echioniaeve Thebae.*

*Merses profundo, pulchrior evenit,  
Luctere, multa proruet integrum  
Cum laude victorem; geretque  
Prælia conjugibus loquenda.*

*Ecquid Venetice non faciant manus?  
Quas & benigno nomine Iupiter  
Defendit, & curæ sagaceis  
Expediunt per acuta belli.*

*Sed odiosa Circensibus est pompa. Pergamus.*

§. 38.

*Varia ab Imperatoribus privilegia Venetis indulta. Persona concedentis, & effectus concessionis adtendenda. Privilegia aut vi supremæ potestatis, aut testandæ benevolentia ergo conceduntur. Horum illud fieri non potuit apud Venetos. Si posteriore modo indulta iis Privilegia nihil agit Anonymus. Effectus privilegiorum triplex. Subiectio privilegio induci non potest. Quomodo privilegij concessio imperij sit nota. Recipere privilegium, non est se subijcere illi, à quo conceditur. Id exemplo Batavorum, & jure Canonico probatum.*

**S**VMMO ut huc usque vidimus molimine contendit adversarius, ut aut Carolo magno, aut Pipino in potestatem vi redactos fuisse Venetos demonstret. Hactenus ut spero luculenter ostendimus, nihil ipsi præsidij esse in monumentis historię. Veniamus ad alteram partem, quam quidem ipsi visum ex facto deducere, sic tamen ut in dispositione juris fundamentum ponat; responsuri deinceps ad illa, quæ firmandæ suæ opinioni adducit ipsorum, uti vult, Venetorum confessione stabilita.

Ait ergo hoc tradere Iustinianum, Laurentium monachum duo supra viginti immunitatum recitare privilegia à Carolo primo usque ad Fredericum secundum ex Andreæ Danduli chronicis collecta. Hæc, inquit, si exhiberentur litem nullam prorsus futuram, quippe evidens manifestumque è vestigio evasurum quis dominus fuerit, quive subditi; Illud interim sufficere, ipsam privilegiorum immunitatumque

que concessionem superioritatis esse notam ; utque in compendium verba : paucis hoc vult , omnino statuendum , Venetos Imperatoribus paruisse , ex quo certum est ijs ab Imperatoribus concessa privilegia. Despiciamus an recte.

Et quidem facti hic nulla quæstio ; firmum esto per me licet , verumque quod dictum de immunitatum privilegiorumque concessione ab Imperatoribus facta ; versatur in illo cardo rei ut quid in subiecta materia juris sit lectori planum fiat.

Ordine ut procedamus duo examinanda sunt persona concedentis , ac concessionis effectus.

Privilegia qui concessisse dicitur Imperator est , cujus imperij jus inque Venetos fundatam ( ut loquendi mos est ) intentionem adstruere conatur Anonymus : hujus intuitu statuendum , quod quæcumque concessit ille , concessit omnino aut vi supremæ absolutæque potestatis aut benevolentiae testandæ gratiâ : tertium non datur. Si posterius ponimus , cessat tota disputatio. Sin prius , jam principium dicemus peti & quantisper haud convincimur , aut vi aut jure coactos Venetos Imperatoris supra se , ut veri legitimique domini agnoscere imperium , causa non est cur admittamus ullos omnino dominij effectus , imò ex adverso si tanquam ex imperio ac sua jurisdictione quam ei nullam comperere nos dicimus , privilegia concessit , nihil ipsum egisse dicendum est. Bald. ad. l. nec temere. ff. quod metus. Nullam quippe jurisdictionem cum habeat , indubium est quin nulla sint omnia ; utpote quæ aut nullo gesta sunt titulo , aut falso , ac neque dubium quoq ; quum ipsæ adversum taleis armentur insurgantq ; leges. Exemplum est in l. decernimus C. de Sacros. Eccles. ubi ab Imperatore Zenone privilegia tempore tyrannidis concessa ( invaserat namque Rempubl. Basiliscus ) annullat , revocatque. Iterum item in l. cum cognatum C. de Inguenis. in qua  
lege

lege videmus à Palmyrenorum rege Odenato ejusque, quam deinde Aurelianus debellavit conjuge Zenobiâ imperio occupato, Imperatores Diocletianum Maximianumque desertim negare, distractionem hominis de cætero liberi, qui tempore Palmyrenæ dominationis fuerat redemptus, ac distractus pro captivo, illius ingenuitati præjudicare.

Effectum porro concessionis attendere atque introspicere si lubet, non est equidem talis iste, ut nullam omnino subjectionis necessitatem ponat.

Hunc ergo Privilegiorum si inspicimus & quidem substantialem, est ille triplex: aut jus datur privilegio, aut per privilegium introducitur obligatio, aut derogatur juri contrario, subiectio ut introducatur hætenus est inauditum. Prius quod attinet, scilicet privilegio quatenus jus alicui datur, non subditos si attendimus, non est ille jurisdictionis sibi competentis usus, sed merum liberalitatis exercitium ac si non subsit aliqua specialis juri aut privatæ legis ratio, purum donum erit, non privilegium; si verò privatæ legis aut juris specialis ratio constituitur, ac sic ut respectus esse possit ad res personasve ei obnoxias qui imperium concedit alia res erit. Ponamus exempli gratia Venetis datum fuisse ab Imperatore Privilegium, quod per terras Imperij transeuntes pedagia haud solverent, erit eo casu quidem Privilegij auctor Imperator, eaque immunitatis concessio recte & omnino revera Privilegium vocabitur, sed nec alium effectum habebit, quam Venetorum intuitu quod Privilegium sit. Etsi enim id Imperator concesserit, non sunt tamen obligati Veneti ut isto velint nolint utantur Privilegio, ac cum non sint obligati, id quoque accedit commodi quod non poterit in eorum odium retorqueri Privilegij tenor. At vero eo quo diximus modo, nempe illius respectu cui concessum est Privilegium non potest in ejusmodi concessione

considerari aliqua potestas dominica, ac ut ut maxime considerandam dicamus, quorsum ea cuive bono, si evanida sit futura aut inutilis? Qui vero pote ut alia sit quam inutilis ac supervacua, si destituitur obligandi potestate? ponamus privilegiatum suo Privilegio uti nolle, ponamus juri pro se introducto renuntiare velle, nullum hic auctori Privilegij jus est eum cogendi, reumve eo nomine arcessendi. Quin ne quidem eum in foro poli, aut sub culpa (ut Scholasticis mos est loquendi) aut ad poenam obligari non utendo Privilegio aut illud ab se abdicando quispiam dicat. Vnde planum jam factum reor, ad essentiam concessionis, subjectionem non requiri quatenus Privilegio jus aliquod dari non subdito, facultatemve faciendi quippiam aut non faciendi contingit. Ex adverso si Privilegium attendimus quatenus obligationem inducit ac sic quatenus Lex est, jam diversa ratio est. Idem enim quod intuitu privilegiati jus est atque Privilegium, respectu aliorum lex est, legis nomine dicto, posita est quoque ad obligandum efficacia, hoc nimirum nomine quod per Privilegium jam nunc jus quæsitum sit privilegiato, unde accidit ut obligentur alij omnes non privilegiati, ut illi privilegiato jus suum servant: idque cum naturali ratione, quæ jubet, ex quo jus alicui quæsitum est, id ei integrum servetur, ac inviolatum, tum etiam civili, ex quo videmus fere semper iudicibus alijsque demandari observantiam, protectionem, conservationemque privilegiorum. Atque hoc casu dominica potestas non potest non esse considerabilis, siue authorem Privilegij siue ejus subditos velis respicere. Vtique ipse Privilegij auctor illud concedendo necessitatem quin sibi met ipsi imposuerit beneficia sua rata habendi nemo ambigat: subditis vero post edictum superioris sui, impedimentum privilegiato ullum ut ponant liberum minime est; imo vero  
non

non minus puniendi sint in Privilegia ab illis concessa si peccent, quam si committant in Leges superiorum suorum. Ac sic quoque facile dijudicatu est, Privilegij concessionem imperij ac superioritatis esse notam sed diverso respectu. Prior quidem, cum ad omnes omnino tam extraneos quam subditos ex æquo se porrigat, hoc largiatur ut Privilegium recipiens aliqua ratione inferior sit illo à quo illud recipit, saltem secundum quid, verum libertatem ejus aut statum non immutabit, nec quid in illum Iuris ei conferet à quo id recepit. Posterior, quatenus ratio Legis obligantis Privilegio inclusa est ac parendi necessitatem imponit, Imperij nota erit, & quidem summi; sed quod ipsum tamen in eisdem terminetur finibus quibus adstricta est atque inclusa Iurisdictioni illius, qui Privilegium concessit. Addo jam dictis, ipsam rei evidentiam dicere, non esse eam subjectionis notam, quod ab alio Privilegia quis recipiat, ut profecto illustri exemplo videre est in Batavis, quibus Rex Christianissimus speciali Privilegio concessit ut bona ad hæredes suos transmittant, cum tamen fisco regio vendicetur eorum hæreditas, qui supremum vitæ diem in Gallijs claudunt, alibi nati. (Albinos vocant, & jus Albinagij.) Neminem equidem fore existimo qui regiam beneficentiam in gentem sibi fœdere amicitiaque junctam sic interpretandam putet ut unde aut Regi quæsitum esse in Batavos imperij jus, aut Libertati Batavicæ detrimentum nasci velit, ac sic quoque unde jura profluere oportet injuriarum occasiones exurgere. Quin si quid credimus interpretibus Canonici juris ad c. novit ille. de Iudiciis, ac ad c. 1. de probationibus. ipse Pontifex (qui tamen ipsis luminare majus est) ab Imperatore privilegia accipere potest. Iidem, cum Clericos exemptos ab imperatoria jurisdictione mordicus defendant, nullamque in spiritualibus jurisdictionem Imperatori concedendam; posse



tamen ajunt Imperatorem Principesque temporales privilegia concedere non Laicis modo sed & Clericis, Religiosis, & generatim Ecclesiasticis. Quin adeoque & privilegia generatim concessa ad Ecclesiasticos extendi debere ultro volunt, nec non deinceps civilia ista, quæ favorem communem complectuntur, quibusque sine detrimento communis boni renuntiari non potest. Rationes etiam assignant, quod beneficia illis concedere, immunitati Ecclesiasticæ non deroget, sitque actus ille non jurisdictionis in illos, sed quasi donationis, ac favoris. Idem ipsi disertim per c. quicumque. 11. q. 1. ostendunt Imperatorem judicibus Ecclesiasticis, qui ipsi subiecti non sunt concedere Privilegia, ut nonnullis casibus, directè de laicis in causis temporalibus judicare possint per viam appellationis. Ac sic in terminis Salasuo de legibus volumine, quæst. 96. tractat. 14. disput. 17. sect. 3. nu. 28. ait ad rationem Privilegii non requiri ut is cui conceditur sit subditus, sed satis esse ut materiam curet circa quam versatur & alios homines esse ei subiectos. Additque immediate, id ipsum esse Privilegium, si talibus sibi subditis præcipiatur ut melius se habeant cum illis sibi non subditis, quam cum aliis, ut inquit, si alicubi præceptum fuisset ne cui permetteretur equos extrahere de regno, & exciperentur Clerici in ordine ad proprios usus, etiamsi illi Clerici essent alterius regni, & nullo modo subiecti Principi sæculari, diceretur Privilegium illis concedere, quia in illorum gratiam, relaxat legem subditis positam: Addo & hoc, tantum abesse ut ex privilegiorum concessione subjectionem inferri credibile sit: ut tradant ex adverso maximi nominis IC<sup>ti</sup>. Privilegia non subditis data concedentis respectu in contractum transire, ac sic nec revocari quidem posse. Atque hoc est quod totidem verbis ait Matheus de Afflictis deciss. 361, nu. 6. & ante eum Romanus cons. 252. nu. 3.

nu. 3. cui id ipsum cur immunitates non subdito concessæ revocari nequeant pro ratione est, quod in contractum transierint, & ad c. 1. de concess. præbendæ. Communiter Canonistæ quoque, concessum non subdito Privilegium non posse revocari per ipsum concedentem, ex quo suam incontinenti perfectionem habet, cum pervenit in notitiam Privilegiati, & est illius quæsitum, & concedens non est amplius Dominus. Idem statuunt Abb. Fælin. Aretin. Andr. ad l. novitille, supra citatam de Iudic. Card. Zabarella cons. 147. aliique. Sed enimvero quatenus in contractum transcant, quatenus revocari possint concessa subditis Privilegia suo loco despiciemus. In præsentiarum suffecerit id unum ex quo non subditis æque, atque iis qui subditi sunt Privilegia conceduntur, perperam ex illo adversarium deducere argumentum subjectionis, quod Privilegia recepisse ab Imperatoribus Venetos annales tradant.

## § 40.

*Historia Obelarij Ducis Venetorum excussa. Is perfidus in Imperatorem pœnas perfidiæ apud eum dedit. Extranei in alterius territorio etiam delinquant. Delicta quæ in aliquo territorio committuntur, in eo etiam expiantur. Obelarius tamen nec Orientis, nec Occidentis Imperatori subditus. Obelarius miserum vitæ finem à Venetis accepit.*

**M**agni momenti non est, quod hisce §. §. adfertur de Leone Spatario ac Obelario, nequid tamen intactum omittere videamur quid velit despiciamus. Locus quem

citāt sic habet. *Et cum eis Leo quidam Spartharius natione Siculus & Willarius Dux Venetorum, quorum alter ante annos decem Romam ad Imperatorem cum ibi esset de Sicilia profugit & redire volens in patriam (Constantinopolim) remittitur; alter propter perfidiam honore spoliatus Constantinopolim ad Dominum suum duci jubetur.*

De Leone Sparthario non est ut agamus utpote homine extraneo, de Obelerio sermo sit, hunc ait ob perfidiam honore spoliatum, deduci iussum ad dominum suum Constantinopolim. Illud ni fallor ex allegatis infert, perfidia sua hominem Venetum, quin etiam Ducem adversus Imperatorem aut Regem Francum delinquere potuisse, poenas quoque ab illo intuitu commissæ à se perfidiæ, ut exigi potuisse ita & fuisse exactas, denique cum honore spoliatum ac remissum ad dominum suum Constantinopolim. Quod sane postremum cum Libertate nullatenus conciliari possit. Primum secundumque quod attinet, aut juris hic nobis rationem proponimus aut facti, si juris, certum est atque indubium non minus extraneos ac non subditos delinquere in alterius territorio posse, quam subditos ipsos, certum est tales ratione delicti videri quasi contrahere in loco delicti, seseque legibus illius judicandos exponere. Si facti, succedat illud in jure tritissimum, ubi te invenero ibi te judico. Recepto apud omnes gentes jure constat, quæ quis alieno in territorio committit siquidem deprehendatur, recte inibi quoque ac quidem nulla habita ratione dignitatis & Privilegii expiari commissæ, puniriq. Interim tamen ut ex tali privati hominis delicto aut quæ delictum exceperit poena præjudicium aliquod libertati totius gentis inferatur, aut alteri jus aliquod Imperii quærat, nemo est qui id unquam dixerit, dicturusve sit ut arbitror. Porro, si rei gestæ veritatem attendimus, verosimile non est Obelerium à Carolo magno ob perfidiam male habitum, quem fere omnes

scripto-

scriptores patriæ suæ aut saltem Ioanni Mauricioque Vencorum pridem Ducibus infestum ad Carolum se recepisse bellique Venetis inferendi, quam acerrimum suaforem impulsoremque fuisse memoriæ produnt, complures etiam (verene an secus non usque quaque convenit) tradunt Caroli filiam naturalem duxisse in uxorem.

Ad posterius quoque ut respondeam, aut hic iterum de jure quæstio est, aut de facto, si de jure, non potuit utique jus illud Francorum Regis aliunde emeruisse quam ex delicto Obeleri Ducis, ac sic quoque ab accidenti habere originem, accidentium vero ut jam ante notatum, non est habenda ratio, ubi de ipso juris fundamento principioque despicendum est: addatur & hoc quod ex jam dictis manifestum, si Constantinopolitanus Augustus dominus erat Obelerij (ut vult hic locus) non fuisse possibile ut ejusdem quoque dominus esset Francorum Rex: ut & illud, remissionem illam, utcumque eam expendere velimus, nullius futuram fuisse momenti. Si quidem aut remisit puniendum Francus, quod omnino non exprimitur, aut simpliciter ut noxæ dederet: sin prius arridet, atqui ut adversarius vult honore jam nunc cum spoliaverat, ac sic quoque ut dicamus necesse est bis ob idem delictum sorti fuisse subjiendum. Id vero juris rationi adversum est; sin posterius jam exprimendum foret quid qualeve fuerit quo Constantinopolitanus Augustus læsum se crediderit ab Obelerio: atqui tacet hic textus quem ipsemet pro se allegat. Sciens præterco occidentis Imperatorem in se consideratum non potuisse Orientis Imperatori necessitatem imponere puniendi eum à quo non erat læsus, non potuisse item remittere, salvo atque incolumi si quod in illum sibi competeat Imperatori iure. Pari in parem imperium ut deferamus leges non sinant, ut abdicata à Franco translataque in Græco dominica potestatis jura ne

Auo-

Anonymus quidem largiatur. Facti veritatem introspicere si cupimus, etiam ex ijs quos citavit ille, constat pessime inter utrumque Imperatorem convenisse, ac ut ante quoque visum nobis, exarserat jam nunc bellum inter illos grave, diuturnum, ac magnis utrimque animis gestum, quis vero credat infestissimis hostibus tantum inter se superfuisse benevolentiae, ut subditum (si dijs placet) alter alterius remitteret tanquam ad dominum? Accedit, vix esse, ut hæc ad Carolum referantur quæ ad Pipinum (hunc enim perfidia Venetorum ducum irritatum jam ante citavit) referenda nec ipse diffiteatur, ac potiores historici manifesto referri debere profitentur. Ut ne longus sim, finis vitæ Obelerij contrarium evincit, illa fere constans scribentium opinio est, cum de eo reducendo Venetisque conciliando (sive Carolus ille fuit sive Pipinus) ageret, idque gravatim præstitissent Veneti, statim ab illius discessu à populo discerptum, ejusque præcordia evulsa à quibusdam dentibus lacerata, conjugemque illius insuper quæ Gallici sanguinis erat, una cum ipso interemptam. Nemini primum sit credere, eum aut honore spoliatum ab Occidentis Imperatore, aut Constantinopolin dimissum ad Dominum suum, qui videt, id etiam rebus compositis belloque finito enixissime illum egisse, ut in pristinum dignitatis gradum, patriamque quam exilio mutaverat, restitueretur.

---

S. 41.

*Verficuli effigiei Beati Ducis subscripti excussi. Obelerius Patrie infestus invidiam Venetis apud Pipinum conflavit. Pipinus Rivum altum non cepit. In pro contra*  
*usur-*



*usurpatur. Tentavit tantum Venetos Pipinus, non expugnavit. Pax cum Pipino iuxta.*

**D** Vcit nos operis incepti series ad illa, quæ ex antiquis subscriptionibus ( brevia adversarius vocat ) quibus breviter res gestæ singulorum Ducum velut adumbrantur, allegare visum est illi : atque hoc quidem S. ait ex Sansovino, effigiei Beati ducis fuisse subscripta hæc verba. *Fratri ob invidiam Rex Pipinus in Rivum altum venit; defendi patriam sibi gratificatus.* Circa prius subscriptionis membrum vult, etsi quidem ipse Pipinus in Rivum altum haud venerit, nihilo tamen secius, quod in idem recidit, venisse auspicijs Pipini emissos ab ipso duces; quo modo etiam nostra dicimus quibus authoritatem nostram impartimur. Circa posterius agnoscit phrasin esse minus concinnam, atque à Grammaticalibus legibus abhorrentem. Cæterum verba illa, *sibi gratificatus.* omnino ad Pipinum esse referenda, ac sic quidem; ut ipso interprete genuinus verborum sit sensus. Pipinus, occasione dissidiorum inter fratreis duces existentium, Venetam urbem capit, illam Beatus pace cum Pipino facta, instanti ruinæ subductam, conservat.

Eodem ordine ad singula ut respondeam prius epigraphes membrum quod attinet, ostensum nobis, ut spero, demonstratumque luce meridiana clarius Pipinum ejusve duceis nunquam occupasse urbem Venetam, ea ut repetamus non est opus. Ipsa quin etiam subscriptionis verba attendere si lubet, explicet quis mihi velim, quomodo subsistant ista inter se, patriam suam defendisse contra vim hostium Beatum ducem, & (quod Anonymus nobis persuadere conatur) Pipinum urbem Venetam occupasse.

Vt vero liquido constet minus candide inque sensum perversum detorqueri textum ipsius subscriptionis, fallitur in



eo adversarius, quod verba illa *Fratris ob invidiam venisse Pipinum in Rivo altum* : explicanda putat occasione dissidiorum inter fratres existentium : neque enim ista explicatio cum historica rerum gestarum veritate, ac neque cum ijsmet, quos ipse superioribus §. §. aduxit allegationibus conciliari valet, ipsa quoque rerum evidentia in contrarium vergit. Utique ad Pipinum si quod frigus animorum inter fratres erat exortum nihil attinebat, nec erat cur se rei alienæ intromitteret immisceretve ; quæ ergo hic dices invidia ? illa nempe, quam frater Beati Obelerij patriæ infestus ac sponte exul detractionibus sugillationibusque conflagrat, dictitando ex asse à Nicephoro stare Venetos, illuc cuncta vergere, exosum ijs non minus quam ipsi Nicephoro, cui id semper in ore erat.

*Francum amicum habeto, vicinum nequaquam,*

Francum nomen, quæque his similia apud Historicos extant. Fortunato interim Iadertano apud Reges cadentia verba Obelerij graviter tollente, ulceratumque plus satis Imperantis in Venetos animum, acrius extimulante. Illa quæ sequuntur verba, *in Rivoaltum venit*, cur sic explicanda ducat ut Rivoaltum, aut ipsam, cujus Rivoaltus potior semper pars fuit, urbem Venetam cepisse Pipinum statuatur, equidem non video ; verba illa in Rivoaltum satis indicant infestis armis adversus illam venisse Pipinum, sed nec ultra exporrigi possunt, planeque particula *in* accipienda pro adversus aut contra : quo sensu eloquentiæ parens (cujus quoque in Q. Cæcilium, in Verrem, in Catilinam, in Pisonem declamationes inscribuntur) ubi Salustio respondet carere omni vitio debere ait eum qui *in alium* paratus est dicere. Apud Poëtam simili sensu Nisus,

*Me me, adsum qui feci in me convertite ferrum,*

exclamat; cui consonent illa Ovidii,

*Juppiter in Trojam pro Troja stabat Apollo.*

Vt & illa Lucani primo Pharsalidos,

— *Populumque furem*

*In sua victrici conversum viscera dextra.*

Manifestum sit ergo ex illis, Pipinum Venetam urbem bello tentasse, in potestatem vero redegisse ex allegatis verbis, tantum abest ut liqueat, ut ex iis quæ proxime sequuntur, nempe, *defendo patriam* (quod & statim notabam) contrarium prorsus appareat. Longior in re satis superque explanata ut esse velim causa non est. Non mihi tempero tamen, quin mantissæ loco, allegatis à me authoribus, inconcussæ autoritatis fideique unum etiamnum superaddam, Bernardum nempe Girardum Haillani dum viveret Dominum, ac quatuor Galliæ regum historiographum. Ille postquam Venetos Francosque scriptores inter se commisit, eorum dicta opinionisque velut in trutina suspendit, historiæ Francicæ lib. 4. tandem sic ait, *Ecquanam demum modo exercitus illi* (Pipini nempe Venetorumque) *inter se concurrerint, sententiis variatur, ex equo tamen apud omnes annalium scriptores constat pro certo, devictos fuisse Francos, Venetosque extremam ab illis victoriam reportasse.* Hæc sane quam non conveniant cum Anonymi nugamentis, quis non videat? Veniamus ad ultima in inscriptione verba. *Patriam defendo sibi gratificatus.* Ait hæc parum Latina, nec ego diffiteor: vult ad Pipinum referenda; quod si verum est, verbum ergo isto loco *sibi* tantum valebit quod *illi*, ac neque ego hic ei adversabor, quanquam causa non

fit cur minus verbum *sibi* referendum sit ad patriam, aut etiam fratrem Beati ducis Obelerium, quam ad Pipinum. Ut quod sentiam eloquar, equidem non video aut Historicæ veritati, aut ipsi textui, vim aliquam illatorum iri, quaquaversum illa referre libuerit; ac, quod caput rei est, utcumque prædicta verba accipere voluerimus, nullum inde, ut ex jam dicendis clarum fiet, Venetorum libertati præjudicium creabitur. Ad patriam si referenda dicamus, faciet pro nobis textus ipse, in quo verbum *patriæ* immediatè præcedit, ut sic quidem gratificatio illa vix aliter quam cum relatione ad patriam possit attendi. Faciet quoque disjunctio: post enim illa verba, *Patris ob invidiam Pipinus in Rivo altum venit*, periodus absolvitur, poniturque (quæ periodos absolvere solet) puncti nota. Faciet ipsa quoque rei evidentia, quod enim gratum magis accidere civitati potuit, quam civis sui virtute se defendi servarique, contra vim insultumque istiusmodi hostis, cujus paratissima ad nocendum promptissimaque studia, omnino nihil erat quod destitueret, omnia promoverent? Si referenda ducamus ad ipsum Pipinum, ne sic quidem, (modo per disjunctiōnem liceat) peccaverimus, potuit patriam defendere Beatus, ac simul quoque gratificari Pipino, dum sic bello propulsando se accingit, ut pacem etiam deprecari sustineat, quod & fecisse id temporis annales tradunt, missosque qui pacem deposcerent ad illum Legatos; idque etiamnum bello, supra votum, foeliciter finito. Nimirum non potuit non esse quam gratissima Pipino injecta ab hostium duce mentio pacis.

*Pacem reduci velle, victori expedit,  
Victo necesse est:*

utque illud omittam, quod

*Si iter-*

*Si aeterna semper odia mortales gerant,  
Nec captus unquam cedat ex animis furor,  
Sed arma felix teneat, infelix pareat  
Nihil relinquent bella.*

quodque incerta casuum pensanda sint, nec aliud agendum, quam ut bello pax quæsit videatur; hoc sane illud tempus erat, quo maximo Reipubl. bono pacis agitata fuerent consilia. Quid! quod & à parte Pipini longe verosimilimum sit, ipsum præter acceptam cladem alteram graviorē etiamnum timuisse, nempe prælio victum etiam bello superari posse. Addamus, quod & videbat spem omnem quam ex Obelerij Fortunatique verbis defacilitate potiundæ victoriæ conceperat, turpiter decollasse: norat insuper, fama bella stare, eque primis successibus mortaleis futura dimetiiri, atque aestimare solitos.

Pipini denique haud leviter intererat, ne in regni sui principio Francici nominis terror, qui omnia longe lateque compleverat, consideret; neu quoque quam posset contemni impune, cætera Italiæ loca à Venetis edocerentur. Ut ut est, arreptam avide fuisse bellum cum pace mutandi occasionem, derivatamque in exules, Fortunatum nempe atque Obelerium culpam, satis ostendunt illa, ex Æmilio superius citata hic repetenda. *Augustus Francus eo exorabilior paci Venetis reddendæ fuit, quod omnem culpam à Repub. in duces suos averteret, eos in patriam nefaria consilia intulisse, quod voluntarium sibi consciverant exilium, & Veneti summi viri videbantur, Francorumque bellum cæteris horrendum ipsi in bonum verterant. Si deniq. ad Obelerium referenda statuamus, memorata jam nobis subinde inscriptionis verba, nec id ipsum ratione careat. Gratum proculdubio fuit Obelerio, Beatum fratrem, adlecta fortiter patriæ Libertate, vel*



intantum Francorum Regem demereri potuisse, ut jam pace stabilita, firmaque, preces suas pro ipsius in patriam reditu, apud Venetos interponere non fuërit gravatus, ac nec exilii modo impetrare gratiam, ac præteritorum oblivionem, sed & amissæ dignitatis locum; quod ipsum etsi mox à regressu Pipini, Obelerio (ut jam ante dictum) cesserit in exitium, haud effecerit tamen, quo minus inscriptioni quatenus ea ad ipsum referenda cuiuspiam videbitur, fides veritasque constet. Atque hæc quidem ad hunc § plus satis. neque enim reor sani iudicii quempiam, ex ea quam discussimus inscriptione iudicaturum, probari posse Venetos à Pipino domitos fuisse, aut subjugatos, quorum res citra omnem disputationis aleam mansisse infractas, illibatasque ne quidem ipsamet diffiteatur invidia, re verâ superiores fuisse, non unus annalium scriptor asseverat.

## § 42.

*Versiculi imagini Angeli Patriciaci Ducis additi examinantur. Quæ omissa sunt, omitti non potuissent; sed omissa non infringunt aliorum scriptorum auctoritatem.*

**B**eatum Angelus Patriciacus sive Participatius, (Badoarium hoc tempore dixeris) excepit, hujus ait Anonymus ex Sansovino, imagini subscriptum fuisse,

*Tecta palatina communis parvula fundo  
Ædifico sanctum, Zachariamque Hilariumque.*

additque, si vera fuissent quæ de exemptione sua Veneti commemorant, deque hac adversum Francos victoria, futurum procul dubio fuisse, ut ejus aliqua facta esset mentio; quæ

quæ cum nulla fiat, totius rei gestæ veritatem non obscure in dubium vocat. Quod quidem an candide satis, ipse viderit. Sansovinus utique unde hæc habet quæ ipse omiſſa cauſatur, non Goffredi modo Viterbiensis testimonio, verum Hugonis quoque ac Pontij abunde probat, additis insuper decretis divisionem hanc inter Carolum & Nicephorum, qua medijs inter utrumque imperium, sui que juris relictæ sunt Veneti, confirmantibus. Hinc Ludovici II. inde Othonis I. Lotharii IV. Frederici I. Henrici VII. Othonis IV. ac Frederici demum II. quæ sane talia sunt ut vel obstinatissimo mortalium confessionem extorquere possint, liquido sibi ea, quæ inibi de prædicta inter Orientis & Occidentis Augustos inter se divisione facta commemorantur, esse probata. Consulatur cui integrum erit Sansovinum, & iudicet. Mihi alienos labores pro meis venditare non lubet. Est interim id ipsum quod hic denuo refricat adversarius, à me in notis ad §. 28. abunde tractatum: unum addam, potuisse illa quæ omiſſa sunt, non omitti, omiſſa vero cum sint, nihil eum agere si quæ tot tantisque authoribus facta traduntur, non alio nomine, pro infectis habenda pronuntiet, utpote quæ talia sunt quæ & adesse possunt & abesse. Addam & hoc, male cum Venetis atque inclementer agere Anonymum, cui, si quidem ipsi ea quæ dicuntur silentio prætermiſſa expreſſiſſent, non probaretur eorum expreſſio, utpote testium in causa propria; nunc quia non expreſſere, tanto prejudicio vel silentium confoditur, ut si quas illi in iudicando partes relinquimus, quæcumque præstantissimi atque *alij* annalium scriptores tradidere, longe tali silentio sint postponenda, multoque minus ad adstruendam veritatem roboris habitura.



## §. 43.

*Historia Ducis Beneventani excussa. Obsides Carolo dati. Nihil Libertati Venetæ commune in Exemptione Beneventana. Beneventani hostes Caroli à Pipino debellati.*

**R**efert sese hic §. ad ea quæ § vicefimo sexto jam ante ex parte commemoraverat, ac per la'us Beneventani Ducis, Venetam Libertatem sauciare contendit. Promissi mecum fateor, quodque id loci facturum suscepi; una, eademque ad utrumque §. solutione, defungar. Recenset ergo prior §. Carolum minore Beneventani ducis filio in obsidem accepto, majorem patri remisisse; accepisse insuper à populo obsides undecim, misisseque Legatos, qui ipsum Ducem & omnem Beneventanum populum per sacramenta obstringeret. Posterio' §; ex Fuldensibus annalibus citat, factam cum Grimoaldo Beneventanorum duce pacem, & tributino nomine x xv millia solidorum auri à Beneventanis accepta. Infert inde, ac utroque quidem loco, cum Veneti ejusdem foederis quod inter Carolum Niccephorumque sancitum fuit beneficio, neutri sese Imperio obnoxios ferant, quemadmodum ejusdem cum Venetis conditionis sese, Beneventani id temporis ferebant, censendos id propter esse eadem lege cum Beneventanis Venetos, quos ex locis allegatis videre est ab Imperatore habitos, non ut liberos sui que juris, verum ut subditos, utpote queis pleno Imperandi jure obsides tributaque Carolus indixerit, speciatimque jure jurando sibi devinxerit.

Dicam quod res est, prope erat ut hæc tanquam aliena trans-

transmitterem, neque enim quid Venetorum Libertati commune esset cum exemptione Beneventanorum satis videbam, attamen ut hominem sensi id agere; ut hanc illamque nullo discrimine sugillet, rideatque ac falsi insuper insimulet, mearum esse partium credidi, propalam testatum facere, æque aliena hæc esse à bona fide, quam sunt à veritate dissentanea. Falsi crimen à Venetorum Libertate, foederis utrimque legibus stabilita, amolitus sum jam dudum, ut à Beneventanis amoliar causa nulla est, ut nec ulla est ea quæ jam à me superius allegata suo loco sunt, repetendi, quo tamen utrimque cumulatè satis fiat, laudatum modo nobis Haillani Toparcham, si lubet, audiamus. Ait ille eodem quem mox citavimus loco, *Græcorum imperio potius Nicephorus, misit confestim legatos ad Carolum, fœdus quod inter ipsum ac Irenen lectum fuerat renovaturos: Convenit ut Græcus sese Orientis Carolus Occidentis Imperatorem ferret, fratresque in posterum dicerentur. Imperium de cætero ita divisere, ut quidquid à Neapoli Sipontoque (Mansfredonia ea nobis) in superum inferumque procurrit mare, una cum Sicilia insulisque adjacentibus sibi haberent Græci, cætera Gallù cederent. Ut Beneventanus dux, cujus erat in Longobardorum terris ditto, nec huic, nec illi imperio, esset obnoxius, quantumvis proniore semper ad Græcos desleteret animo, idque hanc fere ob causam, quod Veneti apud Pontificem, cujus in dicundis fœdets legibus Imperantium uterque opera utebatur, cavisse dicerentur ut ne unquam necesse haberent occidentalibus sese rebus intromittere: Conventum porro ut civitas Veneta utriusque Imperij cardo esset ac limes, exceptumque ne cui amborum subiecta foret, atque ut ut bella fortean inter illos exurgere contingeret, nulla ipsi necessitas esset huic illive parti sese adungere, sed absque ullo prorsus subjectionis obligationisve vinculo, secundum prisca quas habebat leges privilegiæque sese pro arbitrio componeret. Hactenus ille, quo (siquid alicuius) tam luculento hominis Galli testimonio vel ipsemet adversarius contentum se necesse est ut*

fateatur, nec ulteriorem subfannandi sugillandique locum superesse. Ad ea quæ supersunt convertamur; parem ait utrimque hinc Venetorum, inde Beneventanorum fuisse conditionem, largior id quoque, verum eatenus, ut ne factæ inter utrumque Imperatorem divisionis metas transcendat: Ast inquit imperati Beneventanis obfides, tributa annua, sacramento speciali adaçti sunt, quo vero demum jure, nisi imperij? Largior, & hoc (salva quaquaversum veritate). Cur ergo inquit non licuisset Imperatori in Venetos idem designare, quod in Beneventanos. eadem inter se lege censendos? Verbo dicam, facti erant hostes Carolo Beneventani, & à Pipino sub jugum missi, sui esse desierant. Annalibus hic si credimus, Sigonium audiamus, is historiæ suæ de Regno Italiæ lib. 4. *Grimoaldus ait Princeps Beneventanus, qui gravi cum Pipino bello contenderat, saniore usus consilio arma posuit, atque Oratores de pace ad Carolum misit, eamque septem millibus solidorum aureorum obtinuit quotannis tributi nomine persolvendū.* Aut hominis Galli magis si probatur fides, Ioannes Serranus, in vita Caroli Magni sic inquit. *Grimoaldus deinceps clementer habitus pristinaeque dignitati redditus, obsequentissimum sese exinde addictissimumque gessit Carolo magno, quem prosperæ virtutis ergo, nec non & propter benignum victoriæ exercitium duplici nomine beatum depredicare liceat.* Hæc ille, ac ut quam paucissimis absolvam, ipse adversarius §. ordine sextum à vicesimo sic inchoat. Anno septingentesimo octogesimo & sexto Carolus sibi Beneventum subjugat, ita ut omnino evidens sit inter Beneventanos, Venetosque diversitatis ratio. Si missos sub jugum, si ob hostileis offensas tributis attritos, si obfides dare coactos, si denique sacramentis adaçtos specialibus, probare Venetos potest, patiar locum esse argumento quod ab exemplo arcessit, fin minus (ut certe nunquam poterit) quid causæ subsit quin ipsi candori ingenuitati que bellum induxisse credamus eum, qui

qui non modo bello victos à liberis non secernit , verum etiam amissæ Libertatis ignominiam iis, qui eam amiserunt demere satagit, quo liberos homines præter æquum bonum-que similis infamiæ adspergine collutulare, atque coinquinare possit ?

§. 44

*Gradus Insula ab Eginharto in enarratione testamenti Caroli Magni recensetur. Eginharti fides elevatur. Donationibus jura Libertatis nec amittuntur , nec queruntur.*

**A** It hoc § Gradum insulam ab Eginartho in vita , aut potius enarratione testamenti Caroli Magni , inter Metropolitanas civitates regni illius, (Caroli scilicet) recenseri, & quidem quinto loco; argumentum porro lectori formandum relinquit. Mentem ejus si capio, hoc innuit, Gradum quæ pars sit ipsa Venetæ civitatis ad Italiæ regnum spectasse, atque ex eo satis apparere quid de ipsa Venetorum urbe sit sentiendum. Nugæ meræ ac gerræ quod ajunt Siculæ. Non jam dicam Eginarthi focerum fuisse Carolum Magnum, eaque occasione fidem elevabo testis minus integri, sciens præteribo in re tanta non sufficere enumerationem unius auctoris, nullis aliorum autoritatibus suffultam, ut & hoc taceam, istiusmodi enumerationibus rerum dominia nec quæri posse aut jura Libertatis amitti.

Sed nec jam ante à me dicta, de respectu aut collatione totius ad partem, quæque inde valide juris deducatur analogia, operose repetam, unum suffecerit, quod ex Æmilio, Sigonioque citasse memini, mutatam, nimirum occasione

belli Venetis à Pipino illati, insularum urbisque faciem, illasque quæ sparsim ante fuerant habitatæ, pontibus tum demum jungi coeptas, quæque ante (ut creditu facile) parvæ admodum fuerant, universim junctas magnificentissimæ urbis præbuisse specimen. Factum vero id vixdum uno lustro ante Caroli è vivis excessum. Aut ergo constare deberet (ut ut plenariam Eginartho fidem deferre voluerimus) jam tum antequam ea scriberet immutatam fuisse civitatis Venetæ faciem, atque quantumvis una cum cæteris adjacentibus insulus Gradus in corpus civitatis illius esset coagmentata, mansisse eam nihilo secius regni Carolini, aut potius Italiæ partem: Eoque quam maxime probato, quo eam titulo Imperator possederit, commonstrandum foret, aut cum ex annalibus constet, Carolum sese etiamnum vivo de regnis imperijque in filios dividendis assignandisque agitasse, probare adversarius deberet, ea quæ ex Eginartho citari non fuisse longo tempore ante obitum Caroli Magni conscripta.

## §. 45.

*Argumentum Anonymi, ab æde Zachariæ Leonis Armenij mandato exstructâ desumptum, elevatur. Inscriptio in ejus rei memoriam suffixa examinatur. Ædes D. Michaelis à Sergio Senonensi excitata, nec tamen aliquot ejus dominium Veneti agnovere. Subditi à Vassallis longe distant.*

**S**olutio ad hunc § ex ijs quæ jam ante à nobis dicta sunt erit petenda, neque enim aliud continet quam Iustinianum Participatium, Venetum ducem, ædificasse D. Zachariæ,



chariæ, idque Leonis Armenij mandato, cui rei probandæ adfertur inscriptio ipsius Ducis, qui sese id mandato Imperatoris (quem pacis qua universus terrarum orbis fruatur, conservatorem indiget) fecisse omnibus Christianis, quique S. Romano imperio fideles sint, notum facit. Urget Anonymus hæc tria potissimum, I. Quod inscriptio facta sit propria Ducis manu. II. Quod Imperatoris mandato ædem extruxerit. III. Quod mentionem faciat eorum, qui fideles S. Romano Imperio sint, nec obscure significet, ipsum sese Ducem, eorum numero adgregatum voluisse.

Primum quod tangit, est illud omnino nullius momenti, modo ne tale sit, quod evidenter atque citra exceptionem libertati Venetæ adversetur, quale quid nemo sani cerebri examinato illius inscriptionis tenore deprehendet: omninoque probandum ante omnia foret, quid sit illud unde ali-quod, quod vel in speciem stringat, sumatur argumentum.

Mandatum Imperatoris quod adfert, nihil movet. Dictum jam ante, esse inter pares & æquales, inter quos imperium non est, ut e. g. inter amicos, mandatis locum; iussa, ad eos qui non sunt æquales referri. Vt ergo allegatis ab ipso sit locus, ante omnia constet oportet, eo Ducis populique Veneti loco res fuisse, ut ita volente Imperatore, non potuerint non ea cuncta effecta dare, quæcunque injungeret. Quod nisi præstat ac nihilominus ex facto jus aliquod admetiri conatur Imperatori, aliud plane nihil agit, quam quod principium petat. Adde, quod nec imperantis mandatum inscriptio testetur magis, quam divinam revelationem, qua extimulante, illum primitus animum ad extruendam ædem Divo Zachariæ sacram adjicere occæpisse, Ducisque religioni eam curam demandasse, ipsamet inscriptio testatur; quod quidem mandatum subjectionem aliquam arguere ac præ se ferre dicere si lubet, perinde egerimus, ac



si testamenta condentibus subditos velimus extraneos quoscunque, quibus ut executioni elogia sua mandent, illi injungunt, quosve hæredes si quando instituere, fideicommisso gravant. Iam ante ubi exemplum Narsetis ab adversario simili casu adductum examinavimus, satis ample pertractata sunt à nobis omnia, quæ circa istiusmodi templorum, basilicarum, religiosarumque domuum ædificationes, consideranda veniant, ostensumque largiter, nihil ex istiusmodi factis inferri posse, quod subjectionem aliquam, aut ex altera parte imperandi facultatem aliquatenus probet. Illis nihil addam, præter hoc unum, non Imperatores modo, ut hic Leo Armenius, eorumve Legatos ac duces, ut superius Narsetes, templa Venetijs aut extruxisse aut extruenda curasse, verum etiam privatos, tam in ipsa urbe quam extra illam. In urbe infinita exempla sint illustrium familiarum (ut est hæc propria Venetorum laus pietate erga Deum, patriam, parentes, nulli cedere) nemo tamen illis ea de causa quid supra cæteris juris detulerit. Extra illam, exemplo sit Sergius Senonensis apud suos autoritate ac divitijs Princeps, cui ædes D. Michaëlis prope Brundulum promontorium belli injuria à Pipini exercitu subversum dirutumque, teste Sabellico Hist. Ven. dec. 1. lib. 2. originem debuit incrementumque, & cum incrementis ornatum. Sabellicum toties cum exagitet noster homo, mirum cur non & Senonensi Principi Sergio Venetos subjecerit, utque olim est,

*Facta tribus dominis communis Roma, -*

ipsa quoque Venetum urbs inter imperia hinc in Oriente, illinc in Occidente dominantium, si dijs placet, distracta tertium quoque supra sese Senonensem agnosceret Sergium, cui pro extructo ornatoque D. Michaëlis fano mercedis ac redhostimenti loco seque ac libertatem suam grata submitteret.

Tertium

Tertium denique quod urget, illud est, quod nempe dirigatur ad omnes qui S<sup>co</sup>. Romano Imperio fideles sunt, ducis inscriptio. Quantulum vero hoc est, dirigitur ad eos qui tales sunt, ergo & ipse talis fuit? quin imo ipse dux talis fuit, ergo tota respub. Imperatori subdita fuit? non sequitur. Largiamur Anonymo fuisse ducem talem, quid miri? fatetur sese Hypatum (ut ipsa monstrat inscriptio) Imperatoris, hoc nomine fidelem & fuisse, & ratione dignitatis, esse quoque debuisse, dubium non est, aut non subditum, ut superius late sum prosecutus. Titulus fidelium vassallis competit eorumque proprius est. Nemo autem est qui nesciat quanto intervallo secernantur à subditis vassalli, tum quoque de talis enunciati effectū, nempe quod fideles, quod devoti, quæque his similia sunt dicuntur nonnulli, quid sentiendum sit, quidve juris eliciatur ex istiusmodi verbis, absolvi jam ante, ubi male distortas ab adversario Aurelij Cassiodori phrasas sub incudem revocavi.

## §. 46.

*Verba Epistolæ Lotharij ad Petrum Fradonicum Venetorum ducem scriptæ, examinantur. Dominatio pro ditione accipi non potest. Dilectionis vox excussa.*

**M**irum ni ab oculis male habeat Anonymus, quum ipsum Lotharium Imperatorem, anno à nato Christo quadragesimo super octingentesimum, Petro Fradonico Venetorum Duci scripsisse agnovit, DE POTESTATE VLL REGNO DOMINATIONIS VESTRÆ. Ergo ut occurrat, vocem dominationis ait accipiendam, pro ditione, ac territorio, aut loco *dominationis vestre*, legendum esse *dilectionis*.

*Etionis*. Absurde prorsus. Nam cum jam duobus Imperator usus sit verbis idem significantibus, qualia sunt *de potestate vel regno*, quí fieri pote, ut vox *dominationis* pro ditione accipiatur? neque enim consistent hæc inter se *de regno ditionis tue*, præcedente quam proxime verbo *potestatis*. Quod per explicativam particulam *vel* re vera idem esse vult Imperator ac ejusdem cum regno significationis. Vox quoque *dilectionis* in cum non quadrat, quem potestatem regnumque obtinere fatearis. Nullo æquidem ævo *dilectionis vestre* adjecta qualitas ijs fuit, quos aut nascendi fors, aut populorum consensus, ad id fastigij subvexit: uno duntaxat Pontifice excepto, qui cum se patrem omnibus ex æquo ferat, filiosque promiscue indigitet, monarchas dynastasque quoslibet, non alio quam dilectionis epiphonemate uti solet. Hæc si non admittit adversarius, neque ignarum styli isto sæculo usitati dicat, *isæ* mihi ille bono (ni fallor) jure, criticus multo judicabitur infœlicior, qui, ut maleferiato Venetis distrahendi zelo ne desit, candori suo deesse mavult, loquique nec mendofo nec corrupto, istiusmodi adhibere medicinam, quæ non cadat in sensum communem, nedum in sensum istorum verborum, quæ novus ille Machaon, aliud quam id quod disertim exprimunt, velit innuere.

§. 47.

*Quid inter Orientis, atque Occidentis Augustos decretum sit, quoad Venetos. An & quatenus decretum illud Libertatem Venetorum afficere potuerit. Quis sit effectus*

*fectus illius, quæ decretum sequuta est, confirmationis.*

**D**Esiderat hoc quem refutare aggredior §, Anonymus animum ab omni affectu præjudicioque liberum, directeque Venetos alienis Imperiis egisse obnoxios, hoc se loco probare credit. Annitar ut nec in recensenda adversarij mente fidem, inque ijs quæ pro se adfert refutandis, candorem, quisquis hæc lecturus est requirat. Recenset primo ex Sigonio de regno Italiæ lib. 5°. Privilegium à Ludovico secundo concessum ei quem proxime præcedenti §. nominavimus Venetorum Duci Petro nimirum Tradonico, *de possessionibus* (verba Sigonij sunt) *Cleri & populi Veneti in Imperio ejus jussu & legitime possidendis pro ut per fœdus cum Gracis ictum Carolo proavo suo regnante possederat.* Formulam deinde privilegij adducit ex Sanfovino, in hæc verba conceptam. *Dux Veneticorum deprecatus est nostram majestatem ut ex rebus sui ducatus quæ infra ditionem imperij nostri existere noscuntur, confirmationis nostra præceptum fieri juberemus, per quod ipse, ac Patriarcha, Pontifices, atque Populus sibi subjectus, sibi debitas res, absque cujusquam contrarietate seu refragatione tenere quivissent, quamadmodum temporibus bisavi nostri, Caroli, per decretum cum Gracis sancitum, possederunt.* Postquam deinde (quod jam ante suo loco, ipsum facere debuisse indicavi) ait, memorare Sanfovinum, eadem ab aliquot qui postea secuti sint, ibique enumerantur (nos eos jam ante d. l. enumeravimus) Imperatoribus fuisse confirmata, Sanfovinum arguit erroris, qui inde inferat voluisse Carolum, instituta Imperii divisione, Venetos inter utrumque Imperium remanere liberos, eumque textui vim inferre prædicat, aitque nihil agere Ludovicum, quam quod ducatus possessionem confirmet, qui quidem cum notorie situs sit in ipso Imperii territorio, ac cum non aliter intelligi ac-

cipive possit ista confirmatio, quam de insulis maris Adriatici, quas Veneti insiderant ( neque enim terminos suos id temporis in continenti terra etiamnum protulerant ) nihil aliud Ducem, Pontifices, Patriarchas, Clerum populumque per illam sibi acquirere potuisse confirmationem, quam illarum rerum quietam possessionem, quas jam tum, quo tempore inter Carolum Nicephorumque ictum fuit foedus, possidebant.

Ergo ut videmus, ordine considerandum nobis I. quid inter Orientis atque Occidentis Augustos decretum sit, quoad Venetos. II. An & quatenus decretum illud Libertatem Venetorum afficere potuerit. III. Quis sit effectus illius, quæ decretum insequuta est, confirmationis.

Hæc tria ordine ut exsequamur, ab eodem quo adversarius hunc § inchoat Sigonio, ordiri lubet; meminit ille foederis per Carolum Ludovicj bisavum cum Græco percussij. Æquum ergo quò ad suum principium rem ipsam deducamus, ut quo pacto sancitum firmatumque illud fuerit, repetamus. Verba Sigonij superius quoque à nobis adducta sic habent, *In fœdere illud nominatim expressum, ut Veneti inter utrumque imperium positi liberi; atque immunes, & ab utroque securi, viverent, ac sine molestia res suas in Italico solo possiderent.* Sigonij dictum firmant illæ, quas ibi fusiis sum prosecutus scriptorum autoritates, quibus nihil addam nisi unum. Christophori Rossini, in Curia Burdegalensi dum viveret Præsidis testimonium, quod quidem eo magis mihi faciendum puto, non quod pluribus agere proposuerim in re clara, verum quia fuit plè natione Gallus, sic ut eo nomine, tanquam Venetis addictior quasi sit, in ipsum suspicio non cadat, ac simul quoque, ut jactabundæ Anonymi asseverationi occurram, qui se duntaxat ex antiquis ac qui eo tempore vixerint authoribus, sua adstruere dum putat, recentiorum fidem



fidem convellere atque elevare tentat. Ait ille in suis omnium ab orbe creato historiarum commentarijs. *Eaque per novam Caroli Magni creationem facta est Imperij Romani à Constantinopolitano diviso, nullos habuit certos Provinciarum fines. In eorum fœderibus illud accurate apud vetustos scriptores legimus intervenisse, ut Venetia, urbs Italiae maritima, utrumque reverita Imperatorem proprijs uteretur legibus. Quod & Blondus post antiquos egregie profequitur.* Huc usque Præses Rosfinus. Itaque si actum id est ut liberi viverent, jam tum procul dubio liberi erant, neque enim est ut libere vivant, manumissione jam dudum atque his potissimum temporibus, sublata, nisi qui ipsimet sint liberi. Si comprehensum fœdere ut suis viverent legibus, legeis, secundum quas viverent, ante percussum inter Imperatores fœdus, ut habuerint, oportet. Eas ipsas unde nacti sunt ab Imperione Romano? ejus rei, neque vola, neque vestigium, in toto Iuris corpore, aut ullis omnino annalium monumentis apparet. A Constantinopolitano? æque parum: sibi ergo suisque leges si vixere, ἀντὶ τοῦτο si fuere, quid causæ subsit, cur eos alienis legibus astrictos credendum existimemus? nulla sane; ac nequidem imaginaria. Iungamus his, illa quæ allegat ex Sansovino atque ex contextu confirmationis verba. *Ut ipse, Patriarcha, Pontifices, atque populus sibi subjectus, sibi debitas res absque cujusquam contrarietate sive, refragatione retinere quovissent, quemadmodum temporibus bisavi nostri Caroli per decretum cum Græcis sanctum possederunt.*

Hæc si inspicimus, jam tum tempore Caroli, ipso Cæsare id deprædicante atque agnoscente, populum sibi subjectum habebant Duces. (eo id accipiendum sensu postea docebimus, quo de Pompeio apud Lucanum Cato fuisse eum ait libertate salvare rectorem Senatus, sed regnantis) Illis quoque temporibus res sibi suas habebant, eo jure, quo earundem liber homo moderator est & arbiter. Quæ cum ita sint,



præsertim si prædictis jungimus illa Sigonii, nempe fuisse tantum ut liberi, immunes, & ab utroque securi viverent, sane non video, quam vim Sansovinus adferat textui, dum vult Venetos divisione cum Græcis factâ, liberos fuisse relictos, immunesque ab alterutro hinc inde imperio; quin potius ad claram lucem adversarius mihi cæcutire videtur, si aliter illa verba putet explicanda. Esto interim lectori suum de tota re iudicium. Vidimus huc usque quid actum sit inter Nicephorum Carolumque. Superest ut despiciamus, an, & quatenus, iste actus in ipsam libertatem Venetam influat, eamque afficiat. Quò priusquam deveniamus, præmittendum paucis inter libertatem ipsam interque exercitium libertatis distingui debere. Hoc præmissio, alterutrum necesse est statuamus, nempe Venetos tempore divisionis aliquoties nobis memoratæ, aut liberos fuisse, aut si liberi non fuerint, divisionis illius beneficio ex consensu decretoque imperantium, in posterum (ut futuris leges formam dant negotijs) liberos esse fuisse iussos. Tertium non datur. Si verum prius, cessat omnis ex illo decreto quo ad Venetorum libertatem affectus: si posterius amplecti lubet, expediendum prius, quo pacto, nec non à quo, libertatem sint adepti. Modum quod attinet, Sigonius, loco quem allegat adversarius, accidisse ait *per fœdus cum Græcis iustum*; loco à nobis citato *id in fœdere nominatim expressum* ait Rossinus *in eorum fœderibus accurate intervenisse*. Sansovinus *decretum cum Græcis sancitum* (quod cum fœdere in idem incidit) pro modo assignat, quæ singula si perpendimus, sapiunt utique stipulationem inter fœdus sancientes. Quid enim aliud est fœdus quam duorum pluriumve summo imperandi jure præditorum inter se pæctio? Ergo si fœderi pæctoque deferenda libertas Venetorum, aut quo ad fœderatos, ipsi in eorum potestate fuere, aut extranei; sin placet prius, hætenus id non esse probatum

batum regeram, sin posterius ad tit. Institutionum de inutilibus stipulationibus, adversarius erit relegandus. Quis est modo ne omnino hospes in Jure sit, qui nesciat neminem regulariter alteri extraneo, non existenti in potestate sua, stipulari, pacisci, aut acquirere posse? atque hoc illud est quod ait Scævola in *l. quo tutela. §. neque de R. l. nec paciscendo*, nec legem dicendo, nec stipulando, quemquam alteri cavere posse, & in *l. quacumque ff. de Obligationibus & action.* quacumque gerimus, nisi ex nostra persona obligationis initium sumant, inanem actum nostrum efficere, & ideo, neque stipulari, neque emere, vendere, contrahere, ut alter suo nomine recte agat, posse quempiam, IC<sup>us</sup>. Paulus negat. Dixi porro, foedus esse pactionem summi imperii jura habentium, & quidem inter se, quod eo addidi, ut constaret (quod etiam in jure dubium non habet) absenti neminem recte quid pacisci. *l. illud. Cod. de sacrosanct. Eccles. l. multum interest. c. si quis alteri vel sibi.* Cujus quoque evidens est & ad propositum nobis lemma applicanda ratio, quod ad hoc ut quis posset paciscendo contrahendove extraneo absenti acquirere, mandatum vel æquipollens intervenisse sit necesse. *arg. l. consensu. ff. de O. & A.* atqui vero nunquam probabitur; foederis tempore praesentes, foederatisve medios, fuisse Venetos (haud gravatim hæc se adversario, qui ad infimæ sortis abjectam conditionem Venetos quaquaversum allegat, hæc se probabit negativa) aut ut sibi suæ libertati eo foedere voluisse prospectum. De modo vidimus: restat ut videamus ecquinam ille, illive, forent, quibus libertatem Veneti acceptam ferendam haberent, si quidem ea ex foedere accepta ferenda esset. Certum est libertatem ei qui antea liber non fuit conferendi potestatem esse Imperii summi; summi vero Imperii hanc esse naturam, præclare eruditorum nostri sæculi Phænix Hugo Grotius nos edocet, ut illud nihil

exæquet, aut superet. Vult adversarius Venetos utrique Imperio paruisse; Si ergo alterutri Imperatorum ea debebitur, obstabit in facto, probationis defectus, in jure, ipsa Majestatis natura parem non ferens. Si utrique, obstabunt præter eundem defectum probandi quæ superius in eam sententiam allegavimus, nimirum ejusdem rei duos in solidum Dominos haud esse posse. Pressius rem ut consideremus, neque Sigonius, neque Rossinus, neque Sansovinus, neque demum quispiam mortalium dixerint ipsam Venerorum Libertatem in se consideratam ac ut est naturalis facultas eorum quæ cuique lubet faciendi, nisi aut vi aut jure prohibeatur: foederi prædicto ullatenus deberi, cujus evidens est ratio, quod materia pactionum, stipulationumque, sint omnes res, quæ aut in commercio sunt, aut quibus leges non resistunt. At vero in Principio libri nostri ostendimus neque liberi hominis esse commercium, neque etiam libertatis, utpote quæ nisi hominem ex homine exire velimus, est omnino ab homine libero inseparabilis. Quin hoc dubium quoque, quin pactis istiusmodi quibus aliqua ratione Libertas in commercium deducatur, leges resistant. Vid. pulchre hac de re differentem *Hotomanum lib. 1. quest. illustr. quest. 1.* per totum. Quodcumque ergo actum, gestum, decretumve fuit, libertatem Venetorum non tangit, totumque in libertatem habendi modo exhauritur; neque enim aliud inter foederatos actum, quam ut semel facta divisione, nulla de finibus enasci inter ipsos posset differentia, quod quidem eo proniore actum desiderio, quod teste Æmylio ejusdem foederis legibus expresse cautum sit, ut ambo fratreis inter se essent dicerenturque, nec poterat non esse utrique perspicuissimum, quicumque tandem eorum Venetæ urbis esset dominus, gravibus illum damnis alterius Imperij sineis de facili affligere posse. Est itaque prædicto foedere non Venetis,

ast

ast ipsis foederatis dicta lex, quamet ipsi voluere, ne cui eorum opera auxiliove, pacis bellive tempore, contra alterum uti liberum esset. Quod ipsum dubium non est, quin factum sit pro recepto summis potestatibus more, eos etiam in foedere comprehendendi, quos sibi aut amicos haberent, aut inimicos nolint. Inde utique, sequa juri quaesito, siqua libertati damna sint enascitura, superflua sint ista foederum capita, pereatque benigna comprimis naturæ regula, qua docemur, hominem beneficio affici, ipsius hominis interesse. Progredior ad tertium, quod de confirmatione adfertur. Atque hic quoque ut absolvam quam potero paucissimis: dico in antecessum, nobis hic in quaestione nihil esse præter unam Venetorum Libertatem, atque ex antedictis binas conclusiones formo, quas nemo mihi, ut spero, sit negaturus. Prima esto ad hoc ut de confirmatione constet, constare ante omnia debere de confirmato, idque dupliciter, primo, ratione juris, scilicet, an id quod confirmatum est, sui natura fuerit confirmabile, secundo ratione facti, nempe sitne illud confirmabile, revera confirmatum, nec ne. Altera, constare debere de firmante, scilicet fueritne habilis ad id firmandum quod postea confirmatum fuisse dicitur. Libertatem ipsam quod attinet, illa, ratione juris quod Venetis competeat, nec firmari nec confirmari potuit, de facto quoque nec firmata fuit nec confirmata: Locus Sigonij siquidem de Libertate, ejusve jure, mentionem facit nullam, ac solummodo de possessionibus Cleri & populi Veneti in Imperio ejus jussè possidendis, prout per fœdus cum Græciæ ictum Carolo proavo suo regnante possederant. Loquitur Sansovini ad idem locus ne quidem de Libertate: id duntaxat actum, ut ipse, ac Patriarcha, pontifex, atque populus sibi subiectus, sibi debitas res absque contrarietate cujusquam, seu refragatione, retinere quiverissent, quemadmodum temporibus bisavi Caroli, per decretum

*cum Græci sanctum possederant.* Ex adductis clarum etiam est, constatque de firmante, illud nempe, ne quidem ad ea firmanda habilem eum fuisse, quæ jure naturæ sibi competentia, asservarant nec alieni juris unquam fecerant Veneti. Ipse ergo, nullo jure tituloque, sibi illa arrogare poterat, quemadmodum quoque nunquam sibi ea arrogasse deprehenditur. Libertas ut anima, tota est in toto reipub. corpore, nec non & tota in singulis reipub. partibus. Illam ipsam absque vi aut jure prævio, minuere aut augere firmare nemo queat. Imperatorem cujus multis encomijs celebratur prudentia, illud unquam attentare voluisse ne credendum quidem. Quodcumque ergo confirmatum esse dici potest, nihil est, præter usum exercitiumque Libertatis; ista Libertati originem suam debeant, in substantiam vero Libertatis eatenus haud influant, ut ad illam constituendam, tollendamve, vel hilum possint. Sed nec omittendum nobis, ipsam quoque confirmationem bisariam considerari posse, nempe quatenus illa idem est quod ratificatio, & sic quatenus habet vim declarationis, pariterque, quatenus ad inventa primitus est confirmatio, ut actui præcedenti robur addat, unde & illam DD. definire solent, quod sit actus qui præcesserit corroboratio. Priore casu ambigendum non est, istiusmodi rati habitationem obstare non posse, modo non obstiterit id quod ratum habetur. Posteriore rei gestæ est attendenda veritas: si hac de qua nobis hoc § discursus instituitur confirmatione quæ præcesserint corroborata dicimus, fatendum utique confirmatione nihil corroborari potuisse, præter ea quæ foederis legibus decreta fuerant sancitaque inter utrumque Imperatorem, non vero inter Venetos & Imperatorem. Eo foedere cum non sit collata Libertas, ut nec conferri potuit, ratio dicat, non contendisse apud Imperatorem Venetos ut liberi fierent, essent, rema-

remanerentve, verum ut liberum ipsis esset, intemperatumque, ac nec ulli temperandum Libertatis exercitium.

Atque hæc quidem de ipso confirmationis effectu dicta sufficiunt, unum hoc § superest, nimirum, quod pro subiecto, circa quod versata sit repetita pluries nobis confirmatio, Venetam urbem ac maris Adriatici quas Veneti insederant lacunas fuisse ponit. Quo posito ratione situs illas utpote in medietate Italiae constitutas negari haud posse contendit, quibus tota pareret Italia, subditas quoque easdem fuisse. Nos vero id ipsum quam non sit magni momenti toto cap. 7. hujus tractatus ostendimus: non peccabo fastidiosa eorum repetitione in patientiam benigni lectoris, si commodum est inde petat, quæ larga manu, plenoque quodajunt modio admensi sumus.

§ 48.

*Ad sequentem Paragraphum de jure cudendæ monetæ, Venetis ab Imperatore concessio, introductio.*

**T**Raducit hoc § ut parum aut omnino haud verosimile, quod vult in suis admirandis Venetæ urbis Goldio, quique Goldioni coetaneus est ac authorem Volateranum citat, Nicolaus Doglio Theatrifui parte tertia; Ursus ejus nominis secundum Venetorum ducem, à Conrado Imperatore, qui ab anno nongentesimo duodecimo usque ad decimum & nonum habenas Imperii moderatus est, cudendæ monetæ jus obtinuisse, quod nos verum ne sit nec ne, quod ne supervacuis ac non facientibus ad rem disquisitionibus, lectorem ac nosmet ipsos nequiequam implicemus, in medio relinquendum putamus: Vt & illud, rectene, quæ Goldioni Doglioni que tradita sunt, Anonymo parum verosimilia



milia videantur nec ne, idque duabus quas potissimum hoc loco adducit rationibus, quarum prior est quod non legatur Conradus curæ cordive res Italicas habuisse. Altera, quod inter Annalium scriptores non pauci Conrado locum inter Imperatores nomenve haud assignent. Vnicum fateor hoc § habet, de quo dicendum aliquando curatius, concessio nimirum iuris monetandi, quam Venetos dicit acceptam ferre Imperatori debere: ait hoc ipsum quandoquidem § proxime sequenti tractatur, nos quoque ad eundem, utpote commodiore loco, nullisque temporum supputationibus involuto, Chronologicivē salebris impedito, tractare aggredimur.

---

## §. 49. &amp; 50.

*Jus procudende moneta Venetis ab Imperatore indultum, nihil derogat eorum Libertati. Missio legatorum à Venetis ad Imperatorem instituta probat liberum eorum Imperium. Frivola Anonymi circa hac conjectura. Illi, qui monetam cudi curat, in Majestatis argumentum fere semper cedit. Vultus regnantis nummis insculptus, & quare. Ratio cudendorum nummorum à Numa Pompilio inventa. Regum Italia aut Imperatorum vultus in nummis Venetis non conspiciuntur. Ducis aut Divi tutelaris effigies iis insculpta. Hoc summi Imperii argumentum. Subjectionem non probat, quod quis alieno beneficio monetam cudat.*

*dat. Quod Beerengarius fines Venetorum & Italicorum terminavit, nullum Imperii summi jus probat.*

**A**Tque ut agamus quod instat, iis prætermis-  
sis quæ superflua sunt, citat ex Sanfovino Privilegii verba à Rudolpho concessi traditque in manus Metamaucensis Episcopi, (Dominico ei nomen), nec non & Venetorum Legati, Stephani Caloprimi. Sunt autem illa, *simulque eundem monetam concedimus, secundum quod eorum provincia duces à prisca temporibus habuerunt.* Allegat quoque §. 51. Petri Participatij Venetorum ducis imagini subscriptum sequens breve.

*Multa Berengarius mihi privilegia fecit,*

*Et mihi monetam cudere posse dedit.*

Ac priore quidem §. verba Sanfovini *Consuetudo moris* dicit non audere sese cum ad modum intelligere, perinde ac si nullius auctoramento prævio, sed de consuetudine, aut quod majus etiamnum est autoritate propria, monetam primitus cudere cœpissent Veneti. Neque enim credibile aut, siquidem apud ipsos jam diuturnus usus monetam cudendi invaluerat, juris illius confirmationem insuper fuisse petituros. Verum prius illud, quidquid denique fuerit, siue morem siue usum appellare lubeat, referri debere ad privilegium aliquod tempore prius: ita ut facta à Rudolpho Venetis concessio anterioris alicujus privilegii aut gratiæ dicenda sit fuisse confirmatoria.

Ut dictum multoties, nihil nobis hic argumenti est præter Libertatem Venetam: eam quod attinet, unum examinandum est, an quo casu jus monetandi Venetis ab Imperatore fuerit concessum, necessario statuendum sit, illos Imperatori fuisse subditos. Agit hoc enixissime adversa-

rius, eo tamen nonnunquam successu, ut quibus nullis præjudiciis imbuta mens est, aut minus ingenuus videri possit, aut ipsemet ea adducere, quæ penitus inspecta, longe diversum ab eo quod astruit, manifesto evincant. Vtriusque exemplum præsens exhibet S. Si subditos vult Venetos, rogare lubet unde eis legatos mittenti jus, nulli liberum nisi cui pariter quoque summum imperandi jus. citra controversiam debetur. Est ut scimus à legante suum legatis nomen, & quidem istiusmodi ut authore Tullio (divinat. in Verrem) *non modo inter hostium sociorumque jura, sed etiam inter hostium sociorumque tela, versetur incolume.* Illud ipsum vero unde, nisi à suprema illa potestate, quam nihil est ex pari quod aspiciat nedum quod supragrediatur? Si dominus Venetorum erat, Imperator, cur eorum ad se legatos admittit, ac privilegiis etiamnum ornatos à se dimittit? Ut jam dicere cæpimus est ea Legatorum dignitas, ac cum jure quod habent prærogativa, ut in subditorum nomen sortemve haud cadat. Iis qui pro obnoxiijs alieno imperio reputantur, ut Legatos mittant nemo concesserit, nedum is, qui sese illorum dominum fert, subditos sibi suos æquari citra manifestissimam Majestatis suæ imminutionem ac læsionem unquam admiserit. Ab altera parte minus ingenuum est quod cum ipsemet pro se Sansovinum alleget, probaturus illius testimonio, Venetos Imperatorio beneficio monetam cudendi jus habere, contra clara Sansovini verba, conjecturas obtrudit easque non malignas modo, verum ne probabiles quidem, nedum ab ullo probatas. Sed nos illa Lectori discernenda atque dijudicanda relinquimus. Ad ipsam rem ut accedamus, pariterque ut demonstremus, quam neque ipsa rei veritas, neque juris dispositio, nugis adversarii patrocinentur, sciendum circa numos cudendi facultatem duo considerari potissimum, quorum primum, illi qui monetam cu-

di curat.

di curat, in Majestatis argumentum fere semper cedit, ad reverentiam dilectionemq; dominantium, subditorum mentibus insinuandam efficax remedium: secundum, quandoquidem mensura rerum nummus est, utilitati publicæ totum devovetur. Illius nimirum interest quam maxime ut sua commercijs constet facilitas; quam videmus indies monetarum diversitate ac confusione non leviter turbari. Prius quod attinet, apud omnes fere gentes invaluit, ut monetæ cui forma publica esset, insculperetur vultus regnantis, ut in promiscuis quotidianarum rerum actibus, atque ipsis etiamnum commercijs, quibus non modo civitatum prosper ac felix status, verum & omnis hominum vita constat propemodum, perpetuo vigeret versareturque ob oculos, sacrosancta Principum Majestas; quam quoties oculis ea sese aggereret (quod non poterat non accidere quam creberrime) tanquam præsens numinis simulacrum, homines devenerarentur. Sic Christo Christianos ac Christianis Christum de propiore nota conciliaturus, ait de iisdem Christianis beatus Augustinus ad Psalm. 66. *Fecisti nos ad imaginem tuam, fecisti nos numum tuum.* Inventum interim numos imagine sua signandi Isidorus suis originum libris Numæ Pompilio tribuit, aitque; numi à Numa Romanorum Rege, qui eos primus apud Latinos imaginibus notavit, & titulo nominis sui præscripsit. Numæ verò vel solum nomen argumento fuerit non alij id repertum fini, quam illi quem mox assignabamus, quem nos in monetam cudendi facultatē si attendimus, duo iterum occurrunt, primo non reperiri regis Italiæ imperatoresve numis, qui Venetijs cusi sint, aut insignia sua insculpi curasse aut nomina.

Cum tamen ex adverso liberæ Germaniæ civitates ( eas omitto, quæ se consuetudine tuentur aut præscriptione) quæcumque jura numos cudendi exercent Imperatorio indul-



to, nec non & cæteri Principes inferiores, id in nummis quoscudunt religiose observent, (exemplo sint imperiales, quorum frequens his regionibus usus, Thaleri) ut facies una quidem Principis inferioris effigiem, aut civitatis liberæ præferat insignia, altera vero nunquam fere non imaginem Imperatoris aquilamve Romano-Germanici Imperii insigne ostendat. Secundo, quod Veneti nummis suis non Imperatoris, verum aut ducis sui, aut Divi sub cujus patrocinio clientelaque vivere se gloriantur, insculpant effigiem, ut de posteriore testis est Boërius decis. 327. statim à principio: insigni mecastor argumento summi illius Imperii, quod in se suosque exercent. Vtique non aliter æstimatum id Francis tempore Iustiniani, quibus id (ita tradente Procopio lib. 3. de bello Gothico) *datum ut numum aureum è Gallico metallo percutiant, non Imperatoris Romani ut fieri assolet, characterem solido imprimentes, sed propriam ipsorum imaginem. Nam Persarum quidem Rex numos quidem argenteos, quoquo modo velit ferire est solitus, sed ei fas non est effigiem suam auro insculpere, neque ulli alii omnium Barbarorum regi, quamvis auri in suo regno reperti Dominus existat.* Hucusque Procopius. Et quidem quæ de Persis ille, etiam in aliis deprehendas gentibus. De Germanis (quos natione quidem non ratione Barbaros Romani judicarunt) ita Tacitus, *formas quasdam nostræ pecuniæ cognoscunt atque eligunt, pecuniam probant veterem & diu notam Serratos Bigatosque*, ita dictos, authore Plin. lib. 33. c. 3. quod notæ argenti Bigæ atque quadrigæ fuerint. Imprimendæ porro numis imaginis, post Numam satis recens est exemplum Servius Tullus: interque antiqua Cymelia etiamnum numismata reperire est, Romæ, Serviique, nomen exprimentia: at quid hic operosus sum? diserte id ipsum reperire est apud Suetonium in Augusto, qui numos veteres regios Serviatos, quibus nota Servius, recenset. Publicum si contuemur bonum, certum est non esse possibile ut Prin-

ut Princeps aliquis quantumvis potentissimus, & sufficienter, & ubique nec non & omnibus, possit de moneta prospicere, ita ut rerum status, & in commune utile quod esset, compluribus necessitatem imposuerint monetam cudendi. Hanc sibi facultatem si adversus ipsum (ubi res ita fert) Imperatorem tuentur adseruntque civitates liberæ (de iis me loqui professus sum, quæ jus istiusmodi non aliunde metuntur quam ab Imperatore), constare potest non esse sufficiens argumentum ad probandam subjectionem, quod quis alieno beneficio monetam cudat, non magis utique quam omnimoda libertas inferri queat ex hoc ipso, quod monetam de consuetudine cudant civitates nonnullæ. Publicæ quoque utilitatis intuitu ac mutæ symbioscos causâ, multoties evenit, ut Princeps Principi concedat istiusmodi numos cudendi jus, quorum valor in illorum utrumque districtu territorioque æstimetur ex æquo. Ex adverso nec illud infrequenter obvenit, ut Principes etiam fœderati, civitates item liberæ, alter adversus alterum istiusmodi subinde ferant monetarias leges, quibus liberum suis subditis haud relinquunt, extra terminos ditionis, hos illosve numos aut accipere, aut acceptos expendere; præsertim si commisturæ commensurationisve minus probæ (*alloy* Gallis vocatur) esse perhibeantur. Vtrumque pro imperij jure fieri nemo neget, ac neque ut spero adseverabit quispiam eum, qui neque propter se parem neque supra se agnoscat superiorem, siquidem beneficio illi datur ab altero, item summi Imperij jura qui exerceat, ut istiusmodi monetam cudat, eo statim nomine subditum alterius devenire, aut eum quoque, cujus numis nota reprobæ commistionis inusta est, ac sic eorum expensitationibus interdictum, summi quod ipsi competat imperij jure privari. Ut ergo ad Venetos unde digressi sumus revertamur, meo quidem judicio maximi ponderis



deris sunt allegata ab Adversario Sanfovini verba, quibus *en*  
*numi moneta concessa est secundum quod eorum provincie duces à priscis*  
*temporibus more consueto habuerunt.* Quippe si civitates ipsæ Im-  
 perio subditæ quando de earum antiqua consuetudine con-  
 stat, etiam non obstante quod jura istiusmodi à Principe  
 fluant ad eumque resfluant, similem cum Principe jurisdic-  
 tionem habere atque exercere non prohibentur, per ea quæ  
 tradit ac pluribus firmat Budelius de monetis & re mone-  
 taria lib. 1. c. 4. nu. 6. & 7. multo magis dicendum est, po-  
 pulos liberos, exterosque, jus monetæ ab hoc illove Prin-  
 cipe accipere, citra ullum Libertatis suæ dispendium, com-  
 pendiumve, utpote quibus nihil, quod non sua virtute at-  
 que efficacia in se habeant, concessum dici potest, nec alteri  
 bono jus acquisitum prodest, quam ut quos in terris sibi sub-  
 ditis intra fines suos libere numos expendunt, pari Liber-  
 tatis jure, alieno in territorio expendant. Ut absolvam non  
 potest aliud ex hac concessione deduci, quam de cæterorum  
 Privilegiorum concessione, de qua verba jam supra fecimus,  
 ostendimusque Libertate salva Privilegiis ornari posse ab hoc  
 illove Principe etiam non subditos. Paucis adjungam quæ  
 porro §. 51. de Berengario adducuntur, eum nempe Olo-  
 niæ cum esset, fœdus inter Italicos ac Venetos renovasse, ac  
 fines eorum inter se terminasse, plane nullum Imperii jus  
 directo præ se ferre, sed potius prorogatam partium utrim-  
 que consensu jurisdictionem sapere. Similem lite inter Ve-  
 netos ac Patavinos ortâ, & ad Narsetem delata, superius tra-  
 ctavi casum, quæque in considerationem venire possent ad-  
 ducique, fusè sum prosecutus, ea repetendi molestiam mi-  
 hi benevolus lector abstulerit, si quæ ad illum locum dicta  
 sunt habere dignetur perinde ac si denuo repetita forent,  
 simulque etiam ad allegatum hoc §. ab Anonymo Berengarii  
 fines inter Italicos Venetosque terminantis exemplum, ap-  
 plicare non gravetur.

Rex

## S. 50.

*Rex Hugo Vrsō Venetorum Duci vetera Libertatis beneficia confirmavit. Quid sit confirmare. Salva Libertate quis confirmationem ejus potest postulare. Male confirmationem ejusmodi cum legitimatione Anonymus componit. Italia Occidentis Imperatori Carolo pro ditione habita. Alia hic ratio fuit Venetorum. Nihil ipsis imperatum, quod subjectionem possit inferre. Quæ exemptionis, Libertatisque nonnullarum urbium origo. Earum cum Venetis comparatio instituta.*

**T**Angit directo hic S. Venetorum Libertatem, adducunturque bini ex Sigonio textus: quorum priore Rex Hugo Vrsō Duci Venetorum per legatos vetera Libertatis atque immunitatis beneficia sibi confirmare postulanti annuit. Posteriore explicatur quomodo accipiendum sit, quod Libertatem Imperatores firmasse, aut civitates esse liberas voluisse dicantur, eo nimirum intellectu quo teste eodem Sigonio Imperator Otho, primus ejus nominis, Libertatem Civitatum in eo fere posuit, ut leges, consuetudines, jurisdictionem, magistratus, vectigalia sui ferme juris atque arbitrii haberent, ita tamen ut sacramentum regibus dicerent. His superaddit, si absolute liberi erant Veneti, confirmatione opus haud fuisse; eandem Privilegio probare qui velit, perinde agere ac si legitimationis rescripto vitium natalium regat, ac tandem eo statu res Venetas ait esse impræsentiarum, ut non modo non sint Privilegium aliquod sibi postulaturi, sed & oblatum repudia-

pudiaturi, adeoque etiamnum injuriæ deputaturi, si quippiam simile quid eis offerre præsumeret.

De veritate allegationum non est sollicitè ut inquiramus, ea potissimum consideranda sunt quæ ex allegatis infert. Vidimus confirmationis proprium quidem esse ut declaret, roboret, ratificet, novi vero quippiam ut ipsa introducat fieri haud posse, vidimus similiter, eo acceptam significatu Libertatem, pro ut eam fundamenti loco monuimus accipendam, Privilegio dari haud posse, cui consequens sit neque confirmari eam posse, idque propter, ea cuncta quæ de Libertatis confirmatione allegantur, non de ipsa Libertate, sed de Libertatis exercitio intelligi debere.

Ad hunc §. ingenue fateor, causam me non videre cur citra libertatis præjudicium is, qui in illius quasi possessione est ( ut fuisse illis temporibus Venetos sat arguunt verba ista Sigonij *Vetera libertatis atque immunitatis beneficia* ) cur inquam non possit liberum sibi libertatis exercitium ab alio deponere. Illud in jure certum, quemlibet possessionem rectè petere ut sua sibi tenuta ( frequens apud DD. hujus verbi est usus ) firmetur, DD. comm. ad l. 1. *Cod. de Carb. Edict.* quæ confirmationis à possidente facta postulatio, tantum abest ut habenda sit pro superflua, ut quinimo ex aduerso DD. loco citato, utilissimam esse dicant. Hoc enim pacto pravas aliorum spes coerceri, machinationes sublestras præveniri, turbationes tolli, plenæque possidentem securitate donari; utpote cui factum tectumque asservetur, manuque ut ajunt teneatur possidendi jus, uno omnes ore pronunciant. Nemo hic mihi ullam diversitatis rationem assignet. Dico porro manifeste errare adversarium qui probanda libertate confirmationis privilegijve allegationem legitimationum rescriptis æquat. Tollit quippe vitium natalium impetrata legitimitas: at vero nullæ ad tollendam aut constituendam liberta-

bertatem vires privilegijs insunt. Legitimationis rescriptum novum quid ponit, hominem nempe factum ex illegitimo legitimum. Confirmatio ex adverso, id duntaxat, quod jam per se subsistit, fortius reddit. Sine legitimatione sublatum esse haud queat ex naturalibus vitium: Deficiente privilegio, ejusve confirmatione naturalis quæ velis faciendi facultas à suo subjecto haud divelleretur. Plura etiamnum dissimilia sese offerant, verum in re clara prolixus haud ero, dicamque porro nullius esse valoris illationem adversarij, qua Venetos ait injuriæ potius quam beneficij loco habituros, si quis ipsis Privilegio ejusve confirmatione libertatem deferre præsumat; est enim illud omnino extrinsecum & ab accidenti proveniens. Sunt sua nascentibus imperijs incunabula, est in progressu adolescentiæ vigor, est exinde temporis decursu statum ac virile robur, nihil ubi cæpit consistit. Iniquus sit qui res hominum moribus actionibusque ad temperandas velit, ac non homines potius rebus temporibusque servire. Notum illud hæc ætas aliam vitam, alios mores requirit, nec non & alterum, pro ut res se dant magni atque humiles sumus. Sapientum est non uno semper ire gradu, via tamen una, quæ regia est virtutis, publicique boni.

Vt ergo & hæc missa faciamus, utpote quæ facti sunt (de facto autem respondere non est jurisconsulti) ac facti insuper conjecturalis, ejusque generis quod citra substantiæ aut veritatis immutationem, aliter quoque se habere possit; ajo, inique agere adversarium, qui Libertatem civitatis Venetæ iisdem cancellis, autoritate textus illius quem è Sigonio citat, circumscribendam velit, quibus cæterarum Italiæ urbium fuerit inclusa. Certum est Italiam Occidentis Imperatori Carolo habitam pro ditione, quæ in proprio ipsius patrimonio foret, qui eam Barbaris Longobardisque ereptam sibi servaverit, utque talem, instituta regnorum suorum inter

filios suos divisione, testamenti tabulis ad unum ex iis devolvi, voluisse. Venetorum à cæteris Italiæ urbibus diversam hac in re fuisse conditionem ostendimus, utpote quæ nunquam armis in potestatem redacta, sui juris usquedum remanserit, ac sic quoque nulli filiorum in partem hæreditatis assignari potuerit. Vnde etiam apparet non potuisse eam, simili cum cæteris modo à successoribus Caroli magni pro libera censi, frustra si-quidem sit qui alicui redditum dicat, quod ademptum nunquam fuit, datumve quod jam ante habebat omni jure, quodque in dantis manu nec erat, nec esse poterat. Cæterum noster adversarius si ordine eodem cum cæteris Italiæ urbibus habendos statuit, probet velim datam Venetis eodem quo cæteris modo, jure; lege, conditione, Libertatem, ostendatque eccui unquam imperantium in subjectionis notam speciale sacramentum dixerint. Id si præstat, quidvis mihi præstitisse videbitur. Ac quidem cum de libertate, immunitate atque exemptione nonnullarum urbium dicendum sit nobis, earumque cum Veneta libertate comparisonem instituere præsumat Anonimus, sciat candidus lector, primum omnium imperio diviso, Carolum magnum devictis à se provinciis, magistratus præposuisse Episcopos, ac Duceis, eisque adjunxisse comites, idque stipendiis assignatis proventibusque, ad tempus tantum, & ad constituentis arbitrium. Mox à Francis ad Germanos Imperio quoque translato, eos qui Caroli Magni successores exceperint Imperatores, ac Othones comprimis, labascentibus paulatim Imperij rebus, & in senium devexis, regalia quædam ac jura quædam superioritatis, communicare cœpisse, unde factum ut qui antea auspicijs, ductu, ac nomine Imperatorijs jus dixerant, in locis regionibusve sibi demandatis, in ijsdem deinceps locis speciali Sacramento fideque vassallitica Imperatoribus devinciri cœperint :

rint : Hinc ergo illa libertas exemptioque, nec non & Principum quamplurimorum territoriale jus, ex temporali factum perpetuum ; quemadmodum & quæ titulo administrationis habuerant, hæreditaria facta sunt. Hoc cur ita sibi faciendum putarint Imperatores, causæ fuerunt prægnantes : Nimirum præpotentis populi vires semet ipsas conficiunt, ægreque admodum continetur, quod capi non potest ; Videbant itaque illi sese rectius facturos, si administratoribus suis ( quorum potentia, turbatæ nonnunquam Imperii res, impunitatis spes præsentissimum ad delicta incentivum, Imperatoris absentia, occupationes, remissio, ac quævis denique occasio, fidem suspectam reddere poterant ) certas darent assignarentve provincias, urbibus item nonnullas prærogativas largirentur, atque hoc modo sibi devincerent, quam ut omnia retinendo semper de Imperii summa periclitarentur. Accedebat quod tam munificis concessionibus etiam devotiores sibi regni sui status Imperatores reddiderint, eo scilicet modo, quo Patavinus scriptor ait, quod fides habita ipsam obliget fidem. Fieri porro non poterat ut turbatis rebus, aut externis hostibus ingruentibus, majore cura fideque sua defensuri haud essent, quam aliena ; Vnde, neque immerito prudentes rerum æstimatores, totum Imperii robur istis concessionibus specialique fidei Sacramento deferunt. Ac denique ut est Imperantium majestas, Imperii & salus, & tutela, ipsaque Majestas nihil aliud est, quam Venerabilis amplitudo admirationis prætexta velata, factum inde ut non mediocriter augeri cæperit Majestas imperatoria, tanto magis in excelsis posita, quanto dignioribus inque eminentiori gradu constitutis ipsa præesset. Quæ aut singula ad Libertatem Venetam aut universa nemo applicaverit, neque enim aut urbs ipsa quo cæteræ liberæ Imperij civitates Libertatis exercitio fruitur. Ipsa Libertas ab Imperatorio be-



neficio non habet exordium, ut nec ducum autoritas, qui nec Sacramenti fideiue vinculo innexi fuere, nunquam ad tempus aut arbitrium imperantis constituti, nunquam postea hæreditariam transmissere ac nec hodieque transmittunt dignitatem suam. Sunt ergo illationes adversarij ut videmus petiæ à rebus longe separatissimis, unde cum solidi nihil deduci queat, causa non est cur nobis ea longiore confutatione digna videri debeat.

§ 52.

*Male Anonymus secularia Ecclesiasticis confundit. Locus Sigonij de Gradenſi Ecclesia excussus.*

**A** Liquid in speciem pro Imperij jure, quod in Venetos Imperatoribus competere poterat, hic habere sibi videri posset, si quem citat locum, ingenua fide eum ac non mutilum potius allegaret Anonymus, ait ille ex Sigonio Venetorum Legatis ita posulantibus nonnulla, quæ Gradenſem Ecclesiam concernerent fuisse sancita, *Otbo vero (verba sunt Sigonii) potestatem exercendi juris quod Romana haberet Ecclesia dedit, id est ut omnes servos, colonos, advenas ceterosque qui in agris suis versarentur coercere atque judicare possent, multasque ipsis Venetæ Ecclesiæ immunitates dedit.*

Non geminabo hic quæ de Immunitatum concessione, ejusque effectu à me sunt dicta, nec iis aliquid adjungam, satis ni fallor superque demonstratum, istiusmodi immunitatibus largiendis, neque meliorem suam conditionem facere eum, qui illas largiatur, neque deteriore recipientium fieri. Cæterum perverse Anonymus agit, qui secularia Ecclesiasticis confundat, quique ea, quæ totum Venetæ regionis tractum

tractum tangunt, perinde haberi cupit, ac si Venetorum urbem duntaxat concernerent. Quid actum sancitumque sit attendere si lubet Sigonium audiamus. *Aderant Joannes Contarenus & Ioannes Denais Venetorum Legati, eis petentibus decrevit Convenius Gradensem Ecclesiam totius Venetæ Metropolitæ esse, Otho vero, &c.* Videt Lector, verba illa totius Venetiæ ad unam Venetorum urbem restringi non posse, videt in illo Episcoporum Principumque conventu, nihil à legatis actum, quod ad Imperii aut Libertatis jura ullatenus attineret, verum ut Ecclesiis tractus Veneti, aliisque vicinis, inter se dissidentibus, minusque convenientibus æquænam Metropolitana dicenda esset, totius conventus decreto jus Gradenfis Ecclesiæ, utpote quæ Patriarcharum sedes continuo fuerat, confirmaretur; quod & factum, decretumque eam esse totius Venetiæ Metropolitæ. Hoc ipsum porro decretum cum totum occupetur in ordinatione jurisdictionis circa spiritualia, nemo non videt, à disquisitione nostra alienum prorsus esse. De facto Othonis jam non dicam, quæcumque enim ille concessit beneficio deputanda sunt, nullumque superioritatis argumentum in se complectuntur. Voluit ille honori Metropolitane Ecclesiæ id delatum, ut pari cum Romana gauderet jure, in servos, colonos, advenas, cæterosque, qui in finibus suis versarentur.

Consulto prætermitto, quod ait ille, olim in Repub. Ecclesiam fuisse, neque enim nobis de hujus aut illius jure quaestio est, sufficit quæcumque ab Imperatore donata fuerunt, atque concessa, quatenus ea beneficii limites transcendunt, potestatemve conferunt, ulterius cum parendi necessitate nullum obligationis vinculum inducere, quam eorum respectu, quorum ipse Imperator pleno imperandi jure rector erat aut dominus.

I. §3. §4. §5.

*Male Anonymus ex eo, quod Veneti ob Vitalem Candiani Ducis filium interfectum, apud Imperatorem rei fuerint, Iurisdictionem Imperatoris in eos adstruere conatur. Fœderati Imperatoris Veneti. Fœdus quid sit. Fœderum diversitas. Fœderis causa uniuscujusque utilitas. Fœdera aut inter pares, aut inter impares intercedunt. Non se Veneti Imperatori dedidere. Fœdus eorum cum Imperatore non est subjectionis argumentum.*

**N**ihil hisce §§, præter seriem annorum de suo Adversarius adducit, expresseque duntaxat, quotus ejus nominis Imperator fuerit, subcujus imperio quæ recenset obtigerint, nuda Sigonij verba profert: sunt autem hæc.

*Anno 976. Vitalis Patriarcha ad Othonem (secundum denotat) profectus Venetos de cade patris sui perpetrata accusavit, & Valdrada ipsius Ducis uxor, quæ Sigeberti Marchionis filia erat, eadem ad Adelaidem Augustam Placentiam progressa exposulavit. Dux nuntio Placentiam misso, mulierem placavit.*

*Anno 978. Vitalis Patriarcha qui Verone exul agebat, domum repetijt, ac jussu ducis in Germaniam profectus, Othonem Venetis propter necem patris offensum reconciliavit.*

*Anno 980. Otto Imperator cum fœdus Venetum rescindere vellet, tamen à Legatis Ducem rogatus, abstinuit.*

E quibus Sigonij locis argumentum quidem nullum format, est tamen illius in aperto mens, intentioque minime obscura, nimirum cum ex illis appareat reos apud Imperatorem Venetos, à Vitale Candiani Ducis filio, quem conjura-

juratione facta interfecerant, fuisse peractos, pro more suo Iurisdictionem Imperatoris imperiumque in illos adstruere nititur. Sed male, quandomet ipse ex allegato Sigonij textu fateri compellitur, foedere Imperatori junctos fuisse. Respondet enim pro Venetis ipsum foederis nomen, quod à fide derivari nemo ambigat, fides vero in foederibus ut in omni vita, si Ciceronem audimus, dictorum factorumque constantia est, & veritas, cui sane fidei, constantiæ, veritatisque quid cum subjectione commune sit, quidve subjectioni magis quam libertati conveniens, non video. Quinimo, si verum amamus, ipsamque foederis intuemur naturam, non potest ei quippiam esse commune cum subjectione. Passim notavimus, nihil esse quod summo imperio par reperiatur, nedum prius: Ipsum autem foedus, Grotio definiente, multorum summo imperio utentium pactio est, aut ut latius IC<sup>us</sup>. Vestfalus, Pactum est publicum inter Reges, Principes aut civitates libeas de mutuis auxilijs, aut alia quapiam re sibi præstanda, solemniter conventum. Publica vero scimus, alia haud dici in hac materia, quam quæ supremi Magistratus jure fiunt. Secundum eundem proprie dictum foedus est, quo diversi Principes sese mutuo solemniter obligant, ad amicitiam colendam, fidem præstandam, auxilia mutua habenda, & hostes communes habendos. Non diffiteor aliam atque aliam pro rerum occasionumque diversitate foedera ineundi rationem observari solere, ipsamque etiam deditionem nonnunquam ad foederis naturam apud Romanos spectasse. Non me fugiunt quæ de foederum inæqualitate subinde apud authores occurrunt, sed & hoc certum, atque inconcussum est, æqualitatem esse à natura, ac non probata inæqualitate sententiam ferre nos debere, pro eo quod est æquale. Hic nobis facti quæstio si sit, si prætermisiss omnibus in una Venetorum Republica

ejusque libertate pedem defigimus, libere dico, à nemine mortalium probatum iri, si quæ cum Imperatoribus sanxit foedera, eo inæqualitatis illa gradu fuisse, ut ex illis ullam omnino libertatis, id est summi in se suosque imperij, diminutionem colligere detur aut inferre. Imo, si facti quod est, juri lubet conjungere, ac quatenus ex facto jus oritur, quaque tenus quæ moribus utentium recepta, peræque observantur, non postremas juris parteis sibi vindicant, materiam foederum penitus introspicere fert animus, pari qua semper fiducia dicam, non alia occasione quædam miserebilia atque inæqualia foedera dici cœpisse, quam, quod ex æquo, primis mortalium, sese illorum cum necessitate commendarit utilitas. Allatæ modo definitioni inhæreamus, nemo cui læva mens non est, auxilia petat sibi nocitura, nemo in hostem moveat si non & suatim interesse putaverit, tutius ei sociatis occurri viribus, quam à solo timeri semper, expectarique; ut nihil dicam de contrahenda conservandaque amicitia, quam non ij modo quibus anima pro sale data est, verum & maximique, utilitate meriuntur. Foederum vero, pactionum, sponsonum conventionumque quarumlibet si naturam attendimus, non aliud potentius ad ea incunda contrahendaque est incentivum, quam sua cuique utilitas. Ipsa vero utilitas hic (ne quis ulterius proroget velim) *justi prope mater & æqui*. Ast vero quid utilitati cum summo imperio? Vtrumque in se si spectamus? quidve causæ subsit, cur non aliam sancienti foederis causam imaginari nobis velimus, quam quæ Libertati sit damnosa atque exitialis? Quæcumque unquam firmata fuere foedera aut inter pareis aut inter impares firmata sunt.

Pares habentur dictante Curtio qui non fecerunt inter se periculum virium, quive facto virium periculo, pacis interesse sapienter existimant foelicem statum non concutere.

terè, ac proinde tuta malunt ac præsentia quam vetera & periculosa. Dispare, qui sive bello victi, sive pro temporum conditione fracti viribus, interioresque, facta in perpetuam deditione, victori cedunt, aut quam in præsens tueri Libertatem haud potuere, conditionibus etiamnum iniquissimis in futurum sibi asserunt. Prioris generis sint rebus integris Schytæ, quorum hæc apud Alexandrum vox. *Firma est inter pares amicitia & videntur pares qui non fecerunt inter se periculum virium.* Item *Utique tuo Imperio finitimos hostes an amicos velis esse considera.* Exules item Trojani de quibus Poëta,

*Non mihi jam Teucris Italos parere jubebo,  
Nec mihi regna peto, paribus modo legibus ambas  
Invictas genteis aeterna in fœdera mittam.*

Nempe quadret in illos Plinianum illud. *Inductas quidem nisi æquis conditionibus non inibant, legesque ut acciperent dabant.* Rebus nutantibus dubiisque istiusmodi nobis Syllam Paterculus describens, dicit tentavisse eum justis legibus ac æquis conditionibus pacem componere, sed in quibus & pessima & immodica cupiditas erat, pacem placere haud potuisse. Rebus etiam propalam adversis æquat se Alexandro Darius, magno jam tum victus prælio, de quo sic Curtius: *Postulabat autem magis quam petebat ut accepta pecunia quantamcumque Macedonia caperet matrem sibi ac conjugem liberosque restitueret.* De regno quo si vellet Marte contenderet, si saniora consilia tandem pati posset, contentus patrio, excederet alieni Imperii finibus, socius amicusque esset, in ea fidem & dare paratum & accipere. Talem similiter apud Plutarchum sese fert Eumenes, apud Lucanum Pompejus, ac cuncti passim anguium in morem, capite obtrito, cauda ad extremum minitabundi. Alterius classis sint illi mitius sicubi agitur, qui honoris dignitatisque



prærogativam superiori non modo concedunt, quod est majestatem alterius comiter habentium; salvaque libertate fieri posse notavimus; verum quoque omnem de bello ac pace cognitionem, ut de Latinis Romanorum socijs memoriæ proditum, omnemque victoriarum fructum, victori relinquunt: Item qui durius atque inclementius habentur, aut agri parte mulctantur, aut obsides dare, naves reddere, inurorum partem deruere aut similia quæ sunt præstare jubentur. Ea enim ut ut ad tempus dura sunt, & affinia servituti, illud tamen haud effecerint ut ne istiusmodi Legibus adstricti liberi sint ac legibus suis, juribus, judicijs, vectigalibusque consuetis, utantur fruantur. Ubi vero ad extrema devenitur, nec ullus æqualitati locus relinquitur, non alia rerum facies est, quam apud Appianum in Alexandrina deditione. *Omnis multitudo Oppidanorum armis projectis, munitionibusque suis relictis, veste ea sumpta, qua supplices dominantes deprecari consueverant, sacrisque omnibus prolati, quorum Religione placuit offensos iratosque Regum animos erant soliti, advenienti Cæsari occurrerunt, seque ei dederunt.* In hac tanta foederum foederatorumque disparitate, ad libertatem, quatenus foedere dari, conservari, adimive perest, ut revertar, quantum reor nemo tam abjectus est, expertusque cordati spiritus, ut quotiescumque revolvit horrendum deditionis carmen, *Deditisne vos populumque, urbem, agros, aquam, terminos, delubra, utensilia, divina, humanaque omnia, in meam populique Rom. dittonem,* ut est apud Livium. non & ipse totus exhorreat. Hanc tamen ipsam conditionem utilitas, si ve vera si ve præsumta (omnes enim cum Philosopho bonum appetimus) subinde expetendam fecit subeundamque: ast quibus? illisne vero quibus hoc menti staret immotum,

*Posse mori fors prima viris, fors ultima cogi!*

Minime vero. Nempe Campani fuere, quos cum multotiens

à Sa-

à Samnitibus Romanorum socijs essent victi, auxiliaque Romanorum incassum implorassent multotiens, in hæc verba tandem erupisse idem testatur author. *Quandoquidem nostra tueri adversus vim atque injuriam non vultis, vestra certe defenditis, itaque populum Campanum, urbemque Capuam, agros, delubra, Deum, divina humanaque omnia in vestram Patres conscripti Populi que Romani deditionem dedimus, quidquid deinde passuri dedititij vestri passuri.* Absit, absit, ut in indomitam masculamque Venetorum virtutem unquam descendere potuisse credamus, ut libertatem suam captiosis foederum legibus, aliquali utilitatis umbra se offerente, sublatam voluerint. Ac de Venetis ut taceam, hoc rerum humanarum fluxu refluxuque, cum quod apud Poëtam est

— *sua cuique Deus sit dira libido,*

cumque & quod de prælijs usurpatum, de foederibus dicere liceat

— *Quemque sue rapiant in fœdera cause,*

non alia de causa factum reor, cur tam curate Scriptores inter ipsa fœdera, æqualia nempe & inæqualia distinxerint. Illud certum quotiescumque fœderis alicubi mentionem injici contingit nec ullum discrimen adjicitur, de æquò fœdere intelligi. Quod ipsum ut insigni exemplo fiat manifestius, non uno apud Polybium loco videré est, pro solemnî formula in æquali fœdere hæc fuisse posita verba *φιλίαν εἰραί*, cum tamen in inæquali, aliud Populo Romano receptum foret. Livio si credimus mos Romanis vetustus fuit, ut cum quo nec fœdere, nec æquis legibus jungerentur, amicitia non prius in eum, tanquam pacatum Imperio uterentur, quam omnia divina humanaque dedidissent, obsides

accepti, arma adempta, præsidia urbibus imposita forent. Atque ut aliquando tandem è diverticulo in viam revertar, firmiter statuo, cum non appareat unquam ab Imperatoribus bello petitos Venetos, nedum superatos, cumque appareat ex adverso eos nullo impellente, suaque sponte, multis officiis Imperatoribus juvasse, ac tandem quoque Imperatoribus fuisse foederatos, citra injuriam fieri non posse, ut quis istiusmodi Venetorum cum Imperatoribus foedus in subjectionis argumentum distorqueat, præsertim cum docere nequeat, actum id disertim foedus ineuntibus, ut summi imperij jus uni ademptum, conferretur in alterum. Non est ut foedus per se Iurisdictionem tribuat. Quumque foedus quædam sit pactio, qui suam ex tali pacto juris dicundi facultatem deducit, næ & ille fateatur necesse est, illam sibi ante ea tempora jure suo neutiquam competiisse. Estque ex jam dictis ni fallor parata responsio ad ea, quæ Anonymus allegatis à se locis probari posse existimat, utpote quæ talia sunt, quæ sublato jurisdictionis fundamento, per se corruant. Neque enim id Venetorum libertatem convellit, quod apud Imperatorem reos illos peregrisse dicatur Vitalis antistes, eundemque exinde ad ducale fastigium subvectus quod idem placaverit Vitalis, quæque plura de Valdradæ, quæ Ducis uxor fuisse perhibetur, apud Augustam expostulatione mihi narrantur. Exilio nimirum id temporis patriam ipse mutaverat, extorris dum agit, dum læsum, dcler, (neque enim suæ cuiquam injuriæ parvæ videntur) novum haud fuit, siquidem apud extraneos præsidium querendum putaverit cum sibi domi sciret nihil superesse. Illud vero inauditum foret, eos qui liberi sint, qui *αὐτῶνομοι*, qui *αὐτῶδικοι* qui *αὐτῶπιλῆς* sola exulis querelâ, delatâ ad eum, qui in illos nullum imperandi jus habebat, ejus conditionis factos, quem vel in belluis, vel in inanimatis rebus naturæ primæva

primæva abhorreat intentio. Dicat fortasse quispiam si Veneti ad Imperium haud attinebant, Imperatori si subditi non erant, cur tam sollicite placandum illum curant? Dicam, fœderati erant, ac sic amici, sciebant ignem gladio fodiendum haud esse, neque cum prono eos affectu prosequeretur, cur minus æquum sibi vellent, alienumve à sua Repub. Imperatoris animum, causa suberat. Præclare Crispus, *non exercitus neque thesauri præsidia regni sunt, verum amici, quos neque armis cogere neque auro parare queas, officio & fide parantur.* Ut ut est, inde si qua subjectionis oboriri suspicio queat, eadem ratione suspicari liceat fœminæ Venetorum ducem fuisse obnoxium: ut enim habet citatus ab Anonymo textus, Dux nuntio Placentiam misso mulierem placavit, id vero tam ridiculum fuerit ut vel ipsi Crasso, qui ἀγέλας & suis dictus fuit cachinum extorqueat.

## §. 56.

*Fragmentum diplomatis ab Imperatore Othone Venetis indulti. Quousque verba ejus extendi debeant. Nihil demit Venetæ Libertati. Pontificem Veneti in temporalibus Dominum non agnoscunt. Fodrum quid sit.*

**R**Ecenset hoc § author Scrutiniij fragmentum ex diplomate quodam Othonis, qui ejus nominis tertius fuit, atque concessum ab Imperatore inter cætera, quæ Venetos tangant, Gradenſi Ecclesiæ fuisse, ut nullus Princeps aliquem Venetorum coercere aut fodrum exigere, aut banno mulctare posset, Lauretum, quousque salia pertineret, in eorum potestate maneret.

Non repetam, quæ superioribus pertexui de Privilegio-  
rum



rum concessionibus, neque enim reor inventum iri quempiam, si modo illa legere dignatus sit, qui credat omnino aliquod quo quidem subjectionem probari contingat argumentum, inde recte desumi, nedum valide, aut necessario. Supervacuâ jam ante dictorum commemoratione frustra Lectorem morer, eadem ipsa pro repetitis habere contentus, paucis ad allatum è præfato diplomate textum, illud dicam, perperam ab adversario truncatum mutilumque locum obtrudi. Ita Sigonius. *Legitur diploma Adeleide Augusta avla rogatu concessum XIV kal. Augusti indictione V. anno DCCCCXCII Othonis regnantis anno datum, Ne in riparum legibus & transitibus aliquid novi statueretur: ut servi capti redirentur, ut bona Ecclesia Gradenfis atque aliarum itemque monasteriorum posita in regno atque illis in urbibus, castris, montibus, campis, nemoribus, aquis, aquarum ductibus, molendinis, piscationibus, & Venationibus à Venetis ante triginta annos possessa quiete tenerent, & amissa recuperarent, ut nullus Princeps aliquem Venetorum coercere, aut fodrum exigere, aut banno mulctare posset, Lauretum quousque salsa permaneret in eorum potestate esset.* Hactenus ille hist. de regno Ital. lib. 7. statim à principio. Quis vero non videt, siue Imperatoris ista sanctio fuerit, siue dispositio, siue privilegium, aut quidvis denique, ultra regni fineis, ea quæ inibi recensentur sese haud exporrigere, quin potius iis attineri circumscripta? Verba ista diplomatæ posita in regno quæ dicimus ita firmant, ut nec dubitationi aut ulli in contrarium argumento aut locus supersit, aut occasio. Totum ergo illud cum intra limitantium verborum coerceatur effectum, causa non est cur longius extendi oportere quispiam putet; Atque hinc dubium haud esse potest, quin ea, quæ adversarius adfert, nempe interdictam Principibus Venetorum coercionem, exactionem fodri, mulctationemque banni, ejus sint effectus, ut negativis actibus accenseri debeant, quatenus nimirum potestatem istam prin-

principibus Imperator demit, Venetorum intuitu, qui ante concessum ab Imperatore diploma, pro delictis extra ditio- nem suam, ac sic in regno commissis perpetratisque, idque vi illius Iurisdictionis, quæ Principibus competere, sorti subijci poterant; quatenus & posset ab ipsis pro re natâ fo- drum exigi, aut forte quoque consueverat. Clarius etiam fit ex jam dictis, nihil in Venetos extra regni terminos con- ferri, ita ut eo nomine, quod proprie Libertatem Veneto- rum concernat, nihil adduci queat; Potuit sibi leges Impe- rator dicere, potuit principibus ejus imperio subditis, potuit etiam istiusmodi legum cavis fuisse, ut liberum ei haud es- set ab illis, ex quo quæsitum jus earum beneficio Venetis fuit, in præjudicium Venetorum recedere, eam vero quam nulli, nisi jam Deo debent, aut dare, aut adimere Liber- tatem minime potuit. Equidem si è negativis istiusmodi actibus subjectio infertur, largiar Anonymo, non Impera- tori modo sed & Pontifici (de temporalibus loquor) subdi- tos fuisse Venetos. Si quid enim Sabellico credimus Cle- mens V. qui Venetos ob occupatam Ferrariam anathemate percusserat, reconciliatus iisdem opera Francisci Danduli Legati, interdicto sublato mandasse etiam dicitur, ne hoc aliove nomine, Veneti postea à Romanis Pontificibus tam lethifero spiculo peterentur, & id quoque scripto constare voluit. Sabel. l. 1. Decad. 2.

Ast vero, novit mecum totus terrarum orbis, testanturque imo & clamant, innumera scriptorum monumenta, quam non agnoverit unquam in temporalibus ac nec etiam- num agnoscat ullum supra sese Pontificis Imperium Vene- torum Respub. Verbo dicam, actus istiusmodi si deficiant- tur Iuris dicundi potestate, evanidi sunt ac nulli; sin ea mu- niti sint auctores suos tenent. Coerceri bannove mulctari possunt subditi, sed non soli. id ipsum quam in fæderatos



cadat non uno loco ostensum est autoritate IC<sup>ti</sup>. Proculi. Fodri exactio, utique coercitione ac banno minor, neque enim aliud fodrum quam equestre pabulum (nobis *vocder*) Apud Ligurnium commentatorem,

*Id quoque quod fodrum vulgari nomine dicunt;*

videas accipi, pro rebus ad victum Imperatorii exercitus necessariis. Non negabo, iis qui ad C. I. *quæ sint regalia* commentati sunt & inter cæteros Hotomanno, Carondæ, Cujacioque pro extraordinaria ad expeditionem Imperatoris collatione fodrum capi, verum siquidem ipsius verbi naturam atque energiean attendimus minus recte.

§. §7.

*Nihil adversus Venetos agit Anonymus, dum eos portus, mercatusque Privilegium Imperatori acceptum ferre tradit. Venetis, ob præclara eorum merita, concessum, ut in omnibus Hierosolymitani regni, Antiochenique Principatus urbibus privum forum, aliaque eo spectantia haberent. Privilegii Othonani mens non alia, quam ut in terris Imperii commercia sua libere quaqua versus exerceant.*

**P**ortus ait mercatique privilegium, Sabellico qui id ipsum vel geminato repetit authore, Enn. 9. l. 1. decad. 1. Lib. 4. Venetos eidem Imperatori (Othoni nimirum 1111.) acceptum ferre.

Idem, ut videmus, quod præcedenti §, agit adversarius, nec aliud ex eo cujus hic meminit, exemplo inferri potest, quam

quam quod ex altero illo probare tentatum est ipsi. Ego similiter nihil regeram nisi, respondisse me jam ante ad illius formæ allegata, & demonstrasse nihil ea concludere, atque exemplis insuper rationes quas suo loco adduxi firmasse. Quam mox absurdi notam frivolis adversarij illationibus imposui, allato ad id exemplo Clementis quinti, eandem nunc quoque quandoquidem ipse exemplum & cum exemplo argumentum geminat iterare lubet. Non dissimile est quod apud eundem Sabellicum Blondumque, quem prius nominasse oportuerat, non inodo ut scriptorem tempore priorem, sed & ut oculatum testem eorum, quæ adducam, ac Æmylium, reperitur nempe cum Veneti Hierosolymitana expeditione præclaram Reipub. Christianæ operam navassent, & jam Tyrus obsidenda esset, quamvis Balduino Hierosolymorum rege à Turcis capto, sub primam obsidionem in has à Warmundo Hierosolymitano antistite cum Venetis condiciones fuisse ventum, ut quæcumque à Balduino rege in Syria fuerant Venetis priore bello concessa, eis rata manerent. Pacta hic quispiam mihi nominat aut conventa? Blondus *privilegium* vocat, aitque vidisse se in privilegij formula notatum fuisse, ut in omnibus Hierosolymitani regni Antiochenique Principatus urbibus, privam aream, privum vicum, privumque forum Veneti haberent, neque quidem ea tantum, sed & alia quædam non pauca ad usum vitæ necessaria: negotia adhæc, quæ Veneti in Africa facerent, ab omnibus essent vesticigalibus immunia. Si quis Venetus naufragium fecisset, aut intestatus diem in iis locis obiisset, illius bona Veneti magistratus erant, cui quotannis regius quæstor ex Hierosolymitano nummos aureos trecentos numeraret; subjungit Balduinum postliminio reversum rata omnino esse voluisse; additque Æmyl. lib. 5. additum his in tertia parte Tyri & Ascalonis ubi primum eo-

rum ope recepta esset potirentur eo jure, quo qui optimo. Nulli dubium est, nunquam ( unam belli societatem & ex ea exsurgentem auctoritatem demo ) Balduinum Venetos sibi haud habuisse subditos: Dominum utique non magis, quam nullus ambigit eundem Balduinum, qui armis suum fecerat Hierosolomitane regnum æque bono, si non potiore jure, Privilegia largiri potuisse, quam ea in Imperii terris Imperator concedat. Atqui tamen ampla, magnifica, augusta ab eo Privilegia ut retulerint videmus. Ineptus vero sit insulsusque, non alia de causa Venetos Libertate sua privatos qui velit, eique cui modo in bellica societate partes obveniant primæ, nec præter illud eminentis in ipsos Domini jus aliquod habebat, obnoxios. Privilegia vero si quis fuisse neget, velim probet ille mihi eosdem authores, quos pro se Anonymus adfert, alio sensu usos Privilegii verbo. Fœderi porro quæ recensuimus Privilegia non deberi, si quis urgeat, equidem cum ex proxime præcedentibus fœderatos inter se Imperatorem Venetosque videamus; hic si negare ei lubet, idem nobis debere credi in casu non dissimili, privilegiaque non aliunde quam à pleno, atque Imperij jure arcessenda statuat, non jam præsumptione modo contra se, sed & insuper onere probandi gravabitur. Quæ ex Æmilio adducuntur, privilegiis nemo quidem accenscat, utpote quæ revera haberi debcant pro lege, quæ societati dicta sit. Verum quoque, ruentibus Imperii rebus tantisque Barbarorum illuvionibus obnoxia Italia, non omnino dissimilem fuisse Venetorum eorumque belli ducum, quos adversum Barbaros Imp. ablegabant inter se conditionem, ab illa, quæ tum temporis inter Balduinum ac Venetos extitisse potuit, ex iis quæ ad priores hujus capituli Paragraphos à me adducta sunt, desumi potest. Procopius saltim, quotienscumque eorum, quæ inter Narsetem, Ioannem, Belisarium,

rium, ab una, Venetosque ab altera parte pacta fuere recordatur foederum, non alio quam *Συμμαχίας* utitur vocabulo: sed non est opus collatione scrupulosa, longeve petita lectorem moremur, in re clara ac satis superque ut arbitror à nobis suo loco discussa. Unum duntaxat omittendum non est, ad hoc ipsum quod adversarius pro se adducit Othonis Privilegium; non aliter illud accipi intelligi posse, rei veritate inspecta, quam ut effectum sortiatur, non quidem in urbe ipsa Veneta (neque enim inter eam mercandi jus Imperatorio beneficio ut impetrarent opus omnino, ut nec licentia indigebant ut in portus sese suos ac sic in domos suas stationesque reciperent) sed extra eam; nimirum in terris Imperii, ac sic quidem ut Imperator ipsis indulserit Venetis, portus suæ ditionis subire libere, absque onere aut impedimento, atque similiter commercia sua quaquaversum exercere, tali mercati (ita Sabellicus vocat) aut mercandi jure, quod cæteroquin forensi citra specialis indulti beneficium minime competere poterat. Ergo ut quod res est proferam, quoad illa beneficia subditis suis, Venetos, quoties aut portus subire, aut Vibeis Imperij mercandi gratia frequentare volebant, æquavit Imperator, si non prætulit, novi vero juris nihil adjecit.

## § 58. § 9.

*Male Anonymus, ex eo quod Veneti Othonis Privilegio ab onere Pallij Aurei quotannis Imperatori offerendi liberati sunt, eorum Libertatem infringere conatus est. Pallium hoc in obsequij testimonium oblatum nemo tradit. Origo ejus rei in dubium vocatur.*



*ficientia Venetorum, non subjectionis argumentum. Munera aliquando aliis offeri solent ne injuria aliqua aut vis inferatur. Ex fœdere oblatum Imperatori à Venetis Pallium. Conventio longe distat à jurisdictione. Doglio ab Anonymi calumnia defenditur.*

Venetos ait insigni ab Othone donatos immunitate, quippe qui illos aureum quotannis pallium Imperatori dependere solitos, eo liberarit onere. Fateri id ipsum Sabellicum, cujus hæc verba: *Aureum pannum, qui ex publico fœdere Cæsaribus annuus debebatur, in perpetuum Veneto nomini remisit.* Aitque Marefcotto suspectam hic esse fidem Sabellici, eique vero videri similis, Venetos occasione senescentis Imperij paulatimque fatiscentis captata, cum viderent, quam impune per Italiam Imperatorum contemneretur majestas, ab annua istiusmodi præstatione cessasse: sed tamen noster ubi nullo commentario suffultus, suum nobis obtrusit commentum, nimirum credere sese ejus præstationis originem ad Carolina tempora referri debere, Doglionem rider, cujus hæc sit opinio, gestamen togæ auræ solis in venerationis insigne Cæsaribus usitatum fuisse, illud ipsum postmodum à Cæsare Venetorum Duci fuisse communicatum, ac per consequens imperatorio beneficio concessum, simili sese vestimento ut induere liceret.

Vis argumenti in eo sita est, quod cum privatio habitum præsupponat, negari nequeat, quin immunitate atque exemptione ab onere præstandi posita, ipsum quoque onus præstandi positum sit, sunt enim relata inter se dominus & subditus, unoque relatorum posito, ponitur & alterum juxta vulgatum logicorum axiomæ. Cum vero subditorum sit istiusmodi præstare ac dependere in argumentum conditionis

tionis suæ, neque aliunde liberari possint, quam ab eo, penes quem eximendi jus est, cum scilicet, qui summo imperandi jure præditus est, aperte confiteri, Dominum Venetorum Cæsarem fuisse, qui eos liberaverit; subditos Cæsaris ex adverso fuisse Venetos, qui illius beneficio immunitatem (quam per legitimos tramites aliàs habere non poterant) sint consequuti.

Mihi hoc loco de rei gestæ veritate multis inquirere propositum non est, neque id ulli bono foret, cum jam nunc haud dubie moti auctoritate Sabellici qui eum secuti sunt Scriptores, id ipsum pro vero memoriæ mandarint, quamquam neque ego quoque velim quispiam existimet, perinde ac si à rationibus destitutus essem, in negativa me acquiescere velle. Illud in antecessum dixisse fraudi ne sit, tanta in scribentium turba, neminem repertum qui pallium illud aureum depensum fuisse commemoret in observantiæ alicujus, venerationis, obsequijque, (horret enim ad servitij vel solum nomen calamus) argumentum. Plane si quis id scripsisset, non fugisset utique oculos adversarij, quos ubi in Venetos quid dici potest adferrive, ipsum superare Lynceum, ac nisi ad unum veritatis lumen cæcutire videas. Et quandoquidem ipse ad Carolina tempora referendam putat originem annuæ illius, de qua nunc sermo nobis est, præstationis, mirabitur mecum benignus Lector, præteriri hæc premique ab ijs, qui res à Carolo gestas scribere, scripsere autem non scimus, & ex superioribus vidimus non pauci, ipsi Carolo coætanei, domestici etiam illius, ministrique, imo & affines ut in Eginarto, cui filiam suam Carolus in matrimonio collocarat, notatum nobis. Quis hic non dicat quod non narratur cum maxime narrari attineat, id nec factum esse censerì debere? Verum ut dixi non committam ut argumento ab auctoritate inniti credar, nedum ut illius.



illius præsidio facti negativam coner adstruere. Ab hac parte quemadmodum rem ita sese habere dari queat, sic ab altera quoque Scriptores illam silentio citra præjudicium verî potuere transmittere. Quamquam credo haud facile repertum iri quempiam ( ut ut ego hic quam minimum mihi licere aut largiri velim ) cui tam altum tamque constans omnium omnino silentium verosimile fiat. Aut enim rem ipsam procul omni affectu recte quo ponderemus, quotannis tale pallium dependere qui debuerint soli fuere Veneti, aut una cum Venetis eodem nexu tota Italia attinebatur impetrata: ut solos dicamus nulla ratio est, neque enim causa assignari queat, quæ eos ut tale quid, præcipue in ullam subjectionis, quod adversarius velit, notam, factum vellent impelleret. Nimirum jam nunc foedere inter utrumque Augustum liberati Venetæ abunde prospectum erat. Vt cum cæteris Italiæ populis ac sic junctim præstitisse dicamus, minus etiamnum causæ subsit, nèque enim eadem Venetorum id temporis erat ratio, quæ cæterorum, ac neque eadem, quæ reliquis conditio aut par necessitas. Suum sibi Patrimonium Cæsar totam fecerit Italiam, belli jure an deditione quære non attinet, dum non & Venetos, quos liberos esse nos tuemur. Dicam cum Philosopho maximam hanc esse inæqualitatem, æqualia si quis inæqualibus velit attributa. Coactione, ac sic quoque parendi necessitate remota, ipsa nos æquitas ac naturæ ratio ad æqualitatem manu ducit. Atque ut revera subditi qui sunt, ijs quæ ut subditi dependunt dominis suis munerum nomen perperam accommodent ( hoc enim est, quod Salvianus Massiliensium Episcopus ait lib. 6. *Insuper etiam, inquit, ridiculos facimus, qui aurum quod pendimus munera, vocamus, dicimus donum esse, quod pretium est, & quidem conditionis durissimæ ac miserrimæ* ) ita & iniquus sit, qui liberi populi munificentiam, non secus ac si servitij tessera foret exagitan-

exagitandam sumat, ac debiti nomen traducat. Æqualitatem hic si respicimus, nihil adeo frequens inter amicos Reges, resque pub. liberas, quam ut muneribus datis mutuae testentur amicitiae fidem.

Ac non inter amicos modo, sed & qui amici fieri desiderant, aditum muneribus sibi parant, quive inimicitiam deprecantur, fitque id omne citra Libertatis dispendium. Exemplo sint ea, quæ apud Virgilium Ilioneus Didoni offert, Diomedes Venulus, ac omnium appositissimè missi ab Ænea Oratores ad Latinum regem inter quos etsi jam nunc utrimque esset antestatum nihil aliud agi, quam gentes utraque in æterna fœdera, paribus legibus ut coalescerent, suum tamen muneribus locum Poëta facit, dum sic loquentes introducit,

*Dat tamen interea fortune parva prioris  
Munera, reliquias Troja exardente receptas;*

ac respondentem Latinum,

*Munera nec sperno, non vobis rege Latino  
Divitis uber agri Trojæve opulencia deerit.*

Quæque sequuntur. Hic vero si Anonymus insurgat, dicatque quæ de annua præstatione dicuntur muneribus applicari non posse, etsi in se id verum non sit, Libertate quam vindicamus positâ, atque æqualitate assertâ, quæ tamen & in annuæ præstationis terminis discursus nostri figamus tenorem, fatebor ultro, eos qui potentiores sunt, ab inferioribus sui venerationem muneribus multotiens experiri solitos, atque agnoscere, sæpeque adeo obvenire, ut talia, tanquam sibi si debeantur exigant, atque esse ea Principatus insignia & obsequii argumenta, utpote quæ etsi palam mittantur, tacite

N n

tamen

tamen imperantur ac tributa verius indigetari possunt quam munera. Veruntamen istis non obstantibus & hoc dicendum ex allegato Sabellici loco nihil inferri posse, quod istiusmodi præceptum sapiat, aut ob sequium. Ut ut enim ex illo colligere velimus præstationem fuisse atque annuam quidem, ut ut quotannis debitam dicamus, non tamen ideo dici statim potest haud alio nomine quotannis depensam, quam ut esset insigne Principatus, aut argumentum obsequii, ac ut ut neque diffiteri velim, gravi suspitione laborare quæcumque Imperii jure magis, quam familiaris amicitiae intuitu præstantur, ac pro talibus apud non infimi nominis I. C<sup>os</sup> haberi, ut ex iis servitutis quasi possessio probari posse dicatur, non est tamen ut hic ductis à præsumptione rationibus in re tam ardua locum velimus. Est & hoc non minus apud omnes receptum, quotiens diverso respectu liberum quid esse, aut haberi pro obnoxio potest, pro libero id haberi in dubio, ipso legum, quæ, ut in principio hujus tractatus dixisse memini, Libertatem onerari abhorrent, sic ferente dictamine.

Quod ipsum ut ad istiusmodi præstationes de quibus his §§ Anonymus, aptemus, nemo tam in Historijs est rudis, qui nesciat eas alium in finem multoties depensas, atque ut horum exemplo id constet, videamus traditum de lege Regia discursum Thomæ Lansij. Ille num 51. disertis fatetur verbis, Reges Romanorum Mauritanix, aut alios, qui Turcarum Imperatori alijsve regionum suarum fines infestent ac devastent annuam solvere pecuniam, hoc ipso minime non excidere summam quam in suos habeant potestate. Rationem si quærimus præsto est, sustinent hic Principes aut Respub. boni patris-familias personam quo damnum inevitabile à suis avertant. Quinimo si politicis ad unum omnibus habenda fides, nullus æquè absolute suis ac *παρασλικάς* impc-

imperat quam Turcarum Imperator, cui summi super omnes Imperij insigne conficere ait Bodinus quatuor B 

β	β
β	β

 qui se βασιλεῶν βασιλεία τοῖς βασιλεῦσιν βασιλεῖοντα gloriatur, hic tamen ipse Regi Æthiopum nec non & illis qui Arabiæ montes tenent populis, magnam quotannis pecuniam dependere tenetur. Verum de his postea, ubi directe agendum nobis erit de tributi præstatione, ac quatenus ea libertati detrahat, impræfens illud ad adversarij objectionem pro responso suffecerit, quod ipse ille Sabellici locus ait, præstationem illam quæcumque fuit debitam fuisse ex fœdere publico, unde illud infero, ex quo tempore publici fœderis eos Imperatoribus obstrinxit vinculum, ex illo saltim perperam considerari perinde atque Imperatori subditi si essent. Subditis fœdera sancire ac contrahere li. verant, ut est in *l. denunciamus. C. de huius ad SS. Eccles. confug. l. 1. & 2. Cod. de seditionis. l. ult. & tot. tit. ff. de Colleg. illie. Frid. Imp. de pace tenenda. S. conventicula.* nec immerito. Est enim (ut pluries jam dixi) fœdus summo Imperio utentium pactio publica.

Quæ ab huiusmodi pactioibus recedunt pro conspirationibus habentur conjurationibusque, Cæsaribus usque eo exosæ, ut capitulationibus Imperii conceptis verbis solemniter promittere eos videas, sese omnes illicitas subditorum nobilium ac populi confœderationes atque conspirationes sublaturus ac abolituros. Formo ex prædictis argumentum. Si ex fœdere publico aureum illud pallium persolvendum fuit, utique persolvendum non fuit ex jure summi Imperii, quod penes Imperatorem residebat, eo enim ipso iurisdicção exclusâ fuit quod fœdere sibi deberi voluit. Quo sane opus si fuit, ne quidem imaginariæ iurisdictioni locus sit, neque enim meum quod est amplius meum fieri potest, ac futilem rem meam mihi qui stipuler. Ipsâ quo-

que fœderis natura talis est, ut per se jura Imperii conferre nequeat, nisi id actum sit, inter contrahentes, ut jam ante monui. Monui similiter, quotiens aliquid ex fœdere dicitur fieri, intelligi id de fœdere proprio, nempe quo conventio fit citra Majestatis prerogativam, atque etiam de fœdere æquali. Illud addam quod etsi summa quæque (subjectionem solam excludo) concedere mens nobis esset, maximosque effectus qui præter deditionem, in fœderis substantiam cadunt, isti de quo agimus fœderi attribuere; ulterius tamen id omnino prorogari non posset, quam quidquid ex fœdere depensum fuit, pretium fuisse protectionis, ac sic quoque ipsum fœdus fuisse clientelare, Illud vero, conventionem publicam recte dixeris, qua patrocinij fruendi gratia, principes, populi, resque publ., viribus inferiores, aut alias sibi metuentes, sub certa plerumque pensione annua, in potentioris protectionem transcant, salva majestate, salvoque imperandi jure. Ipsa quoque protectio operæ quædam cum sit species, cumque, à conventionem deducatur, non potest non esse quam separatissima ab jurisdictione, unde & ab una ad aliam nihil recte inferri notatum *Sixtino cons. marpurg. vol. 3. cons. 8. num. 109.* Quin etiam annua quoque illa solutio non ferat, ut inde subjectionis notam deducamus, libera cum sit contractumque sapiat. Neque enim illa alio fine censenda est fieri, quam ut illi, cui ea præstatur, liberum non sit sese contra præstantem adjungere hostibus illius, aut alias quoque ut, ita urgente necessitate, auxilium laboranti submittat. Erit vero mox hæc fusius prosequendi locus opportunior. Ad pallium ut revertamur, ipsa illius præstatio honorario potius accedere mihi semper est visa, quam ulli omnino subjectionis demonstrationi: atque inter ea referri debere, quæ libere fiunt, aut si præstandi aliqualem necessitatem secum ferant, summæ tamen potestati non derogent, præ-



præsertim cum non sit novum, ut citra majestatis imminutionem etiam subditis suis, quotannis ex causa bene gestarum rerum Principes elargiri teneantur. Exemplo sit Hispaniarum rex, qui si quid eorum quide regno Hispaniæ commentati sunt relationibus, deferimus, Arcobrigum duci vestem debet, qua in virginis Deiparæ festo indutus fuit. Sunt ex Pachecorum illustri familia, quibus idem rex, Cyathum è quo trium regum festo, simulque divæ Luciæ pervigilio, merum hausit, ut donet, est obligatus.

Salinarum comites, eodem modo ac jure, regale indumentum quod citato regum festo rex gestavit, sibi vindicant. Perinde & reginæ amictum, quo die natali Divæ virginis, festoque Paschatis conspicienda fuit Palmenfis Bastagonesque comites, uxoribus suis ferunt, majorum suorum virtutis, & spectatæ in reges fidei insigne monumentum. Neque plura desunt ejus generis, si ea memorare foret operæ. Allegata suffecerint, è quibus abunde constare potest, etiam istiusmodi præstationum usum esse promiscuum, neque magis subinde ad subditos, quam ad dominos ipsos spectare; simulque nihil esse quod impediat, quo minus, etiam à non subditis, proveniant. Atque ut ut res cadat, dubium esse non potest, quin ex nullam in sese majestatis læsionem imminutionemve complectantur, videtque, ut spero, benignus lector, quam parum stringat, id quod de præstatione jam sæpius repetita, commemorat Anonymus. Quæ porro Marefcottam statuere refert, nullius auctoritate firmata, ac nec sibi credita, tanti non sunt ut iis confutandis molestus ulli sim. Paucis addam, inique ac minus probe eum agere, qui non alia de causa Doglionem adulationis insimulet, quam, quod de pallio aureo tradita quæ sunt, Imperatorio beneficio, ad eum quem supra dixi modum, deputanda censeat. Versatur hic in conjectura sua Doglio, ad quam partim:



scribentium silentio, partim eorum qui non comperta pro compertis obtrudere satagunt temeritate, partim eorum qui aliena temere credita pro veris posteritati venditant, levitate, recurrere fuit coactus. Nemo conjecturis tantum certitudinis attribuat, quantum Mathematicorum demonstrationibus. Sed nec ego video, quid sit illud quo nomine, tam propudiosæ adulationis reus peragi Doglio meruerit. Neque enim magis est mirum, ut dignitatis suæ insignia, summx potestates inter sese communicent, quam si prærogativas aliquas non subditis concedant. Ac nec longe pendendum exemplum. Testantur antiquæ inscriptiones, ac visuntur hodieque in processuum solemnibus, quæ quantaque fuerint, quibus augustiorem duci Veneto maiestatem circumdare, quamque promeriti erant, animi beneficiorum non immemoris demonstrationem, testari voluerit Alexander tertius.

---

I. 60.

*Henrico quarto Imperatori pannum aureum annuamque pecuniam quomodo & quare Veneti persolverint. Discordia inter Venetos, & Patavinos. Ad concordiam suadet Imperator. Historia illa omnis nihil contra Venetorum Libertatem facit, sed eam probat. Pacta & libri Pactorum apud Venetos. Verba Henrici Imperatoris quibus testatur imperium suum ad Venetos usque non protendi. Gregorius Pontifex Venetorum Rempub. Veram Libertatis suæ dominam appel-*

*appellavit. Veneta civitas libera à Frederico tertio Imperatore nominatur.*

**E**T si videmur nobis satis esse defuncti, iis quæ ad proxime præcedentes §§ attulimus, neque quippiam hic § novi contineat, atque id unum duntaxat narret Henricum quartum denuo à Venetis, quibus complura concesserat Privilegia, pannum aureum certamque pecuniæ summam sibi perfolvi voluisse; quo tamen nobis laboris fideliter suscepti peractique constaret ratio, nec hoc omittendum fuit. Scmel dicta non geminabo, ac dicam modo, quod ait, voluisse Imperatorem denuo pannum aureum sibi dependi, non sic accipienda, tanquam si ea alicujus Historici forent. Nihil minus. Sunt enim ipsiusmet Anonymi, ac proinde tanti facienda, quanti testimonia illorum, qui præjudicio gestarum rerum veritatem gravaturi, quippiam narrant; tantum abest ut actum quem prædicta verba designant ab absoluto plenoque imperandi jure promanasse dici queat. Verba quoque Sabellici quæ citat, nempe *ab Henrico quarto multa & ampla immunitatum privilegia hac ipsa tempestate impetrata dicuntur. Ad hoc ipsum petendum Vitalem Faledrum, Stephanum Manrocenum & Visum Iustinianum Romam missos apud quosdam reperio, qui Pallium Henrico aureum, & annuatim pecuniam, sed eam admodum semel, concessarum rerum monumentum, publico nomine polliciti sunt.* Verba, inquam, Sabellici, quidquid concessum fuit, ex pacto convento originem traxisse clarum faciunt, nimirum ut in redhostimentum concessarum rerum, ac pollicitum nomine publico: Quo quidem promisso, publico nomine intercedente, nihil est ut ad supremæ potestatis jura respiciamus. Agit tamen adversarius pro more suo minus candidè, qui Sabellicum dicit in eo sese torquere, ut extenuet pecuniæ summam, quam sibi Imperator depectus est;

est; supprimitque, eundem Sabellicum, atque eodem illo quem citat loco, de rei veritate in tantum dubitare, ut fateatur ipsemet scriptores dari, qui res ab Henrico gestas scripsere, nominatimque res illorum temporum, *Omni interim pallij, alteriusve tribuit mentione omissa*. Iungamus, quod neque adversarius ignorare potuerit, ea quæcumque publico nomine Cæsari polliciti fuere, Venetorum legati, ejus generis fuisse, ac tali occasione promissa, ut omnino procul habenda sit quævis, hinc Imperij, subjectionis inde, vel levissima suspicio.

Nimirum Patavini bello à Venetis victi ad opes Henrici refugerant, auxilium imploraverant, petierat per Legatos à Venetis Imperator, (quo vero missis legatis opus, si dominus erat? sufficiebat nudum mandatum, simplexque citatio *ut ad se mitterentur, cum quibus* (verba Sabellici sunt) *Patavinam causam cognosceret*. Occasionem dissidij ut transcribam hujus non est loci; *Ceterum Henricus cum Legatis* (Venetorum supple) *qui hoc nomine, Veronam* (pergit textus) *accesit fuerant, (nempe à Cæsare) egit, ut deposita omni altercatione, Veneti Patavinique, amice inter se, rem de qua ageretur cognoscerent. Oportere pradicans, Venetos meminisse se à Patavinis artos, rem indignam sese facere nisi pio quodam studio, illius urbis nomen, unde originem se trahere non ignorarent, prosequerentur, ac ipsos loci incolæ, velut decrepitos parentes filij solent, summa pietate foverent. Contra Patavinos dicens, ipsos non modo non invidere Venetæ gloriæ debere, sed gloriari etiam, quod ad eam diem, hi qui à se procreati essent, tantum gloria terra marique adepti essent. Censere itaque suos fines utrisque constare oportere* (Arbitratorem hic Anonyme agnosce, non judicem non dominum) *nec eo aut alio nomine, amplius cognata arma in se vertere*. Subjungit porro immediate Historicus. *Valuit multum illa Henrici auctoritas* (sic & alibi Tacitus auctoritatem suadendi, à potestate imperandi, in Ger-

Germanorum Ducibus fecernit ) *ad tollendam discordiam, quæ adducti Legati, qui aderant, discordiam sopivere. Actum demum Venetos ajunt quæ diximus ab Henrico obtinuisse. Fuerunt etiam in numero scriptorum, qui ea Venetijs concessa crederent, quo per id tempus ille venisset, omni interim aurei Pallij alteriusque tribus mentione omissa. Huc usque Sabellicus. Causa cur quaquaverfum sibi haud consent scribentes, alia ut reor haud est, quam quod accuratam satis rationem temporum non habuerint. Quæ enim inter Patavinos Venetosque discordia fuit, ea decimum in annum incidit, supra millesimum centesimumque, quo nimirum anno, ut Sigonius refert, Veronam (Henricus) cum processisset, à Patavinis de incommodo à Venetis accepto edoctus, rem inter utrosque composuit, inde nullo alio maleficio illato (erat enim cum e: exercitu triginta millium, quem in duas partes diviserat) Padum trajecit, & castris ad Placentiam factis, solennia munera à Placentinis exegit, totis vero sex annis postmodum demum, eodem Sigonio referente, mense Martio Venetias profectus, honorifice ab illa civitate est habitus, urbis situ adiumque decore, quæ diligenter invisit, mirifice delectatus, votis D. Marco solutis & monasteriis possessionibus regni auctis, discessit. Hæc ipsa Sigonii si cum Sabellico conferimus, planum fiet, ut spero, quæ nos diximus esse quàm verissima. Omnino si subditi Cæsari fuere Veneti, causâ ut assignetur velim cur in eos, qui Patavinos pariter subditos (ita enim dicendum foret) clade insigni affecerant, haud animadverterit præsertim cum esset in promptu exercitus, si solennium munerum debitores erant, cur Venetis omissis, ea à Placentinis exegerit, ac ad postrema ut deveniamus, eccui credibile fiat Imperatorem qui honorifice habitus fuerat, qui Venetorum Reip. Monasteria, terras ac latifundia extra illorum territorium concesserat, quos beneficiis non pænitendis affecerat gravare voluisse, ac non*

potius beneficiis cum beneficiis certare, ut vel eo duntaxat modo, quanto excelsiorem ipse se ferebat dignioremque, tanto quoque munificum magis augustumque ipsi agnoscerent?

Cæterum & nos languidi hic nimium, remissique sumus, qui argumenta à factorum verisimilitudine desumimus, cum verissima quæ sint, ipsa venerandæ antiquitatis fides, abunde suppeditet. Primum ergo esto, quod ea quæ Privilegia minus recte ab authoribus vocari videmus, publicis apud Venetos monumentis, tot jam retro sæculis, nomine *Pactorum*, venerint. Testimonium perhibeat, ipsum librorum in quo gesta inter Venetos ab una, & Imperatores ab altera parte continentur, frontispicium, nempe LIBRI PACTORVM inscribuntur: sunt autem illi libri numero quinque, eaque, ut dicere cœpi, cuncta complectuntur, quæ non cum Imperatoribus modo, sed & Pontificibus, Regibus, Rebus pub.; Principibusque, acta conventaque sunt. His ipsis libris, ea quæ Anonymus insinuat, continentur, haud alio quam *pactorum* nomine legenda, eoque quo pacta conventa solent ac debent, effectu censenda. Ne quis vero à Venetis pacta vocavi dicat, quæ Imperator Privilegio deputanda existimet, eccum ipsa Henrici IV, (quidam V. volunt) verba, *Hac igitur ratione, tantæ dilectionis uniti, nostram utrimque caritatem rationabilem observavimus. Igitur ob Synceram & venerabilem ejus (agit de Duce Veneto) dilectionem, veræ charitatis vinculis adstrictam, quicquid ipse Dux, & Venetici ducatus Ecclesiæ, & populus, retro per triginta annos in Imperii nostri potestate habet, secundum quod in PACTO Othonis legitur, per hanc nostram imperialem paginam confirmamus. Paulo post, Et ut maxime notentur vicini populi, specialiter tam ex nostro imperio quam ex prædicto Ducatu Venetiæ, à quibus hanc ejus PACTIONIS institutionem observandam esse decernimus, Ideo & hæc series Fœderis, ad PACTVM INVIOLABILITER OBSERVAN-*

*NUM* semper maneat, per cuncta annorum curricula. Manifestiora quis petat? Certe *Observandi inviolabiliter pacti* nulla necessitas, nisi inter eos, quos Synallagmatis vincula tenent; quæ esse inter Dominos & subditos superflua, quivis eo casu concedat, cum quis ex iis Dominum adstruere, aut subjectionis notam conetur elicere. Illa ergo ipsa *pacta*, cum priorum *pactorum* quaquaversum meminerint, sic, ut ea tanquam relata, suo referenti, juxta regulam, inesse sint dicenda; efficaci argumento sint, Imperatores eo ipso, quod ad pacta conventionesque cum Venetis descenderit, saltem, quo ad dicta nobis *pacta*, Venetos sibi æquasse, nec minus ipsis Imperatoribus pactis conventis fuisse standum, quam Venetis: pari utrimque obligationis vinculo. Quid vero, quod & ipse Imperator Henricus, quæcumque Venetis concessit, ea ut extraneis, sibi que nullatenus subditis, concessit? quod eos non modo haud esse Imperii partem professus sit, sed & extra terminos Imperii constitutos? ac, quid Venetos duo? imo ipsos Venetorum maritimos fines, ab Imperii finibus discretos, separatosque testetur! Magna hæc, & Achillæa adversus Anonymum quivis dixerit, cui id modo observatum, Anonymum Romani Imperii in Venetos jus Scrutinio suo asserere velle, idque ipsum titulo libri sui disertim profiteri. Non morabor lectorem, ipsa Imperatoris Henrici verba pro ut in diplomate continentur ponam. Ergo, postquam designata sunt enumerataque quæ sint illa, ac qualia, quæ Imperator largiatur, quæque confirmet, quo loco bona finesque eorum describuntur, inter cætera, hujusmodi verba in textu legere est. *Nec non etiam fluvium qui dicitur Retrone, sicut currit à vado, qui dicitur Silice, usque ad fossam, quæ nominatur Barba, sicut currit à fossa quæ dicitur Alta, & intrat in Corium, VSQUE AD MARITIMOS FINES VENETORVM CITRA QVOS IMPERIVM NOSTRVM HIS FLVMINIBVS TER-*



MINATUR. *Datum ad Castrum Rivoalta. XVI Junij Anni MCXC.*  
*Recognitum ab Ogerio Hyperegienſi Epifcopo Cancellario vice Hermanici*  
*Archi-Cancellarii.* Abſit de meo quippiam ut ſuperaddam,  
 vel Anonymus fateatur, Imperatoris voce, tanquam oraculo  
 ſacro, firmari Venetorum Libertatem, maritimoſque eorum  
 fines, extra Imperii juſ eſſe. Imperatorio effato, breve Pon-  
 tificium lubet ſubnectere, quod nempe Gregorius ejus no-  
 minis nonus, Romanus Pontifex, anno pontificatus ſui  
 tertio & decimo ad Gradenſem Patriarcham, ac illius ſuffra-  
 ganeos, dediſſe deprehenditur.

Ille ergo, poſtquam diu multumq; de Imperatore Frideri-  
 co ſecundo, ac quidem peracerbe conqueſtus eſt, in quem  
 tanquam juratum hoſtem Eccleſiæ Romanæ ſpiritualia tela  
 direxerat, quemque anathematis mucrone verberare fuerat  
 coactus, poſtquam prolatam in ipſum excommunicationis  
 ſententiam publicari juſſit, inter cætera, dum veritatis tē-  
 ſtem adhibet Venetorum Rempub. in terminis ſic ait,  
*Quæ autem à dicto Friderico, pro bonis ſibi collatis Eccleſia retributio-*  
*nis præmia receperit, VENETAM REMPUBLICAM VERAM*  
*LIBERTATIS SÆ DOMINAM, PACIS NOSTRÆ SPEM*  
*preſenti paginâ conteſſamur.* Nobis cum ſit unicus de Libertate  
 Recip. Venetæ ſermo, opus haud eſt ut multis Venetorum  
 in Romanam Eccleſiam pietatem depredicemus, ſuffecerit  
 eam tantis auctoramentis ſuffultam quantis nulla altera,  
 ſuffecerit eorum libertatem vel ipſius Pontificis voce, to-  
 tis quatuor ab hinc ſæculis, pro verâ juſtaque celebratam,  
 idque acroamata tali, quod eorum temporum ſecta non  
 patiat, aliter intelligi, quam fuiſſe eam, longe ante ea,  
 quibus Pontifex iſta ſcribat, tempora, *veram Libertatis ſue do-*  
*minam.* Properabat ad Imperatorem Fridericum calamus,  
 cæteroquin lubet inter utrumque Imperantium, medios  
 dare, binos Pontifices. Priorem habuimus, veniamus ad  
 ſecun-

secundum. Ille Clemens sextus esto. Cujus extat Breve Avenioni datum anno pontificatus ipsius quinto, xiv Iulij die, anni mcccxvi. cujus textus ut edisseruit, concessisse summum Pontificem omnia reddituum, & proventuum bonorum Ecclesiasticorum, in civitatibus, aliisque locis ditioni Venetæ subjectis, vel subijciendis, decimas quotannis, & perpetuis temporibus colligendas, simulque ut inibi late commemoratum est, quanta Veneti in Romanam Ecclesiam benefacta congererint, inter ceteras causas, quæ Pontificem impulerint ad ea omnia Venetis concedenda, hæc recensetur. *Attendentes, & debita consideratione præ oculis habentes, quam diutini laboris & impendij, maris Hadriatici legitimum tuentes impertum sape ab ea [id est Ecclesia] Hostium arcendi conatus sint nati, &c.* Qui attendet diutini Venetis fuisse laboris, ac impendij, legitimum maris Hadriatici dominium tueri, næ ille ut spero, per se judicabit, non illo demum tempore Venetos Maris Hadriatici dominos fuisse factos: diutinosq; istos labores, impendiaque etiamnum diutina, asserendo legitimo imperio asservandoque depensa, benigne ad altiora revocaturus est principia. Næ simul & ipse mecum fatebitur, perperam Scrutiniij principio, illius authorem sugillare imperium quod sibi asserit in Hadriaticum mare serenissima Venetorum Respub. Nobis interim satis superque videtur, quod inter plures summorum virorum, qui eandem nobiscum veritatem tuentur, assertiones, irrefragabile adduxerimus testimonium, Pontificis summi, quodque palmarium, tertio ab hinc sæculo, motu proprio loquuti. Agmen claudat Frederici tertij Imperatoris decretum factum Neapoli (Germanis *Nenstedt*) occasione controversiarum intuitu Patriarchatus Aquilegiensis, enatarum, eò quod Forum Iulium in Venetorum ditionem transisset, cum jam olim spectasset ad patriarchatum prædictum. Narrat isthoc

decreto Imperator, se controversias istiusmodi ad Romanum Pontificem rejecisse, &c. Addit præmissio à se prius Venetias fratre suo, Austriæ duce, ubi Patriarcha quoque Aquilegiensis aderat, Venetias appulisse, ibique Venetos illius arbitrio omnes permisisse controversias, tandemque sancit, Patriarchas qui ex decreto Reip. Venetæ bona Patriarchatus in ditione existentia, possederant, possidere etiam debere cætera, quæcumque sita sint in locis imperio subiectis. At vero ubi de civitate Veneta ei sermo est, in hæc ipsissima verba digreditur. *Vbi, cum imperialem celsitudinem, Vrbis mira structura, aquis enata, solâ sui admiratione aquasset, plus nobis in LIBERA CIVITATE decretum Venetorum præstitit obsequium, quam in illâ, quæ nostro subiecta imperio, ad hoc ex debito tenebatur.*

Plura his non addo, quod nec credam addi potiora posse. Eat nunc Anonymus, & Venetæ libertati, si potest, facies negotium. Ego, quid præstiturus sit, expectabo. Ut vidimus, stant contra ipsum, tam clara, tam illustria, & à tantis authoribus prolata testimonia, eaque non emendicata, verum motu proprio, ab ijs, quorum sunt, edita; quin imo talia ut nec ullus negaverit esse verissima, quando ipsemet Anonymus videt ( neque dubium quin hoc nomine oculi ei doleant ) illa etiamnum confessionibus eorum vallari, quorum interesse quam maxime, diversum ut credant mortales, toto suo discursu, monstrare annitur. Mihi sane nemo persuadeat, habenda esse ea pro minus integris. Ex adverso esse ea quam integerrima necesse est ut fateamur. Quantum enim hoc quod odij irarumque causas procul habent ! quantum, quod nihil sequioris effectus spirent ! Si quis uberiore benevolentia luxuriantia notet, reponam nec moris id esse inter summas potestates, nec rationem pati, nec imperij maiestatisve naturam ferre, ut amor aut amicitia tanta taliaque deferantur, idque præter veri fidem aut etiam directo  
contra

contra eandem, quæ cum non modo multum è Republica trahant, sed & rerum summam concernant, non possunt non libare summum illum Majestatis apicem, qui regnantibus idem, quod in oculis pupilla, in homine spiritus vitalis. Sciens omitto, quæ jam diximus, non unius sæculi decursu roborari.

## S. 61.

*Pax cum Imperatore Frederico in Italia inita nihil derogat Venetæ libertati. Venetorum victoria à Frederici Imperatoris filio reportata. Pax cum Lombardis, alijsque fœderatis rogante Imperatore stabilita. Pacis conditionibus Venetos non est complexus Imperator. A victoribus gravissima quæque, salva tamen libertate, victis imponi possunt. Id Carthaginienſium, & Ætolorum exemplis firmatum.*

**A**D ipsam Venetorum confessionem hic sese § refert; quam ut probet, textum nobis Sigonij allegat, qui sic habet. *Societas Lombardia, Marchie, Verone, & Venetiarum, cupit habere pacem Frederici in hunc modum. Ut Fredericus pacem habeat cum Ecclesia Romana, & nos civitates Cremona, Mediolanum, Laus, Bergamum, Ferraria, Brixia, Mantua, Vicenza, Venetia, Patavium, Tarvisum, Bononia, Ravenna, Ariminum, Mutina, Regium, Parma, Placentia, Bobium, Derihon, Alexandria, Vercella, Novara, Obisò, Marchio Male spina, Comes de Brenone & omnes homines & Castellani qui sentiunt cum Ecclesia Dei & nobiscum, acceptâ ab eo pace volumus facere omnia, quæ antecessores nostri, à morte posterioris Henrici Imperatoris, antecessoribus suis, sine molestia fecerunt.*

*fecerunt. Hæc autem sunt, quæ intelligimus Imperatorem habere debere, & antecessores ejus habuisse. Fodrum regale & consuetum, consuetam paratam cum tendit Romam Coronæ causâ, & pacatum transitum, com-  
meatum idoneum, pacatæ transeat, & sine maleficio, sacramentum à  
vasallis accipiat, omni offensione remissa. Vasalli expeditiones pro eo  
suscipiant ut solent cum tendit Romam coronæ causâ. Hæcenus Si-  
gonius.*

Ad hunc locum ut succincte solideque respondeamus, tria consideranda sunt, quorum primum est, quis Imperatoris illis temporibus fuerit status, quis Venetorum; alterum, quid huic foederi sive paci occasionem præbuerit, ac quid actum sit in rei veritate; tertium denique, quomodo id ipsum, quod inter partes actum fuit, accipiendum sit, explicandumque.

Primum quod attinet, Venetos id temporis nihil Libertate sua inferius indignumve, in animum dimissuros fuisse, ut credamus, cogit nobilis illa victoria, qua Frederici filium, Boemis, Dacis, Getis Germanis Italisque contra Pontificem arma sociantibus, maritimo prælio fuderant, fugaverantque, captivum fecerant, ipsumque Fredericum ad pacem compulerant, ipsimet interea arbitri pacis inter Imperatorem Pontificemque. Eos jam tum sibi Imperatori Pontifex æquaverat, pari curulis sedis prærogativâ, (quam hodieque servant) ex æquo confidere jubens, idque omnino non contradicente Imperatore, aut ullum sibi in Venetos Imperium arrogare auso. At quo Imperatore? Barbarossa nimirum, magnanimo si quis unquam fuit, & vel infraactis rebus, majestatis suæ acerrimo vindice. Si quis hæc gesta dicat anno millesimo centesimo septuagesimo quinto, quæque ex Sigonio allegantur totis octo annis esse recentiora, nihil aget. Pleni sunt omnes libri, plena omnium historicorum monumenta, foederatorum (foederis autem Principes Veneti)

partes



partes quaquaversum superiores fuisse. Ipsum paucis audiamus Sigonium: Ille librum suum de regno Italiæ quartum & decimum, ex quo eodem hic illius locus ab Anonymo desumptus est, sic orditur. *Sequenti libro, præclarum popularis concordia civilisque consensionis exemplum memoriæ posteritatis prodetur; ut enim Italia nunquam acrioribus repetenda Libertatis ac propugnande Ecclesiæ studiis arsit, nec concordioribus aliquando animis aut firmioribus opibus utriusque laudem dignitatemque defendit, sic neque fructum laborum suorum uberiores, nec victoriam illustriorem, allo tempore tulit, quam Frederico & Italiam & Ecclesiam effusus omnibus Imperii viribus oppugnante, ipsa societate ac fœdere inter se illigata, percepit: ut unusquisque intelligere possit quantum ad res magnas gerendas, constans concordia, atque animorum firma conspiratio, valeat.* Hactenus ille. Cujus toto isto libro ne pagina quidem ulla est, quæ non testetur verum esse quod asserimus: mihi ea compilare aut transcribere non lubet, ac, ut reor, in re nota satis, iis, qui historiam istorum temporum vel à limine salutarint, non est necesse. Secundum videamus.

Hic quoque citra omne dubium est, occasionem ferendis pacis legibus, Venetos haud dedisse, quorum, ut mox dicebam, res erat superior, ast imperatorem ipsum. Ille enim sive adversante fortuna, bellandi satur, sive filij precibus cedens, imperiali fastigio haud indignum ratus concordiaæ viam tentasse, primus legatos misit, si quid Sigonio defecerimus; illius hæc sunt verba. *Idem annus (tertius nimirum supra millesimum centesimumque ab octuagesimo) pace à Lombardis cum Frederico facta, fuit nobilitatus. Affectabat eximio studio Italici regni coronam Henricus, Frederici filius, ut quæ omnes affectu fuissent, qui ante se regnum Germania obtinuissent; neque bello cum Lombardis, atque adeo etiam cum Mediolano manente, rationem ullam inibat, qua ad decus istiusmodi perveniret. Itaque Fredericum patrem Constantiæ conventum mense Martio agentem, ro-*



gavit, ut quando inducie Lombardorum in fine essent, rerum suarum statum stabilire; integra pace praestanda fialia vellet, id, cum sibi ad animi voluptatem jucundum, tum vero, ad tutam regni possessionem fore jucundissimum. Cui Fredericus, si animum, inquit, inducere Itali potuerint, ut pacem equis conditionibus possant, haud inuitus faciam, ut tuo rogatu cedam. Tum Henricus, atqui si Legatos, inquit, in Italiam cum liberis super hac re mandatis miserò, noli vereri, ne non civitates pacem ultro sint petitura; qua re audita Fridericus Guilielmum Episcopum Hassensem Marchionem, Henricum Guerschium, fratrem Theodoricum, & Rudolphum Camerarium, eo nomine Placentiam misit. Id vero postquam civitates cognoverunt, ex tempore Legatos Praetoresque suos, eodem & ipsa destinarunt. Ibi pridie Kalend. May. colloquio constituto, Legati Friderici tabulas ejus protulerunt, in quibus scriptum erat, se arbitrium pacis inter se & societatem Lombardia redintegranda eis permittere, quaque ipsi statuissem, ea se rata in perpetuum habiturum. Occasionem vidimus, nunc quæ inter contrahentes acta sunt exsequamur. Subjungit immediate Sigonius. Quibus rectatis fœderati pacem his verbis postularunt. Societas Lombardie, &c. Repetat ea lector ut sunt ex Anonymo nobis in principio hujus §. descripta, nos Sigoniana continuabimus, Quibus, inquit ille, postulatù cognitiù, Kalendis May jurarunt Legati, se daturos operam, ut Fredericus & filius ejus, pacem his conditionibus facerent, atque his rebus in tabulas relatiù, postridie Kalendas ipsi praetores civitatum tale sacramentum inter se conceperunt. Ego juro omnibus civitatibus fœderatis Lombardia, Marchia, Romania, & Opizoni, Marchioni Malespina, me pacta omnia servaturum, qua in tabulis paciù continentur, inter Legatos Imperatoris, & civitatum fœderatarum, conscriptis, neque auctorem futurum ut aliquod eorum minuat, & praecepta moderatorum observaturum, à praesentibus Kal. May, usque ad triginta annos, & hoc quanioquoque renovaturum, & consules aut praetores ac credentiam mea civitatis, hoc jurejurando obligaturum.

His quæ

His quæ porro Sigonius adjungit adscribere superfluum fuerit, credatque nos lector id agere, ut transcribendis alienis nostra turgescant, mutila ut transcribamus aut calumniæ obnoxium sit, aut candori quem profitemur adversum. Vni cum interim illud omisisse sacrilegium videatur, Cæsareo adoblatis à foederatis pacis conditiones responso, Venetorum, aut urbis Venetæ ne nomen quidem reperiri. Mihi quispiam ut credat nolim. Sic Sigonius. *Nomina urbium quibus gratiam nostram restitimus & præscriptam concessionem fecimus sunt hæc, Vercella, Novara, Mediolanum, Laus, Bergamum, Brixia, Mantua, Verona, Vicetia, Padua, Tarvisum, Bononia, Faventia, Mutina, Regium, Parma, Placentia, his autem civitatibus & locis pacem nostram reddimus, & concessionem nostram facimus, videlicet Imole, Sancaassiano, Bobio, plebi de Grabadona, Feltria, Belluno, Canera, Ferraria autem pacem reddimus, & concessionem nostram facimus, si intra duos menses post reditam Lombardorum à curia nostra de pace præscripta cum eis concordēs fuerint. Legati autem civitatum hanc pacem receperunt, & in præsentia nostra jurarunt Mediolani, Brixie, Placentie, Bergami, Verone, Vicetie, Padue, Tarvisi, Mantue, Faventie, Bononie, Mutine, Regij, Parme, Laudis, Novara & Vercellarum. Hæ vero sunt civitates & loca quæ pacem præscriptam sub juramento Lombardorum nobiscum receperunt, & eandem per se juraverunt, Papiæ, Cremona, Comum, Aquæ, Derthona, Hasta Cæsarea, Genua, Alba & aliæ civitates, & loca, & persone, quæ sunt, & fuerunt, in potestate nostra. Hæc autem sunt nomina civitatum, quarum legati investituram consulatur à nobis nomine civitatum receperunt. Mediolanum, Placentia, Laus, Vicetia, Padua, Tarvisum, Mantua, Faventia, Bononia, Mutina, Regium, Parma, Novara, Vercelle, Bergamum, acta anno incarnationis MCLXXXII. Data apud Constantiam in solemnibus curia VII. Kal. Iunij. Quo facto civitates ita jurarunt. Inro ego, me posthac fidelem fore Friderico Imperatori, & filio ejus, Henrico regi, neque in consilio futurum ut ipsi vi-*

tam aut regimen amittant, & si quem ego id moliri comperero, me id Imperatori, aut regi, aut legato eorum, indicaturum, auxilioque futurum, ut regnum teneant, & si amiserint, recuperent; & pacem ab ijs & sua parte, cum societate Lombardorum factam observaturum, & omnes mecum habitantes mares à xv l. annis, ad Septuaginta, hoc sacramento obligaturum, ac denique hæc inde, inquit Sigonius, tabulas singuli domum retulerunt, neque quicquam ex eis à successoribus detrabi passuros, summa semper posthac ope contenderunt, hodieque in omnibus fere civitatum tabularijs multis exemplis descriptæ repertiuntur, eaque vulgo pax Constantiæ nominata. Hactenus Sigonius. Nos ea quæ ex ipso allegavimus, qualiter accipienda sint, atque explicanda, ut despiciamus, ordo exigit.

Quod ipsum ut aggrediar, ex ijs quæ à me de statu ac conditione Venetorum allegata sunt, cuilibet existimo constare posse (dum modo commoda rebus gestis, & vero non dissidentanea, quæque obsequij excludat vinculum, ratio assignetur aut causa) ne in præsumptionem quidem cadere posse, taleis tantosque viros eo delapsos, ut libertatem, quam mordicus tutari semper fuerant, nulla impellente causa, pedibus illius advolverent, quem non semel ipsi vicissent. Quinimo, necesse mecum est omnes judicent, præsumptionem in contrarium militare, quatenus scimus nata libertati pectora, cum vel generosiores equi lupata detrectant, taurique non nisi coacti jugo colla submittant, ad extremum libertatem, quam primo vitæ spiramento hausere tutari temper ac defendere. Utique Veneti cum summo semper nisu eam sartam tectamque servare fixum ipsis esset immotumque, ut ut voluissent quam maxime (missa præsumptione accedo ad veritatem rei gestæ) citra perjurium, illam ab se abdicare non poterant, utpote qui sexennio jam ante sacramento illigati, foederatos, adversum omnes homines, defendere tenebantur, authore Sigonio d. libro.

ac neque pacem neque inducias sine communi consensu pacisci poterant. Atque hic quoque si id potuisse demus, aut voluisse, evincit in contrarium fides annalium, primum fuisse Imperatorem, qui quæ mente conceperat pacis consilia, non modo eminus ostentaverit, verum etiam in apertum per Legatos deduxerit, speciali ad id dato mandato, cujus & ipsi prius certiores fuerint facti, quam aliqua ratione ad mitiora deflecterent. Ipse ille quoque textus evidenter ostendit, quæcumque ibi referuntur, non modo non facta in deprecationis modum, aut submissæ petitionis, sed verius præscriptionis aut præcepti; quatenus ipsi nimirum, qua lege amicitiam cum Imperatore colere vellent, ac quibus obsequijs Italiæ quietem præstare, & vice versa, quæ ab Imperatore fieri sibi desiderarent, ostendunt. Ac denique, quam sint illa omnia aliena ab aliqua parendi necessitate, (alia ut omnia sciens prætermittam) satis illud evincit, quod utrimque præstitum est juramentum. Equidem subditi si erant, causa nequeat dari, cur subditis suis juramento se obstringeret summæ potestatis jura habens, quibus semel imperium auspicaturus, jure-jurando se devinxerat, quosque eodem sibi nexu habebat devinctos; præsertim tali juramento, quo sibi ipse summi imperij jura stipularetur, aut stabiliret. Illos invicem subditos, quos quidem ipsi pleno imperandi jure dominos agnoscant, ad jusjurandum compellere non posse, quin in læsæ Majestatis crimen committant impingantque, nemo est qui ignoret. E quibus deprehendi nullo negotio potest, textum illum, quem pro se adducit adversarius, nulla ratione sic accipi posse, ut ullam omnino subjectionis præ se ferat includatve confessionem. Quinimo videmus ut isthuc loci, nulla subjectionis mentio fiat, verum pacis, pacis inquam istiusmodi, cujus ipsi Leges non minus ferant, quam accipere paratos demonstrant.

Videmus item, ut nec ulla ipsi aut offerant aut deferant quæ salva libertate offerri deferriue haud possent. Cumque & insuper vasallorum nomen (quorum status ac conditio toto coelo determinatur ab illius statu, qui se subditum fateretur) usurpent, ac præterea (finem ut faciam) liquido constet neque juramento sese Venetos ad ea præstanda devinxisse, ut de reliquis civitatibus jam ante vidimus, ac nec Imperatorem quoque, illis, quas firmabat, pacis conditionibus, Venetos fuisse complexum; facile ex antecedentibus colligitur, quam à naturali atque omni profus juris ratione alienum fuerit, præter intentionem agentium, verborumque contextum, eam adseverare velle, quibus ipsa humanitatis ratio, quam non semel pro naturali jure Leges usurpant, aperte resistit. Amplius dicam, mirari me, cur adversarius, vir sane comprimis eruditus & multijuga Historiarum lectione spectabilis, istiusmodi pactiones (neque enim aliud commodius hic aptiusve nomen) ut libertati adversas, nobis proponat. Non jam dicam aliud esse servire, aliud esse in servitute degere, nec geminabo distinguendum esse inter ipsam libertatem ac habendam libertatis modum; factum id mihi jam ante, suoque mox loco plenius fiet cum bono Deo: sed (pace adversarij) id cum monebo, cum ideo bella gerantur ut pace aliquando tandem mutentur, ea subinde libertate salva imponi à victore & posse & soleri, quæ multo graviora sunt, quam ea quæ continentur hoc, quem nunc examinavimus, Sigonij loco.

Non ero hic longior, duo duntaxat exempla adducam è multis, Carthaginensium nimirum, Ætolorumque. Carthaginenses quod attinet, illis apud Livium lib. xxx hæc pacis leges dictæ à Scipione. *Captivos, & persugas, & fugitivos, restituant, exercitus ex Gallia & Italia deducant: Italia abstineant: Insula omnibus, quæ inter Italiam & Africam sunt, decedant,*  
naves



*naves longas, præter viginti, omnes tradant, tritici quinquaginta, hordei trecenta millia modium: pecunie summam quantam imperaverit, Postmodum eis acriter correctis, atque exprobrata ipsorum perfidia, monitis, ut tot cladibus edocti Deos & jusjurandum esse crederent conditione, pacis has ab eodẽ Scipione dictas Livius refert, Ut liberi suis legibus viverent, quas urbes, quosque agros, quibusque finibus ante bellum tenuissent, tenerent, populandique finem eodie Romani facerent, perfugas, fugitivosque & captivos omnes, & navas rostratas, præter decem triremes, traderent, Elephantosque quos haberent domitos, neque domarent alios, bellum neve in Africa neque extra Africam, injussu populi Romani gererent, Masinissa res redderent, sœdusque cum eo facerent, frumentum stipendiumque auxiliis, donec ab Roma Legati rediissent, præstarent, decem M. talentum Scipionis arbitratu darent, nec minores XI v, neve majores xxx inducias, ita se daturum, si per priores inducias naves onerarie captæ, quæque fuissent in navibus restituerentur, aliter nec inducias nec spem pacis ullam esse.*

*Ætolorum subinde mentionem fecimus, quoniam tamen ipsis ex asse Libertas mansit illibata, ac nisi ad comiter observandam Romanorum majestatem devincta, eaque ipsis injuncta quæ sunt, ne quidem uno die nominari, nedum comparari cum iis possint, quæ ab adversario citantur, quibus legibus in amicitiam venerint ex eodem auctore adscribere non poenitebit. Ejus libro xxxviii sic habetur. Imperium majestatemque populi R. gens Ætolorum conservato sine dolo malo, ne quem exercitum, qui adversus socios amicosque eorum ducetur, per fines suos transire sinito, neve ulla ope juvato, hostes eosdem habeto, bellum pariter gerito, perfugas, fugitivos, captivosque reddito, Romanis, sociisque, præterquam si qui capti, cum domos rediissent, iterum capti sunt, qui tum hostes erant Romanis, cum inter præsidia Romana Ætoli essent: aliorum qui comparebunt, intra dies centum Corcyreorum magistratibus sine dolo malo tradantur, qui non comparebunt, quando quisque eorum primum inventus fuerit, reddatur. Obsides XL. arbitratu Cof.*



*Ro. ne minores XII annorum: major XL obfes ne esto. Prætor, Præfectus equitum, Scriba publicus, quæ urbes, qui agri, qui homines Ætolorum, juris aliquando fuerunt, qui eorum L. Quintio. Cn. Domitio Coss. post eos Coss. aut armis subacti, aut voluntate in ditionem Pop. Rom. venerunt, ne quem eorum Ætoli recepisse velint. Amades cum urbe agrisque, Acarnanum sunt. Hactenus ille. Atque hæc inter se si quis componere velit, in nostras ut spero partes haud gravatim transibit. Pergamus interim.*

## §. 62.

*Fallit Anonymus, dum Venetos ait nunquam usque ad annum c1500 pro liberis se gessisse. Imperatorum Privilegia non dedere Venetis, sed firmavere Libertatem. Immemorialis præscriptio titulum non requirit. Bartoli Baldræ auctoritas legem non vincit, aut rationem. Alteri per alterum iniqua conditio inferri non debet. Semel quæ competiit Libertas revocari non potest.*

**P**rimævam Venetorum Libertatem confessus ait, nunquam illos, usque ad annum millesimum trecentissimumque, sese pro liberis gessisse, neque tali unquam modo sibi Libertatem asseruisse, ut quam jure proprio suam dicerent, sed Imperiali eam Privilegio acceptam tulisse, ac sic etiamnum quoque longi sese temporis præscriptione defendere. *Albericum de Rosate* ait de semet ipso attestari in l. cunctos populos. Cod. de summa Trinit. vidisse se Privilegium exemptionis concessum Duci & civitati Venetiarum, bullatum bulla aurea, & per illam (subjungit, Anonymo referente, Albericus) di-

cunt se Imperio non debere subesse, & ita etiam videtur sentire magister Joannes Parisiensis. Munit porro sese adversarius auctoritatē Bartoli, cujus hæc verba citat. *Quinimo sunt populi, qui nullo modo obediunt Principi, nec istis legibus vivunt, & hoc dicunt se facere ex Privilegio Imperiali, & isti similiter sunt de populo Romano, ut faciunt Veneti: Nam cum illam Libertatem habere se dicant ab Imperio Romano, & Privilegio, quodammodo precario tenent ab eo. & posset Privilegium revocare cum vellet, cum ei liceat mutare voluntatem suam. Bart. in l. hostes. ff. de Captiv. & possl. revers. Bartolo denique Baldum addit comitem, qui referente Canonherio, in suis ad Tacitiannales discursibus, (locum non exprimit), inquit, Libertatem ab Imperio Romano recognoscunt & vivunt tanquam filii emancipati, debentque illi reverentiam, quam si non exhibent possunt in servitutem revocari tanquam ingrati, quia non sint liberi, quam per patientiam Imperatoris, vel speciale Privilegium, quod alii successores possunt secundum Bartolum revocare.*

Atque hic quidem prima fronte videri possit adversarius argumentum attulisse, non speciosum modo, sed & validum, nec minus auctoritate scribentium illustre, quam ratione suffultum; penitus introspicere tamen si lubet, quam non stringat vel quivis judicabit. Negativam facti, nempe quod totis mille trecentis annis, sese pro liberis gerere haud sint ausi, nunc non attingo, utpote quæ per ea, quæ passim ac ubique fere, toto hoc opere adduximus, sit confutatissima. De privilegio quod ait, similiter per ea quæ suo loco superius discussimus; solvi potest, nec quid ut addam jam dictis est opus. Originaria nimirum libertate satis superque probatâ, res ipsa docet, si id quidem verum sit privilegio libertatem Venetis fuisse concessam, (quod tamen nusquam apud Historicos reperio, quo imperante id factum foret) tali privilegio imperatorem aliquo modo videri posse Venetorum jus firmasse, aut revera nihil novi juris eis tribuisse,

ad ipsam libertatem constituendam; secus ad eam defendendam, adversus imperatorem ipsum.

Nam & privilegium ipsum eaque, quam adversarius allegat præscriptio, imo eodem respectu in Venetis concurrunt. Ac sic quoque, si largiamur Anonymo, Venetos æque privilegio sese tueri, ac præscriptione, nihil profecerit; possunt nempe Veneti privilegium pro tuenda Libertate adducere, possunt allegare præscriptionem; illud quidem, non ut causam effectricem libertatis suæ, ac neque alteram, quatenus inter modos acquirendi rerum dominij præscriptio accensetur, verum exceptivè: quo nimirum allegatione privilegij, atque immemorialis præscriptionis exceptione, eos à quibus turbari contingat, repellant. Atque hoc est, quod aut privilegio conferri potuit, aut præscriptione quæri, ut stabilita possessione, non teneantur ultra titulum originariæ acquisitionis probare, ut ostendimus jam ante per *l. 3. §. duëtus. ff. de aqua.* neque immerito. Receptum est illud apud omnes fere DD. immemoriam præscriptionem non requirere titulum, utpote cujus tanta sit efficacia, ut non modo vim tituli habeat, verum per se quoque vel sola reputetur pro titulo; quibus & hoc accedit, quod communi, atque adeo receptissimo scribentium suffragio, immemorialis istiusmodi præscriptio parere dicatur præsumptionem juris & de jure, qualis præsumptio quandoquidem similiter per se sola veritati non æquipollet modo, verum etiam pro veritate habetur, præsumptionem in contrarium non admittit. Bartoli Baldique non est quod hic quempiam moveat auctoritas, de ea usurpare liceat, quod de consuetudine, eam nempe haud usque adeo sui valituram momento, ut a rationem vincat aut legem. Hoc vero quod de revocatione Privilegii ipsi dicunt, apertè rectæ rationi adversatur, legibusque, & favori Libertatis. Recta ratio non ferat ut quod  
in con-

in contractum transiit ( talia enim diximus privilegia , quæ conferuntur in non subditos ) ad libitum revocetur , parte invitâ. Ut habent juris regulæ , ab ipso naturæ fonte extructæ , alteri per alterum iniqua conditio inferri non debet , neque potest quispiam in alterius injuriam consilium mutare. Si effectu non destituitur privilegium , ligat concedentem , obligationi vero semel constitutæ , adversario non consentiente frustra sit qui renuntiare aggrediatur. *l. sicut. C. de Oblig.* repugnent leges , ut videre est in *l. pr. Cod. de manumiss. vindict.* ubi Antoninus in casu non dissimili , atque adeo etiam ab adversario , autoritate Baldi comprobata , ait , post causam à iudicibus probatam ( nostro casu post concessum Privilegium ) & manumissionem secutam , non solere statum in dubium revocari ; cuius ratio perelegans est , in *l. iustam. S. ult. de manumiss. vind. Cause probationu contradicendum est , non etiam causa jam probata retractanda est.* Favorem denique libertatis si attendimus ( ut in allegata similitudine eorum qui manumissi sunt perseveremus. ) etiam fortioribus ( ut ita loquar ) in terminis , data quoque ex falsa causa libertas , eoque etiam probato , causam fuisse falsam , ( absit tale quid vel adversarius audeat in Cæsareo privilegio suspicari ) ex quo semel competijt , est irrevocabilis. *S. semel autem. Instit. quib. ex causis manum. non licet. l. iusta causa. S. 1. ff. de manu. vind. l. sicut semel. l. sicut datam. C. de liberali causa.* Vtique naturalis libertatis est favor , sui que naturâ quilibet eo propendet , ut sicubi à primævō naturalique statu distractum fuerit , ad eandem quam citissime recurrat. *l. si unus. S. pactus ne peteret. ff. de Pactu.* perinde quoque ut quilibet natus est , ex libero servus haud sit , nisi certis quibusdam modis , ex gentium jure civicoque introductis , ita neque facile libertatem , quam semel quis nactus amittit. Nimirum , ut duo vincula fortius ligant , manumissus qui est libertatem habet ,

& ex natura, & ex manumissione; qui privilegio libertatem defert, cum naturali facultate copulat privilegij beneficium, utque in manumissione ipsa nihil aliud adfert manumissio, quam quod obstaculum servitutis tollat, quo sublato talis homo remanet, quales sunt à natura omnes, ac proinde liber; ita & privilegium, ea quæ naturali isti facultati adversa obvenere, dissipat dissicitque, ac privilegiatum ad originariæ libertatis statum reducit. Terminet disquisitionem hanc nostram quod est in *l. imperatores ff. de manum. testam.* multum notabile, nimirum usque adeo verum id esse, semel quæ competiit libertatem revocari non posse, ut si quid ad eam revocandam, sit in illa ipsa clausula, per quam libertas data fuit, inanis & inefficax, illa sit adjectio.

§. 63. 64. 65. 66.

*Oratio Antonij Iustiniani apud Guicciardinum sub examen vocata. Fides Guicciardini elevatur. Aliorum scriptorum testimonia Guicciardino adversa. Sublesta fides Anonymi in adducendis auctororum, quos pro Guicciardino facere dicit, locis. Baptista Leo, qui falsi arguit Guicciardinum, ejusque rationes à calumnijs adversarij defenduntur. Non nimium Scriptoribus tribuendum. Optimi eorum odio etiam & amore transversi aguntur. Guicciardinus in Venetos, & Ducem Vrbinatem minus æquus, & quare. Cur Veneti Guicciardini historiam in urbe sua passi fuerint evulgari. Frustra Anonymus causæ suæ patrocinium à silentio cognatorum & posterorum Justiniani petit. Tubero Dalmata tantum abest, ut cum.*

ut cum Guicciardino consentiat, ut quam maxime ei ad-  
 verferetur. Mæcenici locus excussus. *Arctæ* tunc tem-  
 poris Venetorum res, sed non decollata. Prudentia  
 patrum Venetorum. Quæ contra Baptistam Leonem  
 adducit Anonymus, non probat. Vanis suspicionibus  
 laborat. Incredibile est consiliarios Imperatoris, eo  
 invito, cum Iustiniano de tanto negotio egisse, idque  
 ratum habuisse. Frustra Anonymus tempora Legationum  
 distinguit. Justinianus in conspectum Imperatoris non  
 admissus. Oratio Ludovici Heliani adversus Venetos,  
 mendacijs & calumnijs atrocissimis scatet: nullam  
 tamen ille subjectionis mentionem facit. Nemo unquam  
 legatus fuit sine mandatis. Authenticum ipsum man-  
 dati tabelarium, quod Iustiniano datum, penes he-  
 redes Iustiniani adservatum in Casareis archivis non  
 exstat. Frustra adversarius est in Paruta redarguendo.  
 Maritimum imperium maximi semper habitum apud  
 Venetos. Vires ararij Veneti. Virtus Veneta nunquam  
 fortuna succubuit. Elogium Venetis à Britannia Rege  
 tributum. Pauli Barbi, Petri Duodi, Christophori  
 Mauri, Aloisij Molini elogia. Qui ita victus, ut de-  
 nuo vincere non possit, victori cedit. Campanorum  
 & Venetorum inter sese instituta comparatio. Ex ora-  
 tione Iustiniani colligi non potest, eo angustiarum  
 redactos Venetos, ut Libertate fuerint privati. Quid  
 propositum Oratione ejusmodi fuerit Venetis (quamvis



*Venetorum esse non liquet. Continentis possessione Veneti paulisper discessere. Eorum rationes. Levioribus incommodis graviora sustulere. Immutum Venetis semper stetit, tempestatem belli, quantum pote, declinare, salva ubique libertate. Id constanter universa illorum temporum historia testatur. Actus ultra agentis intentionem non agit. Verba orationis Iustinianea præter mentem Venetorum non interpretanda. Argumentum ejus non nisi in auxilij imploratione consistit. Longe distant protegendæ potestas, & jus imperandi, clientes, & subditi. Liber populus, statâ libertate, alterius patrocinio se dare potest. Quid sit clientela. Majestatem illa non exstinguit. Quomodo verus legitimusque dominus Imperator à Venetis in Iustiniani oratione nominetur. Ut intelligendum, quod Veneti continenti cesserint. Novum non est patronis à clientibus præmium aliquod præstari. Præmia illa non tributis, sed Boethias nomine veniunt. Jurisdictio & patrocinium aliquando conveniunt, non semper. Falsum est jura aliqua majestatis Imperatori quæsitæ. Quomodo accipiendum illud, quod Veneti, jussa, decreta, sanctiones, & præcepta Imperatoris libenter velint amplexari. Protectio protectorem facit, non dominum. Indiculus ineptiarum, & calumniarum Anonymi. Sanctissimum humani pectoris bonum fides.*

**E**Xemplorum autoritatumque adversario agmen claudit, quod Cameracense foedus excepit, bellum, illud quidem comprimis atrox, eventu varium, rebusque Vencis non semel adversum, cæterum cujus cum ad modum ipse recordatur, perinde ac si tum temporis non debilitata modo aut luxata Venetorum libertas, sed prostrata prorsus foloque fuisset afflicta.

Hic ergo foedissimis in Venetos criminationibus excandescit, ardetque hic

*Monte decurrens velut amnis, imbres.*

*Quem super notas aluere ripas*

*Fervet, immensusque ruit profundo*

*Torridus ore.*

Venetos, ait, bello magis, quam prælio, ad Abdnam victos, ad Imperatorem Maximilianum ejus nominis I. ablegasse Antonium Iustinianum Oratorem suum; illius vero Franciscum Guicciardinum Historiarum suarum lib. 8. istiusmodi verba recensere. *Redeant nobis annuentibus ad te verum legitimumque Dominum quacumque majores nostri à S. Rom. imperio ducatuque Austriæ abstulerunt. Quibus ut decentius veniamus omnia qua in continenti possidemus adjicimus. Quorum juri utcumque questum sit renuntiamus. Præterea quotannis T. M. legitimisque in imperio successoribus, quinquaginta millia aureorum perpetuo ex arario depouemus, alia tua jussa, decreta, sanctiones, & præcepta, lubentes amplectemur. Tue are queso, ab eorum insolentia, quibuscum paulo antea socia arma junximus, quos nunc feruissimos hostes experimur, qui nihil equè cupiunt & desiderant quam Veneti nominis eversionem, Tuâ servati clementiâ, te patronum, parentem, & urbis nostræ fundatorem appellabimus, annalibus inscribemus, & filiis denique nostris tua ingentia merita sedulo ingeremus. Nec parva tuarum laudum fiet accessio,*

*accessio, quod primus es, cujus pedibus Respub. Veneta supplex se prostravit, cui submittit cervicem, quem ut caeleste numen colit, veneratur, observat.* Magna hæc in speciem, imo maxima, ac quæ liberum reli-ctura non sint animum ad speciosa stupentem; sunt tamen interim volæ tramæque putridæ prorsus, in flumine paludibusve conceptæ, atque à terra surgenti vento simillimæ; in quo vehementiam quidem agnoscas, verum citra pertinaciam. Solido quæ allegat destituta sunt robore, inanique tumore suffulta: de ipsis si quid vero deferre velis, cum Seneca dixeris lib. 1. de Ira. Primi ejus ictus acres videantur, sicut serpentium venena à cubili repentium nocent; innoxij dentes sunt, cum illos frequens morsus exhaustit. Res ipsa loquatur. Adversarius quo fortius pedem figat; Guicciardini locum postquam transcripsit, subjungit, Joannem Baptistam Leonem admodum in hac oratione se torquere, eamque falsam atque opprobrosam appellare, fœtumque ingenii in Venetos exulcerati, quæque his consona sunt. Leonis porro rationes adducit, ac mox easdem convellere nititur, adductis ad id nonnullis ex Langij Citicensi Chronico; Tuberone Dalmata, Andrea Mæcenico, Bembo, Paruta, ac Petro Iustiniano, locis, quos & nos ordine suo singulos resencebimus, ac ut quanta possumus soliditate respondeamus objectioni huic, duo videamus. I. sitne hac in parte standum Guicciardini narratis. II. Ecquid ex iisdem inferri possit, Libertati Venetæ contrarium. Ac primum quod attinet duo item despicienda sunt, quorum prius, ecquis præter Leonem, falsi redarguere Guicciardinum sustinuerit, posterius, ecquid cæteri aut annalium scriptores, aut Chronographi cum Guicciardino hic consentiant. Citat his ipsis §§ adversarius non uno loco Petrum Iustinianum, qui historiam Venetam scripsit, Venetus ipse, nec est ut opinor quispian adeo iniquus, ut Anonymo liberum esse statuat, Vene-

tos suorummet civium testimonio jugulatos ipse ut velit, mihi ex adverso non licere ejusdem testimonia in adversarium retorquere; justissimas, optimo jure, patiendi viceis, Seneca fatetur, ubi suo quisque excipit supplicio, quod excogitavit alieno. Ut ut est quem pro se ille adduxit, contra se loquentem neutiquam reprobare fas illi. Ita ergo Iustinianus.

*Illud vero (absit verbo invidia) insigni, sempiternaque Venetum laude exornat, qui tantam belli molem per octo ferme annos adversus universae Europae principes, suis solis viribus sustinuit, ac rem inclinatam non solum erexit, sed in pristinam etiam dignitatem restituit: quod memorabile cunctis saeculis praeedicabitur. Sociis enim armis tot Reges, tot Principes, Venetum adorti, omni pene terrestri imperio spoliarent, actumque aliis super aliis cladibus, de Rep. fuisset, nisi singularem ad adversa fortuna constantiam, patres habuissent, collapsumque tandem erexere admirabili virtute imperium. Liceatque mihi hoc loco, quando scriptoris vel inscitia vel error manifestè deprenditur, ejus dicta refellere. Nam quum in Fr. Guicciardini commentarios Thusco sermone conscriptos, qui nuper in lucem editi sunt, fortè incidissem, multa in his parum veridice de rebus Venetis ab authore descripta inter legendum animadverti, praecipueque in ea oratione, quam scribit, Ant. Iustinianum Venetum Legatum, post Abduanam cladem, apud Maximilianum Caesarem habuisse. Nam praeter multa summis, suppliciterque ut scribit à Iustiniano coram Caesare explicata, illud mendaci vanitate plenum addit, quinquaginta aureorum nummum millia, Venetos pollicitos fuisse Caesari, in perpetuum census nomineolvere, ut pacem ab eo impetrarent: quod falsum atque est. Non enim perpetuo, sed decennio tantum donativi nominis ea pecunia summa oblata fuit, ut publico patet mandato, qua commissi a nostris appellatur, quam ego diligenter perlegi, dum ve-*

ritatis hujuscemodi indaganda percupidus, publicas tabellas ex Archivis evolvō. Nec negare possum, magnam animorum consternationem in Civitate fuisse. Pro tot Reip. adversis, dubiisque fortuna casibus, dum omnis Europa conjunctis armis furens, infestaque, in Venetum nomen debacchatur. Nulla enim unquam aetate, nullisque annalibus scriptum legitur, gentem unam in foediorē conspirationem, potentioresque hostes incidisse, quorum formidabili impetu Veneta res pene eversa corruit: vixque Romanus ille rerum Dominus, eorum arma sustinisset: non se propterea tantum civitas abiecit, ut nullā habita publicā dignitatis ratione pudendis pactionibus, verbisque indignissimis Venetum nomen deformaret, prudenterque à patribus factum fuerat, ad placandos Caesaris, reliquorumque principum animos, tot eis civitates ultro reddere, pro quibus ab initio bellum ortum erat. Is igitur sponte traditis, hostibusque emollitis, quae nam formido, animique abjectio Venetos impellebat, ut præter urbium alienationem, tantam auri vim in perpetuum superbissimo hosti penderent, & nomen Venetum mortalium ludibrio exponerent: Nulla præterea acrior necessitas, supremumve Reipubl. excidium imminebat, ut ea consilia ignominia plena Veneti sequerentur. Tentatāque est (neque id inficior) à Senatu cum Casare reconciliatio, iniquioribus aliquanto conditionibus ut qui in adversa fortuna constituti sunt, facere solent. Non tamen in hac fœda, ac pudenda consilia Patres animos demittere unquam potuerunt, quando saluum omne maritimum imperium staret, terrestris quoque ditioris: aliqua pars in potestate adhuc nostra esset, nec recuperandi imperij spes omnino deplorata exciderat: quod Dearum benignitate, constantique patrum virtute postea evenit. Adde id quod dilucidiorē prorsus causam facit, ne quis ullo modo addubitet, Guicciardinum manifesto errasse, quum plane constat, Iustinianum legatum in Germaniam proficiscentem, Casarem in conspectum suum venire non permis-  
sisse,



*sisse, nec victoria elatum alloqui voluisse. Itaque Iustinianus à Casare non admissus re infecta in urbem rediit. Quo nam igitur pacto Guicciardinus, Scriptor alioqui clarus, hæc somnia effingit? audetque descriptis iniquissimis pacis conditionibus, humilique, & abjecta oratione conficta, Venetum nomen tam impudenter deformare. Sed hæc satis ad confutandam calumniam a nobis dicta sint.*

Haecenus Iustinianus, cujus locum cur consulto præterierit adversarius, causam non video, nisi quod metuerit fortasse, ne si pluribus orationem hanc falsitatis argui lector attenderit, idque non modo nudo præjudicatæ opinionis auctoramento, verum solidissimis rationibus, ad id in medium allatis, ipse quoque fidem suam non ita facile commodatus sit. Pergamus interea, despiciamusque, ecquinam sint Historici, qui circa rerum gestarum fidem cum Guicciardino consentiant. Eorum primus hic esto i angius in Ciritensi suo Chronico, atque eodem illo, quem noster adducit, contextu. Illum ego eo libentius cito, ut appareat, sublesta fide agere adversarium, qui mutilam periodum lectori obtrudit, ac nondum absolutam, eo duntaxat commemorato, quo lædi res Venetum posse, visum ipsi; iisque ex adverso suppressis, quibus rei veritas innotescere, ac suo se robore libertas sustinere tutarique queat. Langius ergo sic ait. *Quorum multiudine & potentia Veneti vehementer arctati, tandem anno salutis MDIX se humiliantes, dexteram à Maximiliano petierunt, insignum subjectionis, annuatim magnam pecuniam certamque aureorum summam præstare spondentes. Ast Caesar (hæc quæ sequuntur adversarius omittit) eos audire detrectabat, quos armis viribusque subjugare proposuerat. Fortuna autem fallente, Venetis Papæ clam auro mediante conciliatis, & fœderatis, Caesar in Italia Papæ destitutus auxiliis, tandem & ipse, licet invitus, ab eorum oppugnatione desit. Padua autem ante, & aliis urbibus Imperio recuperatis; licet ipsa, instabilis Padua,*



*recedente Cæsare rursus ad Venetos defecerit, & ita tandem finaliter ipsi Veneti invicti mansere, flebile principium meliori fortuna secundante.*  
 Langiana hæc attente qui leget, nullo negotio deprehendet, adversari ea, ac quidem directe Guicciardini narratis. Langio comitem addamus, quem potius quam *Cuspinianum* ipsius Maximiliani medicum, ac Oratorem, quique invitante eo, atque adeo imperante, historiam suam conscripsit. ille ergo in vita Maximiliani. *Sunt deinceps à Maximiliano rege gravissima & varia gesta bella, inquit, & paulo post, Vi Veneticum, quod octavo anno post mille quingentos incæptum non sine suorum incommodo tractavit.* Quid autem verosimilius, quam Cuspinianum, rem tam notabilem (siquidem eo se Veneti unquam demississent) memoriæ mandaturum fuisse? nihil tamen minus apud ipsum invenias, quin imo bellum illud non sine suorum incommodo tractasse Cæsarem ultro fatetur. Quæ de *Cuspiniano* eadè de *Carione* dicenda sunt, quem qui leget, jurasse eum in verba Maximiliani merito pronuntiet, adeo multus est in deprecandis insignibus in Maximiliano animi dotibus, tamque accurate vitam ejus & res gestas exequitur, ut nemini hac in re postponendus sit. Ille ejusdem Veneti belli originem progressumque dum pertexit, postquam Venetum exercitum dissipatum, prostratum, concisum, inque amnem *Pachilionem* actum, desiderata à Venetis novem millia, commemoravit, *his cladibus, inquit, Veneti affecti, inque difficultates rei numariæ, exhausto arario, terrestrique Imperio omni perditæ, conjecti maxima, pacem à Julio Pontifice supplices petiverunt, qui cum sibi abunde satisfactum esset, ut Gallos Germanosque nihil de suæ acerbitate remanentes Italia exturbaret concessa Venetis pace, Alphonso Ferrariensi etiam ut arma poneret imperavit.* Quid vero causæ futurum quis existimet, cur Pontifici magis, quam Imperatori supplices factos traditurus fuerit homo Cæsari addictissimus, Venetis minus æquus, Pontificem exosus? curve tam-  
 insigni

insignis facti gloriam, quæ non potuisset non tota ad unum Cæsarem spectare, maligne suppressere voluerit? Cæterum cum factos Pontifici supplices similiter asserant tres historici natione Galli, Arnoldus nimirum Ferronus, Bernardus Girartius, Haillani toparcha, ac Ioannes Serranus, qui eo ipso loco Veneram urbem *priscam Libertatis sedem* indiget in vita Lodovici, ratio ipsa postulare videtur, ut iis potius assensum præbeamus, quam Guicciardino, quem sua, nullo auctore eadem tradente, chartis illevisse fateamur necesse est. Vtique qui Guicciardino proximus accedit Zethus est *Calvisius* qui Maximilianum ait *Veronam, Vicentiam, & Patavium, urbes ad imperium pertinentes occupasse pace* (abest ea longe à tam propudiosa supplicatione) *quam Veneti offerebant* (non emendicabant saltem) *repudiata*. Audiamus quæ de fine belli illius habet idem Calvisius. *Maximilianus*, inquit ille, *Imperator, Gallis Mediolanum erepturus, deseritur à militibus quibus stipendia persolvere non poterat, & occasionem Venetis præbet, Brixie recipiendæ, & Veronæ obsidendæ, qua Venetis dedita, finis tandem bello Veneto impositus est, in quo Veneti omnibus præliis victi, sapientia & tolerantia in malis effecerunt, ut victores belli fierent; his addi Sleidanus postulat, qui Maximilianum inter cætera multa, cum Venetis gessisse bella lib. de quatuor summis imperiis tertio narrat, ac eadem ipsa pagina, Venetos liberrimos, & ab imperio Romano plane sejunctos pronunciat.*

Superadjungi possent & ea quæ de Venetis Munsterus, Scraederus, & alij commemorant, nisi ea jam ante, ubi de Pipini in Venetis expeditione tractavimus, à nobis essent allegata. Hactenus utique vidimus non solum esse Paptistam Leonem, qui falsi arguat Orationem Guicciardini, vidimus alios etiam auctores, longe ab illo diversos abire. Reliquum est, ut argumenta Leonis, & ad ea quæ Anonymus respondeat, despiciamus. Leonem ecquid ex fide citet nec ne,

quandoquidem eum nancisci hætenus non potui, in medio relinquam; ac largiar ultro, vera esse quæ allegat; quin imo fatebor, neque in adversarium iniqua suspitione ero minus æquus. Rationes quibus Leonem motum refert hæ sunt, Iustiniano nunquam in mandatis fuisse datum, ut istiusmodi conditionibus pacem ab Imperatore deprecaretur, quin si fas foret publici juris ea facere, quibus ipse instructus id temporis erat mandata, probari cuivis posse de facili, non ea intentione pacis ab ipsis promotum fuisse negotium, ut omnino belli gerendi curam supponerent. Imo vero etsi istiusmodi quippiam mandati tabulis fuisset contentum, nunquam tamen Iustiniano factam fuisse copiam Imperatorem alloquendi, sed Tridenti subsistere coactum: hujus actionis sive orationis neque volam neque vestigium in aula Cæsarea reperiri, quin imo ex adverso literas quibus fidem sibi præstruere Legatis mos est (nos credentiales vocamus) authenticas ipsas etiamnum existere apud Antonij Iustinian hæredes. quod tamen impossibile foret, si quidem habita istiusmodi fuisset oratio, utpote quæ in Archivis Cæsareis fuissent asservatæ. Eadem hæc, sed modestius aliquanto Parutam tueri, adversarius narrat, quibus ut occurrat Leonis Parutæque argumentis, ac Guicciardinum ut tueatur, cum à fide commendat, & à veritatis exacto cultu, quin, inquit, si falsa forent quæ scripsit, non passuros fuisse Venetos, maculam illam ipsi inuri, totiensque prælo subjectæ evulgatæque cum sint illius historiæ, atque insuper quoque in ipsa Venetorum urbe, quis, ait, credat, Venetos, qui circa vibratum in ipsos excommunicationis sulmen, accurare potuerunt etiam minuta nonnulla; in re tam ardua, usque adeo supinos fuisse, ac, non potius illud acturos, ut exemplum istius orationis premeretur? aut si dare lubeat, tam profumdo veterno oppressos elanguisse, cui fides fiat, ipsius Iustini-  
niani

niani posteros, viros domi forisque magnos, & in alta luce-  
versantes, nisi vera essent quæ dicta sunt, silentio transmissu-  
ros, tam grandem contumeliam, quæ cognatos maneis, tot  
jam annis presserat, prematque etiamnum? Addit deinde,  
Guicciardinum nihil hic de suo adjunxisse, sed de verbo ad  
verbum è Latino in patrium sermonem transtulisse. Ea porro  
quæ Guicciardinus narrat, convenire ijs, quæ à Paulo  
Langio, Tuberone, Dalmata, Andreaque Mœcenico tradita  
sunt, notatque coronidis loco Leonem, ut Guicciardino mi-  
nus æquus qui sit, eiusque traducendi studio, iusto plus in-  
dulgeat. Quibus itidem ego ut respondeam ingenue di-  
cam, durum mihi comprimis videri, & ab ingenio homine  
alienum, temere supiciones, quibus falsi quis insimulari pos-  
sit, in animum dimittere, ijsve indulgere, sed & hoc me scire,  
quæ verosimilia non sunt ea falsitatis speciem, præ se ferre.  
Salubriter magnus ingenio, major virtute Grotius, memine-  
rimus, hortatur, *Non omnia probare quæ quamvis à preclara fama*  
*auctoribus dicuntur, sæpe enim tempori, sæpe affectibus serviunt, &*  
*aptant tō πέρω ἐξιδύλω.* Danda opera ut defecato utamur iudicio,  
*nec quæ excusari magis quam laudari possunt, temere in exemplum*  
*rapiamus, in quo perniciosè errare solet.* De lure Bell. lib. 1. cap. 3.  
nu. 5. Me quod attinet, absit ut in memoriam viri illustris,  
historicique magni nominis, iudicando peccem; possunt  
rationum pondera citra calumniæ morsus librari; ac nec æ-  
quitas sinat famæ dispendio multatum velimus, quem con-  
stans Doctorum provexit favor, posterisque virtus commen-  
dat & eruditio. Cæterum ut nemini tam constans in affe-  
ctus suos est regnum ut non alicubi amorì cedat aut odio,  
præsertim sicubi circa ea versatur, quæ domestica sunt aut  
propria, aut aliquo prorsus modo non aliena, ita & in Guic-  
ciardino, notatum Lipsio, succubuisse nonnunquam, atque  
huic animi affectui imparem, odio vela laxasse. Ita Lipsius.

*Franciscus Guicciardus datus prudens peritusque scriptor, & qui tales lectores suos facit, liber est & verax, ab affectibus immunus, si tamen ab odio quod tamen retegere haud semel mihi videtur in ducem Urbinatem, &c. Quod de Urbinati duce Lipsius, idem & de Venetis nobis optimo jure usurpari posse demonstrant, evincuntque illa Petri Iustiniani superius transcripta, ac ut de Iustiniano nihil dicam, ratio ipsa ostendit satis, evincitque hic integrum ejus haud reputari posse testimonium. Si quid in Urbinatem Ducem eum extimularit inquirimus; Venetum belli ducem suum crearent, ei oppositus erat Guicciardinus utpote Ecclesiastici exercitus sub Leone ac Clemente (quorum uterque Vatiniano ducem odio prosequabatur, belloque petebat) primus à duce, carus interim conjunctissimusque utrique pontificum, ita ut mirum non sit, calami aciem in eum strinxisse, in quem gladii mucronem indies stringeret. Eadem in Venetos odij causa; nempe patria Florentinus, & primi nominis inter nobiles ejus reipubl. ac sic quidem ipsa origine Venetis æmulus adversusque, ijs temporibus belli historiam scribere exorsus est, quibus ob acceptas bello Pisano à Venetis clades cane pejus & angue Venetum nomen oderant Florentini, & remis quod ajunt, velisque, eo annitebantur, ut quoscunque possent, ac quibuscunque modis in Venetos impellerent. Ita ut mirum non sit, quæ Florentinos, quæ potissimam Italiæ partem abriperant egerantque transversos, concepta in Venetos odia, eadem quoque huic scriptori offecisse, quo minus aut verum perspexerit, aut perspectum, qua par erat fide, ad posteros transmiserit. At inquit hæc falsa si fuere, cur ea totiens evulgari passi sunt, cur non tolli curarunt aut supprimi? Dicam cum Philosopho, *Magni animi est injurias despiciere, ultionis contumeliosissimum est genus, non esse visum dignum, ex quo peteretur ultio. Multi leves injurias altius sibi demisere, dum vindicant. Ille magnus**



*magnus & nobilis est, qui more magna se & latratus minorum canium securus exaudit. Recte ut judicemus, moderatio hæc eorum fuisse dicenda est ac sapientia. Quis tamen id Venetos scivisse probaverit? quis scire voluisse? notum illud ejusdem Philosophi, non expedit omnia videre, omnia audire (jungamus nos, omnia scire) multe nos injurie transeant ex quibus pleraque non accipit qui nescit.*

Neque ulla sane tanta potentia est, in quam injuria non incurrat, titubante præsertim fortuna, mortalibusque ad illam ut plurimum converfis: neminem fugit, *injurias si sperveris exolescere, sin irascaris agnitas videri.* Ac mihi nec alium quocunque hac in re Veneti taciturnitatis suæ finem habuisse videntur, quam quod illud sibi cavendum ducerent, ne infaus- to isto abortu obeveniret quod libris Cremutij Cordi, quos ut autor Tacitus *annal. 4. per ædiles cremandos censuere patres, sed manserunt occultati & editi, & ut alter ille, leguntur, florent in manus hominum, in pectora recepti, vetustatem nullam timent: at illorum carnificum cito scelera, quibus solis memoriam meruere, silentio suppressa sunt.* Pulchre idem annalium scriptor, in *Vit. Agr. socordiam eorum irridere lubet, qui præsentis potentia credunt extinguere posse sequentis ævi memoriam, nam contra, punitis ingenijs gliscit auctoritas, neque aliud externi reges, aut qui eadem savitia usi sunt, nisi dedecus sibi, atque illi gloriam peperere.* Accedit, quod ea ipsa, quam per tot clades, tot damna, tot sudores asseruerant libertas, diuque pressa, at nunquam oppressa, quin pulchrior ipsa indies enitescens lætiorque, insigni admodum argumento erat, ac vel sola, longe alium rerum statum fuisse, majoresque animis eorum insedisse spiritus. Nempe & publicis testimonijs sancita virtus, humile detractionis venenum non est quod reformidet, ac neque calumniæ latebram invenias aut perfugium, sicubi veritas eam in lucem protrahat, protractam gestarum rerum evidentia confundat. Qui re-



spondendi mihi principium Philosophus dedit, idem responsum terminet, *Quidquid quale sit voles scire, tempore trade, nihil diligenter in fluctu cernitur.* Ipsos Iustiniani adfincis, cognatos, posterosque præposterij silentij quod incuset, qui si non fuissent sibi conscij esse quam verissima, quæ à Guicciardino narrantur, omni dubio procul confutassent tam insignem calumniam, certe æquis animis neminem laturum confido, qui quanta fiducia, quantis rationum momentis, quam exacto circumstantiarum examine, *Ψαδολογίας* in illo vanitatem demonstrat Petrus Iustinianus, ex loco quem mox transcripsimus, recordatur. Ac miror ego cur Anonymus ex hoc silentio quid ad causam suam præsidij accedere posse speraverit, cum met ipse Iustinianum eodem libro qui citat pro se, non potuerit non videre hanc illius *πείραξις* extra Historicæ narrationis filum. Nimirum aut credidit nemini historiam Iustiniani venturam in manus, perpetuamque mendacijs suis caliginem obtendendam, aut ita corruptum præjudicijs illi iudicium, ut quæ facta novit, infecta velit, quo vel saltem eo pacto, animi morbo satisfaciat. Addam hoc, nec (ut arbitror) male, mirari me, ac mecum omnes quibus ea mens est, contemptu famæ virtutes contemni, cur cum virorum illustrium quosque doctrinæ laudes conspicuos reddidere, Guicciardinorum familiæ semper abunde fuerit, toto jam sæculo nemo repertus sit, qui Iustiniano calumniam suam (si quidem id nomen in justissimas veri vindicias cadit) reposuerit, quamque Historiæ maximi cæteroquin viri labem asperferat, deletrice spongia absterferit; nisi & hoc verum sit, à Guicciardino orationem hanc operi suo insertam fuisse, non quidem pro ut habitata fuerat, verum ut haberi potuisset. At, inquit porro adversarius, demus luxuriasse in verborum contextu stylum scribentis, (quanquam nec hoc pote, cum nullæ ea oratione in  
parteis

parteis fuerint Guicciardini', quam de verbo ad verbum transferentis, non fiet tamen verosimile cuiquam, quum ea quæ orationis substantialia sunt, cujus generis sunt quæ de persolvendo tributo, deque agnoscendo in verum ac legitimum domino Imperatore tractantur, alij similiter confirmant. Sed & hoc jam ante nos vallum superavimus; telumque adversario excussimus è manu, planeque usurpare fas mihi sit

*Tenue mendacium est, pellucet si inspexeris.*

Langium, quem pro se adducit, ostendimus fide Punica, planeque sublesta, ab ipso mutilum citari, ejusque auctoris verba, ut nos ea ex fide transcripsimus, pro ut inter sese ea cohærent, totumque evolvunt sensum, directe contrarium probare. Ludovicum Tuberonem Dalmatam, an ex vero, an pro more suo corrupte citet, non dixero; neque enim ille mihi aut visus est unquam, aut, nisi apud unum Anonymum nomen illius audivisse me recorder: Interim recte locum si inspicimus, tantum abest ut in consonantiam cum Guicciardino duci possit, ut potius frontibus adversis ea quæ scribit repugnare narratis Guicciardini sit dicendum. Sic (Anonymo referente) Tubero. *Magis veteris Romani Imperij Majestatis, (Maximilianus) quam suæ fortunæ memor, & ob hoc elatior, aditum Venetis negavit, permisit tamen mandata quæ protulerunt scriptis edere, quæ hujuscemodi fuisse dicuntur, Venetos amicitiam & societatem cum Maximiliano jungere velle, eique omnibus Italiæ urbibus totoque continente cedere, polliceri insuper, quinquaginta millia nimirum aureorum in singulos annos perpetuo se pensuros, modo ille adversum Gallum arma sumas.*

Hæc inter se componere si cui lubet, quam adversarius ex allegato Guicciardini loco subjectionem eruit, apud Tuberonem, minime reperiri fatebitur. Ac nec illud inter se

conciliari queat, quod de Legatis aditu ad Imperatorem exclusis Tubero, de admissis tradit Guicciardinus. Tum vero fœderum & societatis injecta mentio, ac quinquaginta milium quotannis dependendorum facta sub conditione promissio, nempe modo ille (Maximilianus Cæsar) in Gallos arma sumeret, aliam rerum faciem, motus animorum item alios fuisse, quam Guicciardinus præfert, evidenter ostendunt. Verum de his postea. Tuberoni Mœcenicum adjungit, scriptorem Venetum, quem ipsum quoque mihi videre non contingit, cæterum quid ferat audiamus. *Regi Romanorum tradita est urbs Verona, Vicentia, Tatarinum, Ne Galli hostes ulterius progredierentur, & amplius quantum rex Maximilianus ipse volebat, tantum dabatur, assidue precando & obtestando, dum res Veneta adeo periclitantur, quibus semper usus esset valde familiariter, & semper uti posset, ac si res sue essent, ut rem suam probe prospiceret, an suarum rerum hostis an amicus accederet.* Quid vero hinc collegat noster, missosne legatos? Tacet Mœcenicus. admissos? nihil tale dicit: tributum obtulisse in subjectionis argumentum? nec hoc quoque apud ipsum reperias. Si recte sentire liberum est, non aliud Mœcenici evincat locus, quam res Venetorum fuisse id temporis in arctum redactas, neque est mortalium ullus id qui neget, cæterum ut sunt illa Pompei apud Lucanum post cladem Pharsalicam,

—*Non sic mea fata premuntur*

*Vt nequeant relevare caput—*

Idem de se Veneti non verbis, sed factis toti terrarum orbi testatum fecere. His pessime qui vellet, nihil ex eo desumat colligatve, quam voluisse eos, prout est omnis expediendæ salutis honesta ratio, quæ amissuri erant, ultro largiri. Cæterum dandum est hoc ac assignandum Patrum Venetorum prudentiæ. Sic olim de Hadriano Spartianus,

*omnia*

*omnia trans Euphratem & Tigrim reliquit exemplo (ut dicebat) Cato-  
nis, qui Macedonas liberos pronuntiavit, quia retineri non poterant.  
Ut apud Nonium Titinnius: Gubernator torquet navem sapientia  
non valentia, Si laxatis compagibus multam undique aquam  
trahit, occurrit primo, aliam excludit undam, aliam ege-  
rit, manifesta foramina præcludit, latentibus, & ex oc-  
culto sentinam ducentibus continuo labore resistit, nec ideo  
intermittit, quia quantum exhaustum est subnafeitur, quæ-  
que nondum desinere videt, ne vincant caver, ad extremum  
superantibus ac artem industriamque vincentibus malis  
prudenter cedit, ac vel jactura, naufragium si timet, quid-  
quid fervari potest redimit. Probabit hæc & his similia  
quæ sunt in Venetis laudabitque qui alternanteis humana-  
rum rerum viceis, qui occasionum momenta ponderare no-  
rit. Cuique proinde Princeps, Respublica, Ductorque pla-  
cebunt,*

*Qui non præcipiti rapiat simul omnia casu,  
Sed qui maturo vel lata vel aspera rerum  
Consilio momenta regens, nec tristibus impar,  
Nec pro successu tumidus, spaciumque morandi  
Vincendique modum, mutatis noscet habens.*

Pulchre Tacitus hist. 2. videndum esse quo hostis impru-  
dentia ruat, alienamque stultitiam operiri prudentiæ loco  
esse, prudenter monet. Saluberrimo patres consilio eam  
ingressi sunt viam, quæ ad avertendam invidiam, ad conci-  
liandum sibi favorem, ducere videbantur, quodque caput  
est rei, ancipiti repub. imo ut multi verebantur jam jam lap-  
sura, & in præcipitium devexa, ad avellendum à foedere Ma-  
ximilianum, nec non ad jacienda inter foederatos, velut Eri-  
dis in medium projecto pomo, discordiarum semina, ipsos-

que tandem inter se committendos, suisque met diffidiis inultionem relinquendos. Ex adverso abdicare à se Libertatem suam tot sæculis non deperditam voluisse, ex eo loco nemo colligat. Ac sic quoque visum hætenus nihil agere adversarium, qui ab aliis itidem historicis Guicciardino consentanea tradi affirmat; Cætera quæ sequuntur isto §, Venetos non tangunt, sed in unum Leonem directa, ac quatenus per Leonis latus Venetos petere videri queat Anonymus, commodius mox tractabuntur, ac suo item loco, cum ad examen rationum, quas hinc Leo contra Guicciardinum, inde contra Leonem adversarius adducit, ventum erit.

Dixerat, ita referente Anonymo, Ioannes Baptista Leo, nunquam in mandatis datum fuisse Iustiniano, ut ea quæ supra è Guicciardino citata sunt, Imperatori reipub. nomine offerret. Atque his etsi negativæ suæ probandæ nulla eum necessitas adstringebat, addit tamen Leo, eodem ita referente, tabulis mandati nihil tale comprehensum fuisse, quas evulgare earumve contenta referre si liceret, è vestigio illas planum facturæ, quam nunquam tali mandato Venetorum orator fuerit instructus. His eum adversarius in modum respondet, verosimile non esse, Iustinianum mandati limites (neque enim id impune legato in negotio tam confragoso) excessurum fuisse. Mandati tabulas evulgare quod detrectet, suspitione non carere; aut enim eas id ipsum de quo nobis discursus est aperte continere, aut si non contineant, secretioribus mandatis, iisque seorsum traditis, instructum fuisse. Dixerat item Leo, nunquam Iustiniano factam copiam Imperatorem salutandi. Respondet noster, nihil impedire, quo minus acta ea fuerint coram ijs, qui Cæsari erant à Consilijs. Cæterum distinguenda hic esse tempora, quandoquidem ex annalibus constet, iterato Iustinianum ad Imperatorem ablegatum fuisse.

Primæ



Primæ legationis meminisse Bembum, dum ait. *Latum etiam, ut Antonius Iustinianus qui Cremam legatus à senatu lectus proficisceretur ad Maximilianum recta contenderet & pacem quantumvis duris conditionibus faceret, Tergesteque oppidum & portum Naoni reliquaque municipia quæ respub. ex ejus ditione superiore anno ceperat Senatui et paratum esse restituere, ac quæ oppida ex Romanorum Imperatorum ditione, in Carni, & Gallia, & Venetia, Resp. possideret, ea se illi omnia tanquam accepta relaturam venundaret.* Hanc etiam illam esse legationem, de qua Guicciardini verba sunt intelligenda. Secundam legationem quoque eundem obiisse Iustinianum, cujus & mentionem faciat, solius quidem, cæterum Petrum Iustinianum ei pro comite adjungere Aloisium Mocenicum, cujus hæc sunt verba. *Missique Aloisius Mocenicus & Antonius Iustinianus, jpariter nec admissi nec auditi à Casare.*

Ac primam legationem quod attinet, Bembum quidem narrare Anonymus ait, à Tridentino Episcopo Iustinianum, (eo quod anathemate esset ictus) jussum fuisse subsistere, sed non id affirmare tamen ausum, quod Leo affirmet, eum non penetrasse postea ad aulam Cæsaream. Cæteroquin Bembo quoque contraria iis quæ à Guicciardino narrata sunt, adfirmanti, tantam haberi fidem neutiquam debere, ut non meminimus simul, errare eum potuisse, imo etiam (ut exemplo Albani Armerij, in quo Bembum Petrus Iustinianus erroris redarguit, constare ait) errasse. Ac sic denique, quod adfertur de exclusionè Legatorum, intelligendum de posteriori illa, de qua idem Iustinianus, alijsve quibuslibet, cum nullum id temporis orandi supplicandive finem Venetos fecisse, ex verbis illis Antonij Mocenici, nimirum *assidue præcando & obtestando*, quæ mox recitavimus appareat. Si quis tamen hæc ipsa pressius consideret, nullo negotio animadvertet principii petitione hic denuo Anonymum peccare. Probandum id ei foret in antecessum, factam fuisse Iusti-



niano copiam Imperatorem adeundi, illud probare si potest, largiar haud gravatim, credere me, non fuisse mandati sineis transgressurum, sed hic ei aqua ut hæreat necesse est, neque enim ullus est mortalium, huc usque qui scripserit, Iustinianum in Imperatoris prodijisse conspectum; idipsum quantisper non liquet, cui bono ut ad præsumptionum divergia confugere velimus? Est ergo, ut hoc in vestigio pedem figat necesse comprimis, eundem retro si fert, vel se iudice causa cadat. Quis enim credat principis consiliarios in tanti momenti res sese intromissuros, aut cum ijs quippiam acturos fuisse, quos odij publici piaculareis quodammodo victimas, à summo Pontifice devotos diris, ac potentissimis orbis Christiani Principibus bello petitos, & viribus non leviter infractos, animadverterent? Eccui fides fiat, duplicem Legato mandati tabulas fuisse datas, non aliter ac si præfago dictamine antecapere patres quivissent, ea quæ Cæsar dignoscere recusaret, à Consiliarijs tractanda? Nemo opinor adeo rudis est, ut nesciat eorum quæ principi revelata communicataque sunt, exactiorem subinde penitioremque discussionem, consiliarijs demandari, aut vero ea ut tractent, probent, firmentve consilarij, Dominis invitis ac contra nitentibus, quæ propalam norunt irrita atque ingrata futura, itidem credat nemo. Ac tandem, ut quam paucissimis quod in manus suscepi absolvam, duo notari desiderem. Primo, nimirum, quæ asserit, adversarium non probare, probari vero contrarium; ac sic contra probationum evidentiam circa præsumptioneis frustra laborari. Secundo, malâ fide agere Anonymum, qui Bembum incuset, quod perplexe rem tradat. Quod ut à me recte candideque dici constet, Ita Bembus lib. 8. *Antonij etiam Iustiniani literæ ex Alpibus datæ Senatui certiores fecerunt, Tridenti Episcopum se audire noluisse, quod diceret aqua & igni interdictorum sermonem*

monem atque aditum esse defugiendum, itaque paucis post diebus, cum nihil impetrare potuisset, Senatus permisso domum rediit. Quibus verbis nihil clarius apertiusve dici posse omnino certum est. Sic Laconum Legatum Pericles, quod ab hoste armato veniret extra fineis agri Attici dimisit, *Thucyd. lib. 11.* sic Senatus olim Romanus Carthaginensium Legatos admittere sese negavit posse, quod esset eorum exercitus in Italia. *Liv. lib. 41.* Corruit ergo per hæc ipsa quæ diximus anxia ac magno molimine stabilita adversarii distinctio. Quorsum enim tempora legationum distinguamus, si jam ante certi sumus, neutra legatione Imp. eos ad se admisisse? Primam si spectamus, confundit Anonymum autoritas Bembi, si secundam, Justiniani, si legationum aliquarum, præter binas illas, recordatur ullus scribentium, dubio caret, probare adversarium debere, ullo belli illius, quod ad Iliaci diuturnitatem quam proxime accessit, tempore, Cæsarem legatis ad se ut accederent permisisse; hoc non probato, ridiculum sit, ubi principium adeundi non fuit, eorum quæ facta sint progressum describere. Recte Poëta.

*In fabrica, si scæva est machina prima,  
Cætera mendose fieri, atque obstipa necesse est.*

Venetis acrius etiamnum ut insultet, Guicciardini narrata defendat, ac penicillo velut adumbret in seipsum reipub. conditionem, nonnulla citat ex oratione Ludovici Heliani, Gallorum legati, quam ille anno supra miliesimum quingentesimumque decimo Augustæ in conspectu Germaniæ procerum habuisse dicitur. Sunt autem talia. Ecce, &c. quomodo veniunt, audentque lugubri veste, torto collo, flebilibus oculis, submissaque voce poscere, &c. nunc audent dicere, vultis o Principes Venetiam aliterum Italiæ oculum effodere, penitusque delere, non est tam ele-

T c

mentium

*mentum Principum, &c. Clamam jam nunc &c. quid fecimus, quid commemerimus, &c.* Addit porro non dicturum fuisse virum tantum, talique in confesso, inque re nemini ignota, vel tantillum, quod à veritate rerum gestarum dissonum foret, Quid tamen credi hic debeat aut non credi in medio relinquam. Novit ipse adversarius, noverunt omnes qui mediocriter in historijs versati sunt, tot tantisque mendacijs orationem istam scatere, ut eorum neque finem neque modum in illa sit reperire; adeo quidquid livor excogitare, quidquid invidia suggerere, quidquid splendida bilis subministrare, denique quidquid evomere calumnia potuit, injuriarum, maledictorumque, in illam orationem tanquam commune receptaculum confluxere. Augiæ citius stabulum quis purget quam diras, quam calumnias, ac præter veritatem dicta inde exterminet. Ipse Anonymus orationem verè Philippicam vocat, omnia, nec male, eo nomine comprehendisse sibi visus. Ipsum Helianum quoque verba protulisse non sua judicarunt ipsi Germani, inter cæteros cujus illa beneficio lucem videt oratio Melchior Goldastus Harmsfeldius, sub finem illius, sic ait, *Hic & multis alijs memoratus orator Gallus in Venetianos fulmina sui detorquere sermonis, maximo quidem entebatur studio, sicuti manifestè patet omnibus illos redere odiosos & principum armis contereandos: Quod quidem non tam sua sponte quam Ludovici Gallorum Regis jussu fecisse putandus est. Sic enim in orationis suæ principio dicit, ego qui multos defendere, neminem ledere consuevi, in hac angustia deductus sum, ut aut ab officio Legationis sit recedendum, aut de improbitatibus, de dolis, de male meritis Venetorum necessario non sine magno dolore mihi sit dicendum.* Tantum vero abest ut consentanea hæc dici queant narratis Guicciardini, ut omnino contrarium ex illis inferre liceat. Nullam Helianus subjectionis, nullam tributi mentionem facit, nullam superioritatis Imperatoris confessionem, ve-

rique

rique ac legitimi domini delationem, nullam denique observantiam Deo proximam, quam Venetos Guicciardinus ait Imperatori exhibere paratos, ille commemorat; imo id agit potius, cum jam illi (verba sunt ejusdem Heliani) cum quatuor Christianorum potentissimis Principibus de summa rerum ausu sint decertare ac ne victi quidem possint quiescere, ut denuo conjuratione facta conterantur exstinguanturque stirpitim. Hoc ut obtineat, omnem lapidem movet, ima summis permiscet, cœlum terræ. Adversarium hic testem vocare possum, quo tempore Heliani habita fuit oratio, Venetos jam tum magnis animis in id ut se sibi, suæque dignitati, splendorique pristino adficerent, incumbentes, dignos virtute sua progressus fecisse, inimicisque suis non exolos minus, quam formidabiles. Ac nec ipse negare possit, ut fere semper, fide non optima, hæc sibi dissimulari; nec petendum nobis aliunde, quam ex hac ipsa Heliani oratione, testimonium. Fidem Anonymi quod attinet, statim ille à primo loci quam transcripturus, est verbo chasma facit. Ecce, &c. quomodo veniunt, tota vero inter se verba cohærent. *Ecce post tanta in rem vestram pub. perfidorum scelera commissæ, quomodo veniunt audentque lugubri veste, torto collo, stebilibus oculis, submissaque voce poscere, qui superioribus diebus comprehensi sunt cum scâlis & exercitu magno ausu sub mœnibus Veronensibus, ut urbem noctu invaderent & præsidia vestra jugularent, & quæ sequuntur.* Rerum Venetarum statum si considerare juvat, statim ab orationis initio, *Magna eorum, inquit ille, potentia est, nam eos qui æstate præcedente quatuor potentissimos Principes Christianorum in patentibus campis expectare sunt ausi, & collatis signis apertio Marte dimicare profecto potentissimos homines æstimare & judicare debemus, Sed jam sunt victi, sunt diminuti ideoque facilius poterunt exingui quam si essent integri. Sed nisi vestre à Principes peregrinentur aures, intelligere debetis quid jam recuperaverint, ut se jam refecerint: Quod si eos paululum respirare permiseritis,*



ut hanc unam calamitatem evadant, vereor ne crabrones (ut ajunt) irritaveritis, nisi ergo hujus venenissimæ ac surgentis vipere, dum adhuc titubas, cervicem perfregeritis, prædico vobis, si non tam cito, at profecto quandoque tamen, & si non vos, vestros certe successores, suo veneno inficiet ac spiritus circumdabit. Ac ut ipsas quoque Venetorum legationes attingam, audiamus & de his dissertantem Helianum Deligunt ex callidissimis & versutissimis Senatoribus Oratores, quos cum retibus, hamis & visco peregre mittunt, non ad pisces aut aves irretendas aut inescandas, sed ad fallendos & decipiendos Principum animos. Tot & tales sunt laquei Venetorum, quos Principibus miseris parant, ut enumerare eos nemo queat, quin etiam nisi cautus evadere. Iungat, nec invideo Guicciardino, Helianum Anonymus, est interim quod serio sibi gratuletur Venetorum libertas, illam temporis filiam, quæ maledictis calumniisquæ diuturnum haud esse patitur imperium, in hac ipsa causa tantum fuisse. Vt ut in omnes formas se vertat adversarius, non faciet tamen, inter se illi ut convenient, aut si quid illi inter se consentire dicantur, multum ipse suis illusionibus, quas ex Guicciardino formavit est detracturus. Et sic quidem quæ maxime adversatura scriptorum testimonia videbantur, sibi met ipsi contraria reperta sunt atque adversa, quibus ipsis, siquid deferendum videbitur, erit id omne pro Venetis militaturum, quorum non exiguo bono, vel hostilibus testimoniis rerum gestarum fides posteritati, quæ suam cuique decus repensura est, commendatur.

Dixerat Leo, cum in Germania degeret, illud diligenti perquisitione sibi compertum, nullam istiusmodi mandatorum tabulam, aut orationem quoque, in archivis imperialibus reperiri. Hoc ipsum, risu Anonymus dignum ait, nec responsum mereri, authoremque se esse Leoni ne Germanorum ingenia per se sat ignea promptaque lacessendo,  
equum



equum, quod ajunt, in planiciem. Bona fide, mihi qui sic respondeat, ipse ridiculus esse videtur Anonymus, ac expediat velim, ecquis unquam legatus fuerit absque literis (ut vocantur) credentialibus? quis unquam nomine Principis Reipublicæ apud extraneum Principem Remvepub. aliquid negotii aggressus sit explicare, qui non primo fidem fecerit se sufficientibus instructum mandatis? est revera mandati fides agendi Principium, eodem mandato firmantur ea, quæ tractanda veniunt, neque alia utrimque eorum quæ tractata sunt rata fore securitas, quam mandati tenor; cujus limites si non excesserit mandatarius, mandantem obligatum habet, quæ sibi, quæ illi, ad quem missus est; peccet in communem sensum qui credat absque prævia mandati inspectione Cæsarem Cæsareosve Consiliarios quid acceptaturos fuisse, aut non fuisse asservaturos quoque, quidquid id fuisset literarum. Ridiculum sane, cum vel levioribus in rebus mandata requiri, attendi, servarique soleant, id lectori persuasum velle, Cæsarem ipsum, ejusve ministros tam supine officitantes fuisse, in tanti momenti re, nempe ubi de fine belli agendum erat, eaque tradenda veniebant, quæ ut consequi posset, totum orbem Christianum Cæsar, in Venetos animare, armareque tentaverat. Certe Germanos laceßere haud voluit Leo, veritatem asserere voluit, sibi duplici nomine cognitam; sciebat nempe & originarias literas sive authenticum ipsum mandati tabularium, asservari penes ipsius Iustiniani heredes, & simul nullum illius exemplum in Cæsareis archivis reperiri, probe erat edoctus; fidenter dicam, Germanos ipsos fateri vera esse quæ Leo affirmat, quod si cui inficiari lubet, onus in me probandi ultro recipio. Veritatem effari, suppressam in lucem reducere, si laceßere Anonymo est, esto, laceßit omneis omnino mortaleis Leo, nec hilum timet, ne quis ad revocandi metas hæc astruentem compellat.

Omisso Leone in Parutam denique incurrit, quem inquit ad hanc orationem pro objectione movisse verosimile sibi non videri, hæc ita ut Guicciardinus vult salvo Venetorum Imperio maritimo, re pecuniaria non admodum imminuta, eoque urbis situ, aut sponte aut vi cogente unquam obvenisse. Parutæ Mocœnicum opponit, nec non & Bembum, prior ait *Patres Libertati suæ timuisse, trepidasse magis quam consuluisse, fuisse consternatos, voluisse aliquando de pace etiam cum Gallia agere, si modo loquendi apud quempiam facultas esset. Sua interesse, putasse, quoquo modo, confractis rebus, tantos Impetus comprimere atque omnibus modis pacem amplecti velle. Posterior, veritos patres, ut omnis Italie continentis pars, quam tenerent ipsi, à Repub. deficeret, ad urbem tuendam & commeatibus classibusque munitendam animum adjecisse. Item alibi, ab ea cogitatione haud longe abfuisse ut urbi suæ timendum putarent. Item, decem viros legisse qui adhibitis peritis hominibus vada inspicerent urbana, ut aditus si qui essent apertiores castellis munitentur.* Iam ante etiam Anonymus dixerat Parutam indignatum fuisse quidem, quod quis dixisset actos fuisse ad desperationem patres, sed & ipsum quoque, non alio quam desperationis, ubi hac de re sermonem instituit usum vocabulo. Ut respondeam, primum illud noto, neque Mocœnicum, neque Bembum nec Anonymum, nec ullum denique negare, vera esse quæ Paruta dicat, salvum fuisse imperium maritimum, ærarium fuisse non exhaustum omnino, multumque in situ ipsius urbis præsidij. Maritimum imperium quanti momenti Venetis habitum semper fuerit, testentur illa quæ graviter fuisseque apud Bembum lib. 8. historiarum Dux Lanredanus dissevit, quæ quoniam latius ipse quoque Paruta prosequitur, quamquam videri possint multum ad rem facientia, non transcribam. Videat & cui ocium est de viribus ærarij Veneti Bembum, non uno loco. Constat illud, etiam rebus multum duris, patribusque in ejus curam sollicitis,

licitis, et si jam undecim millia librarum auri in bellicos sumptus essent impensa, mansisse inexhaustum ac ferendis oneribus suffecisse. De situ urbis non est quod dicam quippiam, norunt omnes, urbem vadis undique obsessam, neque à iustis classibus, neque à terrestribus exercitibus adiri se permittere, nempe eo situ, eaque loci naturâ, ut sibi ipsi ni deesse vellent Veneti, nemo eos cogere posset. Quis vero eo rerum statu verosimile sibi videri dixerit Venetos qui per tot rerum discrimina tot prospera, tot adversa inoffensam libertatem ultra millesimum sæculum conservarant, adeo servili abjectoque animo fuisse, ut eam non abdicare modo à se sustinuerint, sed vel invitis obtrudere. Certum ex adverso est, imo certissimum patres tot armis, tot motibus rerum circum circa frementibus, tot imminentibus undicumque periculis, nec allisisse virtutem suam, nec abscondidisse, nec eam evlescere passos, cujus quo miserius, eo certius documentum, habebant circumferebantque. Quid vero nos moratur quo minus ad ipsa rerum testimonia recurramus? Eodem illo tempore, constat ipsos Patavium recuperasse, eâ, quæ fidem superet, celeritate, munisse, Cæsaris exercitum, ad urbis illius obsidionem solvendam compulisse, ita Cæsaris vireis fregisse, omniaque elusisse molimina, ut deberet sibi, deberet fœderatis ludibrium; quin ipsum denique Cæsarem eo redegissem ut primis induciarum (quas nec obtinuit) mentionem iniecerit. Constat illos Saravallensem expugnasse, sibi asseruisse mascula prorsus virtute Tarvisum, progressus longe maximos fecisse, in recuperandis urbibus, in Vicentino comitatu, ac Foro Iuliano tractu sitis, ut iam cætera quæ adversum Ferrarienses fortiter gessere præteream, testantur id, illa ad Padum ac ubi non denuo viriliter ab ipsis designata, quæ narrant annales, narrandoque futuræ posteritati ob oculos ponunt,

ponunt, victam quidem fuisse aut similem victæ Venetorum virtutem, cæteroquin tamen nunquam sub fortuna concidisse. Nempe ubi assidua virtuti cum incommodis suis rixa est, callum ea per injurias ducit, nec ulli malo cedit, sed etiam si ceciderit de genu pugnat. Quid vero attinet trepidasse quod dicit Maurocænus? Quis fortunæ mutationes, quis dubios rerum humanarum calus, quis non diversa præsentibus, contrariaque expectatis, aut speret aut timeat? Est hoc regnis, est hoc rebus publicis frequens, quod mari; momento vertitur, eodem die navigia ubi luserunt sorbentur. Sed reprimo me & ad Venetos revertor: Recolligebant sese municbantque adversum ingruentia, restrictiorem; deinceps se suaque protegendæ defensionis modum servaturi. Id ipsum si trepidare vocat adversarius, supplex rogo, Venetorum prudentiam à Barbarica temeritate separatam ut velit, *Barbaris* (auctore Tacito ann. 6.) *cunctatio servilis, statim exequi regnum videtur.* Sed si quid Floro credimus *Consensescit impetus ille qui Barbaris pro virtute est.* Bello Cimbr. notatumque Senecæ oraculo *Barbarorum exitium esse iram.* (Sen. de ira) Dicam cum Thucidide *Δύο μὲν ἐστὶν αἰτίαι τῇ ἐυθυλίᾳ, τὰ χροσὲ καὶ ὁρμή, δύο ῥεῖτε menti & consilio adversissima celeritas & ira;* Ex adverso, Animus, ut est apud Syrum, vereri qui scit, tuto scit aggredi. Anticipat quidem terroris tormentum prudentia, sed nemo eo usque, aut in tantum unquam terrores calamitatesque mortalium sub jugum misit, ut æque semper intrepidus fuerit. Enium si audimus

*Et Romanus homo, tametsi res bene gesta est*

*Corde suo trepidat.*

Quid & hoc attinet quod sibi, quod libertati, quod urbi suæ, timuerint, dummodo semetipsos, libertatem, urbemque ab hostibus tutari potuerint. Prudentis est omnem fortunæ licentiam in oculis habere, tanquam quidquid potest factura

factura sit. Neminem illa eo provexit, ut non tantum minaretur quantum permiserat.

Cæterum scientibus unam sibi in armis salutem superesse cur desperarent causa hauderat, modo perpenderent (ut certe prudenter id usque quaque fecere) ea consilio temperanda, alias mole sua ruitura, totamque Rempub. eidem ruinæ involutura. Huc summa summarum redit quod victi non fuerint, nec iis unquam ut devictis leges victor dixerit. Eadem in aliis regnis rebusque pub. fata si consideramus, fateri cogemur, Venetos animi magnitudine constantiaque, nulli iis temporibus secundos dici posse. Sed enimvero pulchre hæc ipsa, nitideque Paruta, loco quem Anonymus citat, exsequitur, & instituta comparatione ita rem se habere pluribus demonstrat: ad eum lectorem ablegasse fas mihi sit. Pergo nunc, dicoque, nemine excepto, omneis omnino quotquot unquam huius belli recordati sunt historiarum Scriptores, in eo consentire, victos quidem ac non uno prælio fuisse Venetos, cæterum, eosdem isto bello victores extitisse. Ergo nec Venetis Babylonis muros conferre liceat, quos Alexander intravit, non Carthaginis, non Numantiae incœnia, una manu capta, non Capitolium Romamve, quæ & ipsa hostile habuere vestigium; Ac revera quomodo quorundam lapidum inexpugnabilis ferro duritia est, nec secari adamas aut cædi vel deteri potest, sed incurrentia ultro retundit; quemadmodum quædam non possunt igne consumi, sed flamma circumfusa rigorem suum, habitumque conservant, quemadmodum projecti in altum scopuli, nec ipsi ulla sævitæ signa tot verberati sæculis ostendunt, ac denique ut apud Poëtam,

—*Gemit impositis incudibus Ætna:*

Ipsa vero incus, malleorum duritiem excipit immota, ac  
V v non



non perfert modo, verum etiam durior ipsa repellit à se, eundem plane ad modum libera, inconcussa, immobilis, ac contra casus indurata, Venetorum libertas, stetit, perstititque, ac talem sese quaquaversum ostendit, ut vel ipse Britanniae Rex, toto semotus Oceano hinc acerbitate rei percussus, inde stupendam Venetorum miratus constantiam, ipse ad Pontificem, Cæsarem, Galliaeque Regem, literas dederit, quibus apud eos, ut bellum in Venetos ponant, intercedit, addito hoc memorabili in omne ævum epiphonemate, *ne cum Veneta urbe bellum exercerent, quæ si nusquam existiret construi tamen omnibus ab hominibus ad publicam orbis terrarum utilitatem atque ornamentum profecto debuisset.* Dico porro, mirari me Anonymum, qui frustulatim perinde ac si laceros Hyppolyti aut Abscyrtae artus collecturus esset, ex Mocænico Bemboque, ea colligit, quibus consternatio Venetorum, ac trepidatio colligi possit, quid impellat, curscians prætermittat, tot tantisque apud eundem Bambum (Mocænicum ut dixi non habeo) exemplis elucescere, in Venetis cordati animi non vestigia, sed monumenta, ut utramque ei paginam compleant.

Si post Abduanam cladem, virtutis Venetae, si fidei Brixiensium, Veronensium, Patavinorum, plurimorumque agrestium oblivisci potuit, utpote longius latiusque diffusa quæ sunt, quam ut intra privatam laudem consisterent; at sane cum consternationis meminisse voluit, debuerat retinuisse ipsius properantem manum, Pauli Barbi prudens magnanimitas, qui defectis extrema senecta viribus, jam capularis, quam præ senio dudum deseruerat, stationem denovo arripuit, allatoque Cladis Abduanae nuncio, vestem senatoriam poposcit, inque curiam sese membris trementibus ac succiduis traxit, eaque dixit, quæ in rem præsentem erant. Debuerat eam retroraxisse Petrus Duodus, qui difficilli-

ficillimis temporibus lectus ut Reipub. Legatus Brixiae praesesset, propalam senatu audiente pronuntiavit se id vehementer cupiisse, ut suam reipublicae tam tristi tempore operam navare posset, quando laetiora non dabantur, Legationem libentissime obiturum. Debuerat inhibuisse pius in patriam affectus Christophori Mauri, qui similiter Legatus à Senatu lectus, ante subsellium ducis progressus, patribus dixit, post Deum immortalem suam se reipub. vitam vovisse, laeto se illam animo patriae, à qua acceperat, redditurum. Hæc ipsum movere aut inhibere si non poterant, ac præfractæ timorem Venetis exprobare, pertinax ipsi stabat sententia, ipsa saltem veritas gestarum rerum apud ipsum pro Venetis intercedere poterat, & tot patrum pro bello summis viribus administrando decreta. Potuerat utique magni illius Aloisij Molini cœlo recepta mens, de quo merito Vellejanum illud usurpes, Ecquando propinqui amicique similem mei civem habebit respub. ? Aloisij inquam Molini, quem libertatis suæ statorem vindicemque, eorum quæ ad segniora devertere videbantur, mox in publici privatiue perniciem eruptura, averruncum, durissimisque temporibus, tutelare velut numen experta est Respub. Ille, *trepidus consiliis plus civitati detrimenti inferri, quam ab iis qui bellum ei intulissent, intrepide pronuntiavit, imperiumque, quod majores, suis laboribus, suo sanguine, in continenti pepererant, non amittendum animorum debilitate, cavendumque dixit, tali potius imbecillitate victi ad ea tempora fuisse dicerentur, quam impetu fortune. Se quidem quod attineat, haud aliunde quam à publica re, quæ sibi vitæ charior esset, impellisse, protestatus est: ad quam, cum civium suorum commoda atque utilitates adjungantur, ecquid esset quod aut ipsum aut civem bonum ac industrium à probanda suo suffragio lege (nimirum, an etiam offensam reponere Veneti bello illatam deberent, ac Patavium recuperare) detertere debeat ? Idem ad, illud*

illud quoque, quod dictum fuit, urbi suæ patres timuisse, ubi devenit, nihil interesse dixit, an urbs ipsa in potestate sit hostium, an ejus incolæ ac cives, qui que illam regerent, omnia statuerent quæ hostes velint optentque. Id si fiat, ad servitutem descendi prædicavit, hac ratione, hostium Libertatem fieri: ac Libertatem reipub. (verba illius sunt) quæ una cum hujus urbis parietibus semper crevit, quam majores nostri nobis integram atque intactam reliquere, provsus atque omnia perijisse. Si majores (ita porro ille subjungit) iidem, nostri ab ea Cæli regione in qua beatissimi sempiternam vitam agunt, hic exstant, atque ad vos converſi istiusmodi orationem habeant, nos urbem vobis dedimus cum liberam, tum eo situ ac natura loci, ut nisi ipsi vobis desitis, cogere vos nemo possit, cur quæ hostes vestri optant facere vos didicistis, homines, maxime omnium qui hodie sub cælo degunt, liberi? Cur imperium pulcherrimum quod vobis constituimus tam formidulose regitis? cur Patavium male ab hostibus custoditum, quod pene vestris sub oculis est, vosque appellat atque obtestatur non recipitis? Quid illis obsecro respondeatis. Primum scilicet uni vos servijſſe tempori, quodque tempus postularat, id fecisse, jam vobis istud omnes concedimus, tempori enim hostium perpulchre inservitum est, de hac urbe autem timere vos, ne amittatur dicere non audebitis, neque opinor tam timide in Senatu loquuti essetis, nedum etiam apud illos majores nostros, optimos fortissimosque viros, qui sciunt urbem hanc capi non posse, cujusmodi quippiam præferre audeatis: repositi enim statim vos, repenteque à vobis partam gravibus verbis, quodque tam pusillo animo fueritis, conquerentur, qui ne hoc imperij domicilium, vestris ab hostibus tueri posset, perimueritis. Sed de eo plura me dicere minime necesse esse arbitror: Vires enim pro se ipsa satis loquuntur, quæ obsessa vadis undique, neque à justis classibus, neque à terrestribus adiri se permittit. Subjungit item aliquanto post, semel aut iterum homines ad regendum Imperium natos, maximis in rebus timide lapsos fuisse, humanum fortasse sit, veniaque non indignum, usque quaque autem eosdem illos, sine causa, omnia vereri, neque dignum venia est, nec excusatione:

ad in-

*ad interitum tendit, qui id agit. satis Reipubl. obdormivimus.* quæque sequuntur. Ac tandem Deum immortalem, Divumque Marcum, urbis Venetæ parentem, conservatoremque veneratus, tantum effecit, ut quæ major à Lauredani ducis partibus fuerat pars, & intra defensionis terminos consistendum censuerat, mutatis sententiis illi accesserint. Adeo nempe omnibus turpis visus est navigii rector; qui gubernacula fluctus eripuit, qui fluctuantia vela deseruit, permisit tempestati ratem, sed ille vel in naufragio laudandus, quem obruit mare clavum tenentem, & obnixum: estque illico perlata lex, ut ad Patavium recipiendum Gritus Legatus è vestigio contenderet. Quæ quidem eo transcribenda nobis impensius fuere, ut ut prolixiora, quod efficaciter omnes Anonymi sugillationes retundant, quantumque ex vero trahant, lectori faciant planum: Illud addam, tam masculum, cordatum, fidumque consilium, tantam excepisse rerum mutationem, ut ex illo tempore læta prosperaque reipublicæ omnia obtigerint, fœderatis adversa; insigni documento quid in virorum ad Libertatem natorum. pectoribus possit ille majorum tradux ad tuendam libertatem spiritus; quid viri pietate ac meritis conspicui polleat authoritas. Sic olim cadentem remp. quantum una retrahi poterat manu non semel fractis partibus infractas Cato retinuit, donec vel abreptus, vel abstractus, comitem sese diu sustentatæ ruinæ dedit, simulque extincta sunt quæ nefas erat dividi; ac nec post libertatem Cato vivit, nec libertas post Catonem. Hoc ipso vero Catone major *Aloisius Molinus*, qui contra fortunam brachia intendit, labantes consilio patres firmavit, sustinuitque ipsam rempub. publicas inter ruinas, vere patriæ suæ alter parens.

*Salve invictæ parens non concessure Quirino  
Laudibus, ac meritis non concessure Camillo.*

Aveat illustris anima virorum maximi fortissimique. Veneris Libertas sua quantisper constabit, quantisper suus apud servire nescios libertati perstabit honor, non in Venetorum duntaxat animis, sed omnium denique, qui animam suam Libertatemque juxta æstimare norunt, benedicta sacrosanctaque illius est futura recordatio, in omne ævum proroganda, in omnem duratura memoriam.

Ac sic quidem de veritate rei gestæ dictum satis, vocat nos ordo, ad ea, quæ in factio juris habent mixturam, quæque ex ipso factio jura enasci potuerint, deinceps ut examinemus, tempus est.

Atque hic quoque, ut circa præjudicium quæ nunc alatur sumus ordiri detur, lectorem meum monitum rogatumque velim, ne perinde ea accipiat, ac si, quæ mendacii aut vanitatis Iustinianus, calumniæ Leo, erroris non ferendi Paruta redarguit, ego pro veris, aut quicquam ex vero trahentibus habere velim; id unum in animo mihi est, ut omiſſa quæſtione facti, qua simpliciter talis, insuper quoque illius veritate posita, ut ut non concessa, demonstrem, operam ludere Anonymum, qui ex illa oratione, subjectionis aliquod argumentum fabricari posse, sibi præfiguret. Quod ut ordine deinceps exsequamur, despiciendum I. Ecquid ea verba proprie quadrent iis, qui ita se alteri subjiciunt, ut nihil in semet ipsos suaque, juriſ reservent, omnia victori deferant, ut qui vi majore cui repellendæ impares fuerint, talia facere patique coacti sint, an vero talibus, qui res suas inferiores esse cum videant, sequioraque reformident, potentioribus se applicare potius habent, sæpe etiam conditionibus



tionibus minus æquis, quam fortunam ulterius experiundo, in extremum se suaque discrimen adducere. II. Quæ mens hic Venetis fuisse existimanda sit; ac III. denique, quænam hic juris incidere aut moveri quæstio possit, præsertimque, ecquid ullatenus ea quæ Cæsari oblata dicantur accipienda sint, aut interpretanda, in detrimentum libertatis Venetæ. Primum quod attinet, certum est, ubi quis ita devictus est ut nec vireis reparare, aut bello certare porro valeat, tum victori cedere, cui si se dedit, jam nihil suum asservat, si dedititiæ conditionis sortem dedere se volenti victor negat, extrema omnia perpeti debere. Deditionis formulam (solebat enim ea fieri per verba legitima & ad id concepta) superius citavimus, hoc loco non repetendam, cæterum non absonant ei quæ sequuntur Plautina, in Amphir.

*Convenit victi utri sint eo prælio,  
Urbem, agrum, aras, focos, seque uti dederent.*

& mox,

*Postridie in castra ex urbe ad nos veniunt  
flentes Principes,  
Velatis manibus orant, ignoscamus peccatum suum,  
Deduntque se, divina, humanaque omnia,  
In deditionem atque arbitrato cuncti Thebano  
poplo.*

Vnde & passim apud authores videas, dedentes arma abjecisse, victorum sese potestati permisisse, coque pacto expressam deditionem, ut armis projectis, mortem deprecari inciperent, quæque his similia sunt. At vero, preces, submissio-

missiones, oblationes etiam abjectæ dimissæque, non statim habendæ sunt pro deditioe. Quale quantumque inter ea discrimen sit, illustri exemplo, Campani, quorum similiter supra recordati sumus, nos docent. Illi prælio victi à Samnitibus, ut à foederatis Veneti, accedunt ad Romanos, quorum focii foederatique Samnites erant (ad Maximilianum Veneti unum ex foederatis) ac nequo in Samnitum potestatem deveniant (Veneti Galli potentiam nimis excrecentem exosam habebant) Romanos, ut sibi adsint, rogant (Veneti in Gallos Cæsarem exstimulare conabantur) votorum ubi compotes sese reddi haud posse vident, propalam populum Campanum, urbemque Capuam, agros, delubra, divina humanaque omnia, in Pop. Rom. ditionem dedunt, quidquid deinde patiendum erit, didititij passuri, quantisper vero spes erat impetrari posse, quæ exoratum venerant, nulla deditiois occurrit mentio, ac humillimas inter preceis, inter adjurationes, implorationesque auxiliorum multum anxias, sui juris retinendi dimittendique domini manent, etiam reflante fortuna libertatis memores. At videamus, quibus illi verbis se suaque Pop. Rom. commendaverint, sic inter cætera loquutos author est Livius dec. 1. lib. 7. *Populus nos Campanus, Legatos ad vos Patres conscripti misit, amicitiam in perpetuum, auxilium à vobis in praesens petiit, quam si secundis nostris rebus petiissemus sicut coepit celeris, ita infirmiore vinculo contracta esset, tum enim ut qui ex æquo in amicitiam nos venisse meminissemus, amici forsitan pariter, ac nunc subditi, atque obnoxij, (notentur verba) vobis minus essemus.* Paulo post, *Quod vos pro salute nostra priores feceritis, id nos pro imperio vestro & gloria semper faciemus.* Item, *Acerbum & miserum est, quod fateri nos fortuna nostra cogit; Eo ventum est Patres conscripti, ut aut amicorum, aut inimicorum, Campani simus, si defenditis, vestri, si deseritis, Samnitium erimus.* Capuam ergo & Campaniam

paniam omnem, vestris, an Samnitium viribus accedere velitis, deliberate. Ac quammaxime disertim, Umbra vestri auxilij Romani tegi possumus, quidquid deinde habuerimus, vestrum id omne existimabitur, vobis arabitur ager Campanus, vobis Capua frequentabitur, Conditorum, Parentum, Deorum immortalium loco nobis eritis, nulla Colonia vestra erit, que nos obsequio erga vos fideque superet. Annuite patres conscripti, nutum numenque invictum Campanis, & quæ sequuntur. Hæc, qui cum oratione quam Guicciardinus Justiniano adscribit, comparare velit, multo etiam efficacius graviusque, ac majore etiam dimissione concepta pronunciataque haud gravate deprehendet, ac vel invitus fatebitur, qualiacumque ea fuerint istiusmodi tamen haud esse dicenda, ut in dedititiam forem cadant; quinimo ut ut dicere velimus, re vera habuisse Justinianum rei publicæ nomine istiusmodi orationem, (quod tamen non liquet) concedat necesse est, ex ea deduci non posse, fortunas Venetorum eo angustiarum id temporis redactas fuisse, ut vi atque armis oppressi, libertate quam retinere non poterant, privati fuerint, exciderintve. Veniamus ad secundum, ac quid sibi propositum Veneti habuerint, cum (si diis placet) orationem tam egregiam eorum legatus habuit, attendamus. Id ipsum acturis duo ponenda sunt: primum, quid voluerint, secundum quid omnino non voluerint. Quis post Abduanam cladem rerum fuerit status repeti necesse haud est. Iam inde ab infelici pugna, castrisque amissis, multum conciderant animi militum. Ita statuo, fuit Venetis ubi Leonina parum profecerat, assuenda Vulpina, injiciendumque frenum hosti victori, quem si successus suos urgere, si favori numinis instare contingeret, obvia quæque prostraturum, contra nitentia dominurum, ipsaque ruina viam sibi facturum satis assequebantur. Notum illud Tragicis.

*Arma non servant modum,  
Nec imperari facile nec reprimi potest  
Stricti ensis ira. Bella delectat cruor.*

Erat ergo, Veneti ut se suo metirentur modulo, ac qua poterant, quæ sequior obtulerat fors, verterent in virtutem. Nempe si pacis commoda, si bellorum ancipites eventus, occentare foederatis, si benefactorum suorum memoriam refricare inimicis, si foederum cum illis inire numerum voluissent, ridiculi fuissent. Segnia consilia, ac remedia non profutura, temporum conditio aversebatur: Prudenter itaque in sua semet ipsos principia recollegerunt, judicaruntque, perinde ut ubi intrategmen suum collecta est testudo, tuta est, adversus omnes ictus, ubi exserit partes aliquas, quodcumque nudavit obnoxium habet infirmumque, haud dissimiliter quoque, quæ maritimo imperio complecterentur, tuta sibi esse atque impervia, utque ea sæculorum aliquot decursu ad faciendos in continenti progressus viam straverant, in futurum deinceps quoque sternere posse; quæ autem tunc in terra continenti haberent, nuda esse, & ad omnes ictus exposita. Consultius itaque visum nihil, quam continentis possessione paulisper decedere, eamque ad tempus hosti cedere. Videbant siquidem, aliam si institissent viam, si civitates, castella, munitiones, præsidiaque, quæ in terra continenti habebant, non aliter quam per vim in hostium manus venire permisuri erant graviori se indices clade mulcandos, nec quid inde relatueros operæ pretij, quam quod assiduis incrementis, terrorem suis, animum hostibus ipsimet essent addituri. Sic fuscum à se toties Numidam pertimescere sese Sylla negat, sic Romani Germanis Varum & eodem iterum fato victas legiones exprobrant. Quoties supersunt  
qui

qui fugam animis, qui vulnera tergo circumferant incessuros statim ubi ferrum virtutemque vincentium agnoverint, ultione magis opus esse quam prælio, vel miles iudicat. Nec male, quis enim sit, qui fugâ meliores factos putet eos, qui secum in aciem, cladum suarum effusique sanguinis ducunt memoriam? recte Lyricus,

*Nec amissos colores*

*Lana refert medicata fuco :*

*Nec vera virtus cum semel excidit*

*Curat reponi deterioribus.*

Ex adverso, ut jam ante ex Seneca notatum mihi,

*Regi frenis nequit*

*Et ira, & ardens hostis, & victoria,*

*Gladiusque fœlix, cujus infecti semel*

*Vecors libido est :*

Sic de Vejentibus Livius, *Vejentes vincti à Romano milite asueti, fusi fugatique sunt. Tarquiniensis, novus hostis, non sletit solum, sed etiam à sua parte Romanum pepulit, decad. 1. lib. 4. Item decad. 4. Lib. 4. de Sueffetanis, Quorum ubi signa lacerant cognovere, memores quam sæpe in agris eorum impune perfultaissent, quoties ipsis signis collatis fudissent fugassentque, patefacta repente porta, universi in eos erumpunt, vix clamorem eorum nedum impetum Sueffetanè tulere. Utque concludam, tantum id ponderis rerum militarium peritis habere semper est vilum, ut facilius esse, ad virtutem novos instruere, quam revocare perterritos, aperte professi sint. Veget. de re milit. lib. 3. c. 10. Videbant porro Veneti, non alia ratione tutius hostium copias separari posse ac*



distrahi, idque duplici nomine, cum quod hac ratione fœderatos à se invicem avelli posse scirent, tum quod & perspecta essent eorum studia in Rempub. quos in terra continenti subditos sibi fecerant: est enim ut ait ille firmissimum illud imperij genus, quo obedientes gaudent. Sane Venetos non fugiebat, sese Imperij moderatione, comitate, ac æqualitate, maximum sui amorem animis omnium insinuassee. Perspiciebant, illis adnitentibus ac postliminio in Venetum nomen coalescentibus, absque negotio sese, licet rabido velut torrente, cujus magno cum terrore vis prima defluit, abrepti forent, hinc atque illinc in fœderatos coarturos deinceps, ac suis ipsismet viribus oppressuros. Ipsos porro fœderatos inter se quod divellere conati sint, res ipsa docet, nec non missi separatim legati; testatur etiam ipsa illa Guicciardini oratio: cujus enim contextu perspicue constat, quidquid id fuit precum obtestationumque, quod omissis prudenter pro temporum conditione: nocituræ libertatis irritamentis, Legatus Venetorum effudisse dicitur, non alio spectasse, quam ut conciliari se Venetis Maximilianus pateretur, ac mox disrupto fœdere pariter cum ipsis in Gallos arma moveret, fieretque ex hoste eorundem protector & Advocatus. Evincit idem, locus ille quem pro se adduxit Anonymus ex Tuberone Dalmata, ac ut verbo cuncta comprehendam, nullus est nobis, mox ubi de facto disquisivimus locus allegatus, qui non id clarum manifestumque reddat. Addamus, præterquam quod verum sit idem in Rebuspub. quod in corporibus humanis, nempe habiliora esse corpora pusilla quæ in arma sua contrahi possunt, quam quæ super funduntur, quæque magnitudo sua undique vuneribus objicit, præterquam quod tanta iniquitas & casuum varietas, ita non poterat depelli, ut non plurimum insuper procellarum impenderet, magna armamenta pandentibus,  
idque

idque propter, ut in vanum tela reciderent, essent in arctum cogendæ res : addamus inquam, Venetos ea offerendo non tempus modo redemisse, spatiumque sparsa colligendi, collapsa erigendi, ac dejecta restaurandi nactos, sed & hostilis furoris aculeum rerudisse non leviter.

Quid enim erat quo tenderent? Eam sane, quam suam cuique portionem facta Cameracensi fœdere assignaverat divisio, Venetis terræ continentis possessione decedentibus, citra periculum consequi, ac habere sibi quisque poterat. Verbo dicam, cessere in remedium calamitates, & levioribus incommodis graviora sanata sunt. Si quis urbem ipsam deleturos fuisse dicat, sciat velim præter facti impossibilitatem, neque conjunctim id ipsum fœderatos facturos fuisse, neque separatim ut fieret permissuros. Est, ut scimus, suspecta semper, quæ modum supergressa est potentia, ægreque vicinum princeps ferat, qui nocendi facultatem ex arbitrio suo metiatur. Notatum id ipsum Gallorum Oratori Heliano, quem supra vidimus, notatum simul annalium scriptoribus, atque ipse belli eventus insigni argumento edocuit; non alia Venetos intentione protempore à se continentis abdicasse partem, quam ut se suaque tuerentur validius. Illos ergo jure merito prudentes hoc quoque nomine dixerim, qui magnas opes magnis jacturis locum facere perpenderit. Scilicet ipsas quoque manus nostras, expeditius quid rapere posse, quam quæ rapuerint continere, scimus: utque navigia quæ modum excedant gubernaculo minus obsecundant, ita & Rebuspub. evenire assolet, ut prægraves si sint rectoribus suis periculosæ reddantur, & intractabiles. Atque ut ad ea quoque pergamus, quæ secundo loco despicienda diximus, nempe quod sit illud, quod facere omnino Veneti noluerint; quivis deprehendat omnino eos è liberis obnoxios fieri noluisse. Ut ut enim (mox ab accepta ad Abduam clade)

ex sententia Mathæi Prioli judicaverint, ea quæ captui propiora atque oportuniora forent, quo sic hostium cursum impetumque sisterent tradenda potius, quam frustra vireis jam infractas opposcentes, ea ipsa cum libertate imperij amitterent, non caruit tamen id ipsum magnis contradictoribus, nec defuere summi nominis viri, qui vel tunc infractum animorum robur fortunæ turbini objectantes, in amaras quærelas erumpere, propalamque queritari ausi sint, tot egregia oppida hostibus tam facile tradi haud debuisse, quæ majores tantis impensis, tot exercitibus, tantis suis laboribus & sanguine, per tot annos imperio adjecissent, sponte amittenda non fuisse; augeri hac re hostium audaciam dicitantibus, quod debiliorem ad resistendum Rempubl. invenissent quam putarant, ac tanta confecti belli celeritate, ad majora invitarentur, quæque ejus generis plura apud Bemlum non uno loco reperias.

Atque ut quid ipsis legationibus actum sit ne relinquamus intactum, idem Bembus simul atque literas à Senatu datas dixit, ad liberas Germaniæ civitates, ne Maximilianum favire contra Rempub. quæ erga illam tam liberalis fuisset, ulterius permitterent, immediate subjungit. *Neque propter hoc intermittebant Patres in eam cogitationem incumbere, ut Patavium quod plane oppidum ante oculos esset civitatibus, improvise magis, & repentino incurfu, quam bello recuperarent.* Circa illius quoque urbis recuperationem, ea quæ mox in Aloisio Molino (cui tantum sese Veneti debere, quantum olim Camillo suo Romæ, grata mente profitentur) deprædicabamus, magnanimitas, quam non voluerint Veneti externis sese imperijs submittere abunde testata est. Quo tamen ordinem hic aliquem temporum servemus, videamusque, idem semper fixum Patribus immorumque sedisse, ut belli quidem à se tempestatem quantum pote, declinarent, sic tamen ut ne libertatem suam

suam alienam in manum conferrent. Ex ante dictis notari queat Iustinianum (cujus, Anonymo f. t. nte, prima Legatio fuit) cum per literas certiozem fecisset Senatui Tridenti Episcopo audire se noluisse, paucis post diebus Senatu permittente domum rediisse. Quid vero causæ subesse dicemus, cur eum infecta re domum redire permiserint, si quidem animus ipsis erat Imperatorijs se suæque una cum libertate pedibus advolvere? innox quoque ac quidem confestim, à recepto Patavio, cum Monsilice, Ateste aliaque agri Municipia certatim ad Rempub. pervenirent, ipseque Maximilianus veritus ne interciperetur è vestigio Tridentum abiisset; equidem tam procul absuit, ut taleis Venetis in mentem venire cogitationes credibile sit, ut, vel pridie, antequam Patavium reciperetur datæ literæ à Maximiliano ad Senatum venerint, quibus ipse ut Aloisium Mocænicum ad se Marosticam patres mitterent petebat. Successum negotii si audimus, *Aloisus* (referente eodem Bembo lib. 9) *patrum jussu, postero die Tarvisum profectus, quod rumor attulerat Maximilianum se in fines suos recepisse, præmissis tabellariis, qui ubi rex esset, quoque se venire vellet sciscitaretur, aliter literis regi certior factus esset, nolle amplius Maximilianum cum eo colloqui.* Quid vero hic Patres, preceisne meditantur submissionesque homini libero propudiosas, aut quod adversarius velit dedicationem? minime vero, *Legatus*, ut est apud Historicum, *Tarvisi paucos moratus dies, à Senatu revocatus, demum rediit.* Recte id ipsum; mutata res erant, cessabatque legationis ut materia, sic & causa. Ipse quoque Iulius Secundus, eodem illo tempore, cognitis magna cum molestia (si quid eidem Bembo credimus) Reipub. prosperis rebus, Dominico Grimano, Hyeronimo Donato ad se vocatis, animi ægritudinem dissimulans, ostendit cupere se ut Tarvisum Forumque Iulii Respub. ne amitteret, seque ejus rei autorem apud Maxi-

milia-

-milianum fore pollicetur, atque ad sacra legatos reliquos qui domi detinebantur, admitti imperat. Utque mens agentium per ea quæ gesta sunt dilucide sese explicat, neque conjecturis locus est ullus, ubi ipsa rei veritas in aperto collocata est, quam non voluerint ulla ratione Veneti Libertatem suam seseque Maximiliani imperiis subdere, audiamus sodes, candide rotundeque loquentem Bembum. *Aloisius* (ait ille) *Mocœnicus*, *Ioannes Cornelius* legati ad pacem cum Maximiliano tractandam missi, uti superiore libro demonstratum est, atque in *Alpeis* profecti, regiis internunciis qui ad eos venerant Reip. datis muneribus, (ea erant vini cretici pretiosioris, cere albæ ad tenebras expellendas, fructuum in *Egypto* conditorum ad regias epulas, omnium prope generis non parva copia) Sermonem cum iis complureis dies habuerunt, non unusque locum unum fuerunt, neque tamen pax iniri potuit, cum illi omnia quæ in Maximiliani potestate proxime fuerant, à Senatu peterent, Senatus nihil eorum quæ ante bellum obtinebat vellet amittere, dependere quidem Maximiliano aliquam pecuniæ vim se obligasset, si de reliquis fœderis capitibus quæ proponebantur, convenire inter ipsos potuisset, sed obstinatione duritieque ambarum partium factum est, ut infectis rebus ab utrisque domum recederetur, ita ea multarum dierum tractatio & mora, quæ suspensos atque sollicitos Patrum animos habuerat, postremo ad nihilum rediit.

Iudicet nunc æquus Lector, ex Historica rei gestæ veritate, ex personarum, temporum, locorum, occasionumque circumstantiis, quid in hac re statuendum sit. Ego soli meridiano facem non prælucebo: verum hac quoque parte quam thematis mihi loco desumseram, satis ut videor defunctus, ad novissimam me conferam. Hæc ipsa quoque ut videmus bimembris est, primoque quid in quæstionem Iuris venire queat ut despiciamus monet, ac secundo, an ullatenus ea quæ in dicta oratione continentur, ita accipienda sint, aut interpretanda, ut in detrimentum libertatis Venetæ redundent



dundent. Primum quod attinet, indubium est ubicumque de facto quæritur, inspiciendum esse quid actum sit, id est qua mente quoque consilio hoc illudve ita gestum sit. animus enim est, qui normam formamque negotiis accommodat. Exemplo sit illud Iuliani l. 29. ff. de reb. cred. qui, quod non omnis enumeratio eum qui accepit obliget, dicit, sed quoties id ipsum agitur, ut confestim obligaretur, quod & in mortis causa donationibus, inque pecunia, ad id ut aliquid fieret, data, confirmat. Atque hinc quoque enata sunt duo juris axiomata. Actus ultra intentionem agentium non agere, item, nihil operari propositum in mente retentum. Quod ut applicemus, certum est peccare hic adversarium, qui verba quantumvis multum supplicia, sic distorquet, ac si qui ea proferunt abdicato jure libertatis, in contrariam libertati conditionem, se conjecerint, idque non minus contra verborum ipsorum tenorem, quam contra agentium intentionem. Ipsa verba quod attinet, dubium non est quin ea in nuda auxilij imploratione ac patrociniij præstandi rogatu consistant absolvanturque ad unum omnia. Sunt autem hæc potissimum *Tueare* (nimirum sic loquentes Guicciardinus introducit) *quæso ab eorum insolentia quibuscum paulo antea sociata arma junximus, quos nunc servissimos hostes experimur, qui nihil æque cupiunt, quam Veneti nominis subversionem. Tua servati clementiâ te patronum, te parentem, & urbis nostræ fundatorem, appellabimus, annalibus inscribemus, & filijs denique nostris tua ingentia merita sedulo ingeremus, &c.* Quæ verba tueare, item, ab eorum insolentia, item, te patronum, te parentem appellabimus, luce meridiana clarius evincunt id actum Venetis, ut Maximiliano clientes fieri possent, perinde ut ante factam deditionem à Romanis Campanos petijisse, adversum Samnites ut in clientelam assumerentur, defenderenturque, supra ostendimus. Utque quod asserimus ma-

nifestius constet eodem Campanorum exemplo, utpote quo non aliud similis temere occurrat, certum est, siquidem mens Romanis fuisset ad primas preceis eorum adversum Samnites patrociniū suscipere, opus non fuisse, ut, qui medias quoque inter preceis, societatem, amicitiam ac libertatem spirabant, divina ijs humanaque omnia dederent. Accedit, quod neque alio quam patrociniū intuitu, moturi fuissent in Samnites Romani, quod nolebant tamen. Iisdem ut ut auxilio dignos judicarent Campanos, ita tamen cum illis amicitiam institui Romani par esse dixerunt, ne qua antiquior violaretur; cumque Samnites foedere sibi juncti forent, arma se eis duntaxat negare, Deos prius quam homines violatura. At vero deditioe insecuta, longe patrociniū ac clientium nomen, longe prætextus fuit, *Legatos* (ita Livius) *ex templo miti ad Samnites placuit, data mandata, ut preces Campanorum, responsum Senatus, amicitiae Samnitium memor, deditioem postea factam, Samnitibus exponerent: peterent pro societate amicitiaque ut deditiis suis parcerent, neque in eum agrum qui populi Romani factus esset, hostilia arma inferrent, si leniter agendo parum proficerent, denunciarent Samnitibus populi Romani Senatusque verbis, ut Capua urbe Campanoque agro decederent.* Similiter etiam Maximilianus, si precibus Venetorum, si ijs quæ illi offerebant affecti se passus fuisset, ut foederatus apud foederatos pro Venetis intercedere potuisset, at vero si se illi Veneti jam tum dedissent, non jam amplius ut pro amicis, apud pariter amicos acturus, sed ( si quidem foederati refractarij mansissent ) ut res suas defensurus, propalam foedus rupturus fuisset, ipsosque foederatos pro hostibus habiturus utque in manifestos hostes arma moturus.

Atque existimo quidem neminem fore, qui non passurus sit, longe differre protegendī postulatē ab imperandī jure; conditionem clientelarem, à qualitate subditi. Nam et si  
non

non defuerint qui protectionis imperijque jura confundere sint aggressi, recta tamen ratio monet, esse illa sejungenda, ut certe sua natura disparata sunt atque sejuncta; quod ipsum, communi scribentium calculo, ut receptius merito obtinnit. Quid? quod vel protectionis nomen monet; docetque eam duntaxat consistere, in clienteis contra vim majorem defendendi jure, in eumque finem aut conventionem constitui aut jure? Cæterum nec hoc quoque perplexæ disputationis existimo, posse liberum populum citra libertatis suæ præjudicium in alterius sese patrocinium adducere, idque ipsius intuitu Clientelæ. Nam, licet fatendum sit cum Thusco scriptore, firmitus illius esse ac validius imperium, à quo vicini pacem auro redimunt, aut protectionem impetrant, quam illius, cujus eo res sunt loco, ut alterius se protectioni committere opus habeat, vereque populus talis in libertate dicatur esse, qui suis stat viribus, nec alieno pendet arbitrio, tamen clientelam si attendimus ipsa nihil aliud esse dicenda est, quam fœderata patroni clientisque inter se consociatio, cujus respectu, qui in protectionem suscipitur, quantumvis æquè liber, quam ante fuerat, etiamnum esse perseveret, ad honorarium tamen subinde obligatur, ac fere semper protectoris sui majestatem (loquor de summis inter se potestatibus) comiter conservare tenetur. Quid vero sit comiter majestatem alterius conservare, dictum sæpiusculè, ostensumque, nullum prorsus libertati alterius adferre præjudicium, quod ipsum hoc loco denuo à nobis ut repetatur, non est necesse. Illud in transcurso dicam, tersissima quam pro Cornelio Balbo habuit eloquentiæ parens oratione, ea contineri, quæ penitissimam ad istiusmodi observantiæ cognitionem habendam necessaria sunt: inde ea cum lubitum fuerit, petere licet. Verum nec est quisquam, qui clientelis majestatis jura dicat

extingui, modo consideret illam majestatem de qua nobis ermo, in externo honore non consistere, verum in liberrima, quam qui ejus jura habent, in sibi subditos exercent potestate, illam vero nisi speciatim contrarium convenerit, sese in clientelam alicujus dando, nemo à se abdicat; ac insuper quoque, cum nihil præter nudam defensionem protectio comprehendat, ut jam diximus, neque qui se in alterius clientelam dat, alia id faciat conditione quam ut ei à potentiorum vi, tuto securoque esse liceat, quidquid præter illam conditionem est, quin sibi ex asse reservet, dubium non est, ut est textus in l. si qui certa. ff. de Iure Imm. Firmat enim regulam in casibus non exceptis exceptio, atque adeo quoque ipsamet esse perhibetur regulæ pars, aut saltem, ut DD. ajunt, de regula, ac tantum abest, ut sola ac in se clientela majestatem tollat, ut ex adverso melior potiorque scriptionum pars à Bodino dissentiat, perinde ac si duram de humanitate sententiam ferat, statuendo inferius majestate principis facere aut Respub. si se alienæ protectioni committat. Vtique,

*Si figit adamantinos*

*Summis verticibus dira necessitas*

*Clavos,*

Si cum Prænestinis justa bella dicimus quæ sunt necessaria, quæ ratio, cur non idem de Clientelis dicamus, aut cur ingruente periculo, quod totius quoque ditionis subversionem secum tracturum metuitur, vitio dandum Principi reive quis putet publicæ, si in alieno subsidio salutem quærit? Verum non sunt hæc instituti nostri. Pressius ut agamus, succinctiusve, ipsa Orationis verba quatenus accommodari clientelæ protectionique possint, agendum videamus, quod quidem

quidem si præstare datur, nulli deinde ut spero erit dubium, quin ex amissim omnia quæ in ea continentur oratione sic sint accipienda interpretandaque, ut nec minimum quidem, Venetorum Libertati contraria sint, aut adversa.

*Rêdeant nobis annuentibus, ad te verum legitimumque Dominum, quemque majores nostri S. Romano Imperio ducatuque Austriæ abstulerunt.* Hic quod Imperatorem verum legitimumque Dominum vocent, adversarius urgeat, sunt enim inter se relata Dominus & servus. Lepide Martialis

*Tum servum scis te genitum blandeque fateris,  
Cum dicis Dominum Sosibiane patrem.*

Sed vel metacente quilibet animadvertit Imperatorem eo loco non vocari Dominum Venetorum, ast eorum duntaxat quæ Imperio à majoribus suis erepta, Austriæ ducatu, postliminio, Venetis eorum dominio decedentibus, ad ipsum revertebantur. Istis ergo vox illa manifesto sit applicanda. Causa non sit cureos in Imperatoriam Iurisdictionem consensisse dicamus, quamquam alias quoque si non concurrant, aliæ, quæ magis urgeant subjectionis demonstrationes, ex eo solo quod quis aliquem dominum vocet ac quidè dominum suum, (quod tamen hic non fit) haud inferatur à parte sic vocantis ulla subiectio. Est enim recepta, Dominum vocandi cum qui dignitate aliqua præditus sit, consuetudo. Introduxit istiusmodi voces secta temporum, cui siquid deferimus, eas officiosas magis, quam devinciendi potestate præditas æstimabimus. Monuimus jam ante, secundum subiectam materiam accipienda verba. Ipsum ergo dominium, modo directum cum sit, modo utile, sitque in ipsa quoque protectione sua dominij species, merito nos quoque domini nomen ita accipiemus, prout hinc agentium intentio, inde mate-



ria subiecta recipiendum dictabat. Sic Vafallos quoque feudi Dominum videas appellare Dominum suum, aſt non alia quam feudi ratione, eoſdem ſimiliter Dominus fideleis dilectosque appellabit, non ſubditos tamen. Si Archiva Principum aut Grammatophylacia excutere daretur, nã multoties haud alijs clientibus à protectõribus ſuis titulos, ac vice verſa Patronis à Clientibus adſignari videremus, quam quos ſubditis ſuis Domini adſignant, Dominis ſubditi. His haud multum diverſa obſervavit ante me ſuo de fœderibus tractatu Erenbergius, clienteisque protectorem ſuum dominum appellando, nullam illi prorsus iurisdictionem conferre pronuntiavit; ac protectorem viciffim, clienteis fideleis ſibi dilectosque indigetando, nihil eorum libertati adferre iudicij conſtanter aſſeruit.

*Vt decentius veniamus, omnia quæ in continenti poſſidemus adjicimus, quorum juri utcumque quaſitum ſit, renuntiamus.* Nihil eſt quod ex illis verbis inferatur adverſum libertati Venetæ. Eſto ceſſerint continenti, ſic voluere; Iuri favorique pro ſe introducto liberum cuique renuntiare. Eſt rerum ſuarum moderator unusquiſque & arbiter. Nec tam naturale quicquam, quam voluntatem domini rem ſuam alienare volentis ratam haberi. Si quis urgeat in neceſſitatibus liberalem præſumi neminem, hæc vero à neceſſitate extorta, dicam prius illud equidem ultro me concedere, poſterius ut largiar cauſam non eſſe. Si cui apud Bembum ea quæ in conſilio patrum agitata tum temporis fuere, quæ nobis quoque ex parte hoc ipſo capite citata ſunt, legendi eſt otium, ſi quis & illius, quem nunquam ſatis laudandum jam laudavimus, Aloiiſij Molini verba, tanto Senatore digniſſima attendere, ac ex illis rerum momenta temporumq; circumſtantias ponderare, non gravabitur, inveniẽt facile, prudenter ea magis ac dliberate facta quam ferentẽ ſic neceſſitate, tali ſaltem neceſſi-

cessitate, cui reluctari tantundem fuisset, quam si quis brachia contra torrentem intenderit.

*Præterea quotannis tuæ Majestati legitimisque in imperio successoribus, quinquaginta millia aureorum perpetuo ex arario deponemus.*

Esset hic facilis à quæstione Juris ad quæstionem facti deflectus, eoque facilior, quo magis in vicino necessitas est id ipsum faciendi, cæterum eo non delabar: verane hæc an falsa sint, aut quatenus ex vero quippiam trahentia dici possint, ex iis quæ jam ante adducta sunt, constare potest: id potius agam, ut citra præjudicium veritatis, quam salvam quaquaversum velim, demonstrem, nihil hic adferri quod non inter patronos clientisque tralatitium sit. Ac certum quidem, nullam hic omnino tributi mentionem fieri, nedum talis, quod pro jure suo, subditis domini imponere consuevere. Pro patrocínio dependi solere sive honoraria, sive intributiones annuas, sive alia ex pacto quæ debeantur, novum non esse ex parte jam ante vidimus. Id ipsum protectionis naturæ esse non inconueniens, ex eo colligere licet, quod rarissima sint, quæ gratuito præstantur patrocinia, quin imo patrocinium istiusmodi, protectioque, cum ut jam dictum jurisdictionem non conferat, officij censetur loco. Clientis ergo annum illud præstationis beneficium serit, ut protectionis fructum metat: non est utique (ac vetus ea querela) tam ferax virtutum sæculum hoc nostrum, ut cui virtus, indotata si sit, allubescat; eam ipsam præmia si sustuleris, quotusquisque amplectitur? debentur ergo magna præmia magnis conatibus, & cum ad protectorem labor periculumque spectent, honorem ei aliqualem ac emolumentum adempta velle, sacrilegum sit. Recte Livius, *Nusquam nec opera sine emolumento, nec emolumentum ferme sine impensa est opera.* Sed & hic quoque prudentiam patrum elucere videas, qui rebus minus lætis, & ad aliena subsidia non obscure spectanti-

stantibus, vel tum quoque considerare potuerunt, populorum plerosque quos Pop. Rom. implorasse auxilium patrociniumve annales tradunt, ab iisdem Romanis in suam ditionem redactos, non alia magis de causa, quam quod grætica fuerunt præstita. præclare Poëta,

— *Fælix quicumque dolore*  
*Alterius didicit posse carere suo.*

Ac sane, si quando pro præstando patrocinio dependitur quippiam, ultro citroque obligatio enascitur, nec minus clienti patronus, quam patrono cliens, vinculo juris adtinetur. Estque & hoc notandum, quæ sic à clientibus dependantur, aliter atque à iter considerari debere tam respectu ipsius Patroni, quam respectu clientis; atque inde quoque notabilem inter ea quæ subditi contribuunt, quæque clientes clargiuntur, existere differentiam. Nempe, protector aut patronus, quæ dependuntur accipit eum in finem, ut operas suas locet, cliens, ut patronum pro opera locata remuneret, simulque ad ulterius locandas comiter invitet. Subditus quæ dependit, ea dependit ex debito, juxta illud Apostoli, *honorem cui honorem, tributum cui tributum, non propter legem, sed propter conscientiam*: Cliens ex adverso vi legis contractui dictæ. Atque hic iterum Bodino adversatur ratio, qui majestate inferius putat, tutelæ quid nomine polliceri: si quid e. hic indigni, accipientem id omne spectabit. Nota I. C. vox, honeste nonnulla concedi quæ minus honeste petantur. Ac nec illud quoque indignum notatu, ea, quæ sic à clientibus tribuuntur, nec tributis accenseri, nec tributorum nomine venire, sed speciali nomine Boëtheiam vocari. Sic Aventinus Annal. Boior. lib. 7. *Boëtheiam*, inquit, *Græco atque Teutonico vocabulo à patrocinando nominamus, quod quasi*

*quasi præmium curatori patronove ut procuret, defendat, asserat, vindicet præbeamus.* Quæ cum ita se habeant, indubium est ea præstari posse citra Libertatis præjudicium, utpote quæ à patrocínio exorta, patrocínioque annexa cum sint, non magis Libertati obesse valent, quam ipsum patrocinium quod jam dicere capimus, latiusque dicturi sumus, jurisdictionem nullam tribuit. Sed & nos jam ante id ipsum quoque tractavimus rationibus, argumentisque firmavimus, cum ad Cassiodori epistolam, quam pro se Anonymus adduxerat, respondimus, ubi quæstio erat de solvendo canone, Attigimus etiam aliquantisper & illustravimus nostris ad §§. 58. & 59. notis. Exempla ibi allata non repetam, nec pluribus conquirendis (quanquam ea in promptu sint) me fatigabo. Docuit nos omnis ætas, etiam maximos *αὐτοκράτωρες* belli redimendi, publicæ quietis, aliisque gravibus de causis, istiusmodi tributa perolvere. De Turcis quorum in genere ibi meminimus, ita specialiter Bodinus meth. Hist. c. 5. *Cogitur hic ex veteri pacto tributum, ducentorum millium nummum Æthyopum regi sive Prasbitero Iohanni dependere, quod cum Zelimus II. per biennium non solvisset bellum inter Zelimum & Æthyopum regem exarsit, anno 1572.* Quin & Turcarum princeps iis populis qui montes Arabiæ tenent sexaginta millia aureorum tribuit, ut agro Palæstino ac Damasceno libere fruatur. Nempe ita multotiens salutis publicæ ratio fieri vult, cujus intuitu causaque, quum nihil sit tam firmum quod non subvertere, nihil tam arcanum quod non eruere, nihil tam sanctum quod non profanare, licitum sibi mortaleis existiment. Dicendum est, humanarum rerum necessitatem hic in partem venisse, voluisseque tributis illud ademptum, quo Libertati derogare & ad obnoxiam conditionem deducere posse videbantur; perinde ac si esset id è Republica hominum, ut salvo immunitatis jure, gentium quies, regnorumque salus suprema,

Z z

vel isto

vel isto pacto expediri, servarique possit.

*Alia tua jussa, decreta, sanctiones & præcepta, libenter amplectemur.*

Hæc tam universalia, atque indefinite posita, fortasse quispiam cum adversario, duplici nomine contra Venetos contorqueat, primo quod fieri non possit, quin de jure qui protector sit (posito versari nos hic circa protegendæ postulata) jurisdictionem habeat, quis enim jubeat, decernat, sanciat præcipiatque nisi jurisdictione armatus, cum alias, elusorium Præsidis imperium non sit ferendum? Secundo, ut ut de Jure per protectionem nulla protectori quæraturs jurisdictionis, dicendum tamen eam de facto quæsitam Cæsari, cujus jussa, decreta, sanctiones, & præcepta libenter se amplexuros, offerant sponte sua, non rogati.

Equidem si Venetorum verus legitimusque Dominus Imperator esset, ac si pro ordinario magistratu Venetorum reputandus, faterer sane ejusmodi protectioni annexam quidem esse jurisdictionem, sed tamen haud conferri de novo. Fieri posse, ut cum jurisdictione protectio concurrat, extra dubium est: quin imo, ut non negaverim sæpe ea concurrere, ita nec adversarius dixerit, concurrere semper, nedum necessario. Sed non est in præsens super ista re nobis quaestio, unum nos ex adverso dicimus, fieri non posse, ut protectione quæraturs jurisdictionis, aut libertati creetur præjudicium. Firmatum id superius nobis, ipso clientelæ nomine, quod confœderationem in se complectitur. Fœdus clientelæ vero, jura summi imperij haud conferre, non minus certum, quam fœderibus cognatam esse protectionem, ipsumque porro fœdus, cum pactione definiri monuerimus, pactis suum insit *ζωδὴλαγμα*, procul ut absit omnis Jurisdictionis necesse est. Ea nimirum publici cum sit juris, cumque de jure æstimationem non recipiat, in contractum non cadit.



dit. Atque hoc est quod ait *Bart. in l. 1. C. de excusat. munerum*, civitatem liberam quæ se protectioni & regimini alterius committat, non ideo merum & mixtum imperium transferre, & *Socin. conf. 7. nu. 1.* civitatem quæ se protectioni & gubernationi alterius submittat ideo libertatem aut jurisdictionem non amittere. Nec sane, qui se protectioni alterius committunt, aliud agunt, quam quod se suaque protectori velint esse commendata: Commendare autem in jure idem est quod deponere, eamque sequelam habet, ut eodem statu servari restituique debeat. Ac quemadmodum in deposito, neque dominium rei depositæ, neque possessio ad depositarium transfertur, sed nuda duntaxat ei custodia committitur, ita cum protectio ipsa re vera nihil aliud sit, quam custodia (unde & specialiter in c. generali de election. m. 6°. Pontifex procurationis jus, custodiam vocat) eadem merito qua depositarius lege, protector tenebitur, juxta vulgatum illud, ubi eadem ratio, ibi eadem quoque juris dispositio. Nec attendendum leviter in hoc argumento, quæ mens clientibus fuerit, quodve propositum. Id vero nihil minus fuisse dicendum est quam libertatis à se abdicationem; neque enim clientis ut minuant, sed ut conservent libertatem suam potentioris auxilia requisivisse, tenendum est, quin potius ab altera parte, talis protectio signum est, ac evidens quidem, non jurisdictionis. Est enim è vestigio (rectius ut loquar) exclusa omnis jurisdictio, simul atque de protegendî jure certi sumus. Haud alio sensu Guilielmus Kyriander in Commentario suo de civitatis Trevirensis origine ac statu dixit, tutelas quæ inter civitatem Trevirensis & ejusdem loci Archiepiscopos intercesserunt, potestatis aut dominationis Pontificum in eam civitatem indicia non esse, sed ejusmodi principatum manifeste destruere. Quod allatum modo est de facto, Iura Majestatis Cæsari quæ sita, illud ve-

rum non est, ac si urgeat adversarius imo maxime sic se rem habere, probationes adferat, sed & nos quoque jam ante ostendimus, imperia protectoribus esse in clientes, esse animadvertendi jus, *Fiunt apud nos inquit IC<sup>us</sup>. rei ex civitatibus fœderatis, & in eos damnatos animadvertimus*, loco à nobis citato, non repetam semel dicta. Constat dictos clientes à colendo, patronosque quod quasi patres sint, hinc est ut ratione præstiti patrocini, quatenus loci, personæque dignitas ita postulant, protectorem suum agnoscere debeant, ut fœdere superiorem, quod ipsum pars est, neque ea minima, comis illius observantiæ, quam patronis suis debent clientes deferuntque. Eaque observantia cum sit liberis hominibus nec indigna, nec indecora, cumque constet, ut mox dicemus, vel invitos à protectoribus clientes protegi posse, ac sic ut in invitos judicia redduntur, invitos defendi, eo saltim usque, quantisper protectioni renunciatum non est, certe non est, ut cliens in protectionem se daturus, aliter se componere possit quam ut Patroni iussa, decreta, sanctiones, & præcepta libenter amplectatur, eoque lubentius, quod sciat, limitatam causam cum habeant istiusmodi iussa, non alios effectus quoque productura, quam similiter limitatos. Sed cum nos jam ante largiter ostenderimus, non alia mente hæc verba (modo prolata sint) proferri potuisse, quam protectionis exorandæ gratiâ, idque ex ipso textu apparere, respondendum ad objectionem motam, accipienda ea quæcumque sint, secundum subjectam materiam, quæ cum jurisdictionis, imperij, dominijve capax non sit, frustra velimus admittere verba jurisdictionem imperij dominijve jus sui momento illatura; idque ad infligendum libertati præjudicium.

*Tueare queso ab eorum insolentia quibuscum paulo ante sociâ armâ junximus, quos nunc savissimos hostes experimur, qui nihil æque cu-*  
piunt.

*piunt & desiderant quam Veneti nominis subversionem: Tuâ servati clementiâ patronû, parentem, & urbû nostræ fundatorem appellabimus, annalibus inscribemus, & filiis deniq; nostris tua ingentia merita sedulo ingeremus.*

Hic aperte ut videmus, nihil votis aliud expetiisse dicuntur, quam ut in tutelam recipiantur adversus hostilem vim, quod ipsum directæ protectionis infert quæsitum jus, non vero dominii, atque ut videmus, causa, cur quæ præcessere Cæsari dicantur oblata, fuit, ut eos ab insolentia eorum tueretur, quibus cum paulo ante socia arma junxerant, quosque tunc temporis sævissimos hosteis experiebantur. Auxilii autem ferendi causam à dominii jure si non secernimus, eadem ratione milites nostros mercenarios, quos ad auxilium, opem, protectionemque stipendio evocamus, Rcipub. Dominos esse dicemus, quod absurdum. Nec inconueniens fuerit observasse, præter ea quæ jam à principio notavimus, ad verba *patrû, patronique ac fundatoris*, non modo posito domino, poni & subditum, ac patrono nominato nominari & clientem, verum similitudinis hic quoque rationem occurrere, quæ supra dicta potenter adstruat. Vt enim patronis, patronatus jus, exstructio vel fundatio Ecclesiarum, nullum dominium tribuit, neque aliquam jurisdictionem confert, sed, ut est in *c. pte mentis. in 6º q. 7.* servitii duntaxat imponit sollicitudinem, ita quoque protectio protectorem quidem facit, at Dominum non item. Tædet vero hanc seram reciprocare diutius. Alienis utar verbis totam hanc materiam strictim complectentibus, ita *Alibysius de cæologia lib. 1. c. 31. nu. 21. 22. 23.* *Cientes sunt qui administrationem rerum suarum habentes sui que juris existentes; ex justa & probabili causa in potentioris alicujus patrocinium, tutelam, protectionem, fidem & fœdus sunt suscepti modo legitimo. Vocantur alias homines Ligj ab eligendo patrono vel quod se ligabant amicitia patroni. Cæsar devotos vocat, alibi suscepti, affecte, vel familiares, dicuntur.*

*Commodum hujus clientela est, debitus à clientibus patronis sui honor, reverentia, & obsequium, quibus addo annuum salarium, quod clientes promiserunt patronis, fidem & auxilia in periculis, sumptus ad defensionem & protectionem necessarios. Quamvis (notari id velim) operas suas protectoribus non debeant neque subjectionem, & jurisdictionis exercitium admittere teneantur.*

*Onus clientela, est defensio à protectore suscipienda, in periculis assistentia, quam etiam non rogatus prestare tenetur, & in vitis quoque, ita ut protectione domini ab aliorum injuriis tui esse possint in capite & fortunis. Hactenus ille, quæ pluribus ibi DD. autoritatibus late firmat. Ac spero quidem per hæc ipsa firmiter satis esse roborata, quæcumque ad stabiliendam sententiam nostram adducenda fuisse nobis sunt visa.*

*Nec parva tuarum laudum fiet accessio, quod primus es cujus pedibus supplex respub. Veneta se prosternit, cui submittit cervicem, quem ut cæleste numen colit, veneratur, observat.*

Gmina sunt hæc ijs, quæ Campanos à Samnitibus victos, & longiori bello petitos Romanis occentasse ex Livio retulimus, fateorque credere me, cum & alias habeam mihi quam persuasissimum, eam quæ à Guicciardino hic est inserta historiæ suæ, perinde ac si re vera totidem verbis habita fuisset, orationem, nihil esse præter ingenij lusum, quo se Justinianus aut alius quilibet oblectatus sit, ut quam graphicè exprimere posset τὸ πρέμνυ amicis ostenderet, credere inquam me, eandem orationem ad imitationem illius Campanorum orationis fuisse compositam, adeo sibi quaquaversum similes sunt. Sed enimvero, sufficit integra libertate, his ipsis demissiora à Campanis dicta fuisse, nec alio à Romanis reputata sensu, quam si forent non dicta, saltem non talia, quibus ullum in Campanos jus istiusmodi sibi admetiri possent, ut illius intuitu arma exinde sumturi forent, non homines prius quam Deos violatura; neque causam  
inve-



invenio, cur altum sonantibus hyperbolis, tragicisve miserationibus, à dicentis facundia non à rei veritate proficiscen-  
tibus, magnopere commoveamur. Interim est quod serio gratias agat Anonymo Venetorum libertas, quod ipsemet, omnibus argumentis suis, quibus ad extirpandam ex animis hominum Venetorum libertatem hætenus est usus, quod ipsemet omnibus commentis suis, emendicatisque suffragiis, quibus eam neque in primæva radice consistere posse, Gothis ludibrium debuisset, ab Exarchis illusam, ab Imperatoribus nunquam agnitam, summo nisu persuadere conatus est, non derogat modo sed aratrum velut inducat, dum tanquam veras, indubias ac contradictionis haud capaces, in scenam adducit Legatorum Venetorum voccis, quibus illi primum esse Maximilianum, cui sese pedibus libertas Veneta (si Diis placet) prosternat, fateantur supplicis.

Et sic quidem defungi poteramus, cæterum, debetur hoc ei quam nos profiteamur arti æqui & boni, ut vel per indicem commonstreimus quam enormiter in illam adversarius impingat. Ac quidem, in dubio contra Libertatem, cujus est immensus in jure favor, decidendo, causam non dixerit, quin vel se iudice malignus sit lividusque. Quod non distinguit inter eos actus qui à Libertate devii quidem sunt, libere tamen possunt, & à liberis fieri, ineptus est, ac nimis oscitanter supinus. Quod modum habendæ rei, non sejungat à re ipsa, ac sic quoque, qualitatem hominis liberi, ab exercitio Libertatis, peccat. Quod dissentanea pro consentaneis obtrudat, minus est ingenuus. Finemque ut faciam quod solo detrahendi occæcatus studio, quæ vera sunt dicere non audeat, audeat vero quæ scire & potuit & debuit, ignorare autem omnino non potuit, à vero esse aliena, nullius est precii. Est nimirum sanctissimum humani pectoris bonum, humanarum rerum supremum vinculum, fides. hanc nec odia  
trans-



transversam agant, nec ad fallendum præmiorum vel amplissima spes impellat, tantum vero abest ei impune quispiam ut illuſerit, ſe ſibi illa vindicat, ac, ut ait Mimus, *Fidem qui perdit non poteſt ultra perdere, fides ut anima unde abiit nunquam redit.* Ita in Palamedis apologia quem Latio ſermone citamus, Leontinus Gorgias, *Vita vitalis ei eſſe haud poteſt, qui fide & honeſtate ſpoliatus eſt.* Qui enim pecunias amiſerit, qui regno ceciderit, qui patria fuerit ejeſtus, ad meliorem vite conditionem revocari poteſt, atque fidem amiſit eam recuperare non poteſt. Ut verbo abſolvam; perijt cui perijt fides.

## CAP V T. XVII.

*De Libertatis habenda modo inſtituta diſſertatio. Ducum Venetorum potentia qualis & quanta. Faliſus eſt Anonymus, dum eam ſummam putat, dum quæ Ianottus dixit, Triphoni Gabrielio adſcribit. Laus Triphonis Gabriellii, ejusque deſenſio, Janotti fides in rebus Venetis elevatur. Thomæ Aquinatis ſententia de reſtriſto Ducum Venetorum Imperio. Nomen Imperii ſpeciesque à vi Imperii quantum diſtent. Argumenta Anonymi à provocatione ad Duces, à collegiis ab ipsis ducibus ſibi adſcitis, deſumpta, improbantur. Ridicula Anonymi verba de invidia plebis in Duces derivata. A vero abiit Anonymus, dum illuſtres Venetorum familias, priorum Ducum potentia oppreſſas, à ducatu demum Sebaſtiani Ciani caput extuliſſe tradit.*

**A**ſſerta huc uſque Venetorum Libertate, quatenus ea in ſingulorum perſonas cadit; eo devenimus, ut de  
 Liber 4

Libertatis habendæ modo, quem ab ipsa Libertate separari debere ac distingui jam nunc à principio monuimus, nobis sit differendum; Sed & hic detrahenda Anonymo larva, ac sicubi usquam in planum deducenda veritas. Examinanda nimirum hoc loco est priscorum, quos Veneta Respublica tulit ducum, potentia qualis ea fuerit ac quanta. Ille *ἡλικίως* ponit absolute summam fuisse, nos auctoritate magis suadendi quam Imperandi potestate præditam. Dicendum quod res est, vidit quam disertim adversarius, difficulter comprimis, eo se evasurum ut theseos suæ veritatem lectori probet; quin & insuper cum nosset, contrarium annales atque omnia omnino historiarum testari monumenta, ac proinde non posse se quod asserit iustis authoribus communire, leonina deficiente vulpinam sibi assumendam iudicavit, ergo ad emendicanda suffragia non impigre accingitur, sed & horum ipsi multa penuria, quid faciat? quone prorsus ab auctoritate idem sentientium videatur destitutus, totus est in allegandis aliquot locis haud aliunde potissimum petitis, quam ex Dorsati Iannotti de rep. Veneta commentarijs. Nam Bodinum quidem sub Flabio. Albergate vapulare fatetur ipsemet, ac nec inficiari aufit, quæ è Bote-ro Iustinianoque obiter modo, ac velut in transcurso citat, circa verborum aucupia magis versari, quam circa iustarum auctoritatum pondera. Quandoquidem ergo totum sententiæ suæ robur in Iannotto ponit, operæ prætium fuerit despicere quid quantumve in oppugnanda convellendaque Venetorum libertate Iannotti valitura sit autoritas, quinimo, nec injucundum fuerit hæc lectoris ob oculos ponere, quam non dextrè, quo plus splendoris auctori suo conciliet, ludat in re seria, assumpto fere quaquaversum nomine Triphonis Gabrieli patricij Veneti dum in vivis esset, quique non proletariæ eruditionis laude clarum ad posteros

nomen transmisit: perspexerat jam ante adversarius, ea quæ ex Iannotto adducturus erat fragilia multum fore, ac vel ad levissimos impulsus in ruinam prona, si nihil aliunde suppeteret, quibus ea fulcirentur, ergo postquam semel iterumque Iannotti mentionem fecit, quæcumque deinceps exsequitur eum ad modum citat, tanquam si prolata forent à dicto jam nobis Gabriele, quo nimirum facilius legentium animos in assensum trahat, incautosque ac minus in id attentos, tanti nominis percellat fulgur. Id Anonymum agere ex ipso Scrutinij ejus contextu vel quivis deprehendat, *verba*, inquit, *illius* (Gabrielis nempe) *commemorabimus prout ea Donatus Iannottus commemorat, scriptor multum prudens, veraxque Scrutin. cap. 4. ac 5. Verum quidem, est inquit, eam Iannotto sententiam placere, &c.* sed & ipse quoque perinde ac si inconcussam auctoritatem ad firmandam Iannotti sententiam esset allaturus, *ponamus* (subjungit paulo post) *ipsa Gabrielis verba.* Quæ si quis inter se conterat, agnoscit opinor Anonymum ita se componere, ac si hinc Iannottus, inde Tripho Gabriel, sive Gabrielius, bini forent, ac sic quoque distincta eorum esset auctoritas, neque ullatenus assumptum sibi esset Gabrielis nomen, ut Iannotto plus auctoritatis circumdet. Quin notandum ex adverso, ipsummet Iannottum quo scriptis suis fidem conciliaret, dedita operâ Gabrielem loquentem introduxisse, ut quandoquidem Florentinus ipse, suis de Rep. Veneta dissertationibus fidem de facili haud esset inventurus, apud externos, cessaret id omne adducto in scenam Gabriele, patricio Veneto ac patriarum rerum non ignaro. Notius est quam ut dici debeat, ijs qui dialogisticum in modum, materiam aliquam tractant haud alij fini loquentes viros illustreis introduci, quam quod major eorum quos introducere, quam ipsius qui scribit, futura credatur auctoritas. Cæterum quæ pro Gabrielis sententia nobis obtrudere satagit, esse ea re-

vera.

vera ipsius Gabriellis, nemo temere credat, modo attendat omni similitudine veri carere, illum in tam illustri materia versantem, de patria Repub. scribentem, unde non poterat non ipsi quam amplissima laudum enasci seges, sibi met ipsi injurium esse voluisse, ac suppresso nomine suo, suis quæsitam meritis gloriam, in extraneum derivare, quem ne de facie quidem norat. Fatetur quoque Iannottus quo tempore de Venetorum Repub. sermo erat, non sibi visum Gabrielem: Scripserat jam ante summo bonorum omnium cum applausu de Repub. eadem Cardinalis Contarenus, vix toto quinquennio ante Gabriellis excessum è vivis, præmortuus; circumferebantur illius libri, omniumque terebantur manibus: ab hoc diversus abire cum vellet Iannottus, judicasse cum, non satis in semet ipso præsidij sese habere, ac proinde de firmioribus munimentis opinioni suæ prospectum voluisse, notatu difficile non est. Cæterum ad Gabrielem ut revertamur, eccui fides fiat, hominem Venetum, nedum Triphonem illum Gabrielem, virum nimirum talem tantumque quantum cum ( hoc uno veridicus ) Anonymus deprædicat, de rebus patrijs tam absona atque aliena à vero, ut mox luce meridiana clarius demonstrabo, scripturum fuisse? quis item credat, cum, siquidem conscius erat quam curta sibi domi supellex foret, ac quam non penitissime res patrias haberet perspectas cognitassque, humeros oneri tanto bajulando neutiquam pares fuisse subjecturum. Vt ait ille,

*Turpe est quod nequeas capiti committere pondus,  
Et pressum flexo mox dare terga genu.*

Fateor, non accessit ad Remp. Gabriel: Ille quidem secreto lare, quiete ad invidiam felice beatus, beatam transmisit vi-

tam, cæterum tamen si in animo habuisset res Venetas posteritati tradere, ut ut ad archiva publica adytus homini privato esset interclusus, multa tamen passim tota urbe apud civeis suos privatim asservata, reperire potuisset, ac speciatim qui publici quodammodo sunt ac penes advocatos Communis (ita eos Veneti vocant) manuscriptos duos multum vetustos, nec non & alterum volumen, cui nomen *Cerberus*, alterumque item cui titulus *Capitulare Advocatorum Communis*. quæ sane volumina haberi de facili possunt, ut nec difficile est ea in usus suos, id agentibus nancisci. Vtique dubium nulli, quin vir ille, tanta prudentiæ laude conspicuus, ea ipsa in antecessum consulturus fuerit, quam multis erroribus rerum veritatem involvendo, resque à veri fide multum alienas tradendo, non minus in famam suam quam in patriam urbem peccaturus. Iannottus, interim, patria ut dixi Thuscus earum quas scribit rerum, nec hoc quidem nomine satis gnarus quod sui essent sæculi (totis enim ducentis ac viginti quinque annis Iannottus posterior est) equidem quam fidem habere possit in iis quæ adstruit, non video, maxime si quidem quam plurima patrum decreta (magni concilii parteis familiari vocabulo Veneti indigetant) iis oppositum imus, frontibus adversis, pugnancia cum illis, quæ ab ipso adducta sunt, qualia mox dicebam aut ex privatorum Bibliothecis, aut ex monumentis quæ jam dixi, archivisque consequi datur, idque continuata vel in hunc diem serie, ab anno saltim millesimo ducentesimo sexagesimo primo, quando priora quæ fuere, ferale Venetorum urbi incendium hausit. Atque hæc quidem de Iannotto, deque præposteris subdolisque adversarii technis dicta sufficiant. Cæterum nunc ea quæ frustulatum ex Iannotto transcribit adversarius sumamus in manus. Iannottus ergo verbis plane cothurnatis, idque non uno loco *absolutissima potestate usos duceis dicit*, Ejus rei.

argu-



argumenta esse comprimis insignia, quod à Tribunis fuerit appellatum ad Duces, quod pro arbitrio suo duceis collegas sibi assumferint, quod si quæ hoc vel illo duce rei Venetæ tristiora obvenissent; omnia in unum incubuerint ducem, quod non nisi ab excessu Sebastiani Ziani, familiæ apud Venetos illustres caput attollere cœperunt, fatiscente nimirum sub illo ducum potentiâ, ac denique, quod non alias quam sicubi collibitum esset, Duceis soliti fuerint convocare concilium. Primum quod adfertur de *potestate absolute summa, autoritate nullis frenis coercita; ad summum erecta propria duobus, administrata, gesta, moderataque ducum arbitratu, Repub. aliisque*, causâ non est cur nos altum sonantia Iannotti verba deterreant, nullo teste firmata neque, nisi uni Iannotto, eisque quos in errorem protraxit defensâ. His nos ipsam suo mox loco rerum evidentiam quæ tota est, ab adversis partibus opposituri, in præsentiarum, cum naturæ communis oraculo regerimus, nonnulla subinde de subiectis prædicari, quæ tamen non insinr, inesse nonnulla quæ non prædicentur. Confundat Anonymum *D. Thomas*, qui quamvis Venetorum ducem à cæteris distinguat, ac principatum habere posse fateatur, dicit tamen, *Esse illius temperatum regimen*, Ita ipse. *In partibus autem Liguriæ, Amyliæ, & Flaminiæ, quæ hodie Lombardia vocatur nullus principatum habere potest perpetuum, nisi per viam Tyrannidû, Duce Venetiarum excepto, qui tamen temperatum habet regimen. lib. 4. de regim. princ. c. 8. circa finem.* Quæ cum jam nunc annis ab hinc plus minus quadringentis prolata sint, atque asserta, à notissimæ sanctitatis ac candoris viro, qui quæ etiamnum angelici doctoris prælustri titulo clarus est; talia procul dubio sunt, ut quivis ea judicet esse quam integerrima, suspecta utique aut pro suspectis habenda censeat nemo. Videt ergo benignus lector (cujus & capite primæ nostræ velitationis facta mentio) hoc loco dominationi sine fine

contra positam Libertatem cum modo: Annorum insuper inter D. Thomam Iannotumque intercapedinem, recte ponderare si cui lubet; aut totus hallucinor, aut pluribus opus haud erit. Nempe nec causa sit, tur doctorum sæculi sui phoenicem dicamus scientem fallere voluisse, aut cur deferendam ex adverso Iannotto Donato, censeamus fidem, suis modo unius commentis innixo, sui que Gabrielis emendicanti suffragia, eaque, quod rei caput, ne Gabrieli quidem ipsi probata, ac nec ulli cordato viro, rerumque Veneratorum vel ex parte gnaro unquam probanda.

Sed nec omittendum, de nihilo haud esse, quod hoc ipso capite nolle se politicas ulla observationes attingere adversarius edicat. Omnino nullas libare si mens ipsi fuit, miror equidem cur argumenta, cur rationes Iannotti de penitissima depromptas politicè, tanta cura excerptat; si in propositum lemnacadere nonnullas posse putavit, miror etiamnum magis, cur nomen Imperii speciesque, ab Imperii vi quantum distent, ignorare velit. Erit nobis de utroque sermo. In præsens notasse liceat, humanarum actionum gnaros, ea solerter distinguere. Ita alibi Tacitus, *Imaginem retinendi domandique Armeniam penes Romanos fuisse, non penes Parthos lib. 15. Ann. doctus Scalibi, Vim ac potestatem Imperii ab illius honore discernere. lib. 2. histor.* Dixerat jam pridem prædictus author, *Non esse penes Arsacidem Imperium, sed inane nomen, apud imbellem externa mollitie; vim in Abdagesis domo esse. Annal. 6.* nec alio spectant quæ apud eundem Sallustius inculcat, *Ne arcana domus, ne consilia amicorum, ministeria militum vulgarentur, neve Tiberius vim principatus resolveret cuncta ad Senatum vocando, eam conditionem esse Imperandi, ut non aliter ratio constet quam si uni reddatur.* Adversarius, si vim principatus in Duce Veneratorum ponat, (quod certe facit) eam, ab illo cujus D. Thomas meminit temperamento, secernat, unicè velim; si tem-

temperamentum aliquod admittit, ultra dubium non est quin peccet, immoderatam potestatem attribuendo jam dicto Duci. Ast inquit à Tribunis ad Ducem provocandi facultas erat. Vbi fuisse liquebit, erit in promptu, quod non rationibus minus quam exemplis, ad objecta respondeam: facti est quod adfert, probationes exigimus. Ipsum quæ dicit probare haud posse, magno argumento sit vel id unum, quod nihil tale quid probet, imo ne quidem probare contendat. Sed nec interim talia provocationum sunt jura, ut non reputentur inter jura majestatis communicabilia, quamvis nec temere communicanda. Iam dudum est cum sub Carolo nono Galliæ Rege, qui Barrensi in ducatu prærogativam istiuscemodi in Lotharingum Cardinalem contulerat, quæstio ista multorum mentis iuxta ac manus exercuit. Subsisso in terminis inculpatæ tutelæ, quos ut excedam nec nostro proposito nec recte rationi sit consentaneum: Subjungit porro, Collegas sibi qui in curarum decorisque partem venirent, idque arbitrio suo, ascivisse præcos Duces. Verum si dicit, multum dicit, habebit quinimo adversarius me sibi adstipulantem, si quod asserit, justa probatione confirmare potis est. Ita est, binos subinde Duces Veneti habuere, non sequitur tamen, secundum legendi, sibi que sociandi, priori Duci jus fuisse, idque patribus inconsultis, nedum contranitentibus ac pro Ducis arbitrio. Liberam moderandæ Reipub. ac nullis circumscriptam limitibus, usque ad Sebastiani Ziani tempora, penes Ducem resedisse facultatem, Iannottus asserit. Ziani ducatus in annum centesimum septuagesimumque tertium supramillenum incidit. At vero jam tunc, anno supra millenum quarto, id est toto sesqui sæculo, & quod excurrit, Duci Veneto, Ducem legendi sibi ve assumendi ablata facultas erat, idque decreto publico. Quod si scivit Anonymus, manifestè prævaricatur, si nescivit, condonem.

donem lubens; monstriari à me aut probari si desiderat, equidem ut ut fuerint ea jam nunc ab annis quinquaginta publici juris, docebo lubens, quæque in hanc rem privato à me conquisita sunt studio, volenti impartiar. Quæ tristitia obvenere reipub. inquit ille, eorum invidia in unum Duce[m] incubuit, alias in omneis reipub. clavo admotos, ex æquo desævitura, me quidem, fateor, argumenti pudet, deducti à plebe,

*cui nos humili læsisse veneno*

*Summa, nec impositos unquam cervice volenti  
ferre duceis:*

Cæterum nec ita perfunctorie bonos autores salutavi, ut non ex illis edoctus sim, non alias magis rerump. rectores probos, quam temporum quibus ipsi Magistratum gesserint lætitia celebrari solitos, ac ex adverso, enatæ sub ipsis calamitatis, nomine traduci fugillarique, ergo ut Anonymi argumento suum constet robur, demonstretur oportet in duceis princepsve solos hujusmodi invidiam detorqueri solitam. Ego ad privatos quoque quidquid id est laudis aut invidiæ, privatim spectasse in utramlibet partem nullo negotio commonstravero. De Scipione *Lucilius*, ita *Nonio Marcello Gellioque* (lib. 4. noct. att. c. 17.) dictantibus,

*Scipiada magno Improbus obijciebat asellus;  
Lustrum illo censore malum infælixque fuisse.*

De se Cicero in orat. post reditum ad Quirites. *Mecum quæstiones, mecum jura Magistratuum, mecum senatus authoritas, mecum libertas, mecum etiam frugum ubertas, mecum Deorum & hominum sanctitates omnes & religiones absuere, ac in Eutropium Claudianus lib. 1.*



*Nam quæ jam bella geramus  
Mollibus auspiciis, aut quæ connubia prolem  
Aut frugem laturus ager? quid fertile terris,  
Quid plenum sterili posset sub Consule nasci?*

Ex aduerso, autor Panegyrici ad Constantinum Imperatorem sic inquit. *Præclara fertur Catonis oratio de lustris sui sælicitate, jam tum enim vetere illa Repub. ad Censorum laudem pertinebat, si lustrum sælix condidissent, si horrea messis impleisset, si vindemia redundasset, si oliveta larga fluxissent, &c.* inque eadem parteis quem in Eutropium citavi, pro Stilicone Claudianus,

*En cui distulimus melioris sæcla metalli  
Consul adest, ite optati mortalibus anni,  
Ducite virtuteis hominum, florescite rursum  
Ingeniis, hilares Bacchi, frugumque feraceis.*

& quæ sequuntur.

Quod porro vult familias illustreis demum à ducatu Sebastiani Ciani enitescere pulchrius ac evehi sublimius cœpisse; quo nimirum tempore circumscripior esse cœpit potestas Ducum; plane momenti nullius, fuerit, ut ut ita se rem habere fatei velimus; cæteroquin quandoquidem hac in parte veritatem sibi adversantem Anonymus habet, eumque non modo annalium fides, sed & vivi spirantesque etiamnum complurimi illustres viri, quorum familiæ dudum ante Ciani tempora pro nobilissimis habitæ, erroris redarguunt, verba in re clara & cuius nota prodigere mihi non est animus. Ac nec longus ero in confutando novissimo quod Iannottus movet argumento, quid est hic confutationibus



opus, siquidem ipse Iannottus conjecturam fatetur, eamque ut à vero non abhorrentem in argumentum trahit? ait ille sibi ita videri, at nos nihil est quod cogat, ut Pythagoricum αὐτὸ ἔφα tot jam sæculis inusitatum, in Anonymi Iannottive gratiam revocemus in lucem, opinionem suam aut argumentis iastruere, aut scriptorum classicorum suffragiis probare siquidem potest diversa res erit; in-chimæras opinionum calamum stringere, supervacuum sit, & inutile. Erit tamen mox super novissimis istis argumentis quæ ex Iannotto adversarius adducit commodior occasio differendi.

## CAPVT XVIII.

*Error Iannotti taxatur de bisseis electoribus. Electores anni, Electores medij anni. Eligendi modus. Id variis S. C. formulis probatum. Error insignis Anonymi in adsignando tempore, quod majoribus comitijs eligendis præstituit. Reipub. Venetæ ratio circa hæc accurate observata. Error Iannotti de numero eorum qui ad majora comitia eligebant. Ex archivis publicis singula probata. Quæ majorum comitiorum partes. Fallitur Anonymus, dum ex toto civitatis corpore majora comitia eligi statuit. Viri illustres, qui in lacunis Hadriatici maris sedes fixere. Tribuni à Venetis creati, illustrium familiarum viri. Mox Duces suffecti clarissimarum familiarum. Ducum nonnullorum series. Mutatum in pejus Joannis Mauritij filij ingenium. Ioannes Gradenſis Patriarcha ob dicendi libertatem Ducibus*

*cibus invisus, & de turri præcipitatus. Carocius per vim Ducis titulum usurpavit. Quomodo Zebastianus Zianus in Ducem electus. Nobiles semper à populo, nedum plebe, apud Venetos distincti.*

**E**O devenimus, ut despiciendum porro sit, qua veritate nitatur Anonymi lemma, quo Venetos absolute atque omnino liberos ait fuisse, isto nimirum tempore quo ad majus consilium, sive majora comitia omnibus ex æquo (ita namque statuit) patebat accessus. Quæ superiore capite fufius commonstravi, quantus in eo sit adversarius, ut sub Triphonis Gabrielis nomine lectoribus imponat, non repetam: hoc ipso capite, manifestè prævaricatur Iannotti nomine suppresso, cum tamen textus quem allegat sit ipsius Iannotti. Ita insit, *Gabrielis ergo ponamus verba.* Sed, ponat agendum, præeuntem nos *& mōdō* sequamur. Dicam in antecessum, quæ citat Gabrielis verba, non eo ordine aut contextu apud Iannottum reperiri, sed aliunde transumpta, ita legentibus obtrudi, ac si cohærentia inter se ac concatenata, unam, eamque continuam, periodum absolverent. Quod sane verum non est, ac fide minus bona factum apparet. Sic Iannottus. *Et eorum quidem comitiorum totam rationem fuisse illam puto, quæ postea diu permansit usque ad illud tempus, quo ceptum est intercludi. Singulis annis extremo mense Septembri ad festum diem, Dedicationis Michælis Archangeli his seni cives deligebantur, bini è singulis tribubus (nam civitas tota senis tribubus continetur) his autem quod nostra monumenta perhibent, fas atque integrum erat ex universa civitate sibi cooptare CDL usque ad CDLXX cives, & ea conditione, ut singuli possent è familia sua quatuor viros summum assciscere. Ex iis autem omnibus in unum coactis conflata quidem majora comitia, sed in annum erant, quæ Magistratus omnes creabani, ut nunc moris est.* Ha-

atenus ille. Ego contra falsum esse dico, quod de bis senis illis civibus deprædicat, ac non uno publico decreto (partes vocari communui) contrarium posse evinci contendo: Forum, quæ mox adducturus sum, publicorum decretorum beneficio dilucide apparet, annum millesimum ducentessimum ac septuagesimum nonum, quos Iannottus bisseños fingit electores, non nisi tres numero fuisse, eisque ipsos cum aliquot ante annis quaterni fuissent, huius multo post ad ternarium numerum redactos denuo. Nulla istis temporibus Lex, nullum decretum, nulla reipublicæ invenitur sanctio, quæ intra statum præfinitumque numerum electores coerceat, annuatim res ea majoribus comitijs ventilari solebat, idque servari, quod pro ratione temporum maxime esse à Repub. Patres judicabant. Iam tum à principio terni illi regulariter, ac fere semper ab ultimo Septembree ad finem Martij istoungebantur munere. Ipsi Kalendis Aprilis, nox in proximum semestre alij itidem tres sufficiebantur. Illos ego, priores nempe; **ELECTORES ANNI** vocari fuisse solitos comperio, eo quod ab ijs electis in annum vertentem, maximam utique anni partem, majoribus consilijs admoveri moris esset: posteriores **ELECTORES MEDII ANNI** dicebantur. Diversitatis haud altera ratio, quam quod ab ijs electis, longius quam in semestre ad jam dicta nobis comitia, haud adhiberentur. Quæ jam attigimus, tum etiamnum quoque sicubi numero quaternos esse electores contingeret, obvenisse subinde constat: obvenit insuper, ut & alteri speciatim ad illum actum, nempe ad Electionem festo D. Michaëlis absolvendam eligerentur, qui ea absolutâ confestim injunctum sibi munus abdicabant, ac neque fas, erat eodem anno illo ad eandem functionem obeundam iterato designare. Verum tamen ita ferentibus (de quo mox verba facturi sumus) rebus, cum alij ex civibus in eorum locum suffi-

sufficiendi essent, quos ad explendum majorum comitiorum numerum desiderari contingebat, eligi & ipsi poterant, idque conditione, lege, ac modo talibus, ut jam ante dictum est. Hos ipsos majorum comitiorum electores, eligendi non unus semper idemque fuit modus. Nempe eos aliquando aut electores illi, quorum erat cæteros qui munus aliquod publicum obirent, eligere ( quorum utique numero ipsimet continebantur ) eligebant, aliquando item eligebantur quatuor viri nobiles qui citra, ac totidem numero, qui ultra canalem habitarent. Super his postquam jam dictis Comitij itum esset in sortes, bini adusque supererant, hi, ut dictum, citra, illi ultra canalem habitantes, recepto more ut cæteris qui anteverteret, plus media suffragiorum parte superior esset. His eos qui majoribus comitijs adhiberentur, eligere jus erat ac potestas. Ea quæ dicimus solida veritate quæ constet niti, primum, quem notavi eligendi modum disertim probat, quod in diem Novembris decimum ac tertium. Anni milleni ducentissimi septuagesimi tertij incidit Senatus consultum, cujus hæc verba. *Quod omnes electiones, quæ de cætero fient in Majori Consilio debeant fieri in hoc modo, videlicet, quod ponantur tot balottæ de vamine albe in uno capello, quot homines erunt in Consilio, in quibus poni debeant XL deauratæ, & propinquit eorum, qui habuerint balottas deauratas, debeant exire de Consilio, sicut nunc exeunt, & illi XL qui habebunt balottas deauratas debeant remanere, & alij recedant. Et ponantur XL balotta in capello IX quarum sint deauratæ, & illi qui habebunt balottas deauratas faciant electionem, vel electiones, quæ dabuntur fieri per sex eorum ad minus. Quibus consonant quæ circa hanc rem Anno millesimo ducentesimo ac nonagesime die Julij 6<sup>ta</sup> statuta sunt. Quod omnes Officiales Venetiarum, qui eligentur à modo ad Festum S. Michaelis venturi, & ex tunc usque ad annum unum debeant eligi hoc modo; videlicet, quod inter omnes balottas quæ ponentur pro*

electionibus faciendis ponantur L. balotte deaurate, & facta electione de L. ponantur postea in capello quinquaginta balotte inter quas sint XII. deaurate, & illi, qui habuerint ipsas XII balottas facient electiones officialium, qui tunc eligi debuerint, ita quod ille, qui erit electus per novem ipsorum sit primus sine aliqua approbatione & in hoc non intelligantur Procuratores S. Marci, nec Patroni Arsenatus. Posteriorem eligendi modum concernunt quæ anno exinde octuagesimo tertio supra millesimum ac ducentesium die Septembris vicesima ac sexta Senatus decrevit verba item sunt talia. Quod eligantur IV Electores dupli, scilicet duo de citra Canale, & duo de ultra, & possent accipi de omni loco, & approbentur secundum consuetudinem, & illi, qui erunt electi, debeant esse, sub pena librarum L. & statim quando erunt approbati ducantur ad Palatium, qui debeant antequam descendant de Palatio eligere centum de Majori Consilio, & illos de consilio Rogatorum, qui debeant esse à S. Michaele, usque ad sanctum Michaelem. Quin imo jam ante anno scilicet millesimo ducentesimo septuagesimo nono, die decimo quarto Martij sic statutum fuerat. Capta fuit pars quod de cetero sint quatuor electores duo de ultra Canale, & duo de citra, secundum quod erant tres, & faciant electiones, quæ fiunt per tres eorum. Item anno octagesimo secundo supra millesimum ac ducentesium, die vero Septembris vigesima & sexta. Capta fuit pars, quod fiant IV electores dupli, per rotulos in Majori Consilio scilicet duo de ultra Canale, & duo de citra & illi qui erunt electi debeant esse sub pena ordinata, qui debeant facere centum de majori Consilio & illos de Consilio Rogatorum antequam descendant de Palatio, & postea facta prædicta electione non sint amplius electores pro ista vice. Anno vero C I D C C L X X X I I, die Novembris XXVI. Cum posita esset pars utrum videretur, quod deberent fieri IV electores anni qui deberent esse usque ad kal. Aprilis, & eligere illos, qui darentur eis de majori Consilio; & alia pars fuit quod deberent fieri IV electores, qui deberent eligere illos de majori Consilio qui da-

buntur



buntur eū una vice, & statim facta electione sint fori de electoria. Capta fuit pars, &c. Quæ quidem hic applicanda duximus eo quod superius allegata luce meridiana reddant clariora. His adde quod statutum fuit, anno octuagesimo 4<sup>o</sup>. supra millesimum ac ducentesium, die decima Octobris. Capta fuit pars, quod fiant IV Electores anni, duo de citra Canale & duo de ultra, qui sint usque ad Kal. Aprilis. sicut est solitum. Item anno c<sup>l</sup>o cc lxxxv. die Septembris xxix. Capta fuit pars, quod fiant IV electores anni, cum illa conditione, qua fuerunt anno &c. Item anno c<sup>l</sup>o cc lxxxvi sexta Octobris die. Quod debeant fieri Electores medii anni &c. Anno vero c<sup>l</sup>o ccvvi die duodecima Februarii. Quod revertamur ad primum statum S. quod eligantur tres Electores anni ad medium annum, qui eligant illos de majori consilio. Ea ipsa latius etiamnum contenta videmus S. C<sup>o</sup>. Anni millesimi ducentissimi octuagesimi tertii xlii Septembris, cujus huiusmodi est textus. Quod eligantur per majus Consilium octo Nobiles, scilicet quatuor de ultra canale & quatuor de citra canale, & vadant vicum ad unum ad unum, & ille qui habebit plures balottas habendo maiorem partem dicti Consilii sit primus, & similiter sit primus quicumque electus fuerit per duas manus, & si non approbarentur taliter, quod remanerent duo de citra canale, & duo de ultra in continenti in dicto consilio, fiat alia electio, ita quod remaneant, duo de citra canale, & duo de ultra canale. Qui teneantur eligere omnes officiales de Palatio, qui debent intrare ad proximum Festum S. Michaelis per maiorem partem ipsorum quatuor. Et statim cum ipsi quatuor approbati fuerint debeant remanere in sala Majoris Consilii & non possint de ipsa sala discedere donec electiones dictorum officialium factæ fuerint, in pena soldorum grossorum xx pro quolibet; & si ipsi non essent in Palatio in continenti vadant pro eis de Consiliariis, vel de capitibus de xl, & inveniant eos, & ducant ad Palatium, & non possint loqui ipsi quatuor cum aliquo; & si accideret quod aliquis dictorum quatuor electorum esset infirmus, vel non esset in terra, vel aliquo casu esse non posset cum aliis electoribus, eligatur alius

loco ejus qui deficeret in dicto majori Consilio, & remaneat cum aliis in dicta sala majoris Consilii, & non possit de ipsa discedere, donec electiones dictorum officialium factae fuerint, in poena solidorum xx grossorum pro quolibet, ut praedictum est, & non possint eligere de se ipsis in aliquo dictorum officiorum nisi duos; & teneantur ad Sacramentum non loqui simul quod unus consentiat alteri aliquam personam in aliquo dictorum officiorum & illi qui erunt electi in dictis officiis debeant esse in eis, sub poena illa, qua tenentur illi, qui eliguntur per majus Consilium. Utque quam cumulatissime satisfaciam eccum denique alterum insuper decretum xxv i i Septembris anni nonagesimi, secundi, supra millenum ducentessimumque. Verba illius adscribere etiamnum haud pigeat. Sunt autem talia. Quod debeant fieri modo 1v. Electores de citra Canale, & 1v de ultra, qui remaneant in duo de citra, & duo de ultra, qui debeant eligere antequam descendant de Palatio centum de majori Consilio, & lx. de Consilio Rogatorum, & illi qui erunt Electores debeant esse sub poena contentis de libris L. pro quolibet, & sint de annis in consilio contentis, etiam conditionibus solitis, & possint eligi de Consiliariis D. Ducts. Hactenus SC<sup>i</sup>. textus. Duo è praecedentibus colligere atque observare datur; Prius nempe, ut ut in more habuerint Venetinos semper electores creare ex aequo citra atque ultra canalem habitantes, eos ipsos tamen nullo discrimine ad majora comitia vocasse, quos visum fuit non attento eo, citra ne an vero ultra canalem habitarent. Posterius, circa praedictos electores constituendos non unum semper eundemque modum placuisse, sed pro beneplacito (ut disertim ex jam adductis vidimus) multotiens hac in re variatum fuisse.

Est praeterea multum insignis Anonymi error in tempore, quod majoribus comitiis eligendis praestituit, namque festo dedicationis D. Michaëlis Archangeli omnes & singulos quotquot majoribus comitiis essent admovendi electos fuisse,

fuisse, verum non est. Eligebantur nimirum isto divi festo, circiter centum, illis ex Rogatorum consilio sexaginta numero, ex quadraginta virali consilio quadraginta adjuncti; qui deinceps cum cæteris urbis Venetæ Magistratibus nec non illis, qui extra urbem muneribus postliminio in illam redierant, ipsiusque Ducis (si quos habebat) filiis, corpus illud magnorum comitiorum constituebant. Labet hic denuo pedem figere, publicisque decretis, quæ dixi, firmare. Anno octuagesimo secundo supra millesimum ac ducentessimum prima Octobris die statutum fuit. *Quod illi qui sunt electi hoc anno de Consilio Rogatorum, sint hoc anno de Majori Consilio, cum inventatur cancellatum consilium, per quod rogati erant de Majori Consilio. Anno cldcc lxxxviii, die Junii sexta. Quod si aliquis de illis xl. qui nunc & usque ad S. Petrum approbabitur non essent de Majori Consilio, debeant esse de Majori Consilio, sicut nunc intrarent in Quarantia. Anno autem cldcc lxxvi ultimo Octobris. Quod omnes Baili, Duces, Comites, Castellani, Potestates, Consiliarii & Rectores omnes, qui vadunt pro D. Duce, exceptis Castellanis S. Alberti, Capitaneis Aduis & Padi, & exceptis omnibus Consulibus, propter Consulem Apulia, qui debet esse in conto illorum Rectorum, & exceptis Vicedominis quod quando redierint de suis Regiminibus sint de Majori Consilio, sive quod eligantur, quousque durat ipsum majus Consilium, & hoc intelligatur tam de istis, qui sunt ad presens, quam de illis qui eligentur. Item anno cldcc lxxxiii die Martij vicesima. Quod Capitaneus qui venit de Capitania Padi, & alij qui ibi erunt Capitanei per tempora, redeuntibus ipsis de ipsa Capitania sint de majori Consilio pro illo anno usque ad S. Michaellem tunc proxime venturum. Anno cldcc lxxx. die Februarij xxviii. Quod Consiliarii xl. iudices omnes de Palatio, & illi de nocte, qui nunc sunt & erunt per tempora completis eorum officiis sint de Majori Consilio sive quod eligantur usque ad S. Michaellem. Eodem anno die nona Octo-*  
Ccc  
bris.

bris. *Quod Filij D. Ducis, qui nunc sunt, fuerunt & erunt sint de Majori Consilio sine quod eligantur, postquam compleverunt annos quatuordecim. Item anno MDCC LXXII die Septembris vicesima septima. Quod addatur in Capitulari omnium Officialium de Rivotalio qui sunt de majori Consilio, quod non possint nec debeant venire ad majus Consilium, nisi diebus Festivis Solemnibus, & ad Consilia electionum à S. Michaële in antea. Sed tempus est ut his satis adstructis, pergamus. Sciat ergo benignus lector, quod cum multoties obvenisset ut intra annum vertentem quidam Comitij excederent, nempe ut administrandæ justitiæ præessent, aliaque publica obirent munia: hinc factum, ut ijs possibile haud fuerit, dum in demandata sibi intenti agant, comitiis quaquaversum interesse; præcipue cum multoties quin imo quam creberrime ea cogi haberique contingeret: Nempe majora quæ diximus comitia, non ea duntaxat de causâ instituta fuere, ut magistratus crearent honoresque (qui alter Iannotti est error) distribuerent, sed quod esset ipsorum accurate ne quid aliter quam è publico bono fieret, quod discuterentur ventilarenturque coram ipsis reorum causæ, quod ferrent leges, quod largirentur privilegia, quod delictorum ab ipsis impetranda esset venia, quæque his similia sunt. Colligat hinc quivis fieri non potuisse, quam ut ipsis talia tamque ardua negotia frequentius coeundi necessitatem imponerent. Adde, quod nec rectores civitatum ditioni Venetæ subjacentium, item legationem obituri, item quos aut mors interciperet, morbus distineret, privatæ necessitudines alligarent, Comitij majoribus adesse potuerunt. Sicubi ergo nimium infrequentia ea Duci ejusque assessoribus sive consiliariis videbantur, vel si publica utilitas, aut negotij quod præ manibus esset conditio, plurium requireret præsentiam; eorum muneris erat accurate, alij ut sufficerentur, quin imo superadjungerentur etiam-*

etiamnum alij, eo semper numero, ac toties quoque ac ipsis è Repub. videretur. Fidem fecerit, quod ea obvénisse tempora pro comperto sit, quibus anni intra spatium, ternis supra vicenas vicibus allekti sint, qui majoribus comitiis interessent. Sed nec hic anxie laborandum nobis, ipsa agetum decreta protrahamus in lucem. Anno nonagesimo quinto supra millenum ducentesiumque die Iunij sexta decretum fuit. *Quod quando videbitur D. Duci, & Consiliarijs de eligere aliquos de majori Consilio, debeat definiri quod videbuntur eis fiendi, & definito numero eligantur, Electores cum conditione, cum qua eliguntur in Sancto Michaeli: scilicet quod quando elegerint illos quaterunt definiti debere eligi, sint extra electoriam, & debeant eligere, & non possint esse Electores amplius ad eligendum de majori Consilio usque ad S. Michaelem tunc prius venturum.* Huic adde decretum decimi tertij Augusti anni clō cc lxxvi. *Quod addatur in Capitulari Electorum, quod non debeant petere à D. Duce, & ejus Consilio homines de Consilio ultra quantitatem, quam eis dederit D. Dux, & Consiliarij & facere debeant electiones eis datas.* Quin imo si quid insoliti magnive, aut quod Reip. statum impense concerneret obvénisset, omnes & singuli, quotquot comitijs exierant, ij insuper ipsi, quos in illum annum leges à comitijs arcebant, solemnisi jurisjurandi vinculo sese obstringebant, repetituros se confestim intermissa sibi comitia, quo frequentiores instructioresque quæ in rem præsentem essent despicerent, curarentque ne quid publica res caperet detrimenti. Exemplum siquis hic à me requirit, si quis decretum publicum, nec hic destitutum me legitimis auctoritatibus faxo experiatur. Eccum decretum 6. Novembris, Anni septuagesimi secundi, supra millesimum ducentesiumque, cujus hæc sunt verba, *Quod quilibet de majori Consilio, & de Officialibus qui sunt de majori Consilio per suum officium teneantur sacramento venire ad majora Consilia, qua fiunt super factis, qua tractantur*



& tractabuntur cum Ambaxatoribus, &c. insuper si non venerint perdant unum grossum. Item, decretum xxvi Novembris ejusdem anni, cujus itidem verba sunt talia. Quod omnes illi, qui sunt electi de majori Consilio & Offitijs, & quatuor Procuratores S. Marci, & illi de Arsana debeant venire ad consilia majora, quæ fiunt de Ambaxarijs, &c. & quilibet teneatur in hoc esse sub pena librarum centum, & excusatio non valeat. Quo vero manifestius etiamnum errores redarguamus id quod pro lemmate sumit adversarius, fuisse nempe omnes & singulos habiles ut magnorum comitiorum pars fierent, aditumque ad ea liberum patuisse culibet; sciat benignus lector esse id quam falsissimum. Ipsi illi electores certis attinebantur legibus, quas ipsis egredi neutiquam licebat. Nempe erat ipsis attendenda eorum quos comitijs admoturi erant ætas, erat & nascendi sors. Etatem quantum attinet, probat quæ dico decretum Anni cldcccxxxiv. vii. Julij. verba sunt. Quod addatur in capitulari majoris Consilij quod à S. Atichæle in antea aliquis puer, qui sit minor viginti annorum non possit, nec debeat capere partem in aliquo consilio de Venetijs, exceptis filijs D. Ducis, qui est, & qui erunt per tempora, & si videretur D. Duci & Consiliarijs pro aliquo facto secreto licentiaré eos de Consilijs, quod possint facere, & ipsi teneantur exire, sed non teneantur per Sacramentum nec per aliquam pœnam venire ad Consilium. Quod ipsum ex inde anno cldccc. renovatum ampliaturque constat. ac novissime anno cldcccxix. Novemb. xxv. quod quidem decretum cum ea quæ defendimus hætenus, faciat planissima, publici juris ut faciam, operæpretium est. Est ergo tale. Quia modus, qui est de eligendis Electoribus qui eligunt de majori Consilio non videtur bene conveniens, nec honestus propter subiectiones multas, & ineptas, quas homines faciunt, ut sint electi, nec sape fiat factum ita communiter ut debe-

deberet, capta fuit pars, quod, ut hac forma melius, & honestius fiat, ponantur in uno capello tot ballotta, quod erunt illi, qui scripti fuerint ad Quarantiam, qui possunt eligi de majori Consilio; inter quas ballottas sint tot ballotta deaurata, quot erunt illi qui dabuntur eligi de majori Consilio, & vocetur unus puer XII. annorum, vel inde infra, qui accipiat ballottas de capello ad unam pro omnibus, qui scripti erunt in libro Quarantia, incipiendo à primo & sic sequendo per ordinem, legendo nomen cujuslibet, quando accipietur pro ipso ballota, & quicumque habuerit ballotam deauratam habeatur pro electo, & illi qui sic electi erunt approbentur inter XL. secundum usum illorum qui eliguntur per Electores. Et ista electio debeat fieri, ita quod sit facta infra quartum diem intrante mense Decembri, & hic ordo servari debeat de cetero singulis annis, & tantum plus quod omni anno ab isto in antea projiciantur texera inter scriptos pro quo debeat accipi primo ballota, & pro quo secundo, & sic de alijs, quia de istis, qui modo scripti sunt non potest esse fraus. Et quia aliqui possunt etiam nimis induciare per hanc viam esse de majori Consilio, qui non possent habere ballotam deaureatam, volumus quod nihilominus à duobus annis in antea capta ista parte, quoties aliquis habuerit XXV. annos completos, probando hoc sufficienter coram D. Duce, Consiliarijs & Capitibus de XL. ita quod eis, vel majori parti eorum videatur bene, & sufficienter probatum, habeatur pro electo & sit de majori Consilio, facta prius probatione de eo inter XL. sicut solitum est fieri de alijs, qui eliguntur. Verum in hoc quantum de favore XXV. annorum non intelligatur de illis quibus concessum esset de gratia, vel concederetur, quod possent eligi de majori consilio & non possit hac pars revocari nisi per Consiliarios XXV. de XL. & duas partes Majoris Consilij, & si Consilium, vel capitulare est contra sit revocatum quantum in hoc. Et revocatum est consilium dicens, quod fiant Electores. Nas-

cendi sortem duo comitabantur impedimenta, nempe quod aut spurij essent, quos decreto publico Anni cIo cc lxxv. v. Octobris exclusos certum est. Decretum est tale. *Quod aliquis Bastardus de cetero non possit eligi de Majori Consilio, vel in officio, quod sit de Majori Consilio.* Aut quod non essent progeniti parentibus nobilibus, eoque nomine magnorum comitiorum capacibus, ut manifesto colligere est ex decreto anni cIo cc xci. xxiv. Februarij; verba sunt. *Quod illi, qui mittuntur Capitanei X Galearum, & ab inde supra debeant in suo reditu esse de majori Consilio sine aliqua electione, sed Capitanei, qui sunt vel erunt à X. Galeis infra non sint in suo reditu propter Capitaniam de Majori Consilio, sed ille qui non possit esse secundum formam Consilij de Majori Consilio, non intelligatur quod propter Capitaniam Galearum debeat esse de Majori Consilio.*

Quid? quod inter eos ipsos, quibus ad majora comitia patebat accessus, ordo in eligendo servandus fuit electoribus. Primo namque loco allectos constat, qui jam nunc ante illa tempora pars fuerant majorum Comitiorum, sub finem demum anni, juniores aut filij eorum in dictum ordinem allegebantur. Hi si forte (ut sæpe evenire solebat) eorum nomina ignorarentur, paterno ut designarentur erat receptum. Sic videas Anno cIo cc lxxv i i i. *Filius major Petri Stent, & anno sequenti Filius Jacobi Delfint. Filius Thoma Barbadiet, & sic de cæteris.* Receptum insuper erat, quod etiamnum hodieque in usu est, ut majoribus comitijs indictis recitarentur ex indice nomina magistratuum, quorum in illum diem facienda veniebat electio, vocabaturque recitatio talis vulgati nomine *la Proposta*, utpote quæ rerum isto consensu agendarum, esset quidam velut schematismus. Insuper quoque anno mill. ducent. septuagesimo & sexto, vi i i. Octobris factam electoribus potestatem constat eligendi *De illis de extra* (verba sunt Decreti) id est, factam fuisse potestatem, cos

eos in dicta sæpius nobis majora comitia eligendi, qui præteritis temporibus ad illa non fuerant intromissi, & sic pro extraneis habiti, ut & actis publicis commonstrari queat anno **CLXXCVI** electores illius anni extraneos tres cooptasse, inque fidem rei nominatim designatos qui sic allegabantur cum Epigraphe, *Isti sunt de extra*. Tam falsum insuper est, quam quod falsissimum quod de numero eorum, qui ad majora comitia eligebantur, nugatur Ianottus. Actorum publicorum indices, qui in Ducatus Grammatophylacio aservantur, & ad quæ de facili volentibus accessus est, hominem erroris convincant. Etenim si cum ipso errare in animum inducamus, eorum qui electi fuere, annuatim si faciendus est computus, perinde ac si omnes eodem momento in comitia majora forent allekti, numerus eorum sane, prout ipse calculum init, sibi quam minime constabit, numerus inquam, qua personarum, qua annorum. Vertat sese in omnes formas, non effecerit, quo minus utrimque differentia, eaque multum notanda, legentibus se sit oggestura, qualem non est uti nobis figuremüs, si quidem statuimus uno eodemque contextu festo D. dedicationis Divi Michaëlis Archangeli electionem illam fuisse absolutam, ipsos indices inspicienti patet ilico scripturæ diversitas, dum superiores, id est primitus electi, ab inferioribus, id est electis sub anni finem, liquido secernuntur, quodque rem totam multum evidentem reddit, sunt priores illi numero semper plus minuscentum, qui quidem eorum status est numerus, qui festo D. Michaëlis eligebantur. Ita ut omnino habendum sit, illa nomina ut diversæ electiones testantur, diversis quoque temporibus fuisse scripta. Eoque magis, quod ab anno **CLXXVI** eadem illa nomina revera inter sese discriminata inveniantur, expresso quaquaver sum tempore, in quod electionum quæque inciderat. Alios ergo Septembri mense, alios.

alios Ianuario, alios Februario electos, ac in indicem relatos deprehendas. Amplius dicam, si verum est quadringentos illos quinquaginta viros, usque circiter ad quadringentorum septuaginta virorum numerum dicto divi Michaelis festo fuisse electos, illis si superadjungere velimus, hinc ex Rogatorum consilio alteros insuper sexaginta, reliquos inde e quadraginta virorum collegio; item si super addimus super Reipub. ministros, muneribus suis defunctos inque urbem reversos, si denique ceteros qui in urbe publicis ministeriis vacant ( quibus omnibus esse diximus jus majorum comitiorum ) jam necesse erit, ut sexcenti aut septingenti corpus illud magnorum comitiorum constituent; constat, tamen ex adverso, probatuique infinitis sortitionibus, quarum etiam in hunc diem, memoria perdurat, intra quadringentorum numerum, stetisse comitia. Iungamus jam dictis, visum modo fuisse, probatumque, publicorum decretorum monumentis, primam illam electionem, & tempori, festo nempe dicti sapientis Divi, & numero suo, fuisse adstrictam. Si de secunda electione instituendus est sermo, nempe de eorum electione qui aut in illorum qui deerant locum, sufficiebantur, aut alias ad comitia vocabantur, vidimus ipsa meridiana luce clarius, pependisse id omne ab arbitrio Ducis, nec non eorum, quos sibi Dux habet à consiliis, qui pro frequentia comitiorum aut infrequentia, pro natura eorum quæ occurrebant tractanda, substitutiones istas, & auctuaria comitiorum, ad moderari consueverant. Atque hinc enata est illa in electionibus varietas, quas modo denas duodenasque, quin imò viginti & tres aliquando fuisse diximus. Atque ut ut esset in sex tribus distincta civitas, ex unaquaque tribu tamen æquali numero neutiquam eligebantur, sed pro ut numerosior quæque erat aut infrequentior. Sic videmus ex tribu Divi Marci, quæ ceteros frequentia anteibat,



reibat, itidem plures longe quam ex cæteris fuisse electos, ac nominatim ex illa tribu plures, quam è tribu cui Dorfi duri nomen, idque haud alia ratione quam quod ea urbis regio parcius esset habitata. Festo Divi Michaelis ac sic quoque prima vice, promiscue ex omnibus tribubus electio fiebat, cæteris quæ illam excipiebant non item; cujus ea fortasse ratio, quod non æque in promptu semper foret eos reperire, qui secundum decreta publica eligi possent.

Conditio porrò, aut ut rectius loquamur, illa quam Iannottus adjungit qualitas, nempe liberum cuique fuisse quatuor è sua familia viros ad comitia vocare, si quæ alias unquam, est disertim falsa. Nimirum si quadringentis illis & quinquaginta (tot eo ipso authore comitia majora absolvent) licuit quatuor è sua familia adducere, indubie jam ea in octingentenos supra millenarium numeros excrescant, quod ipsi Anonymo ludibrium debeat, qui met ipse fatetur ex quo ordinata fuere majora comitia, nempe ab anno cIo cc xcvi nunquam sexcentos ea excessisse, ipsumque ubi Comitia haberi solent atrium, plurium quam sexcentorum authore Sanfovino capax haud esse. At verum ut fateamur si prior ille Iannotti numerus, tam insigni accessione fuerit ad-auctus, quid supplementis opus erat, quibus infrequentia comitorum succursum fuisse demonstravimus. Nec video sane quo pacto conciliari hæc duo inter se possint ac componi; hinc nimirum, licitum fuisse, tot numero, secum in comitia adducere, inde, qui fieri pote, ut cum in suffragia itum fuit plura quadringentis nunquam reperta sint. Ac Iannotti more ut loquamur, si liberum singulis fuit, ut secum quatuor insuper alteris assumtis quini ad comitia procederent, quade causa factum sit, ut vel priore electione publica nos archiva edoceant, ex una eademque familia, quinos, quinimo senos fuisse lectos. Anno cIo cc xc i v die octava Julii, cum

nulla institueretur electio, sed modo supplemento pro more  
 comitiorum subveniebatur infrequentia, sex ex Contarenorum  
 familia electos videas. Anno insequenti, illa quam in fe-  
 stum Michaelis incidisse diximus electione; ex eadem Con-  
 tarenorum familia quinque ut & quinque à Molinorum gen-  
 to fuere lecti, suntque eodem anno vertente, iis quæ post in-  
 ciderunt electionibus, alii plures ex jam dictis familiis gen-  
 tilibus suis fuere superadditi. Quin imo anno MDCC LXXV I  
 duo fratres electi fuere, Nicolaus nimirum Iacobusque à Ca-  
 nalium familia, idemque Nicolaus eodem anno, sed jam in  
 finem devexo; secundum electus fuisse deprehenditur, unde  
 sic argumentari liceat, si rem gratam Electores faciebant  
 electis, si electus non unum modo fratrem secum assumere  
 poterat, sed vel quaternos simul, quid causa, cur in unam fa-  
 miliam disperdere voluerint electores istiusmodi beneficia,  
 quæ in plures si dispersissent, plures itidem ac tres ad mini-  
 mum familiis demereri poterant. Si ex adverso grave mo-  
 lestumque fuit iis qui eligebantur, quod publicis innexis ne-  
 gotiis, privata curandi facultas minus suppeteret, nemini cre-  
 dibile videbitur aut simile vero, voluisse electores unam ean-  
 demque familiam præter jus & æquum gravare & duobus  
 fratribus jam pridem electis, alterum quem aut casus aut le-  
 gum tenor comitiis exemerat intra ejusdem anni curriculum  
 denuo eligere. Sunt interim eorum quæ de fratribus binis  
 jam dixi exempla infinita, sunt & passim obvia, quæ de plu-  
 ribus ex eadem familia electis asserui. Quoniam vero ple-  
 nissime absoluta ordinataque fuisse majora comitia anno mil-  
 lesimo ducentesimo nonagesimo sexto, Anonymus fatetur;  
 videamus agedum, tanquam in catoptro, ecquis eorum qui  
 suis quisque temporibus electi fuere numerus extiterit, sum-  
 to vel ab anno sexagesimo primo supra millesimum ac ducen-  
 tesimum exordio. Ita se res habet, Eorum qui electi erant  
 munus.

munus annuum erat, cui principium dabat primus Octobris dies, novissimus exinde mensis Septembris finem. Anno cId cc lxi electi fuere quadringenti triginta, & quantum è diversitate characterum, aut scripturæ de qua modo doccebam, non male quis colligat, factum id tribus vicibus, prima electio ad numeros quinque supra centenum excurrereprehenditur, ac notare licet singulis annis id plerumque fuisse factum.

Inter duos annos sequentes chasma est, nec quicquam reperitur.

Anno cId cc lxiV electi fuere ccc xviI

— LXV	— 450	Bini hoc anno secundum electi.
— LXVI	— 481	
— LXVII	— 502	
— LXVIII	— 445	
— LXIX	— 501	
— LXX	— 480	

Ita vero semper electi fuere, ut quantumvis ex singulis eligerentur tribubus, proportionis tamen pro numero habitantium ratio haberetur. In sex ut diximus tribus urbs Venetum dispescitur, quarum hæc nomina S. Marci, Castelli, Canaregij, S. Pauli, Sanctæ Crucis & Dorfi duri. Hic ergo si proportionem quæ servata fuit indagamus, electi fuere è tribubus

S <sup>n</sup> . Marci	143	— idque vicibus —	13
Castelli	87	—	13
Canaregij	96	—	14

*S<sup>a</sup>. Pauli* 85 ————— 13

*Dorſi durè* 35 ————— 12

Ex omnibus generatim tribubus, indistinſteque prioris electionis qui fuere, unus ſupra centum fuere, ea quæ in proportionem anni ad quem perveneramus, nempe ſeptuageſimi à milleno ac ducentefimo reperitur diverſitas, eandem in omnibus porro ſubſecutis obſervare eſt.

Hic iterum chaſma eſt, deſuntque anni quatuor.

Anno cIo cc lxxv electi fuere — 577

Eſtque notatu dignum, in cauſa quadam Andreæ Danduli plura haud fuiſſe vota quam ducenta ac ſeptuaginta quinque

cIo cc lxxvi ——— 444

—— lxxvii ——— 465

—— lxxviii ——— 435. quo nimirum anno

Iuſtinopolis in ditionem Reip. Venetæ recepta eſt, numerataque fuere in Comitijs majoribus vota ducenta triginta ſex.

—— lxxix ——— 446

—— lxxx ——— 446

—— lxxxi ——— 388

—— lxxxii ——— 303

Cujus quidem anni decretum extat *ut novis majoribus comitijs electores præſe centum eligere debeant*, eſtque idem decretum annuatim uſque in annum cIo cc xcvi renovatum. Eſt & inſuper notandum, eo anno quam hic allegaturi ſumus in electione ſervatam fuiſſe diſtinctionem, Feſto Michaelis lecti 100. Novembri proximo 30. triceſimo Decemb. 30.

Exinde

Exinde mense Febr. insequentis anni 20. Martio 20. ut ut continuata fuerint usque ad dicti Michaelis Archangeli festum comitia vicésimo octavo Aprilis die 20 Majj die decima sedecim, decima Iunij 80. ac biduo post octoginta.

— LXXXIII — 336.

Extat item decretum hujus anni mensis Februarij die undecima trecentis duntaxat ac sedecim votis firmatum, inter quod ac alterum item decretum in quo ducenta modo ac quadraginta numerantur suffragia biduum modo intercessit.

Tertium hic chasma decennij intermedii.

— CL C XCIII — 313

— XCIV — 350

— XCV — 260

Anni — XCVI aliquæ tribus desiderantur. Decretum interim quod in illius anni supremum Septembris diem incidit, evincit mutatam eligendi formulam, cumque annis præteritis centum eligendi essent placuisse, ut exinde eligerentur centum quinquaginta, inde mense Novembri alteri sexaginta, ac demum novissimo Februarij absoluta ordinataque fuere comitia. Et sic quidem eo demonstrato quum hæserit in manifesto errore Iannottus, quoad corpus ipsum majorum comitiorum, quatenus numerum eorum qui illud absolvant perperam expressisse, ac omnino ignorasse dicendum est, probare item operæpretium fuerit id quod diximus plureis, etiam quam quatuor duntaxat ex una eademque familia in majora comitia adscitos fuisse adoptatoque. Quo ne tamen denuo per singulos annos nostra deducendo fastidium lectori creemus, unum



modo annum videamus, eumque ex antiquioribus, nempe millesimum ducentesium sexagesimumque primum: Eo anno fuere ad dicta comitia appellati ex ijs quæ sequuntur familijs;

<i>Badoariorum.</i>	8.
<i>Canalium.</i>	9.
<i>Barozziorum.</i>	6.
<i>Contarinorum.</i>	20.
<i>Bassegiorum.</i>	6.
<i>Barbadicorum.</i>	8.
<i>Corneliorum.</i>	8.
<i>Belegnorum.</i>	6.
<i>Auratorum.</i>	5.
<i>Dandulorum.</i>	19.
<i>Delphinorum.</i>	8.
<i>Foscarinorum.</i>	7.
<i>Falieriorum.</i>	11.
<i>Ghisorum.</i>	6.
<i>Gradenicorum.</i>	7.
<i>Morosinorum.</i>	15.
<i>Michaëliorum.</i>	12.
<i>Matiglioniorum.</i>	5.
<i>Mæcenicorum.</i>	7.

<i>Molinorum.</i>	9.
<i>Polanorum.</i>	5.
<i>Quirinorum.</i>	19.
<i>Venieriorum.</i>	9.
<i>Sonziorum.</i>	8.
<i>Iustinianorum.</i>	5.
<i>Zenorum.</i>	6.
<i>Zanutanorum.</i>	8.

Ac sic de anno in annum, non interrupta serie, videre est multo maiorem eorum numerum fuisse, qui ex illustribus familijs ad dicta nobis comitia allegebantur quam Iannottus aut ipse credidit, aut posterius ut crederent voluit.

Atque his quidem ita positis, reliquum est ut ostendamus, quam manifesto in errore versetur Anonymus, qui auctoritate Iannottij non alias majoribus Comitij assignat partes, quam quod penes illa fuerit, Magistratus quos libet creare; quod sane eorum quæ ad dicta Comitia spectarent minimum fuisse, aut saltem è minimis, argumento sit, quod magistratuum creandorum facultatem, ut plurimum Electoribus demandatam fuisse comperiamus, qui id ipsum nomine aut vice majorum Comitiorum, instructique ad id, à dictis jam Comitij, ea, quæ par erat, auctoritate longo sic satis tempore sunt exsequuti. Exadverso, comitij illis cura præcipua erat condendi leges, de criminibus cognoscendi, judicia disponendi, gratias elargiendi, non modo quæ communem Remp. sed & ea quæ summam Reipub. spectarent ordinandi, onera tributaque imponendi, quæque

quæque his similia sunt, aut etiam majora. Singula singulis ægedum exemplis adstruamus, ut ut infinita adduci possunt, quæ & in hodiernum diem jugiter servata, nullam dubitandi relinquunt materiam. Anno c l o c c x x x v i i i : Augusti die v i i . *Capta fuit pars ( ita textus ) in majori consilio per D. Ducem, Consilium Majus & Minus, & Xl. & publice stridatum Rituali & datum per ordinem omnibus hominibus Venetiarum, quod nullus Venetus audeat emere res de ruberia, facta tam super Christianos, quam paganos.* Atque hoc est quo potestas legislativa Comitij asseritur. Videamus, spectaritne ad illa de criminibus cognoscendi facultas. Ita est. Anno c l o c c l i x . x i i i Julij, quo pacto in materia criminali, ac contra reos alicujus criminis peractos procedendum sit comitia decrevere, ac ( ut iterum textus ) *capta fuit pars quod omnes partes que ponentur in majori Consilio, vel inter quadraginta occasione condemnandi Venetum, vel Venetam, in persona, vel habere, ire debeant taliter in ipso Concilio circa, &c.* Gratiarum erogationes quod attinet, exemplum ejus suppedient ex Frangipannorum gente Schinellæ Comes, & qui cum sunt insequuti. quorum in gratiam, Anno c l o c c l x , i x Aprilis, *Capta fuit pars in majori Consilio, quod Comitatus Vegls dari debeat & concedi nobilibus viris, Comiti Schinella, & suis heredibus, & filijs Comitis Guidonis, &c.* Eodem anno circa ordinem judiciorum factum decretum die Junij mensis xv. *Capta fuit pars in majori Consilio, & ordinatum, quod quandocunq; aliqua questio sive petitiio fuerit inter Venetum & Venetam, sive inter Venetum & Forastierum, & questio illa sive petitiio ducta fuerit ad Majus Consilium, vel inter xl, sive in Consilio Rogatorum, parsque poneretur super ipsis factu, &c.* quæ transcribere non attinet, satis enim superque constat ex jam dictis etiam civilium judiciorum eam fuisse conditionem, ut nonnulla eorum ad majora comitia fuerint referenda. Anno insequenti ( ut & ostendamus, jus ijs ac potestatem fuisse, ordinandi quæ ad commu-

communem Remp. spectare videbantur) factum ut Parentinæ civitatis incolæ se Reip. Venetæ subditos vellent, quæ de re quid statutum sit ita decreti tenor nobis explicat. *Cum diceretur per Ambasciatores, quod potestas & homines Parentij, volebant præsentare, & dare civitatem Parentij in manibus & Fortia D. Ducis, & commune Venetiarum, secundum quod habent Gradum, Muranum & alias suas terras, & contratas, ponendo per se in dicta terra, volunt gentem volunt consulem, sicut & cum illo salario quod D. Duci & suo Consilio placuerit ordinare, secundum quod videbit, quod possint portare, habendo eam in sua potestate, sicut habeat alias suas terras, salvois rationibus D. Patriarchæ & per D. Ducem & Consiliarios poneretur pars, vultis eam accipere cum ea conditione, & cum illis melioramentis, quæ fieri poterunt vel non? & cum essent homines, 358 in consilio capta fuit pars per ducentos homines, minus, tribus, quod accipere debeat. Tandemque ut ostendamus ea quæ vel ad summam Reip. faciebant à Comitibus majoribus, ordinata fuisse, videmus eadem illa pactas cum Orientis Imperatore Palæologo, inducias, confirmasse, de quo similiter decreti tenor. Quod tregua firmata ac jurata per nobilem virum Marcum Bartholomini, nomine D. Ducis & communis Venetiarum, Imperatori Palæologo debeat sacramento firmari per D. Ducem nomine communis Venetiarum: sicut jurata est per eundem nobilem sine conditione. Exant in consilio 292 de quibus non sinceri 35 in partem 68 volebant habere consilium 40. voluerunt istam partem 149. Ac novissime quo nec intactas relinquamus onerum tributorumque impositiones, certum est, annis clō cc lxxxiii item lxxxvi facta decreta super commodatis publicis (Veneti imprestita seu imprestitas vocant) quarum ea natura, ut necessitatibus publicis ita ferentibus quisque patriæ suæ mutua dare devinctus sit singula, bina, terna aut etiam plura quantum videbitur, instituta, ad centena quæ in bonis habet proportionem, sic tamen ut quæ quisque credidit, eidem ac-*

ceptareferantur, subinde cum interufurio, atque ita femper ut sortem ipsam à Rep. consequantur. Decreta lector si desideret, eccum prius. *Quod fiat impræstitum de solidis decem pro centenario, occasione Guærræ Histriæ, ita quod non possit expendi in alio, per aliquem modum, vel ingenium nisi libras mille pro facto litatori.* Eccum & posterius. *Quod debeat fieri impræstitum pro exercitu ituro in Histria, de duabus pro centenario, tali conditione quod non possint expendi in alia aliqua re, nisi pro exercitu, & occasione exercitus aliqua conditione, modo, vel ingenio, & una dictarum duarum debeat esse excussa per totum mensem Januarij, & alia usque ad totum mensem Februarij.* Ut jam dixi, si vel centies millena istiusmodi exemplorum adducenda forent, nullo labore conquiri adducique possent. Allegata suffecerint.

Est & in illo multum manifestus error Iannotti, quod maiora Comititia è toto civitatis corpore statuit eligi solita, id enim si credit, quod ex scriptis illius disertim elicit autor Scrutinij, nempe aditum ad ea fuisse cujuscumque demum fortis hominibus, idque promiscue atque indistincte, profecto errat. Sed enim vero quoniam hoc illud ipsum est, quod se demonstraturum promissit atque adeo in se recipit adversarius, rectà in illum ire placet, quo vestigia illius premendo, esse quæ dicit in omnibus & per omnia multum falsa exhibeamus vel ad oculum, eodemque responso, utriusque argumenta diluamus. Sic ergo author Scrutinij. *Reliquum est ut probemus antequam ea absoluta fuere, (de Majoribus Comitijis agit) civium omnibus, & singulis, dum modo rite recteque essent affecti, aditum ad ea potuisse neque extitisse ullam omnino legem que id vetaret.* Merito addubitare liceat, absolvaturne uno contextu, quam ex adversario allegavimus periodus, an vero in duo membra dispecatur: ut nempe si bimembris dicenda sit, hoc velit, antequam colophon Comitijis istis esset impositus, omnibus quos elegi contigerat civibus, eo pervenire



venire fuisse liberum, ac porro confirmationis loco subjungantur illa, *nullam intercessisse legem, perquam minus idipsum licuerit, sin ex adverso est ea ἀντίθετος*, atque absoluta, simplici quoque probatione satisfaciat. Posterius si dicendum est ac habenda periodus illa pro unimembri, manifesto particula illius posterior, *nempe leges nullas obstare, quo minus id ita ratum sit firmumque*, ut probetur necesse est. Autor sane Scrutinij toto suo tractatu neminem pro se adducit cujus ea mens sit. Idipsum tamen factum oportuerat. Negativum scilicet illud lemma, institutis legibusque Reip. adstrictum, inque fundamentum argumenti sui ab ipso adhibitum, necessario ipsi est adstruendum. Fateantur omnes, id ipsum, si à consuetudine longa, ac sic à jure moribus utentium introducto comprobatoque deducitur, esse omnino facti; nec aliud dicendum, quam de illius veritate plurimorum testimonijs atque autoritatibus constare debere. Vtique in omnem eventum, aliter istiusmodi negativas propositiones probari nec posse nec debere, nemo sit qui neget. Verum si amamus, nulla unquam tanti momenti sit ratio, quæ sanæ mentis cuiquam persuadeat, uni homini cuncta esse perspecta ac non potius quod est in veriverbio, plus oculos quam oculum perspicere. Vt quod sentio dicam, causam non video cur negativam istiusmodi pro se adversarius adduxerit, nisi fortean illud egit, ut probabili aliqua ratione in medium adducta, probandi à se onus cismovere atque amoliri posset. Assertivè hic, ac θετικῶς dicere debuerat, legem aliquam dari quæ nullo discrimine cives ad unum omnes tales agnoscat, ut eos majoribus Comitij, admoveat liceat: debuerat hic imitari Iannottum suum, qui cum sciat, omnia, etiam minutissima quæque ad exactissimam amussim legum, in Venetorum Rep. examinari solere, ne nihil dicat, etiamnum hæsitabundus cespitansque, tale quippiam tueri est au-

fus: Caterum, si quidem quæ ex Anonymo mox adduximus, partim ut affirmant prolata sint, partim ut probent; id quod asseritur probationem quidem aliquantillam habere videbitur, cæterum adeo (ne ridiculam aut sequius quid dicam) evanidam, ut nemo sanæ mentis ei fidendum ullatenus putet. Nemo tam est hebes, ut nesciat cuncta rationibus veris probari debere, aut autoritate scribentium defendi. Rationum pondera, quandoquidem ea contra adversarium quaquaversum militant, non est hoc loco ut expectemus. Autoritatem mutuari eum à semet ipso videmus, perinde ac si lividus utut sit malignusque, ipsi attamen tantumquam jurato testi credendum sit, idque in re quæ tot jam seculis priusquam ille ea scriberet gesta fuit; perinde item ac si statuendum mordicus foret quoniam *ἀντὶ τοῦτο*, nullas intercessisse leges, quominus omnes & singuli magnis Comitibus adhiberi potuerint, quoadusque ea consummare intraque numeros suos constringere visum fuit. Tu vero mi homo, cum nec ratione tua tueri possis, aut autoritatibus communire,

*Dic aliquem fodes, dic Quintiliane colorem.*

Ergone ne chartula quidem, vel ad patroclianas fellas damnata, superest ex qua id te hausisse dicere ausis? Sane qui semel impudens est, eum insignite impudentem esse debere norunt ii, qui iramatque animos à crimine mutuari solent. Tam falso effato cum temet implicare sustinueris, cur non etiamnum dicis decreto id publico sancitum fuisse, sed interim cum ea quæ annum *CLCCXXXI* præcesserint hauserit incendium, commune malum obstaré, quo minus tibi compertissima, lectori comprobes? *ἰδὲ πόδες ἰδὲ πύλας*. si quid credi tibi postulabas, hoc loco credere quisquam tibi ut posset efficiendum fuit, hæc ipsa si nullo autore commen-

tus

tuses, ut es sane, merito facessas. Si quis tibi è Venetis scriptoribus tale quippiam suggestit nã & ille non explorata suggerendo, patriam suam male feriato prorsus zelo, tibi illius impotentissimo detractori. calumniandam deludendamque propinavit. Agamus remissius, ita esto, ne fuerit lex ulla talis, non tamen sequatur ex illo aditum ex æquo omnibus ad majora Comitia patuisse. Rogati olim Atheniensium legislator Solon, Laconum, Lycurgus, hic cur in paricidas, alter cur in adulteros legem nullam tulissent, respondisse dicuntur, neminem se credere eo prolapsurum, ut aut paricidio aut adulterio se contaminatum vellet. Idem tibi Anonyme regeram; Qui primi in æstuaria maris Hadriatici se recepere, non plebs aliqua, non fæx, non colluvies hominum,

*Non pastor fuit, aut illud quod dicere nolo.*

Homines fuere nobiles, illustres, potentes, qui sua ut servarent eriperentque hostili furori, ab illo quam longissime ut abessent operam dedere, sedes suas deseruere, inque æstuariis multoties nobis dictis larem fixere, ac fortunarum suarum sedem. Hos ipsos tales tantosque viros, pares æqualesque sibi, alter dum in alterum imperium non affectavit Populum Venetum vocare licuit, populare tribunorum nomen, popularia munia dixisse. Suffecerit ergo si dicamus, cum jam tum ab ipsis incunabulis, nobiles isthic semper fuerint viri atque ut ut postmodum minorum gentium mortales iis sese adjunxerint, sive eorum jam ante clientes, sive manuum opificio vitam sustentantes, iidem tamen ipsi quos nominavi nobiles, usque dum à plebe separatissimos sese gesserint, Reipublicæ clvaum rexerint, cum & insuper, qui de plebe erant nequidem per somnium, ad obeunda publica munera adspiraverint, utique opus non erat ulla lege, ad exclu-



dendos illos, qui nunquam ad id dignitatis subvecti fuerant neque ut aliquando subveherentur, metuendum videbatur. Ac quantumvis ea quæ elicere aut deducere Anonymus studet, ex qualibuscumque alterationibus, quas decursu temporum obvenisse subinde causatur, per jam dicta satis superque refutata sint, luce tamen meridiana clarius, quæ asserimus commonstrare, ut pronum nobis ita forsannec inconveniens erit, tanto solidissimarum rationum, inconcussarumque authoritatum numero sese oggerente, idque jam tum vel à principio. Nos ea agendum saltim, ad annum c l o c c x c v i, quo tempore absoluta fuere majora comitia lectori videnda atque dijudicanda præbeamus. Certum ergo est, ut sub hujus nostræ velitationis initium fusiis prosequuti sumus, crebris Barbarorum in Italiam inundationibus, longe plurimos in lacunas atque æstuaria Hadriatici maris, convalatis quæcunque pretiosissima habebant, quæque hostico furori subducere poterant, sese recepisse, tanquam in gremium veræ Libertatis, ac invictæ securitatis asylum. Eos ipsos nobilissimos fuisse ac eminentissimos inter suos arguat impressus ille eorum animis tanquam character indelebilis, amor Libertatis, qui eos patriam cum vastis paludum uliginumque incommodis mutare jussit, impulitque. Quod utique eorum factum, aliter ut statuamus non fuit, quam eos pejus letho servitii jugum exosos (ut fere semper est in generosis pectoribus, majorum quidam tradux spiritus qui totis viribus, ad Libertatem ferri, anhelare atque crumpere solet) quo ne quid à Barbaris indignum se, indignum virtute majorum suorum aut facere cogerentur ait pati, habuisse potius, in ultimas maris oras, in margines littorum, in paludum extrema concedere, liberum saltim mediis in fluctibus sepulcrum habituros, quam vel ullatenus infamibus servitii scopulis virtutem suam allidere. Accedit quod ipse ille è patria sua

sua domibusque ut ut fugæ non dissimilis egressus, non alius fuisse potuit, quam eorum, qui arietantem in se fortunam sustinere, crimina sua ei donare, insolentiam ridere, secundis adversisque rebus experiundo didicerunt. Portentosas quoque illas medio in mari subtractiones, illasque tam multijugas, tam varias, tanta à se intercapedine determinatas hominum fuisse; manuum opera tenuem victum qui conquirent nemo credat. Imo potius (ut revera sese res habet) asseveret, viros fuisse, quos animi magnitudo, magnarum simul rerum capaces fecerat. Quos item necessariarum quas secum adduxerant rerum copia, egestatem aut inopiam reformidare non sineret: atque hinc securos sui, nec pro illis qui sese ipsis in clientelam ac patrocinium erant addicturi, utpote quibus etiamnum à victu amictuque de facili prospicere possent impense sollicitos. Accedit quod arcta locorum quæ insidendo sua jam fecerant spatia, numerosæ multitudinis capacia non erant. Illud autem ipsum non verosimile modo ut judicemus, sed pro verissimo ut habeamus, facit, maximam partem nobiles eo confluisse, qui, cum plurimum in se humanarum rerum ludibriis, eo quod plura quæ amitterent possidebant, licere agnoscerent, sui, suarumque rerum conservationi invigilare, inque illam intenti agere cœperunt. His accedit quod non unius duntaxat civitatis homines, non communi consilio, non auspiciis aut ductu cordati alicujus quem sequerentur viri, in ea loca concesserint, sed ex adverso sibi quisque dux comesque fuerit, suam privatim quisque in consilio fortunam habuerit, unde exinde factum ut alii similiter ejusdem conditionis homines, iisdem calamitatibus obsepti, sensim sese illis adjungere occæptarint, ac sic denique temporum progressu, stupendæ illius Reip. jacta sint fundamenta. Quæ cuncta sane Anonymus, ipsi Cassiodoro scriptori utique, qui proxime ab illis temporibus claruit, probari, cumque



eumque vel *quondam*, id est, jam tum à principio, quo habitari cæpere, Venetias nobilibus plenas, pronuntiasse, negare ausit; ut ut eum malignis interpretationibus quaquaversum distorquere, quam enixissime conetur. Bernardi insuper Iustiniani testimonium, quod toties in Venetos contorquere, cujus effatis tam frequenter causam Venetorum jugulare aggressus est adversarius, hac utique in re cur minus agnoscat causam non dixerit. Ait ille de profugis illis, de quibus sermo nobis in præsens est, *Ceterum in huc erant qui pecunia pollerent quibusque erat usus ejus tractande.* Et paullo post. *Factum inde Mercaturæ commerciorumque beneficio (quo quidem non conservari modo ne dilaberetur multitudo, sed & augeri non leviter contigit) ut quotidie nobiliores accederent ditioresque viri, in quibus æquè à facultatibus prospectum haud esset futuri obsidio.* Hos ipsos idem Iustinianus ut quales quantique fuerint demonstret sic alibi locutus commemorat. *Quid majores nostros ad incolendas paludes coegit, quam ut nos liberi alia pace frui queamus, & neque regibus serviamus neque Imperatoribus.*

Tandem cum numero incolarum repleti indies augerique loca ista cœpissent, jamque & legibus opus esset, virisque qui jus insularis redderent (absque eo enim, ut recte Tullius, non domus, non civitas stare aut punctum temporis se tueri possit) insularum istarum singulæ suum sibi quæque tribunum legere cœpere. (Iustinianus binos, ut dicemus, ait fuisse) sed nihil id rei veritatem mutat, aut ad institutum nostrum facit. Si quæ publicam omnium insularum utilitatem concernere videbantur, si quæ in commune profutura judicabantur, conveniebant inter se ex singulis insulis, singuli tribuni. De horum tribunorum creatione ita Dandulus. *Interea Venetia maritima regio, propter bellicas clades populis aucta, in qualibet insula Tribunos annales constituit, qui incolæ justitiam exhiberent, facta vero in communi tangencia, ab omnibus com-*  
*provin-*

*provincialibus determinari conventum erat. Bernardus quoque Iustinianus, Creabat una quæque insula, siue littori quod adjaceret oppidum, duos tribunos, ad rem vero publicam, ac si de re quapiam graviore conferenda essent consilia, omnium insularum littorumque conventus indicebantur, ac quo pari omnes gradu dignitateque essent & haberentur, omnibusque ex æquo concordia constaret ratio singulis annis, alium atque alius ad conveniendum eligebatur locus. Hic iterum eccui fides fiat, primos hosce tribunos, cum multi frequentesque ibi essent viri nobiles, plebeios potius fuisse, quam è numero nobilium? nemini certè, utique non audeat id adversarius, cui hoc ipso opere, familiæ nonnullæ haud alio nomine pro plebeis reputantur, quam quod ex illis tribunos electos haud constet, sic ut omnino ipsemet dicendus sit fateri, è patritijs, non autem de plebe Tribunos legi solitos. Demonstrat id ipsum quam disertissime Bernardus Iustinianus, qui postquam insulanos nonnullos de relinquendis novis sedibus ac repetenda postliminio patria consilia agitasse narravit, postquam ea Barbaris eam relinquentibus à calamitatibus suis respirare videbatur, subjungit tandem, Virum ferunt ætate grandem & Nobilitate, meritis, ac sanctitate vitæ conspicuum ita ad eos locutum. Ille ubi multo rationum pondere permanendum evicit, valuisse ait ejus sententiam, ijsque comprimis placuisse quorum in bonis essent littora, cumque ijs salinæ, ac piscationum commoda. Quæ vero satis efficax sit ratio, ut in assensum sui quempiam rapiat ac cuiquam non verum modo, sed vel simile vero esse efficiat, illis qui ut magnorum Principum ac Dynastarum effugerent imperium, penito libertatis in sinu ac meditullio, infimæ abjectæque subesse voluisse plebeculæ, quam ipsimet usibus suis detinebant, eoque nomine, ipsi quoque alebant? Nulla sane, præsertim si Iornandi circa hæc quippiam deferimus, qui Attilam nobis depingit Sontibus exorabilem, ac propitium semel in fide receptum. Illo autore non tam ad*

Italiam devastandā, quam imperio subijciendam aspiraverit Attila; id ipsum quoque aperte eundem Attilam præ se tulisse evincant illa dicti nobis sæpicule Iustiniani, *Sontio transmisso saduceatorem seu sectalem, ad circumjacentes urbes dimisit* (Attila nempe) *non eam adventus sui causam, ut ipsos bello petat, aut damnum per injuriam det. Urbem cui in omnia regimen, Imperij larem, Romam se pergere, imperium solum sibi haberi pro hoste, paratum sese ad obsequium paratis pacem largiri, armis contra decertare parantes, armis iidem cogendos sibi desumpsisse.* Quin imo cum hæ conditiones placuissent non paucis, scribit idem author. *Mandat posteritati Calius, è primoribus nobilioribusque civitatibus binas Tarvisium nempe & Veronam fecisse deditionem hanc Præsule Heloidio, ac principe civitatis Tempesta, illam Diacherico tradentibus.* Ab altera parte si ipsiusmet Iannotti verba superius aliquanto citata, ponderare, atque exactius paulo attendere lubet, ubi, inquit, locum in quem quotannis convenire solebant, de anno in annum, ab insula in insulam transferri solitum, ut omnium populorum dignitas servaretur cum pace & concordia. Vel invitati fateamur necesse est, ipsos minime fugisse in quo honoris apex consistat, simulque inferendum liquido, si minuta ista, inter quæ procul dubio annua ista loci mutatio censenda est, valida iam tum erant ad bene compositam inter ipsos pacem turbandam laxandamve, multo majoribus turbis occasionem daturum fuisse, si plebs in nobiles imperium sibi vindicare fuisset, aggressa. Omnis id evincat ratio, eos qui id unum ut scilicet inter æquales facta tecta conservaretur æqualitas, tanta caverunt cura, majore etiamnum diligentia operam daturos fuisse, ut inter tam dispares, sua quoque disparitatis ratio constaret.

Mox iterum progressu temporum cum animadverterent quidam ex prudentioribus segnius injurias publicas vindicari ipsosque insulanos, intestinis inter se discordijs, non infrequenter

quenter collidi, Ducem eligi placuit qui Reip. quasi caput esset, ac princeps, remanente de cæteris, imperii vi ac jure apud eos, penes quos ab initio residerat. Ita conspirantibus omnium votis studiisque electus in Ducem anno *DE XCVII.* Paulucius Anafestus Heracleanus, de quo ita Dandulus in Chronicis. *Hic salubriter ordinatis, hunc civem Heracleanum sapientia præditum, & nobilitate conspicuum, ducem constituerunt.* Equibus verbis conitatur non solum *Nobilem* illum, verum etiam fuisse *Nobilitate conspicuum.* Confirmat id ipsum Bernardus Iustinianus. *Ergo e nobilitate Veneta Dux creatur Paulus Heraclea oriundus, inter suos virtute ac generis claritate facile princeps.* Petrus quoque Iustinianus de eodem, *Paulutius Anafestus nobilitate virtuteque insignis, Dux primus in Heraclea creatus fuit.* Paulucio Marcellus successit, quem aut nascendi sorte aut animi dotibus inferiorem prædecessore suo fuisse, nemini hætenus notatum; Marcellum Ursus Vrfeolus excepit, de quo Dandulus: *Vrsus Dux confirmatus est anno DE CCXXVII.* *Hic nobilis Heracleanus, &c.* Beruard. Iustinianus. *Denuo indicto ad Heracleam consilio, susceptus est Vrsus, genere nobili, &c.* Petrus Iustinianus. *Hic Vrsus vir acer, & genere clarus susceptus est.* His adjungi possit Breve illud Pontificis, Venetos ad Ravennam recuperandam cohortantis, in quo reperiuntur hæc verba, *Debeat nobilitas tua, &c.* nisi jam ante id à nobis allegatum fuisset. Cæterum, ut ad Vrsum revertamur, fuit ille tandem ab Heracleanis & Equilientibus, quorum discordias homo præferocis ingenij alere ac fovere credebatur, interfectus. Atque ex eo ipso pro nobis quoque argumentum non leve delumere liceat, nempe cum gens ipsa bellicosa farsis esset, ac manu prompta, ac vel, in tantum ut ne ab ipsis quidem Ducibus abstinerit, credibile non esse si præteritis temporibus honorum dignitatumque fuisset capax, æquo animo fuisse laturam, nulla sui ratione habita, Duces è Nobilibus continuo legi. Longe utique vero si

milius sit, etiam ingratius, ac contra nitentibus patricijs, eam id ab ipsis fuisse extorturum, vel per vim secessionefque simili exemplo, quo quondam Populus Romanus ut alter consulum è plebe legeretur crearenturque tribuni plebis patribus extorserat. Nec tamen hæcenus Scriptor ullus repertus est, ut ut ex professo Venetis infestus, qui id unquam litteris mandare sit ausus. Ducibus equitum Magistri succedere. Quales vero ipsi quoque extiterint, satis nos historiæ docent. Illud dixisse sufficiat, inter illos fuisse Deodatum Vrsi Ducis filium, alterum Iulianum Hypatum, de quo Dandulus. Hic ex munificentia imperiali Hypatus, id est, imperialis Consul, iam factus, vir nobilis, & virtute conspicuus, hunc honorem obtinere promeruit. E quo loco notandum, Iulianum tantum honorem visum mereri non eo minus nomine, quod nobilis esset, quam quod virtute conspicuus. De eodem ita Bernardus Iustinianus. *Addidit ille (Iulianus nempe) Consulatus decus quod ab Imperatore consecutus erat, ad extremas virtutes, nobilitatemque generis.* Ac quantumvis id ipsum non invenitur de omnibus ac singulis expressum semper, non alia id factum de causa dubio procul, quam quod in re omnibus notissima, ijs iteratis opus non fuit, nisi forte sicubi alia decora aut ornamenta, novam ea repetendi materiam præberent.

Annis post hæc non ita multis, nempe anno DCCXLII. Duces postliminio quasi creari cœpti. Primus eorum Deodatus fuit Vrsi Ducis filius, nec non equitum, ut jam diximus, non ita pridem magister. Andreas Dandulus causam assignaturus, cur ille præ cæteris eximius habitus fuerit, dignusque visus in quem dignitas ista esset conferenda, hanc assignat, *Quia nobilis erat, imperialisque Hypati, id est consulis honore, fungebatur.* De Mauritio similiter quarto Venetorum Duce, (quarto nimirum à Theodoro) Anno DCCXLIV, ita Bernardus.



nardus Iustinianus, *Eligitur apud Metamaucum dux Mauritius, oriundus Heraclea, stemmate nobili, divitiis insignis.* Mauritio successor, sociusque fuit filius illius Ioannes, Ioanni Mauritius, similiter illius filius, ac prioris Mauriti nepos, quem, patrè è vivis sublato, confestim quoque mutatum in pejus, annales narrant. Ille enim virtutum suarum praelustri fama, ac pietate Equiliensium atque Heracliensium dissidia sopiverat, alter vero data velut opera, sopita multo flagrantius ut excandescerent, allaborarat. Pervicit interim Mauriti avi nomen, ob recens ab eo accepta beneficia longe gratissimum, ut ipsi filium dignitatis habere consortem, sociumque fuerit concessum; eo forte, quod spes Venetos teneret hoc illo pacto animum sese protollentes patris spiritus, ac plus quam pro ratione temporum, ipsorumque conditione, feroces, coerceri & in orbitam rationis posse redigi. Cœterum frustra fuere: fefellit eos quam conceperant spes, illo non Ducem, sed Tyrannum agente. Fas sit in transcursu notasse Iustiniani Historici verba. Sic ille: *Fœminis nobilioribus injuriam facere*, ut vel eo solo agnoscamus, fuisse distinctos ordines. Sed interim redeamus in viam è diverticulo. Ioannes Gradenſis Patriarcha, senectute venerandus, vitæ sanctimonia clarus, ac meritissima famâ vir, dum subinde Ducibus minus recte ab ipsis gesta (ut obsequium amicos, veritas odium parit) ob oculos ponit, exosissimum se iis reddiderat. Illum Mauriti, patre ita iubente, edita de turri præcipitatum necat. Ioanni Fortunatus illius nepos sufficitur; qui injuriarum avunculi nimirum memor, dum cum Metamaucensibus aliquot nobilibus adversus Venetos Duces conspirat; detecta conspiratione, patriam exilio mutare, inque Galliam sese recipere coactus est; Taurisum conjurationis consciis se conferentibus. Hi, cum partium in se prona studia, cum favorem adesse animadvertèrent, Obelerium Metamaucenum, Du-

cem creant, Anno DCCC IV. Dandulum fodes audiamus. *Hic Patriarcha* (ait ille) *graviter dolens de occisione prædecessoris, patrefacta conjuratione, qua adversus Duces egerat, de Venetiâ abiit: quem quidem Venetorum nobiles quibus patratum scelus displicuerat, secuti sunt, videlicet Obelerius Metamaucensis, Felix tribunus, Demertius Martiomanus, Foscarus Georgius, & alij quamplurimi. Patriarcha, igitur in Franciam ivit, Reliqui autem Tarvisum petiere, qui suafione illorum, qui in Venetiis morabantur, Obelerium tribunum Ducem elegerunt, quo Duces cognito, ducatum, patriamque reliquerunt. Nobis hinc tria colligenda videntur, eaque multum notanda: Prius, fuisse abique omni dubio ipsum Ducem nobili stemmate progenitum. Alterum, Tribunos haud alios fuisse, quam item nobiles; ut quoque rem supra commonstrabamus. Tertium Obelerium fuisse creatum Venetorum Ducem, idque à nobilibus conjuratis, qui detecta conjuratione, id temporis Tarvisum sese receperunt. Quid hic æque clarum, quam nullas in eligendo Duce, populi fuisse partes? aliquæ si fuissent, utiq; eas nobilibus criminis manifesto reis aperta conjuratione profugis, extorribusque, tantum jus haudquaquam cessissent. Obelerius principem simulatque locum à se occupari vidit, eò sedulo conversus est, nequid adversum se, Duces expulsi moliri, aut attentare possent: ac quo ne Heracleensibus (ad quos originem suam illos reducere sciebat) propitiis sibi quandoque uterentur, Equilanos ilico in Heracleenses concitat, qui dum vicina sibi loca allegant ab Heracleensibus prærepta ad arma devenum est, enatumque inde triste exordium quamplurimarum factionum, earumque non uno sanguinis profluvio infamium. Stabant ab Insulanis sive Equilejensibus Georgius Ioannides, ab Heracleensibus quinque numero fratres Gaulli, Galbæ Gaulli F. è quibus quatuor ista seditio hausit. Horum mors Duci occasionem dedit ut insulanos omnes*

nes Equilium convocarit; ubi post multa in rem præsentem, inque utramque partem quæ forent ventilata, tantum obtinuit, ut non Heraclea minus quam Equelio solo æquatis, alias in oras insularum illarum nicolæ deducerentur; quod quidem Ducis consilium etsi multos habebat attonitos, subiungit Iustinianus amicos Obelerij, Metamaucenosque cæteros, quibus metus unus erat, ne civitas nobilium familijs refertissima, caput attolleret, ac ad reposcendam ducatus sedem denuo aspiraret, nullo negotio Equilanos in suam pertraxisse sententiam. Ait ille, *Æquilani igitur ex quo id ipsum quoque velle cæperunt, ea haud gravatim vicit sententia, quæ urbium utrique excidium tulit, quo ne unquam externis hostibus aut receptaculum forent, aut præsidio. Paucorum ea res dierum fuit, crescebat indies à Pipino metus, eoque, intrum qua celeritate, ex illustribus familijs complures, qua Metamaucum, qua Rivoaltum fuerint translatae.* Id ipsum cum jam foelici satis successu terminatum esset, reliquum erat, ut in communem hostem armarentur animarenturque impensius. Crebro igitur agitantur rumore, qualia sint, quantaque quæ adversum Dalmatas Pipinus designet, esse id unice in votis Duci, ut arctissimo nexu inter sese adversus hostem communem, omnes insulanos devinctos videat. Quod majus erat, inter cedebat pro duce ipse Gradenfium Patriarcha Fortunatus. Erat interim deliberatio multum anceps ac perplexa, quæque hinc fidem Imperatori Orientis datam violatua citius, quam luxatura videretur, inde summam rerum in discrimen adductura, irritato, atque hostilem in modum exacerbato Pipino. Omnes ergo insulani adesse jubentur. Ut convenere deliberatio instituitur. Ab una parte Metamaucensis tribunus Honorius, nobilitate generis ac autoritate apud suos prævalidus, Francis æquior fuisse visus; ab altera Angelo Participatio, qui postmodum Dux fuit vir *divitijs & nobilitate* (verba sunt Bernardi

Iustinia-

Iustiniani) *potens*, initum cum Græcis fœdus servandum monente. Hanc deliberationem excepit celebre illud prælium adversus Pipinum, supercujus eventu jam ante disputatum nobis; utque constat & eo ipso tempore nobilitati Venetæ suus honos, notat idem Iustinianus contra Pipinum *Classi Venetæ præfectum fuisse Victorem nomine, nobilem Heracleanum eundemque maximi nominis*. Obelerio mortalitati exempto, ac Metamauco diruto facta Venetorum Ducum sedes Rivus altus, creatusque Dux Angelus Participatius Anno DCCC IX. Illi filius Iustinianus Participatius successor fuit Anno DCCC XXV III. hunc ejusdem cognominis, Ioannes numerum anno DCCC XIX, excepit. Referente Dandulo, eodem tempore (nempe quod jam diximus) Proceres Veneti quidam autore Caroso seu Carocio tribuno scelesti inita factio- re, Ducem à Patria expulerunt. Carocio, qui per vim Ducis titulum usurpasset, deprehensò à conspiratis oculi effossi. Revertitur Ioannes ac denuo ad Reipub. clavum admo- vetur, ad extremum tamen Mastelicorum nonnulli, qui ad Carociorum familiam originem referebant, Ducem è fano Divi Petri ad Castellum progredientem arripiunt, eumque capillis abasis, Gradum in Monasterium detrudunt. Ioan- nem Petrus Tradonicus excepit anno DCCC XXV I: qui similiter anno ducatus sui octavo supra viceesimum infœli- cem sortitus est exitum, consperantibus adversus illum non nullis, de qua conspiratione ita Manuscriptus quidam codex multum vetustus. *Factum ut Dux ille odium omnium in se concitaverit, dum nobiles plebemque nimirum duriter habet, ac nedum populum, verum ne ipsos quoque nobiles alloquto dignatur, nec alios sibi Comites habet quam servos suos, hinc factum ut ades ejus obseperint, &c.* Anno exinde DCCC LXIV, ejus in locum suffectus est Vrsus Participatius qui filium Ioannem sibi habuit dignitatis con- sortem. Solus exinde Ioannes ab anno LXXX, usque ad an- num



num LXXXVIII Dux fuit; mox cum ille dignitatem istam à se abdicasset, Petrus Candianus Dux creatur; sed hoc intra annum vertentem vitâ functo, assumtus denuo in Ducem Ioannes fuit, qui & ipse anno insequenti vivere desijt. Hunc Candiani nepos Petrus Tradonicus insequutus est. Illum, Vrsus ejus nominis secundus, è Participatorum gente, prioris filius. Vrsus anno DCCCCXXXI. item nominis illius secundus Petrus Candianus. XXXIX. Illum, Petrus Badoarius (monuimus jam ante idem hoc esse nomen cum Participatijs) Vrsi filius: Hunc Petrus Candianus, secundi illius filius ac primi nepos, qui filium quoque sibi socium habuit imperi; ille vero patrem de solio per vim deturbare cum anniteretur, in exilium depulsus fuit; ast tandem denuo compositis rebus, anno DCCCCXIX, in patris locum suffectus est. Postmodum anno LXXXVIII. Vitalis Candianus dux creatur, annoque sequenti Tribunus Memus. CXI, Petrus Vrseolus. CIO IX, Otho Vrseoli filius, qui jam ante ejusdem cum parente dignitatis fuerat consors, de quo multum antiquus manuscriptus quidam codex ita habet, *Petrus Flabanicus duct inimicissimus ad convulsum nobilium Venetorum precipuos vocat, ibi conclusum de expellendo Duce, &c.* Illum ergo captivum primo, mox abrasi barba in Græciam relegarunt, suffecto Petro Barbolano sive Centranico anno XXVI supra millesimum, post cujus è vivis excessum, servata fuit exuli Othoni Ducalis dignitas, medio tempore, Gradenſi Patriarcha Iohanne, qui frater Othonis erat, res adgubernante: quoadusque perlato Venetias nuncio excessisse è vivis Othonem, Dominicus Vrseolus, anno supra millesimum tricesimo secundo, per vim rerum potitus est, sed eodem ipso die sede sua depulso illo, electus fuit Dominicus Flabanicus, quo Duce factum decretum ne cui Duci socium, aut dignitatis consortem fas esset adjungere. Anno XLIII, Do-



minicus Contarenius Dux creatur. Anno LXXI Dominicus Silvius. LXXXIV Vitalis Faledrius. LXC Vitalis Michael. MCII Ordclaphus Faledrius. MCXVI Dominicus Michael. MCXX Petrus Bolanus. MCXLVII Dominicus Morosinus. LV I Vitalis Michael, secundus ejus nominis. LXXI Sebastianus Zianus, in cujus electione cum quædam observata fuerint, diversa ab eo quo cæteri Duces creati fuerant eligendi modo; subsistendum hic nobis paulisper, ad dicenda non nulla, non leviter ea quæ assertum imus firmatura. Non abs re tamen fuerit in antecessum ut præmittamus, Petro Vrseolo Duce, anno nimirum DCCCCXCI quantum ex mandatorum tabulis colligere est, Reipublicæ Venetæ nomine Dalmatiæ urbibus cum imperio præfuisse Vrsu Orseolum Ducis filium Hirminij, sive Ragusæ, Dominicum Bolanum Spalati, Ioannem Cornelium (hodie Cornari) Tragurij, Marinum Memum Albaniam, quos omnes primariæ apud Venetos nobilitatis fuisse, nemo ignorat, ipseque etiamnum unde hæc petita sunt manuscriptus codex tali eos epiphonemate insignit, *Erant illi ex primoribus Venetis*. Est & alterum quoque Instrumentum manuscriptum anni insequentis, quo eodem Petro Vrseolo Duce, exorto forte fortuna tumultu in Ducali Palatio, Nobiles Veneti indistincte omnes promittunt, se in posteru acturos quietè & ab omni tumultu abstenturos, pœnamque secus facienti quinquaginta auri librarum aut mortis subeundam. Verba publici illius instrumenti sunt, *Decrevimus omnes iudices à maximo usque ad minimum, &c.* Anno MCXCI Vitalis Faledrus cum Loreanum castrum nonnullis è nobilitate concederet, hæc in instrumento concessionis verba leguntur. *Quocirca nos Vitalis Faledrus una cum Petro Badoario venerabili nostro Patriarcha Gradenfi & cunctis nostris Episcopis & Iudicibus, nec non nobilibus principalibus nostris*. In archivis item Castel-

Castellani Patriarchatus extat etiamnum decretum] Petri Bolani, anno M C X L I I circa quædam solemnia processionum festo purificationis Beatæ Virginis, cujus hæc verba. *Deinde Pontifex (Patriarcham designat) una cum cæteris prædictis Ecclesiasticis, ac sacris induti vestibus, debeant ascendere palatium, & inde cum Domino Duce & Capellanis, cum cætera virorum nobilium turba descendere cum processione debeas.*

Ex ijs quæ huc usque à nobis dicta sunt liquido constat, jam tum à primis urbis incunabulis usque in annum M C L X X I I nobiles à plebe fuisse distinctos. Tribunos primo, atque exinde Duces, nobilibus oriundos familijs. Nobilibus publica munera fuisse perpetuo demandata, sic ut ne ad ea quidem aspirare plebs unquam populusve præsumserit. Atque idcirco etiamsi omnino verum foret quod asserit adversarius, legem nullam dari, quæ quempiam à majoribus Comitibus ac sic à regimine Reip. abarceat, non sequatur tamen, plebem unquam publicorum munerum fuisse capacem: quin imo ex adverso, valide vel ex eo ipso concludendum, cum nec opus fuerit, plebem tali lege lata, aut excludere, aut refrenare, eam unicam fuisse causam cur nulla talis lex unquam lata fuisse reperiatur.

## C A P. XIX.

*Appendix ad superiora, quæ ex ijs, quæ exinde gesta sunt, porro asseruntur. Quæ in electione Sebastiani Ziani obvenerint. Emanuelis Comeni bellum cum Siculis. Quis tunc temporis Venetorum status. Pests (lasmus) Venetam infecit. Syllabus eorum, quibus facta potestas Ducem eligendi. Ab illis Zianus Dux creatus.*

*ius. Nulla hic plebis suffragia. Zianum Mastropetrus quomodo exceperit. Nomina eorum, qui eum elegere. Victricia Marci Danduli arma in Gracia. Nobilium Venetorum potentia, & virtus. Regnum Cretæ Veneta Reipub. adjectum. Invidia Genuensium. Colonia à Venetiis in Graciam deducta. Soli nobiles, quibus ad maiora comitia tunc accedere licebat. Inter Venetos, & Genuenses ortum bellum. Victoria Venetorum. Tenui erario maritimis rebus tributum impositum. Laurentius Theupolus Dux factus. Nulla hic populi partes. Petrus Gradonicus quo pacto Dux creatus. Penes solam nobilitatem in omnia regimen. Qui eligebant nobiles suere. Varijs id Decretis publicis firmatum.*

**M**VLto etiamnum manifestiora quæ assertum iui mus evadent, si cui attendere atque examinare illa lubeat quæ proximis exinde temporibus gesta sunt. Nos quo lectori nostro cumulatim satisfaciamus, agedum ea pressius aliquanto perensemus, quæque in eorum momentis ponderanda videbuntur, desingnemus. Quoniam vero quæ in electione Sebastiani Siani obvenere, & numero, & auctoritate reliquis potiora censeriqueant, aliquanto altius ut exordiamur erit necesse, ac quæ Vitalem Michaellem ejus nominis secundum, Ducem Venetum interimendi causa fuerit, ac quis porro circa ea tempora Venetarum rerum status extiterit ut expediamus, nec inutile fuerit, nec injucundum. Anno supra undecies centenum septuagésimo, Emanuel Comenus Orientis Imperator bello adversus Gulielmum I I. Siculorum

culorum regem implicitus, à Venetis ut adversus eundem auxilia mitterent, enixe petierat. Veneti Foederum cum Sicilia regibus initorum memores, atque insuper revolventes apud se, quot inde in ditiosis suæ incolae promanassent bona, quam luculenta immunitatum beneficia, quanta exemptionum commoda foederum istorum beneficio essent consecuti, quibus & illo ipso tempore fruerentur pro libitu, hinc quidem auxilia imperatori denegant, ac Siculi partes manifesto fovent, inde vero, quanta possunt celeritate, mercatores suos ad unum omnes, ac quotquot denique negotiorum causa istis in oris commorabantur, domum revocant, sive quod sua sponte infesto in Venetos animo Comenum scirent, sive quod præfaga mali mens, præscio velut dictamine, eas quæ mox ab illo in Rempub. incubuere calamitates, antecaperet. Ægre admodum denegata sibi auxilia ferens Imperator, factâ cum Siculo pace, civitatum nonnullas, quas in Dalmatia Veneti possidebant, ad defectionem sollicitat. Nec longo post tempore Spalatum, Tragurium, ac Ragusum occupat. Mox graviora Venetis parans, vi, quam jam nunc in illos distinxerat, fraudem jungit, edicit velle se ut pristina inter eos denuo interpolaretur atque coalesceret amicitia, ei rei civitatum sese, quas jam diximus, restitutionem offerre, Venetos mercatores acceptissimos posthac sibi fore, ac quam benigne excipiendos testatur. Qui de tota re cognoscant, ac ad Senatuum referant, missi Sebastianus Zianus, & Aurius Mastropetrus, uterque postmodum à Venetis, Duces creati. Ut vero verbis Imperatoris fides habita, ut facta volentibus copia pro beneplacito in Græciam navigandi, plus quam vicena hominum millia eo sese cum navibus suis, immensaque pecuniæ ac mercium vi contulisse fama est; ceterum cum ægre diem unum Bisantijs substitissent, facta confestim in ipsos eorumque naves ac

merces manuum injectio, paucissimis admodum exceptis, quos navium pernix celeritas classi Imperatoriæ subduxit, Venetiis quæ in Græciâ obvenerant, nuntiaturos. Veneti audito nuntio, centum longas naves, intra totidem dies ad bellum instruunt, super addita viginti navium classe. Illi Dux ipse præesse jussus. Ille ergo Dalmatiam haud segnis petit, ac castigatis quæ defecerant civitatibus, Euboea potitur. Quo animadverso Imperatorii præfecti, cum nec suffecturos se repellendis Venetorum copiis judicarent, injecta mentione pacis, eorumque quæ publice in custodia, attinebantur restitutionis. Legati ut Constantinopolin mittantur, à Duce Veneto impetrant. Missique ei fini, unà cum Equiliensium Episcopo Paschali, Manasses Badoarus; colloquio profectum nihil, ac justo pioque duello per injuriam erepta quæ sint repetenda docent. Dux itaque aliquot navibus, quæ nonnullas Ægæi maris insulas infestarent à se abdicatis, ipse cum tota Classe Chion insulam petit, eamque imperio suo subjicit, atque hic iterum injecta componendarum rerum mentione, factaque spe pacis, eosdem illos Legatos, addito eis comite, cui gentilitium cognomen Græco fuit, ad Imperatorem mittit. Nihil eos ubi agere compestû, domum reversi sunt, revocante Duce, nec non adducto secum Imperatoris Legato, qui super eodem illo negotio Ducem compellare jussus ferebatur; cæterum sub ipsum exordium, patuit hominem sufficientibus ad fidem mandati tabulis haud esse instructum. Atque hinc tertio legatos mitti visum. Ergo qui cum ipso Commeno super toto negotio conferrent, Vitalis Dandulus, & quem dixi, Philippus Græcus missi. Dum commeant ultro citroque legati, pestis longe foedissima in Venetam classem incubuit, haud aliunde, ut creditur enata, quam quod fontes fluminaque, unde aquam Veneti quotidie petebant, Imperator veneno curasset infectanda. Hinc Duci, re-

lietâ



lietâ Chio domum se ut reciperet, injecta necessitas. Ergo longarum navium numerus cum jam supra vicessimum quintumque haud excurreret, cœteris incendio, quo ne earum hostes potirentur, absumentis, classẽ tantã sui parte minorem, tantaque foedatam strage, Venetias Dux, ac cum classe morbum pariter reducit. Ob id ipsum cum primo graves undecumque querimoniæ essent exortæ, æque indices incrementum sumerent, in nervum procul dubio erupturæ, jamque ad seditionem res spectaret, haud multo post interfectus est Dux ipse, dum vitæ suæ confuturus, relicto Ducario, in locum securiorem se recipere cõnatur. Nimirum ille prope Divi Zachariæ sanum cuidam cui Carolo Verlo nomen, forte obviu, lethale ab ipso vulnus tulit. Factum id vicesima octava mensis Maij, anno septuagesimo primo supra undecies centesimum. Ut quidam volunt, Dux quo jam diximus die, dum sacris operaturus, tumultu sedato prodit in publicum, præter omnem expectationem inopinò, dum nihil tale quid timendum sibi putat, à dicto nobis Marco fuerit trucidatus. Ut ut est, illo elato, finitisque solemnibus, certum est convenisse civitatis principes, cumque viderent nondum satis compõsita tranquillaque esse omnia, suppositosque vel etiamnum ab excessu Ducis cineres igni dolofo, ne quid in presens Respub. detrimenti caperet neve in futurum pacata quandoque turbari tragicis istiusmodi motibus contingeret, solliciti, præertim, si quando in electione Ducum receptus in ea tempora procedendi modus esset observandus, *Per Scrutinium* (verba sunt antiqui MS. C.) decernunt ut triginta & duo ex primoribus civitatis eligerentur, eisque etiamnum sorti denuo expositis, bisserent superarent, hisque sub jure jurandi religione ac vinculo in antecessum adstrictis: procul omni amore aut odio, quem optimum judicaret, Ducem eligendi publico nomine potestas esset, Duxque renuncletur quem octo pro se habere susfragia

*fragila contingeret.* Nomina quoque illorum quibus id publico è decreto negotij datum, subijciam:

*Dominicus Memus.*

*Marcus Bassëgius.*

*Franciscus Vionus.*

[Esse desijt Viona gens anno

M CCC XC IX. novissimus fuit Petrus Vionus Aulæ

Germanicæ [Fonticum Veneti vocant] Prodominus.]

\* *Vitalis Dandulus*, Iudicis dignitate prælustis annis

M C LXII & IV.

\* *Auria Mastropetrus*, ut jam vidimus ad Emanuelem Imp. Legatus.

[Gens Mastropetra amplius non est.]

*Dominicus Sylvius.* [Gens hæc extincta est in Marco Sylvio, Advenarum Advocato: Anno M IV C I.]

\* *Philippus Græcus* cum Mastropetro legatus, ut notavimus.

[Gens nostro etiamnum sæculo clara, nec ita dudum extincta]

\* *Leonardus Michael*, Produx, filius Vitalis Michaelis r r.

*Bernardus Centranicus.* [De cuius gente notandum, du-

rasse eam quantum ex notis monumentisque publicis animadvertere liceat, usque in annum M C C XL IX.

Sunt qui statuunt, Centranicam gentem eandem esse cum gente Salomonica: ajuntque Petri Centra-

nici posteros Salomoniorum nomen, utpote quo delectarentur impensius, Centranicorum agnomine va-

lere jussu, sibi assumpsisse, quod Petrus ille Centra-

nicus Venetorum Dux, cum singulari in gerendis rebus prudentia, omnes in stuporem daret, inque

admirationem sui raperet, vivus etiamnum vident-

que sapientissimo Regum Salomoni æquari merue-

rit; unde factum ut non Ducis magis, aut gentilitio,

quam Salomonis nomine noscendus fuerit: Veneris,

eo illi

eo illi imposito, summas in summo virorum dotes  
certatim devenerantibus.]

- \* *Erricus Naogeorgus*, ex consilio Sapientum Annis M C  
IX II & IV.

[Extincta demum gens M CCC XX in D. Francisco  
Naogeorgo.]

- \* *Rehnerus Zanus*. Ex eodem Sapientum collegio, Anno  
M C LXVI.

*Leonardus Fradellus*, D. Marci procurator.

*Erricus Doro*, sive *Aureus*, è Sapientum collegio, anno  
M C LXII.

[Extincta gens ut in Francisco Doro, M CCC XXIX.]

*Nicolaus Delphinus*.

*Ianus Contarinus*.

- \* *Erricus Tolanus*.

*Daniel Bragadinus*.

*Fantinus Zoyfus*.

- \* *Candianus Sanutus*.

*Rogerius Permacinus*.

*Petrus Barozzius*.

*Petrus Cornelius*, sive *Cornarus*.

*Otho Quirinus*.

*Manasses Badoartus*, de cuius ad Emanuele Commen-  
num legatione supra meminimus.

*Nicolaus Iustinianus*. Hic, cum omnes Iustinianæ gentis  
viri, lue illa, de qua item supra, essent absumti, sacris  
jam tum initiatus ad D. Nicolai in littore, è Mona-  
cho factus gener Vitalis Michaelis, restaurator fuit  
perillustres Iustinianeorum gentis.

*Marinus Gradonicus*, Admiralius sive propræfectus L. ro-  
stratarum navium.

*Dominicus Bembus*.

*Nicolaus Fermus*. Legatus Reip. ad Tarvisinos. Gens eorum extincta est ut in D. Marco.

*Biazus Casolus*. Perijt similiter eorum gens in Marino Casolo, armamentarij præfecto. Anno MCCC LXI.

*Vitalis Istrieus*, cujus item gens desijt Anno MCCCC LXXX. in D. Nicolao. Obijt is, in insula Creta, in quam ut Coloniam. S. P. Q. V. secesserat.

\* *Dominicus Morosinus* L. Rostatarum præfectus, Dominici filius.

\* *Vitalis Faledrius*, legatione functus ad Emanuele Co-

Facta bis senorum, quos asterismo notavimus, sortitione, iidem mox in æde D. Marci, publice omnibus inspectantibus Anno MC LXXII Sebastianum Cianum Ducem renunciarunt. Quæ cum ita sint ecquis triginta ac duorum nominum syllabo duntaxat lecto, negare ausit, thesin nostram solida veritate subniti? præsertim ubi viderit, eosdem illos summis in Rep. Veneta muneribus functos, ac totidem fere Iudices, Procuratores Divi Marci, è Sapientum collegio, Admiratos, Rostatarum Præfectos, Legatos, ac secundos à Duce, similesque, qui ut non æque prælustribus admoti sint Reipub. munijs nobilibus tamen, ac quæ hodieque etiamnum temp. moderantur familiis erant oriundi. Ex adverso, si quandoque spectasset ad populum plebemve Reipub. regimen; utique non tulisset ille, illave, sese ab electione supremi in Repub. Magistratus arceri: tali præsertim tempore, quo novo Ducem eligendi modo adinvento, non aliam inire rationem poterant, quam sese jam tunc exclusos, in posterum exclusissimos fore Patrum Venetorum prudentiam si respicimus, intempestiva illa, ac nihil minus quam iudicio percoctum fuisset futurum, quale-

cumque

tumque id demum erat, quod occęptabant, si quidem ipsi, quibus unum studium erat, ut turbas in electionibus Ducum suorum oboriri solitas, novo decreto radicitus extirparent, pristino more rituque valere jussis, novam ingressi essent viam. At qualem verò! quampe plebes Reipublicę pars ut numero major, ita & viribus ferocior, & rectoribus suis fere semper adversa, facultate talem tantumque Magistratum eligendi orbaretur in perpetuum. Ista nimirum plebs, quę in eadem urbe, eodem ipso loco, nullo fere intercurrente temporis spatio in ipsum Ducem, quem fati magis calamitas, quam culpa aliqua, quę penes ipsum resideret, reum fecerat, armata manu insurrexerat, cujus jam tum furori Dux ipse tanquam piacularis victima ceciderat, quęque, rebus multum etiamnum ad hæc tumentibus, quiete actura, credi haud poterat. Vtique non ea temporum conditio erat, non is rerum status, ut nullos ordo popularis habuerit viros prudentia, autoritate, ac meritis conspicuos, quos nobilibus eorumve affeclis potuisset opponere, viros inquam, quos latere non poterat, præjudicii (quod ipsis inflictum fuisse Anonymus velit) immensa magnitudo: quique & perspicere poterant, nullo prorsus negotio, citraque vim omnem ei occurrere se posse, præsertim cum esset ipsis non jam dicam in expedito, sed quam plenissime in manu ac potestate, quo conatus istos in herba, quod ajunt, opprimere potuissent remedium. Potuisset populus, (si quę hic ipsius fuissent partes) instituto Scrutinio, ex suo ordine tot nominare quot placeret, ac ubi ad suffragia deventum esset, multitudine suffragiorum nunquam non efficere, ut aliquot è bisseis illis, essent de plebe, quin imo ut ad unum omnibus è populo creatis electoribus, tota penes populum, Ducis esset electio. Quod ipsum ita in se consideratum, etiamsi aliquid ex vero traherent nugamenta adversarii, eorumve qui



dum siue animi morbo siue errori nimium indulgent, no-  
mini Veneto minus ob id æqui sunt, videri posset nec inju-  
stum nec male consentaneum: agebatur enim de electione  
Ducis, quæ (ita quidem illi delirant) non pro parte aliquan-  
tilla, sed tota, sex ex asse, spectabat ad populum. Sianum  
Aurius Mastropetrus excepit, Anno MICLXXXVIII  
Dux creatus. Operæ pretium laturus mihi videor, lectori si  
demonstrauero ipsum quoque Mastropetrum perinde atque  
alter ille fuerat, ab iisdem nobilibus familiis, fuisse creatum,  
utur plures numero ad illius electionem conuenisse edocua-  
mur. Nempe afflicta Ducis valetudine, omnique salutis  
spe pene conclamata *Veneti* (ita in Chronicis suis Dandulus)  
*de conualescentia Ducis profus desperati, electionis processum, utilem*  
*sibi cognitum, subtilius eliminantes, sanxerunt, ut quatuor viri providi*  
*eligendi* (fuerunt autem Marinus Polanus, Henricus Dandulus,  
Stephanus Vioni, Antonius Naogeorgius omnes nobiles,  
sed quarum gentium binæ duntaxat hoc tempore supersunt)  
*quadraginta alios nominarent, per quorum maiorem partem electus Dux,*  
*ab omnibus haberetur.* E quibus postremis Danduli verbis, fa-  
cile intelligere est, electione perfecta, ad obtinendam Ducis  
dignitatem aliis præterea solemnitatibus opus haud esse. x l  
Virorum quos IV Viri jam dicti iis temporibus nominarant,  
sequuntur nomina.

*Petrus Cornelius.*

*Tetrus Foscarius.*

*Henricus Dandulus, postmodum Dux Venetus.*

*Marinus Stroladus, Extinctum nomen Anno MIVC*

*LXXVIII.*

*Regnerus Polanus.*

*Dominicus Silvius.* Supra nomen gentis extinctum  
monuimus.

*Ioannes Marosinus.*

*Iacorus.*

*Iacomus Badoarins.*

*Antonius Viatus.*

*Nicolaus Firmus.* Item & hanc gentem intercidiſſe,  
dictum ante.

*Dantel Bragadinus.*

*Martinus Maurus.*

*Ioannes Gradenſis.*

*Paulus Celfus.*

*Almaurus luſtus.*

*Nicolaus Gauſſonus,* hoc tempore Guſſonus.

*Ordelaſus Faledrium.*

*Antonius Storiſus.* Gens ea intercidiſſe.

*Leonardus Malipetrus.*

*Ioannes Michaelſus.*

*Otto Quirinus.*

*Leonardus Fradellus,* procurator D. Marci.

*Dominicus Memus.*

*Ioannes Mocœnicus.*

*Marcus Baſegius.*

*Henricus Doro,* ſive *Aureus.* Eſſe deſiit.

*Rogerius Permacinus.*

*Petrus Baroſſius.*

*Paulus Marcellus.*

• *Stephanus Stianus.* Extingta hæc gens Anno M CCC LXXV.

*Franciſcus Sorſus.*

*Nicolaus luſtintanus.*

*Nicolaus Doſſinus.*

*Franciſcus Vionius.* Periſſe diximus.

*Paulus Barbus.*

*Iacobus Viglainus.* Et hæc familia intercidiſſe.

*Bernardus Centranicus.*

*Iacobus Molinus.*

*Conradus Betanus.* Non sunt amplius ejus nominis.  
*Nicolaus Mastropetrus.* Ut nechujus.

Finita expeditione Bysantina cui, Duce Henrico Dandulo colophon impositus, eorum quæ belli jure sua fœderati fecerant, quartam partem, Baiduinus è Flandriæ Comite factus Imperator, sibi habuit, quæ superfuere, inter Francos Venetosque divisa sunt: in medio relictæ quæ in Ægeο mari sunt insulæ, eæque ut occupanti cederent pactum conventum. Erant autem illæ ut plurimum piratarum latronumque receptacula, neque ullatenus aut Balduino, aut Theodoro Lascari, homini Græco, Imperatoriam sibi majestatem arrogare adgresso, obnoxias se ferebant. Ita res sese cum haberet, Veneti, Petro Siano Duce, (quod quidem in annum MCCV. incidit) assentiente etiamnum Imperatore, omnibus & singulis ditionis suæ hominibus, copiam fecere, dictas nobis insulas occupandi, idque Marte proprio, easque pro arbitrio in futurum administrandi. Id ubi ita publice indictum, Marcus Sanutus (fuit hic Henrici Danduli Ducis, ex sorore nepos) victricia illis in oris arma circumferens Ionii Ægeique Ducem se tulit, & exemplo suo nonnullos è nobilibus urbis Venetæ, nec non & extraneos nonnullos excitavit, eadem in ceteras insulas ut designarent. Ita de hoc illius facto in Chronicis suis Andreas Dandulus. *Plerique nobiles, Græciæ oppida audacter invadere statuerunt, & segregatim navigantes, Marcus Sanutus cum suis sequacibus, insulas Iſchiæ, Parîi, Mîlei, & Sancti Hermi, adeptus est, Marinus Dandulo, Andron, Ravanus quoque de Carceribus, & ejus nepotes Euripum sive Negropontem accipiunt, similiter Andreas & Jeremias Gisso, Thinas, Mironas, Schiron, Scopulum, & Stramathos. Philocalus Navigagioro Stalimenen obtinens, imperiali privilegio, imperij efficitur Mega Duca. Præter hos, ajunt quidam, Marcum Dandulum,*

dulum, & Iacobum Viarum, Andriaca, sive Gatapoli positos. Ut concludam, eccui ad fidem facile videatur, nobilitate præsignes viros, qui proprijs facultatibus armare naves ad bellum poterant, qui sua modo virtute subnixi, suis auspicijs, suo ductu, foris arma circumferre, urbeis occupare, ditiones suo privatim imperio norant subjicere, qui denique extra patriam, nihil præter imperium, ac in omnia regimen, juxta & spirabant & exercebant, in ipsa patria sua adeo demisse acturos fuisse, ut rerum sibi summam, cum populo, nedum cum infima plebe, ex æquo communem esse passuri fuerint, seve aliquatenus ei obnoxios profiteri? Ex adverso, si cum adversario sentimus, eccui verosimile fiat, Populum Venetum, omnium tanta talique in Repub. dignitatum, functionum, munerumque participem, & mercaturæ beneficio, opulentum ac locupletem, cuique vel ad invidiam omnia, quibus bonorum nomen mortalitas dedit, adessent, adeo alienum fuisse ab omni se suaque promovendi protollendique desiderio, ut non & ipse in partes venturus fuerit, sibi que ea in Ægæo Ionioque pro rata saltim vindicaturus, quæ solos nobiles occupando sua fecisse jam recensuimus? Nemini certè, qui modo consideret omnino id faciundum fuisse populo, idque, si non alteri bono, utique, quo ne in nimias vires ordo Nobilium succresceret, unde quid aliud expectandum, quam ut viribus, autoritate, atque opibus potiores, Rempub. premerent, oppressoque populo, plebem sibi haberent vestigalem, cuncta denique pro libitu, agerent, ferrentque. Progredior. Ipsa illa Byzantina expeditio, quæ tam luculenta in foederatos commoda congestit, inter cœtera, ut Reip. Venetæ regnum Cretæ sit adjectum, effecit: ac quandoquidem Imperator Græcus Cretam Bonifacio Montisferrati Marchioni habendam dederat, quo dotem uxori dictam, ex eâ, ita opus si foret, consequi

consequi nanciscique possit, Resp. Veneta persolutis viginti millibus argenti marchis, (ea nempe dotis erat summa) possessionem illius apprehendit. Cæterum Genuenses, qui tantos vicinorum suorum successus minus æquis oculis aspiciebant, eorum in Græcia progressus indies augeri cum viderent; etsi jam nunc irritò conatu novas istas accessiones à Rep. divellere studuissent, haud cessandum sibi rati, sub prætextu ferendi suppetias Henrico Piscatori Melitensium Comiti, in arma adversum Rempubicam sumere, factumque, ut Henricus ille, cui cum plurimis Cræte incolis privatim notitia intercedebat, ijs adnitentibus, magnam insulæ illius partem invaserit. Veneti eorum quæ facta dicebantur, facti certiores, triginta confestim longas sive rostratas naves, & onerarias octo, ducibus Regnero Dandulo ac Regnero Quirino, ad amissa recuperanda dimittunt. Hi eas in oras, sub initium anni M C C V I I I delati, per vim, ablata sibi recipiunt, cæterisque, quæ occupata aut intercepta haud fuerant, constanter in obsequio permanentibus, ad sua retro gradiuntur, arce sed interim Lyfimachiâ, in ditionem Reipub. edacta: unde factum ut Ligures omni spe regni Cretici potiundi exciderint. Utque provincias retinere, minoris haud est curæ, quam facere, Veneti tutando conservandoque isti regno dum agunt intenti, visum Patribus è Repub. fore, coloniam in eas oras deduci, publicæ quietis stabilimentum; idque ea lege, ut qui eò se conferrent, rebellium Græcorum bona, siccò addicta, hinc sibi vindicarent, illinc militarem aliquam manum in expedito haberent, cumque iis militibus, (quorum numerum patres præfinirent) gentes in officio continerent. Placuit, ut essent centeni ac triginta duo equites, pedites quadraginta octo. De hac Colonix deductione ita Sabell. lib. 8. Decadis primæ. *Ex patritio ordine equites, ex plebeio pedites missi dicuntur.* Et Andreas Dandulus in Chro-



Chronicus, *Anno ducis septimo decretum est transmutare ad Insulam Cretæ nobiles equites, & plebeos pedites pro feudis eorum.*

Ab anno MCCCXI, usque ad annum MCCCII, diversis temporibus, tres etiamnum alteræ coloniæ deductæ sunt, eæque ab iisdem; occasione, causisque, similiter iisdem. Hinc ita inferendum, eos qui Cretam ut in coloniam missi sunt partim nobiles fuisse, partim de plebe. Ast vero annales nos docent & monumenta archivaque, in quæ nomina eorum relata sunt, testatum faciunt, ad unum omnes, ejusdem in coloniis illis fuisse conditionis, nec hunc illumve si privilegia, si immunitatum jura, si functionum debita, attendimus, præ altero habitum fuisse præcipuum. Nihilo tamen fecius etiamnum hoc ipso tempore, si forte quis ex nobilibus illis in patriam retrovertatur, sive ut ibi larem figat, sive negotii duntaxat causa, ac legitimis docere testimoniis possit avitam se conservasse nobilitatem, neque etiam matrimonijs nisi nobilium feminarum seu majore seu suos fuisse in-nexos, neque fecisse quippiam leve suove genere munus indignum, utique ille, perinde atque alii, qui extra Venetam urbem ne pedem quidem extulere, majorum comitiorum capax est, ad eaque postliminio, & quidem, jure suo, revertitur. Contra vero si quis populari ex ordine relicta colonia in urbem commigrat, neque ipsi, neque filiis ejus, nepotibusve, unquam ad majora comitia accessus patuit, ut neque in hunc diem etiamnum, patet: neque sane posterius Andreæ Sacci, Ioannis Viviani, Simonis Cintiliani, Angeli Bonicoli, aliorumque, ad majora comitia ut admitterentur unquam aspirarunt. E quibus omnibus manifestissimum evadit, solos fuisse nobiles, qui istis temporibus, (nec hoc ipso quoque tempore alia eorum conditio) comitiis majoribus, id est publico regimini, aut clavo quodajunt Reipub. admoventur. Anno MCCCXLIX, cum Iaderani quintum rebellassent, es-

serque post aliquot velitationes præliaque, bimestrem post obsidionem eorum urbs à Reinero Ieno Provisore (ut vocant) exercitus, Venetæ ditioni restituta, dedit ea res occasionem deducendi coloniam, adeoque ex ipsa urbe Veneta. Ita hac de re Dandulus, *Non absque notabili cæde die v Iulij Iaderam obtinent, quod cum Duci relatum foret gaudio repleto, Michaelem Mauroteno Comitem fecit, & multis nobilibus popularibusque Venetis, divisit inter illos civium bonis, Iaderam custodiendam tradidit.* Probet nunc Anonymus velim, quod si thesi suæ robur constare desiderat, ante omnia faciendum est ipsi, probet fodes, ullos ex popularibus istis, si quando in patriam eos redire contigerit, ad majora comitia admosos fuisse. Vtique multum suspicienda ac deveneranda venit hac in parte Venetorum patrum qua Prudentia longe maxima, qua lustritia singularis. Imperium eorum ut à nobilibus erectum fuerat, ita & penes nobiles assiduo mansit, cæterum urbes ditionesque, & plura victoribus conferre victoria solet, utpote sudore popularium non minus quam nobilium parta ac sanguine, ut ut esset aliqua inter ordines differentia, utrique habuere ex æquo: reducibus interim è coloniis in urbem, quem ante discessum tenuerant, nullò discrimine, locum denuo tenentibus, tuentibusque. Anno M C C L I I inter Venetos ac Genuenses ortum bellum, utraque gente monasterium S. Sabæ prope urbem Acyrin, quod erat utriusque ditioni conterminum, sibi vendicante. Hinc injuriæ primum, odiaque & æmulationes, ac injuriarum occasione manifesto à Genuensium Ducè Salviano Grimoaldo ruptum foedus. Ac Venetorum qua rebus, qua navibus datum damnum. Veneti Duce Laurentio Theupolo Ioannis Veneti Ducis filio, subito classem adornant, injurias illatas strenue ulciscuntur, Genuensium classe prope Prolemaidem disjecta, disrupta, ac magnam partem mari depressa monasterio

Sancti

Sancti Sabæ recepto , dirutisque mercatorum Genuensium horreis , ac Venetias transmissis in victoriæ signum lapidibus majoribus dirutarum ædium monumentum , quorum nonnulli etiamnum visuntur , qua ex aula ducarii dextram versus patet exitus , uni portarum Ecclesiæ divi Marci ex opposito respondens. Missa itidem magnæ prophytidis parte , quæ similiter in Area divi Marci erecta , eadem ipsa est , quam præco , ( Veneti Commandatorem vocant ) inscendit , edicta Reip. publicaturus. Hac tam prælustri victoria , ut hinc quidem longe lateque diditus erat Veneti nominis honor , ita & illinc quoque , illorum ærarium , belli sumtibus multum tenue erat , ac tantum non exhaustum. Ergo publicis necessitatibus occurrere dum student , ad extrema ( ut talibus in rebus faciundum nonnunquam ) consilia deveniunt , imposito maritimis rebus tributo , *Populû ( ita MS. Codex ) tributorum ante eum diem immuni , ob insolita fremens ac frendens impetu globatim in ades nobilium , qui istiusmodi decreti fuerant auctores , facto , eos inde exturbat. Paulo post tumultu utcumque sedato , Nicolaus Bocus , Ioannes Creiensis , unusque item & alterè maxime promptis capti primum , moxque eû , more majorum , gula laqueo fractæ. Super hac ipsa re , ita Dandulus. Fama in populo divulgata est , quod de solutione marinarum ageretur tunc populari vociferatione , plebes ad palatium venit , & erga Ducem , eos ad quietem suadentem , lapides proijciunt , & postea domos aliquot nobilium invadentes , depredati sunt ; cessante vero tumultu , Dux auctores sceleris in platea suspendi fecit. Anthonius item Sabellicus decad. 1. lib. 10. Diuturni belli onera , ararium ita exhaustum ad eum diem reddiderant , ut cogerentur partes , &c & mox , Seditionis capita , novâ via ad grassandum ingressa , aliquot nobilium domos ; facto impetu , diripere. Utique si vera esset Anonymi thesis , nullum prorsus nobilibus Venetis ab istiusmodi tumultibus pertimescendum fuisset periculum. Namque di-*

Etum jam nunc decretum, aut displicebat populo, aut placebat, si prius dixeris, (stante illius thesi) antiquari poterat, si posterius, non erat quod in nobiles ferretur agitareturve plebes, cui proprio assensui potius, quam nobilium iussui quicquid id esse incommodi adscribendum imputandumque veniebat. Ipsa quoque plebes, si quidem nullum impediendi intercedendive jus penes ipsam resedisset, in tumultus auctores, ac proinde criminis ex æquo socios, (facinus. e. ut ait ille, quos inquinat æquat) animadverti passa haud fuisset. Quis non videt multo prius, quicquid peccatum fuerat, quicquid commissum bono prorepublica zelo, ætively ad tuendam populi auctoritatem exercito, longe prius quam seditioni, tumultuive deputandum fuisse? Anno exinde duodecies centeno sexagesimo octavo è Senatoribus *Nicolaus Michael, Thilippus Belegnus, Ioannes Ferrus, Tangatius Barbus, Ioannes Dandulus, ac Petrus Totulus* (cujus gens anno millenotercentesimo octogesimo tertio intercidit) simulque è x l viris primores, *Antonius Zoranzius, Petrus Barbadicus, & Marinus Iustinianus* multa circa futuri Ducis electionem variaque proposuere, quæ communi postmodo eorum qui consiliis intererant calculo probata cum forent, id ipsum quoque, quod in electione præmortui Ducis Zeni placuerat, iterato in deliberationem venit, nempe quod *Benedictus Gastaldio* (talìa enim sunt, quæ illis in archivis publicis, in quibus quæ Ducum creationem concernunt asservantur, verbotenus dicuntur) *Iurare debeat super animabus omnium, habendi in Ducem, Dominum, & rectorem Venetiarum, illam personam, quam electores Quadraginta & unus denuntiaverint, se Ducem Venetiarum elegisse.* Et paulo post. *Ipsè Benedictus Gastaldio habita, à populo licentia sic jurandi in animabus eorum tactis sacris ad sancta Evangelia Dei juravit, &c. unde post hæc nobilis Vir Iacobus Bareglo, qui fuit unus ex electoribus, de voluntate sociorum suorum pro se, & aliis sociis suis, ibidem existentibus denun-*  
*tavit.*

*Navis populo, elegisse in Ducem D. Laurentium Theupolo.* Eat nunc cui lubet, dicatque Populum in Rep. Veneta regiminis publici fuisse participem. Ut videmus Consiliarii ac primores quadraginta viralis collegii proponunt, ad unum omnes ex ordine nobillum, Collegia deinde sive consilia, quæ perinde quoque ex illo ordine tota constant, proposita assensu firmant, ac rata esse jubent, mandantque ut populi Gastaldus obedientiam eligendo etiamnum, ac sic futuro Duci, juret, petit veniam jurandi à populo Gastaldus, illiusque obsequium jure jurando firmat. Sed nec lector meus existimet velim Gastaldum illum eximia dignitate præditum fuisse talemve magistratum, quales erant olim apud Romanos Tribuni plebis, sibi præfigeret Gastaldi ut dignitatem ita & nomen quoque decursu temporis intercedisse, nihil minus gestat ille etiamnum, qua jam tum à priscis temporibus indutus fuit, vestem coloris varii, iisdem quibus semper ab initio gavisus est, prærogativis gaudet. Creari solet ex eorum numero Gastaldus qui regionem D. Nicolai inhabitant. Prærogativæ quas intemeratas illum retinere diximus, in eo potissimum consistunt, quod ipse publicis nonnullis actibus functionibusque Duci inserviat, quodque à sui ordinis hominibus, qui ut plurimum piscatores sunt, per exigua quædam emolumenta exigere ei licitum sit, vulgus regalia appellat. Si vero in electione novi Ducis vel aliquantillæ saltem populi fuissent partes, plane isto juramento opus non erat, utpote superfluo. Nempe metus haud erat, ei dicto haud obedientem fore populum, quem met ipse confirmasset, cujusque & ratam & gratam habuisset electionem, quem ex adverso si nollent ipsis invitis ac dissentientibus facta electio, erat in nihilum recasura ac sic quoque nullo opus erat jure jurando.

His addamus, futurum fuisse id institutum (propositam



vocari diximus) periculosa plenum opus aleæ: utpote quod non alioversum collineabat, quam ut Imperii summa, populo plebique in perpetuum & esset & remaneret adempta: neque cum abs se quispiam, ut credat impetret, eo se demissurum fuisse ordinem illum, ut passurus fuerit motuum evitandorum obtextu sumto, ac quo ne tumultus aliquis in publicatione novi Ducis exoriretur, nobiles ad se cuncta ut pro arbitrio traherent raperentque, idque sibi ademptum irent, quod (modo ejus in antecessum compotes aliquando fuissent, ut sane nunquam fuerant) ipsorum ordini non ornamentum duntaxat prælustre collaturum, sed ut auctoritatem longe maximam circumdaturum esset. Hæc ipsa si cui libet iis adjungere, quæ modo circa Aurixæ Mastropetri Ducis creationem, memoravimus, animadvertet, ut reor, multum inde thesi nostræ roboris accedere.

Accedit, quod & insuper quo tempore Venetorum Dux creatus fuit Petrus Gradenicus, anno nempe c l c c l x x x l x casus obvenit multum notabilis, comprimisque ad ea quæ assertum imus firmanda, valiturus. Peractis ad Divorum Ioannis ac Pauli ex equis Ioannis Danduli Venetorum Ducis, quibus infinita quoque populi multitudo interfuerat, factum, ut sub ipso egressu templi confestim, sublato clamore, populus Ducem creari postularit Ioannem Teupolum, virum prælustrem, ac multis nominibus plebi gratissimum: quumque non leviter intenderetur, ac de momento in momentum accresceret impensissimum illud populi desiderium, eoque jam nunc res spectare videretur ut aut populi habenda esset ratio, aut cavendum ne quid insuper habitis illius ordinis postulatis, sequius Reipub. obveniret; nihilo secius tamen, xl. & unus viri, quorum erat novum Ducem eligere, conventu pro more ad id instituto, ut ut populi studia quam perspectissima haberent, ut ut nec ipsos

ipſos fugerent eximiæ virtutes meritaque Iacobi Theupoli, (qui met ipſe, ne præſentiâ ſuâ populum acius animaret, ruſ conceſſerât) Petrum Gradenicum Ducem crearunt idque, (quod miremur) votis ſuffragiſque conſpirantibus, quodque magis miremur abſentem etiamnum Reip. cauſa, ac Iuſtinopoli cum imperio præfectum. Roget me quis cur id ita factum electores voluerint? reſpondebit pro me anna- lium ſcriptor, ut ne in poſterum aliquando ſimili exemplo nominare populus in animum induceret. Ita ſuper hoc ipſo negotio *Raphael Careſinus* dum viveret, apud Venetos magni Cancellarij dignitate functus, in ſuo ad Andreæ Danduli Chronicon ſupplemento. *Poſt ejus obitum magnus tumultus in populo factus eſt, volebant enim Dn. Iacobum Theupolo præter electionis modum ad ducalem præminentiam ſublimare, ſed ipſe nolens ad id præbere conſenſum, de Venetiis reſceſſu, & ivit ad caſtrum Marochij, ubi manſit, donec de creatione Ducis certiſſimatus eſt, &c.* Marcus item *Antonius Sabellicus* Decad. 1. lib. 10. *Vbi poſt exequiarum pompam magnus tumultus ortus dictur, ac cum trepidatione undique eo concurſum, voces amariffimas & invidiæ plenas in Patritios jactatas, nominatim Iacobum Theupolum Ducem populus poſtulabat, &c.* Et paullo poſt. *Tamdiu latuit, donec ſedato tumultu, Petrus Gradenicus ex Patritij ordinis ſententiâ Dux eſſet declaratus.* Durat etiamnum hodieque mos ille, ut quem maxime Ducem habere deſideret populo designare liberum ſit. Non eo tamen minus ij, quos diximus, LX & I Viri cum eligunt quem judicant eſſe quam maxime è communi bono ut Dux creetur. Vnde colligo, non amplius olim in creando Duce, authoritatis habuiſſe populum, quam nunc habet.

Epimetri loco, jam dictis quæ ſequuntur adjungere lubet. Non ſolum multis ab hinc annis ſæculiſque, ac ſic ab omni antiquitate, verum ſemper, haud interrupta ſerie, obſervatum fuiſſe, inſtitutumque, ut eſſet penes ſolam Nobilitatem

tem in omnia regimen, ac sic quoque Patricios, ita ferentibus rebus, semper ac disertim citatos fuisse, ad formanda firmandaque Decreta Publica. Vestigium videas Anno cIdo cc lxxxviii, quo nempe circa officium aut munus eorum qui *Iudices petitionum* indigetantur nonnulla despicienda statuendaque veniebant. Verba decreti sunt, *Quod illi tres Nobiles, qui de cetero erunt iudices petitionum, &c.* Anno insequenti circa munus aut officium aquaticum, ita conceptum decretum legimus, *Quod Nobiles viri qui presunt in officio supra Canale.* In præfatione statuti, circa illius editionem vocatum videas *Tantaleonem Baulum nobilem Venetum*, aliosque ejus ordinis complures. Anno cIdo cc lxi. Vbi de exercitu nautico instruendo, sic decretum: *Hec sunt statuta & ordinamenta super navibus & aliis lignis, quæ de mandato D. Rhatnerij Zeno Dei Gratia inclyti Ducis Venetiarum, & sui consilij reformatæ, compositæ, & actæ fuere per Viros nobiles Nicolaum Quirinum, &c.* Anno cIdo cc lxxviii. *Quod nobilis vir Leonardus Quirino, procurator Sancti Marci, sit absolutus de primo capitulari, &c.* Anno cIdo cc lxxviii. *Quod debeant eligi tres nobiles super factis Anconæ.* Consuetæ quoque his ipsis temporibus formula, secundum quam firmari ratæque haberi electiones solent, ita concipitur, *faciendum decretum, ut eligatur, eliganturve, unus aut plures ex honoratissimis nobilibus cum titulo, &c.* Quin imo anno cIdo cc lxxxii factum decretum, Aprilis secundo die; *Quod electores anni debeant scribere quando eligunt aliquem ad suam vocem, ita quod sciatur, quis acceperit eum, &c.* Vnde factum ut cum ad majora Comitia nonnulli venirent eligendi non solum electi nomen, verum etiam nomen electoris quoque publicari cœperit. Formulam si quis requirit, sic archiva.

Anno cIdo cc lxxxii. ultimo Septembris.

*Isti sunt de Majori Consilio à Sancto Michaeli in auea.*

*Ad vo.*

*Ad vocem Nobilis viri Vitalis Zoranzo ,  
Angelus Zanudo , Leonardus Minio , &c.*

*Ad vocem Nobilis viri Leonardi Bembo ,  
Petrus Mauroceno , Saladinus Permancino , &c.  
Ad vocem Nobilis viri Marini Gradoneco ,  
Rhainerius Venerio , Nicolaus de Canale , &c.*

Quæ cuncta si cum jam dictis copulentur, largam, ni fallor, fecerint fidem, rerum summæ quaquaversum qui præfuerint, nobiles fuisse, quod ipsum quoque & hac insuper ratione sese nobis probaverit, quod constet, illos quorum eligendi partes erant, ipsosmet fuisse nobiles, ut evincunt verba superius citata, *Ad vocem nobilis viri, &c.* Quæ quidem nemo sanæ mentis unquam in dubium revocet, asseratve ijs haud probari quam plenissime, illos penes quos ad majora Comitia alios item allegendi jus erat, fuisse revera pro Nobilibus habitos. Est autem comprimis consentaneum vero, non alios ab illis electos quam similes sibi æqualesque; eoque magis quod magnus ubique nobilium se numerus offerret, eademque familiæ, è quibus ad majora Comitia eligi solebant, eodem semper manserint statu, in quo etiamnum & ipso hoc tempore perstant, sic ut nihil hic mutatum novatumque dicere possit quispiam, dummodo in earum quæ esse desierunt locum, illas sufficiat, quæ vetro ab anno cId cc xcvi ut jam ante commonuimus, prædictis Comitij majoribus adhibitæ, ac velut insitæ fucere. Idem quod hoc, de quo verba fecimus, anno obvenit, & altero qui eum excepit ita obtinuisse notatum, nec non & sequentibus. Insimul quoque, anno cId cc lxxxii placuit Patribus *Quod eligantur (verba sunt decreti) tres nobiles Viri, qui debeant cercare & inquirere de contrabandis, &c.* Anno cId cc lxxxv.

Octobris die decimo octavo quod factum fuit decretum, inter cætera, & hæc verba continet, *cum nobilis vir Andreas Horlato Elector medij anni comprobet, &c.* Anni similiter cIo cc lxxxix decretum ita infit *Quod fiat transmutatio de Bajulatu Facie, ad quem est electus nobilis vir Ioannes de Canale, in nobilem Virum Marcum Signolum electum Potestatem Parentij, & è converso.* eodem anno. *Quod eligantur per majus Consilium octo nobiles, qui teneantur eligere omnes officiales de palatio, &c.* Item ejuldem anni quarto Novembris die. *Quod eligantur quinque Nobiles Venetiarum qui sint ad providendum super capitulare D. Ducis venturi.* Anno cIo cc xc cum nonnullæ Dalmatiæ urbes à Venetis descivissent, inque Aquilegiensis Patriarchæ clientelam concessissent, qui socia cum Garnici Julij comite, Tergestinisque arma circumferens, id unice agebat, ut quaquaversum Venetos infestaret, die Decembris tertia & decima, decretum, *Quod sicut factum guerra commissum est triginta quinque, ita à Kalendis Januarij in antea committatur decem nobilibus, de decem parentelù, qui teneantur per sacramentum invenire, & tractare malum & detrimentum Patriarchæ, Comitù Goritiæ, & illorum de Tergeste, &c.* ac paulo post, *Electio autem predictorum fuit per majus Consilium.* Anno insequenti cum circa initium Octobris pacis inter eosdem esset injecta mentio decretum fuit. *Quod debeant eligi in majori Consilio viginti nobiles de viginti parentelù, & approbati ad unum ad unum, qui debeant esse cum D. Duce & Consiliarijs, & decem ad faciendum & expediendum negotia concordie de guerra presenti.* Ex adverso, si ad expedienda quæ sese obtulerant negotia, aliqui eligendi forent, qui non essent è nobilium numero, alijs longe verbis usos constat, aliaque eligendi formâ. Sic cum anno cIo cc xciii armamentario de canabi prospiciendum esset, factum fuit decretum. *Quod eligantur tres boni homines qui non sint ex arte canapi, sed bene instructi ad hoc, &c.* Quæ quidem id temporis electio tardiuscule cum procederet, additum decreto.



decreto, *Quod eligi debeant per illum modum, per quem eliguntur Massarij moneta, inter quadraginta.* Estque hoc loco notandum, tales à Majoribus Comitibus minime fuisse legi solitos, cum ad modum, ut ceteri de quibus huc usque locuti sumus Magistratus, qui ex asse ad Nobilium ordinem spectabant. Ratio forsitan diversitatis illa fuerit quod istiusmodi functiones, cum ministerium magis quam dignitatem aliquam saperent, essent tamen privatim eas obeuntibus utiles. Hujus generis infinitæ etiamnum alteræ supersunt; exempli gratia amanuensium puta ac notariorum, quas decemvirale consilium fere semper tenuioris fortis ac conditionis hominibus elargiri solet, eo nomine quod ijs lucelli quippiam ex illis sperare liceat. Retrogrediamur unde digressi sumus, ea porro demonstraturi, quæ candidis ingenuisque mortalibus jam nunc plus satis probata, penitus ostendi docerique possint. Anno c I 5 c c x c i v Reipub. nomine ad præfectum Summuranum literæ in hæc verba datæ reperiuntur, *Cum per nos & per nostrum Consilium minus, & x x x virale sit ordinatum, quod debeat fieri partitio hominum Venetiarum, per duodenas, & nos fecerimus eligi capita contratarum de Nobilioribus & melioribus de contratâ, &c.* Decretum anni c I 5 c c x c v Aprilis die vicesima & prima factum ita habet, *Cum vir Nobilis Ioannes Superantio fuerit factus Ambassator Fadera, &c.* item alterum mente Decembri ejusdem anni, *Quod Nobilis vir Marinus de Curzole sit de Majori Consilio semper quando veniet Venetiar, &c.* Sed quid multis, cum vel millena, vel infinita istiusmodi exempla in medium queamus adducere? Ego sane pluribus conquerendis memorandisque lectorem meum, meve ipsum ut fatigem, operæ haud duco, quandoquidem vel ipsemet adversarius, hoc ipso Scrutinij sui capite 5º quod nos refutamus in præsens, & cognoscit, & confitetur distinctos in urbe Veneta Patriciorum Plebeiorumque ordines existi-

risse; ut ut postmodum eorundem functiones confundere  
 annitatur. Annotandum cō cc xcvī Februarij supremo  
 die norma illa formaque electionibus majorum Comitio-  
 rum præstituta præscriptaque fuit, quam rerum Veneta-  
 rum minus gnari qui sunt, aut cum vulgo loquuturi, Co-  
 mitiorum majorum inter suum numerum coercionem in-  
 digetant. Atque hoc demum illud tempus fuit, quo pri-  
 mum adversarius vellet, populum plebemque ad honores  
 dignitatesque in repub. consequendas admissum haud ultra  
 fuisse; sed nos ea de re uberiores in modum, suo mox loco  
 dicturi, quod præ manibus est, absolvamus. Videat ex illis,  
 quæ hæcenus à nobis allata fuere non iniquus Lector, vera-  
 ne sint nec ne quæ de summa imperij, ex æquo hinc ad Pa-  
 tres, inde ad Populum spectantis dixit adversarius, videat ex  
 adverso, continuata solidissimarum (nisi omnia me fallunt)  
 rationum argumentorumque serie, thesin adversarij con-  
 fessam à nobis esse jugulatamque, videat item à nobis  
 quam manifestissimo probatam thesicos illius, quam adversa-  
 rius astruendam sibi desumpsit, antithesin, nempe nullas un-  
 quam in administranda Republica Veneta plebis fuisse par-  
 tes; ac ne plebem quidem eo adspirasse ut ea in re aliqua or-  
 dinis sui ratio haberetur: ex adverso, functiones omnes, ho-  
 mores, dignitates, Magistratus, Reip. munia item omnia, ac  
 ut verbo absolvam, summam rerum, fuisse semper, idque ex  
 asse, penes solos nobiles, atque hanc esse rationem cur nul-  
 là lege lata opus fuerit ad excludendos cæteros, quin imo  
 etsi dicendum foret nunquam istiusmodi aliquam legem apud  
 Venetos fuisse latam, ut minus verò Lectori adversarius  
 persuadere conatur, non tamen ex illo confieri posse, ple-  
 bem Majorum Comitiorum, id est tractandæ Reipublicæ  
 fuisse capacem. Scire desiderem quid repositurus nobis sit  
 Anonymus, si legem quam omnino necessariam haud fuis-  
 se huc

se huc usque commonstravimus, insuper quoque monstremus futuram fuisse superfluam, innato nimirum omnibus qui Remp. regunt, præsentem statum ( quod boni civis esse edocti sumus ) tuendi desiderio, innato inquam congenitoque, dum qualem quis Reipub. formam à majoribus accepit, talem quoque post se venturis relinquere ac velut resignare, & de manu in manum tradere pro se quisque totis animi viribus, ut plurimum, adnititur. Nihil certius, quam mortalium prudentissimos habuisse quam perspectissimum, qualia quantaque beneficio mercaturæ temporum successu compendia urbis illius incolas manerent, ac vix aliter fieri posse, quam ut locupletes facti, ad reip. regimen essent adspiraturi seque nobilibus, quos claritate generis æquare non possent, divitijs impotentes facti etiamnum, qua daretur, antelaturi. Certum est, eosdem multum caute, ac quam prudenter considerasse, aliter fieri non posse, quam si tales etiamnum majoribus comitijs admoverentur, homines scilicet novi, ac de plebe, magnum inde animorum morumque divortium Reip. metuendum ut esset, dumque in contraria discissi studia, remp: qua premunt, qua distrahunt, cuncta dissidijs, cuncta factionibus implent, suis eam ipsam viribus (quod Deus avertat) ruituram. Certum denique patres, qui majora illa comitia scirent esse libertatis suæ Palladium, unicum reipub. suæ fundamentum, columen, præsidiumque, sanctissimo, eodemq; in omne tempus saluberrimo consilio, voluisse non alios iisdem comitijs admos, quam viros prælustri generis nobilitate conspicuos. Dicendum quoque (si veritati locum facimus) institutum illud esse non antiquissimum modo, sed ipsi quoque Reip. congenitum. Si quidem enim dicenda est plebes, jam tum ab incunabilis Reip. summæ rerum admota fuisse, ut sane verum non est, quis eam credat, adulta Rep. & in justum robur subiecta, passuram fuisse,

aditu se ad illam prohiberi. Præsertim cum suffragiorum numero patricios longè anteverteret, ac sic quoque, nullo negotio impedire posset, nequid tale Patricij unquam aut designarent, aut molirentur. Obstat hic nobis quidem, quo minus ipsum Decretum adducamus, ejusque antiquitatem probemus, lucuosum, cujus jam ante meminimus, incendium, quod plurima etiam archiva male perdidit: annitar tamen, ut ex ijs quæ jam jam dicturus sum sequenti capite, plenissima fides fiat, quam religiosissime semper, ac quam exactissime id observatum, atque executioni mandatum fuisse, quo nimirum & IC<sup>ti</sup> modo, ex actuum frequentia, consuetudinem, ex observantia legem ac juxta legis quoque vigorem & dimetiuntur & probant:

---

## C A P. XX.

*Soli Patricii apud Venetos ceteris præfuere. Plebeios eligere non licebat. Id decreto publico institutum. Filiis nobilium illegitimis ad majora comitia aditus præclusus. Militia navalis magni à Venetis facta. Qui ea inclaruissent quomodo ad majora comitia admoti. Decretum, quod majoribus comitiis absolvendis supremam manum imposuit, productum. Summam rerum ad plebem nunquam spectasse concluditur, & simul insignis circa hoc Anonymi error exploditur.*

**Q**Uod in diverbio est, ubi flamma, ibi fumus, & hic usurpare liceat. Vidimus huc usque, Patricios omnibus usquequaque functionibus admotos, muneribus ornatos, ac dignitatibus illustres fuisse. Nisi in communem sensum peccare

peccare lubet, non est aliter quispiam ut statuatur, quam solos fuisse Patricios, qui cæteris præessent. Notum est, oriri jus ex facto, notum, posito uno, tolli alterum, sicubi præsertim de illis quæstio est, in quibus medium non datur. Non erat, ut Patricii tale quippiam, nullo jure, nullo facto majorum, nullo titulo præviis sibi arrogarent. Facti quæstionem si movemus, exclusam hoc ipso, & quidem tacito, plebem fateamur necesse est. Si juris; est ipsa pro titulo patientia. Absit interim, ubi rationi locus patet, facti quæ sunt, transversos nos agant. Illud dico, si plebis exclusio Patribus accepta ferenda est, (ut Anonymus vult); ea exclusio, si tum demum originem habuit, cum fuit modus majoribus in Comitibus præstitutus electionibus, si populus iisdem Comitibus admotus fuit verosimile non videri populum sicubi cognosset (ignorare autem, Anonymum si sequamur, non poterat) talia à nobilibus agitari, assensum fuisse præbiturum ullis omnino deliberationibus, nedum decretis, cum præjudicio totius ordinis conjunctis. Constat porro, quarto & vicesimo mensis Maji, qui fuit anni c l o c c l x v i i, decretum fuisse. *Quod in facto electionum, quæ de cætero fient, hic ordo debeat observari. Quod postquam janua clausa erit pro electione facienda, nihil possit dici contra dictam electionem vel electiones, sed sint firmæ sicut facta erunt per electores, & si error fuerit de una vel duabus ballottis non possint propterea impediri, salvo, si eligerent talem vel tales qui certis occasionibus quas haberent in suas personas, esse non possent, aut per consilia ordinata &c.* Quæ novissima decreti verba si recte attendimus, videmus, non solum homines plebei ordinis eligi non potuisse, atque etiamnum, si forte electi fuissent, intercedi, atque istiusmodi electiones impediri potuisse, (huc enim spectant illa decreti verba, *Salvo si eligerent talem vel tales, qui certis occasionibus, quas haberent in suas personas esse non possent,*), verum etiam, per legem non licuisse plebeios eligere:



gere, ut manifesto colligere est ex verbis, *per consilia ordinata*. Iam ante diximus, decreto quod in quintum Octobris anni cIo c c lxxvii incidit, fuisse statutum, *ne ad majora comitia Bastardos admovere liberum sit*. Quod si verum, ut certe verissimum est, ipsa enim suo loco decreti verba citavimus, si filiis etiam nobilium, qui non erant ex justis nuptiis, thoroq; legitimo procreati, ad majora Comitia præclusus fuit aditus, ecquis sanæ mentis ad severare audeat, indistincte prorsus atque promiscue cuivis de plebe aditum ad illa patuisse! ut reor nemo, in modo attendat plebeiorum natales ut plurimum ignobiles obscurosq; vix esse ut justis probationibus, quibus eos esse legitimos, ac sic quoque gradus illius capaces evincatur, locum admittant. Amplius dicam. Anno cIo c c lxxxix cum mortalitatem posuisset Ioannes Dandulus Venetorum Dux, ac sic de novo Duce creando despiciendum esset, multa variaque, quæ circa novi Ducis electionem consideranda videbantur, majoribus in Comitiiis ventilata atque agitata fuere; inter cætera vellentne ac juberent disquisitum, *Quod omnia consilia quæ fient de factis pertinentibus ad electionem Ducis venturi, & ad correctionem capitularis ejus, seu ad illa facta, debeant & teneantur venisse omnes officiales, qui sunt de majori Consilio, & vicedomini Fontici & Salinarii maris, & illi qui sunt super frumento, iustitiarj novi & veteres, & illi qui sunt super Datio vint, & illi qui sunt super pannis ad aurum & illi qui sunt super Rivo alto, & illi de moneta, & æstimatores auri*. Verum pars hæc (ita Venetis decreta Comitiorum vocari monuimus) nullatenus admissa, nedum assensu firmata fuit, aut stabilita. Nam cum verba illa generalia, *Omnes officiales, qui sunt de majori consilio*, omnes includerent, quos aut nascendi sors, aut lex majorum Comitiorum capaces reddiderat; offendiculo erat particularis illa cæterorum illorum magistratum minorum enumeratio; eo quod ipsorum functiones essent non ita magni momenti

menti, magisque in eo occuparentur, ut salubriter constituta observari atque exsecutioni mandari curarent, quam ut de iis, quæ observanda aut exsecutioni tradenda viderentur, ipsi deliberarent, qui quidem minores magistratus cum & insuper privatim ea cognoscere ac perquirere deberent, quæ infra dignitatem Patriciorum longe futura judicabantur, atque hinc multoties eos qui obirent, homines essent è populo, perspiciebant hoc pacto futurum ut in majora comitia introducerentur tales, quos introduci per legem, quique legis est loco, receptum morem, fas non erat. Antiquata ergo pars illa fuit, nec unquam perlata. Verum cum postmodum immediate adjecta fuissent verba limitantia, quæ jam ponam, nempe *Præter illos de dictis officiis* (Notentur illa verba) *qui non possent eligi per electores anni de majori consilio* placuit, estque communibus votis suffragiisque firmata. Quis hic non videt legem aliquam fuisse, quæ electoribus, indistincte quolibet, etiam ex iis, quos subinde (ut mox exemplo decretoque firmaturus sum) ad functiones aliquas quæ majoris essent Consilii promoveri contingeret, ad majora Comitia adlegere haud permiserit? At vero unde id impedimentum? anne ex eo, quod jam tum magistratum gererent? minime. vidimus enim non semel, magistratum qui gererent vocari solitos. An quod in reatu essent, aut alicui sive mulctæ sive supplicio privatim obnoxii? nec hoc quidem. reatus enim eos & à gerendo magistratu, & à frequentandis exclusisset comitiis, idque per se, ita ut lege lata opus futurum haud fuerit. An quod in ære essent. Reipub.? multo minus. Publicos si quidem debitores allegere fas non erat, quin adeo jam nunc electi, eo nomine, ac quidem ipso jure, privabantur honore in ipsos collato; neque dicta nobis Comitia adire ultra, aut frequentare poterant. Dicendum quod res est, non alia impediementi causa, quam quod

nobili stirpe editi haud forent; tales enim, ut videmus, quominus maioribus Comitibus admoventur, lex intercedebat. Potiora etiamnum atque his majora, quæque efficacius legentibus sese probatura sint adducturi pergamus. Multa semper magnoque in æstimo apud Venetos fuit militia navalis sive maritima; hac qui clarus evaderebat, qui ceteros anteibat, deque patria bene merebatur, luculentissima præmia honoresque longe maximos referre consueverat: quin & honores illi vel eouſq; subinde exporrigebantur, ut privatae fortis conditionem supergressi ad summa dignitatum fastigia, pro magnitudine benemeritorum haud rarerent spectarent. Interim tamen, cum fuisset anno c l o c x c i lata lex, ut qui decem aut pluribus navibus rostratis cum imperio præfuisset, talis in urbem ubi esset reversus, magnorum Comitiorum pars foret, quo ne tamen incommodi quippiam enasci inde posset; eo, quod & præter nobiles, alios etiamnum functionibus istiusmodi admoventi contingere posset, alubri temperamento adjunctum fuit, *Quod ille qui non posset esse secundum formam consilii* (quæ vero ea forma, si lex nulla, nullum decretum, nulla regula, nullus in antecessum ordo fuit?) *de majori Consilio; non intelligatur quod propter Capitaniæ galearum debeat esse de majori Consilio.* Si quod res est fatemur, his manifestiora qui petat, aut ex professo malignus sit oportet, aut ad mediam lucem cæcus. Sermo modo nobis fuit de tribus illis ad quos Canabis cura spectaret; diximus vocatos fuisse tres viros bonos, qui non sint de &c. at quo ne quispiam bonos illos viros cum nobilibus confundat, aut è Patritiorum ordine arcessitos putet, subjungitur disertis verbis, *Ut non sint de majori Consilio.* Sed nec quis mihi hic dicat, id ea de causa fuisse decretum, quod jam ante publico muneri admoti, plura uno eodemque tempore minus essent accuraturi; nam ut jam ante vidimus, omnes omnino Magistratus, modo Comitio-

mitiorum Majorum capaces forent, ut ut publico aliquo munere fungerentur, dictorum nihilo secius Comitiorum fuere participes. Quod majus est, cum placuisset anno c<sup>l</sup>o ccxcvi ut è Patricijs quoque subinde aliqui, quodcumque id muneris fuit in se susciperent, anno c<sup>l</sup>o cc xcix, decretum, *Quod illi de Canapi qui sunt & erunt, sint de Majori Consilio diebus festivis & solemnibus, si erunt tales quod possint eligi de majore Consilio.*

Viden Anonyme ut hæc belle inter se conveniant! ut quæ de rostratarum præfectis dicta sunt & hic habeant locum? Sed nec hoc omittendum. Cum præviderent Patres, evenire posse, ut temporum decursu, inodo hoc, modo illud, è majoribus, aut dignitate cæteras quæ antecirent functionibus, forte fortuna ad aliquos è plebe devolveretur, anno c<sup>l</sup>o ccc viii solenni decreto ei occurrendum censuere. Decreti verba sunt, *Quod si aliquis electus sit ad aliquod officium quod esset de Majori Consilio, non sit per hoc de majori Consilio, nisi esset talis, quod eligi possit de majori Consilio.* Dicendum ergo statuendumque, quod cum deliberationes illæ ac decreta, quibus plebs ab imperij summa cismovetur, ita bene composita sint atque conspirantia, ut non minus ante, quam post præstitutam majoribus Comitij formam, quæ & in hunc diem stata perserverat, eadem quaquaversum fuisse deprehendantur, ipsam quoque plebem, & hoc & illo tempore, ab administratione Reipub. egisse quam remotissimam. Denique quæ huc usque demonstravimus incunctabili auctoramento firmantur decreto multum notabili, quod in anni c<sup>l</sup>o ccxcvi novissimum Februarii diem incidit, quod, ut diximus non semel, supremam manum majoribus Comitij absolvendis imposuisse fatendum est. Eccum ipsa decreti verba.

*Capta fuit pars quod electio Majoris Consilij, quæ fiet à modo usque ad S. Michaellem, & inde ad annum unum, fiet hoc modo. Quod omnes illi qui fuerunt de Majori Consilio, à quatuor annis infra, po-*



nantur in Quarantia ad unum ad unum, & quicumque habuerit duodecim balotas & ab inde supra, sit de Majori Consilio, usque ad festum S. Michaelis, & à festo S. Michaelis ad unum annum, approbando eos ad unum ad unum, in dicto festo S. Michaelis per modum dictum. Et si aliquis perderet Consilium, pro extra terram, quando redibit, possit requirere capita de Quarantia, utrum videatur quod debeat esse de Majori Consilio vel non, & capita de Quarantia teneantur ponere ipsam partem, & si habebit duodecim balotas & inde supra, sit de Majori Consilio. Et insuper eligant tres Electores qui possint eligere de alijs, qui non fuissent de Majori Consilio, sicut per D. Ducem, & ejus consilium erit eis impositum, ita quod illi quos ipsi elegerint ponantur inter Quarantiam ad unum ad unum, & quicumque habuerit duodecim balotas & ab inde supra, sit de Majori Consilio. Et predicti tres Electores, sint de Majori Consilio usque ad festum Sancti Michaelis, & alij tres qui eligentur in festo Sancti Michaelis, debeant esse per annum unum, & sint de Majori Consilio & hoc non possit revocari, nisi per quinque Consiliarios, & viginti quinque de Quarantia, & duas partes Majoris Consilij. Et in capite anni per quindecim dies ante ponatur ad Majus Consilium, utrum videatur, quod hec pars debeat amplius durare vel non, & sicut captum erit in Majori Consilio sic debeat esse firmum. Et injungatur in Capitulari Consiliariorum, quod ipsam partem debeant ponere ad Majus Consilium, ut predictum est, sub pœna librarum decem pro quolibet, & Advocati Communis teneantur excutere dictam pœnam. Et non intelligatur per hoc, quod debeant esse de Majori Consilio illi qui sunt prohibiti per Consilia ordinata. Et injungatur capitibus de Quarantia, quod debebunt probare aliquot de Majori Consilio, debeant id notificare ante Quarantia per tres dies ante & quod non faciant approbationem aliquam de Majori Consilio, nisi fuerint congregati viginti de Quarantia, vel inde supra, & hoc addatur in Capitulari, & si consilium vel Capitulare est contra, sit revocatum per de Quarantia.

Anno item cId ccxcviii novissimo Septembris decretum,



cretum, *Quod dictum Consilium super electione Majoris Consilij, debeat adhuc durare sicut ipsum continet. Item, quod omnes illi qui sunt electi tam de Consilio Rogatorum, quam de Majori Consilio, debeant ire in unum in Consilio de Quarantia, ad unum ad unum, & illi qui habebunt majorem partem dicti Consilij sint firmi, & alij qui non habebunt majorem partem dicti Consilij debeant esse cassi.* Huc usque Decreta. Videat hinc observetque benignus Lector, omnes illos qui jam tum quatuor annorum spatio majoribus Comitij interfuert, quo tempore Decretum illud conceptum firmatumque fuit, iisdem Comitij fuisse in futurum destinatos, ex quo Quadraginta Virali suffragio approbati meruerant. Videt, ut ijs qui sive Reip. causa, sive privatis impediti negotijs ab urbe ac sic à Comitij absuerant, ad eadem postliminio regressus patuerit. Videt quoque ut tres Electores fuerint creati, quibus in annum sequentem eos adlegendi ad Majora Comitia facultas data sit, qui ad ea præteritis temporibus nondum fuerant allekti. Quoniam vero nimis late patere ipsorum autoritas prudentioribus visa, utpote, quæ etiam talibus quos lex nataliumve obscuras Comitij distinebat exclusos, viam ad illa sternere posse videbatur, videt denique, ut statim subjungantur citata jam nobis decreti verba, *Et non intelligatur per hoc quod habeant esse de Majori Consilio illi, qui prohibiti sunt per Consilia Ordinata*, agnoscatque, ut spero, vel quivis, non modo extitisse aliquam legem talem, qualem adversarius in rerum natura fuisse negat, sed vel plures quoque, ut verba illa *per ordinata consilia* plurali numero concepta, disertim testantur, easque multum vetustas. Ac licet eas ipsas, incendium, ut geminato jam diximus, hauserit, constat tamen ex antecedentibus, ipsas multoties deliberationibus posteriorum temporum medias intervenisse, habitasque pro normâ. Concludo. Quandoquidem constat, penes nobiles semper fuisse summam rerum, nec ul-

latenus eam ullo unquam tempore ad populum, nedum ad plebem spectasse, mirum haud esse, si lex nulla talis fuerit, utpote, quæ non potuerit non esse supervacua; ac nec sic quoque subsistere posse adversarij thesin, quæ nec stringit quicquam, neque etiam necessario concludit, cum enim cuncta ad patres spectarent, errat qui plebem imperij hoc nomine capacem velit, quod nulla in contrarium lex inventa sit, quæ eam à Reipub. regimine abarceat. Contra vero, cum, ut majorem ad cautelam demonstravimus, omnino prorsus lex talis extiterit, eaque etiam hunc comprimis antiqua, necesse est, ut habeatur quam falsissimum, penitusque corruat erroneum adversarij effatum, cui, modo legitima præcessisset electio, nulla lex intercessisse adsertum mordicus, quo minus apud Venetos, indistincte ac promiscue, vel quilibet, majoribus Comitij adhiberi potuerit.

### C A P. XXI.

*Theupolitane conjurationis historia propius examinata. Suspecta & dubia Anonymi in adducendis auctorum locis fides. Bajamontis Theupolitas. Decretum de Bajamonte è medio tollendo. De reformandis comitijs consultum. Error Bodini. Non totæ familiæ, sed quidam à comitijs aliquando exclusi, aliquando admissi. Varia de Comitij instituta. Nobilitatis consequendæ modus. Nanorum familia comitiorum capax. Anno cld cc xcvi Festo divi Michaelis in suffragia itum non fuit. Rejectio à majoribus comitijs castigationis loco. Varia Venetorum de comitijs decreta.*

*Probæ*

*Proba, ut vocant, aureæ usus quando caperit. Conspiratio Bajomontana in quem annum inciderit. Qui conscij conspirationis. Conjuratōis progressus & eventus. Injurius in Nobilitatem Veneta Anonymus. Primi Venetæ urbis auctores nobilissimi viri fuere.*

**E**T sic quidem jugulata adversarii thesi; quam sibi lemmatis loco probandam assumerat, & ante præstitutam Comitii majoribus eligendi formam omnes ex æquo ci-ves Venetos, eorundem Comitiorum capaces pronuntiaverat, demonstratoque esse oppido quam falsissima, quæ ex Ianotto desumenda sibi duxit; tempus est, ut accingamur ad Theupolitanæ conjurationis historiam, eamque penitus aliquando introspiciendam atque excutiendam lectori præbeamus, liberumque pariter ei relinquamus judicium. Adfert adversarius, ut quidem ipse inquit, *Bajamontis Theupoli qui circa illa tempora vixit, historiam, multa cura ac fide manu scriptam.* Despiciendum igitur, eane contrarium & ab ijs quæ attulimus diversum quippiam probet, an vero potius illa nostra talia sint, ut etiamnum illis quæ in adminiculum ad theseos suæ firmamentum ab adversario allata sunt, refutandis sufficiant; suffectura, (nisi quid hic mihi tribuo aut fallor) facile crediderim, eo quod plurima illorum temporum cum videre contigerit, idque sedulo sum annixus, ut nihil esset quod aut sedulitatem nostram effugeret aut curam, neutiquam reperire quæ ille allegat potuerim. Fateor ægre id mihi comprimis obvenisse, qui cum sciam pro more adversarium hoc habere, ut mutila, trunca, laceraque authorum loca citet, hic demum neque vola relinquatur neque vestigium ipsam rerum gestarum veritatem eruendi, inque lucem protrahendi. Ferendum est, quod ut mutari ne posset, adver-

adversarius egisse videtur. Dico interim, ut ut hic multa magnaue elargiri Anonymo velim, laborare tamen non leviter, eorum quæ ab ipso adducuntur, fidem. Vixit Bajamons usque ad annum cIdcccxxvixxi, omnemq; quo ad vixit lapidem movit, ut quovis modo in patriam redire posset. Anno cIdccc xix sub initium mensis Ianuarij, ventilata illius causa fuit, electique bini fuere *pro factis* (verba sunt decretj) *Bajamonti & Petri Quirino & comitatus ejus, quod procurent solcite & attente mortem & desolationem Bajamonti & Petri Quirino*, data insuper ad id electis potestas, quo propositi compotes fieri possint, pecunias aliquas erogandi, nomina electorum scire si quis cupit, fuere ij *Andreas Michael & Martinus Falertus*, quod quidem tanto post tempore à Patribus decretum neutiquam fuisset, nisi nova aliqua, aut ex insperato emergens causa, ei occasionem præbuisset. Anno item cIdcccxxviii, Decemvirale consilium censuit, dandam Francisco Dandulo, id temporis Venetorum Duci, potestatem quam plenissimam, ut tractaret, promitteret, pecunias erogaret, ac nihil intactum relinqueret, quo Bajamontem de medio tollendum curaret. Factum id ea de causa, quod Nicolaus Barozius, cui Macri impositum agnomen, una cum fratribus quos binos habebat, de mutando Reipub. statu scelesti inijsset consilia, cœterum detecta conspiratione, bini ultimo supplicio affecti sunt, tertius, cui Cataldo nomen, aut corrupta voce Coltano, perpetuis carceribus mancipatus. Author utique ille, ex quo sua compilavit adversarius, dum de verbo ad verbum quæ inter conjuratos dicta facta sunt referre conatur, haud leviter suspectus est, quod earundem cum conjuratis partium fuerit, eaque memoriæ tradiderit quæ instituto suo magis quam veritati gestarum rerum forent consentanea. Habet interim sese illud quam optime, quod vel invito ipso, adeoq;

ex ip-

ex ipsismet illius verbis, quid de tota re statuendum sit, li-  
quido desumere, atque colligere liceat. Ita textus. *Fuisse*  
*Petro Gradenico sub initium ducatus sui in animo reformare Majora*  
*Comitia, eaque non pœnitendo numero familiarum aliquot, quæ pro no-*  
*bilibus habebantur, alijsque aequales haud obscure erant, ampliare quò*  
*ne paucae duntaxat familia civitatum principes existerent, ac cæteris hono-*  
*ratiores, sublato interim modo per quem Cives ac de populo homines ad*  
*majora comitia evadere ac pervenire possent.* Notatum id (ut &  
hoc in transcurso lectorem moneam) ante me, ab ijs, qui-  
bus major exactiorque peritia idiomatis istis temporibus  
usitati, Anno c l o c c c x aliter istorum temporum ho-  
mines loqui solitos, minus nimirum tersè, quam hic author,  
cujus nos verba ab Anonymi citata Latinitate donavimus:  
utque è scriptis, qua privatis qua publicis videre est, sca-  
tebant ea Græcis ut plurimum vocabulis, ijsque non mi-  
nus corruptis, quam corrupte scriptis juxta prolatisque.  
Vnde nec immerito addubitare liceat vixeritne author jam  
dictus iisdem, quibus quæ commemora, gesta fuere tempo-  
ribus, pariterque sitne hac in re fides adversario, qui id ita  
se habere nobis persuasum velit, deferenda. In rem præsen-  
tem quò veniamus, notandum primo, quod ubi quid in  
animo Duci fuerit, author ille edisserit, non de interclu-  
dendis, verum de reformandis comitijs, sermonem insti-  
tuat. quæ duo quantum inter sese discrepent, vel me tacen-  
te, quivis animadvertat. Ita secleres habet. Decreto illo, quod  
in novissimum Februarij diem anni c l o c c x c v i inci-  
diffe diximus, mutatus aliquantum est modus in electioni-  
bus, aut, rectius ut loquar, in adlectionibus ad Majora Co-  
mitia, ante ea tempora observari solitus; de intercludendis  
comitijs, aut excludendis nonnullis, nè verbum quidem  
factum est; nisi fortassis eos excipiendos quis dicat, qui  
pauciora duodenis à Quadragintavirali collegio suffragia



retulerant; quod ipsum quidem, non minus subinde per eos qui eligerentur, multis variisque de causis, quam per eos quorum erat electio, dum secundum legum præscripta minus exacte se componunt, stare poterat. Fidem ejus rei ipsemet ille author nobis facit dum ait, *Voluisse Ducem non pœnitendo nobilium familiarum aliquot numero, quæ pro nobilibus habebantur, alijque æquales haud obscure erant, ampliare Majora Comitia.* Vbimet ipse de admittendis ait, non autem de excludendis. Asserere adversarius tentavit ante annum cDccxcvi omnibus ex æquo accessum patuisse ad Majora Comitia, idque etiamnum hoc authoris sui loco adstruere annuitur, qui sane cōtrarium potius evincit, aitque, ampliare voluisse Ducem jam dicta Comitia: quod nulla ratione cum adversarii assertionibus conciliari potest. Omnibus ex æquo illa si patuere, frustra fuit Dux, qui plures ad ea intromitti voluit, pluribus tum demum intromittendis locus si fuit, nequaquam ea omnibus ex æquo patuisse dixerimus. Certum est, jurisque minime dubii, quæ pro se quisque in judicio instrumenta profert, ea si adversus proferentem militare deprehendantur, longe validissima adversus ipsum proferentem, & esse, & reputari. Gradonicus ergo complures familias nobilibus accenseri dum cupit, dum penes pauciores urbis regimen, rerumque summam stare omnino non vult, non de intercludendis sed de referendis patefaciendisque majoribus Comitibus egisse dicendus est; ac si quid actum sit investigamus, dicendum est contrarium ab eo quod Bodinus nugatur, dum *ab omnibus ad paucos transivisse Rempub.* est author; illa nimirum, à paucis potius ad plures, imo à pluribus ad omnes transeunte; haud alio tamen intellectu, quam quo ubi de administranda Repub. passim hoc opere sermo nobis fuit, modo populi, modo omnium nomine, solos nobiles, (utpote qui soli rem summæ præferre semper) designavimus. Et quoque hic nobis

bis detegendus error multum insignis, qui non modo hunc authorem, verum scriptorum etiamnum quamplurimos tenuit, tenetque, qui sicubi de exclusione hujus aut illius familiæ loquuntur, aut etiam de earum ad Majora Comitia admissione, ita sese componunt ac si de totis familiis in concreto locum id habuerit, cum tamen ex adverso, ad singulos id demum homines, singulaque spectarit individua; ac proinde non nisi in abstracto considerari debeat. Quam sint vera quæ dico ex iis quæ huc usque adduxi constare potest, ac disertim ex iis, quæ de numero eorum qui electi fuere, disserui. Indices quoque, quos in Ducario asservari & de facili volentibus exhiberi commonui, faciant id ipsum quam testatissimum. Ast nec multis hic opus, verissima esse quæ dixi fatetur adversarius, ac quidem, quod palmarium nobis, etiamnum ore ipsius Iannotti, cum primum quadringentos quinquaginta, mox quadringentos septuaginta, electos commemorat. Id enim si de familiis verum fuisset, ac non de hominibus singulis, ut hoc omittam, factu quam difficilimum id fuisse futurum, debuerat non de singulis loqui sed de familiis. Idem, si familias inter certum præfinitumque numerum coercere studet, ac (ut est annexus) quatuor aut quinque homines ex hac illave familia, totius familiæ nomine venire asseverat, errat certe, estque superius suo loco monstratum nobis, tam falsum id esse, quam quod falsissimum. Ad damus, quod &, quisquis ille tandem fuit, author Bajamon-tanæ historiæ nunquam de familiis sermonem instituat, verum de singulis duntaxat hominibus, ut patet ex verbis, *omnes illi qui ante quatuor annos majoribus Comitibus inier fuerant*, &c. & nos è vestigio clarum faciemus; manifestumque. Novissimum quod ex illo adversarius urgere videatur posse, est quod ait agitasse hæc Ducem, *Sublato interim modo, per quem cives ac de populo homines, ad majora comitia evadere ac pervenire possent*. Dixit

adversarius, distinctionem hanc inter cives, & homines de populo, sive, ut ille vocat, populares, demum repertam post interclusa Comitia majora, ita, ut ipso autore, cives sint, qui nobiles cum non sint, dignitatis autoritativæ aut splendoris quippiam habent, quod eos à plebe secernat; quod & Iannotti verbis probari posse contendit. Sed enimvero ita si sese res habet, si primitus à conclusis, aut interclusis comitiis Majoribus civium aut petendum nomen, aut arcessenda qualitas, quomodo id accidit, ut interclusa quo tempore fuere Comitia, ipsi quoque sint exclusi? Amplius dicam. Secundum decretum anni c l o c c x c v i, Quadragintavirali in collegio eundum erat in suffragia, ut qui bisseña retulissent suffragia, ad majora exinde admitterentur Comitia. Vtique si cives, si plebei ordinis homines id temporis extitissent, eorumque habenda fuisset ratio, ut excluderentur causa non erat futura, sed ita ferente illius decreti tenore, erat omnino necessarium, ut & ipsi admitterentur. Cur autem exclusi fuerint, non alia ratio assignari queat, aut causa, quam quod non extiterint. Neque est quod aut decretum, aut legem, aut aliquod factum, quò comitiorum, quò Ducis, intervenisse dicamus; sola hic, atque unica ratio suffecerit, admitteri non potuisse quos nosset nemo, quosve in rerum natura existere, sciret item nemo. Falsum ergo & hoc quod dicitur, de sublato aut adempto civibus, aut de populo hominibus, modo, quo illi ad majora Comitia sese penetrare, inque ea evadere potuissent. Rem ipsam penitus inspectanti, nullo negotio, contrarium sese probat. Nempe mortalium prudentissimi omnes totis animæ viribus ad res præclaras gerendas, deque patria quam optimè merendum ut contenderent, unicè cum vellent, insimul de patria bene merentibus aditum ad nobilitatem patere voluerunt:

Iherunt: adque id ipsum, primo quidem gratiæ suæ benefi-  
 cioque acceptum ferri, mox vero, cum & hic nonnulla se-  
 se offerrent incommoda, suffragiis id omne permittendum  
 censuere. Huc spectat decretum ejusdem anni, *Quod D.  
 Dux & Consiliarii non dent hominem novum ad Consilium, nisi captum  
 esset in Quarantia.* Anno itidem cIo cccxxx. Martii die se-  
 cundo supra vicesimum, *Quod injungatur in capitulari Consilia-  
 riorum, quod de cetero non debeant dare aliquem hominem novum, ad  
 faciendum ipsum eligi de majori Consilio, nisi primum captum fuerit  
 per majorem partem de Quarantia, existentibus quadraginta congregatis  
 à viginti sursum.* Annis deinde sequentibus, eo redacta res, ut  
 penes quinque Consiliarios, penes tria Quadragintaviralis  
 consilii capita, duas tertias ejusdem consilii partes, easque ad  
 tricenum numerum reductas, ac duas item tertias majorum  
 Comitiorum, steterit. Atque hic quidem nobilitatem con-  
 sequendi modus etiam anno cIo cccviii tricesimo Au-  
 gusti die observatus legitur, quo nimirum tempore, multieo  
 cum aspirarent, Ioannes Nanus nobilitate fuit donatus, at-  
 que exinde etiamnum alter quidam. Quod ipsum quæ sta-  
 tim dicebamus de admissis ad majora Comititia hominibus  
 singulis, non autem familiis integris, insignite firmat. Nano-  
 rum siquidem familia illis temporibus majorum Comitio-  
 rum capax erat. In indicibus mentionem factam invenio Dni.  
 Thomæ Nani ad D. Iustinam, idque anno cIo cc lxxx qui  
 quinque post annis, quæstor publicus fuit, cuique etiamnum,  
 ipsi qui in regione Canaregii habitant, Nani, originē debent.  
 Anno cIo cxcvii mentionem fieri Dominorum Marci &  
 Nicolai Nanorum, qui prope D. Ioannis (quem novum  
 Veneti indigentant) fanum id temporis habitabant, quos  
 omnino ante prestitutum ad dicta multoties Comititia eli-  
 gendi modum, ad illa aditum habuisse necesse est. Atque  
 hi sunt illi Nani, ad quos originem suam referunt Illustris-



fimi Eminentissimique D<sup>ni</sup>. Ioannes ac Baptista Nani, multa virtutum meritorumque laude etiamnum inter Patricios ac Senatores Venetos conspicui. Anno ergo, ut dictum, clō ccc vi, Ioannes Nanus nobilitatis suæ novum decus, in eximiorum erga patriam meritorum redhostimentum, tulit, ejusque tandem stirps desijt in Aloisio Nano, b: m: Constantij f. qui anno clō 13 lxxvii è vivis excessit. Tres hic Lector Nanorum stirpes videt, binas illas priores, majoribus Comitijis nascendi sorte admotas, de posteriore Ioannem, ac principem quidem, ob bene merita ad idem fastigium dignitatis subvectum. Suffecerint, ut spero, quæ hætenus à nobis dicta sunt, ad ea quæ adserimus probanda; ea vero ut porro quoque ad altera duo loca, quæ ex oratione à conspiratoribus habita citat adversarius, benignus Lector applicare ut ne gravetur, etiam atque etiam rogo. Quin & illud peto, ut hoc quoque loco, paucis respondere liceat ad ejusdem authoris locum, similiter ab adversario ut ut insequenti capite, citatum. Ille ubi de componendis sive ordinandis majoribus comitijs verba facit, licet minus plene ait, *Festo D. Michaelis anni clō cc xcvi ordinem supradictum in suffragiis fuisse servatum, non tamen citra contentionem aut confusionem.* Primo enim, festo d. Divi anno clō cc xcvi in suffragia itum haud fuit, verum mense demum Martio insequenti, quod disertim evincit decretum anni clō cc xcvi mense Februario, cujus hæc verba. *Quod electio Majoris consilij quæ fiet modo usque ad S. Michaelem, & inde ad annum unum.* Si ad annum unum, manifeste falsum est quod allegatur, namque cum Veneti à Kalendis Martijs annum auspicentur, non in mensem Septemb. verum in mensem Martium necessario id ipsum inciderit. Fateor equidem, ignorare me, à quo, aut unde ipse hauserit quæ de contentionibus, deque confusione commemorat, cum, quos hætenus mihi videre con-



contigit, authorum nullus sive manuscriptus ille sive impressus, ne verbum quidem unicum faciat, unde tale quippiam colligere liceat. Cumque ex adverso tam certum sit, quam quod certissimum, ejus quod ipse lubens nobis obtulerit, contrarium obtinuisse. Nempe ultimo mensis Septembris c<sup>l</sup>o cc xcviii minime, verum secundo die illius mensis & anni decretum, non quod in futurum *Majora Comitia* continuarentur utque eadem forma perseverarent, quali tunc erant, id est, ut omnes familiae quae id temporis ad *Majora Comitia* erant admissae, etiam absque eo quod ad *D. Michaelis* recepto more circa hoc in suffragia tretur perseverarent, quae authoris illius sunt verba, verum, quae decreti sunt verba, *Quod ipsum consilium super electione Majoris consilii* debeat adhuc durare sicut ipsum continet. Utque clarius apertiusque de intentione constaret ac mente, additum etiamnum. *Item quod omnes illi qui sunt electi, tam de Consilio Rogatorum, quam de Maiori Consilio* debeant ire in Consilio de *Quarantia*, ad unum ad unum, & illi qui habebunt maiorem partem dicti Consilii sint firmi, & illi qui non habebunt maiorem partem dicti Consilii debeant esse cassi. Estque notandum, illam ipsam quae à maioribus comitijs usurpari solita erat rejectionem (ita loqui fas sit) poenae aut castigationis loco fuisse, adversus eos, à quibus forte nonnulla fuerant privatim gesta, quae publice minus placerent, id enim si natalium virio, aut nobilitatis defectui imputandum quis existimet, omnino fallitur, si quis enim minus nobilis ingerere sese, atque introtrudere dictis comitijs fuisset annisus, utique statutam legibus poenam, evadere nullus potuisset, recepto jam tum more ut ex albo quadragintavirali nomen illius eraderetur: ut factum anno c<sup>l</sup>o ccc xxxviii in *Grabriele Delfino*, ad *D. Cantianum*, supra cujus nomen inducta linea, cum subscriptione. *Non fuit de legitimo Matrimonio*. Quam sint ergo aliena à vero, super quibus adversarius anno c<sup>l</sup>o cc xviii vult delibera-

deliberatum fuisse, jam dicta decreta satis superque com-  
monstrant; ac vel illis tacentibus ipsa id naturalis evincit ra-  
tio, cum videamus ea haud aliter loqui quam de singulis  
hominibus in individuo, non vero de ipsorum posteris, aut  
nepotibus; Dicendum ergo haud fuisse id temporis Reipub.  
prospectum de perpetuo aut non intermorituro regimine,  
sed præstitutam duntaxat comitijs formam, vel ad pauculos  
annos, si mortalitatis rationem habemus, duraturam; co-  
que impensius, quod per decretum illud anni cIdccc  
xcvi antiquatum fuit, quod prius observatum fuerat in-  
stitutum ut absentium ab urbe, defunctorumque loco alij suf-  
ficerentur. Faciunt insuper pro nobis indices sive regesta  
publica, in quibus de anno in annum, usque ad annum cId  
ccc li (ulteriora enim haud extant) ita scriptum, *In no-  
mine Dei aterni Amen. Anno ab incarnatione Dn. nostri Iesu Chri-  
sti mccc xxiv. iv Mensis Septembris, Indictione viii ap-  
probat de Majore Consilio inter xl.* Extat quoque ea ipsa tempo-  
re prior, anno nempe proxime præcedenti, quædam anno-  
tatio, cujus hæc verba, *Isti infra scripti sunt qui ceciderunt ad pro-  
bam de Majori Consilio cIdccc xxiii Mensis Septembris die  
vicesima & vicesima prima, Indictione septima, que proba facta fuit  
secundum formam Consilij, & secundum modum & consuetudinem  
patrie,* fueruntque ij, quorum ibi mentio fit, numero septem  
& viginti. Neque dixerit quispiam hanc illam fuisse, quam  
globuli deaurati probam Veneti vocant, cujus & his tem-  
poribus suus est usus, introducta primitus anno cIdccc  
xix, quoniam videmus hæc facta mense Septembri, illa  
verò proba (recepto, ut ut minus Latino vocabulo, uti li-  
ceat) haud alias unquam instituta, quam mense Decembri  
ut non uno Decreto, nullo negotio probari posset. Ita & ali-  
bi in Decreto, ubi dictum fuit quod qui globulum auratum  
uerit sortitus, pro electo sit habendus, adjunctum videas,

*Sed*

*Sed illi qui sic electi erunt approbabitur inter Quarantiam secundum usum illorum, qui eliguntur per Electores, atque alii qui vicissimum & quintum ætatis annum compleverint, ad Majora Comitra admittantur, Facta prius probatione de eo inter Quarantiam, sicut solitum est fieri de aliis qui eliguntur. Quæ cuncta valide firmant, quæ hæctenus adduximus.*

Superfunt interim nonnulla etiamnum de Bajamontana conspiratione, super qua jam nunc vidimus, dicenda, quo ne quispiam existimet adversarium per illam probare posse, id quod asserit; perinde ac si conspirationi causam id aliquatenus dedisse statuendum sit, quod Majora comitia forent interclusa. Temporis computum si inimus, fuit illa conspiratio totis duodecim annis tempore posterior; utpote quæ in annum cIocccx incidit, intra quod sane spatium suppressa indignatio jam dudum eruptura fuisse non immerito credi queat, si qua fuisset modo, maximè si ad plebem Venetam, ac illius sæculi mores, oculos convertimus; nec non si attendimus eam, quam Marinus Bocconus, (de quo mox, ubi eo nos ordo perduxerit, verba faturi sumus) occasionem suggesserat. Quod olim ad milites suos tumultuantes Cæsar,

*Detegit imbelles animos nil fortiter ausa  
Seditio,*

& hic ulu veniat. quod non eruperit in seditionem, quam nobis adversarius præfigurat indignatio, argumento est aut nullam fuisse, aut leviculam, si leviculam dicere lubet, utique suffecerit decennij cursus ad eam ex animis hominum vel stirpitus radicitusque evellendam. Causa conjurandi fuit, non amor in patriam, cui (si diis placet) ob interclusa comitia, grave vulnus inflictum, neque enim tanti temporis inter-

stitio erat opus ad occurrendum tanto malo, verum simultates, indignationes, odiaque privatim cōcepta à nonnullis è Quirinorum, Theupolorum, ac Badoariorum familiis, eorumque sequacibus, ac tamen nec hoc ipso quidem casu, omnes istarum familiarum qui essent, huic sese conjurationi immiscuerunt, ut ex eo colligere est, quod anno qui conjurationem jam dictam excepit, Badoarium Baccam agnomine ad S. Salvatoris, majoribus Comitibus adscriptum videamus, atque alterum item cui prænomen Marci, ex eadem familia, prope D. Virginis: item prope S. Salvatoris D. Stephanum Quirini ad S. Bassi. D. Nicolaum Badoarium ad S. Paterniani, D. Ianinum Badoarium ad S.<sup>ci</sup> Marini; Nicoletum Quirinum ad S. Mariæ formosæ, Franciscum Quirinum ad S. Hermagoræ, Nicolaum Theupolum ad S. Apostoli, Ioannem Theupolum ad S. Pauli, Iacobum Theupolum, ac Paulum item Quirinum, ad D. Thomæ, qui omnes si conjurationis illius consortes extitissent, acti fuissent omni dubio procul cum cæteris in exilium, nedum ut in urbe versari, liberum ipsis futurum fuerit, aut, quod longe majus, ad majora comitia fuerint admittendi. Iacobus quoque Quirinus Marci frater, vulgo dictus de Gente aut familia majore, cujus etiamnum filij conjurationis participes erant, ut ut quid præ manibus esset, haberet ille quam compertissimum, omni tamen ope ac studio conjuratos ab instituto deterruisse fertur, tantum abest ut ejus particeps aut socius esse voluerit. Auctor hujus historiæ, qui eam de verbo ad verbum (ut ut ab aliis ea longe aliter tradatur) perscribere velle profitetur, ita tandem subjungit. *Filii, fratres, ceterique necessarii, quotquot isthuc loci convenerant, una cum Iacobo Quirino qua minis, qua blanditiis, qua rationibus, ac quocumque potuerunt modo, conjuratos ab incepta retrahere conabantur. Quin imo Iacobus Quirinus legationi ad Imperatorem Gracum destinatum sese cum videret isthoc tempore, legationem*  
*recusa-*

*recusavit, metuens ne forte filij sui in conjuratorum partes se absente pertracti statum Reipub. turbarent; postmodum tamen, cum illi promississent nihil sese molituros adversum patriam, turbaturosque, fide data ad id receptaque, legationis munus sibi impositum ultra haud abnuit, estque profectus Constantinopolin. Post discessum Iacobi Quirini, &c. Evincit etiam id quod dicimus, quod illis quos diximus Quirinis Theupolisque injunctum fuit, ut gentilitia insignia commutarent; siquidem enim ipsi conspirationis illius fuissent confortes, si quidem hoc nomine ipsis patria erat interdictum, cui bono futura fuisse cuiquam videbitur, ista gentilitiorum insignium Reip. nomine imperata permutatio, quæ alias in urbe Veneta conspici erat nefas? Eadem quoque de causa omnino superfluum futurum erat, quod à Quirinorum nonnullis, dum hoc modo immunes sese ac conjurationis minime participes antestatum cupiunt, factum constat, nempe quod insignibus suis literam B. interseruerin; ac si dicerent, ut ut scelestam ex eorum gente nonnulli contra patriam iniissent conjurationem, se tamen patriæ amantes, legum patriarum observantes remansisse, ac, quod prima verbi nota designare voluerunt, BONOS CIVES. Veram conjurandi causam haud aliam temere quis dixerit, quam quod omnes ex æquo Petrum Gradonicum Venetorum Ducem odio haberent, utpote factorem protectoremque Dandulorum, quibuscum ipsi privatim similtates exercebant, tum quod quoque illo in Ducem electo, insignem Iacobo Theupolo, quem populus acclamationibus suis Ducem creari magno studio ac zelo voluerat, injuriam factam existimarent, (erat autem Bajamontis frater, Iacobus Theupolus) ac denique quod crederent, Ducem authorem fuisse suasoremque belli Ferrariensis, quod ipsi comprimis detestabantur, ac minime è Republica esse prædicabant. Marco quoque, quem de gente seu familia majore vocatum diximus, ablata erat navis*



rostrata longa, cui cum imperio præfuerat, ipsomet etiam-  
 num Venetias ad reddendas rationes ablegato. Nimirum il-  
 le comitari iussus tutarique mercatorum classem, (Caravana  
 vulgo) quæ Græciam Asiamque erat petitura, conspectis  
 decem rostratis Genuensium, eam prope Methonem dese-  
 ruerat, Genuenses qui prope Tænariam mare infestabant  
 pulsurus; Caterum dum Genuenses Oenussas insulas præ-  
 tervecti, extima legunt, ipse veronimium ad interiora de-  
 flecit, factum, ut & ex oculis inimicum, & simul classem  
 curæ suæ demandatam, quaque etiamnum petiti Ge-  
 nuenses erant, amiserit. Gravis præterea eundem Quiri-  
 num premebat infamia, utpote qui eo nomine audiret quam  
 pessime, quod bello Ferrariensi, sive per socordiam ac metum,  
 sive quod ipsi cum Hugone Ducis Ferrariensis filio, secreto  
 conveniret, causam acceptæ ad Padum cladis diceretur  
 dedisse, quodque castrum Thealdi, quo mox potitus sit Le-  
 gatus Pontificis, esset amissum. Obvenerat & hoc, quod  
 cum Venetijs Consiliarius esset creandus, eo nomine minus  
 contenti fuerint, quod id honoris obvenisset Doimo è Ca-  
 naliū Familia, Vegliæ Comite, cui ipsi, quique eorum  
 sequebantur partes, omni ope ac modo restiterant, quod id  
 ita interpretarentur, ista electione Marco Quirino, velut in  
 os exprobratam culpam, subvecto ad id fastigium Doimo,  
 qui Ferrariensi bello fortiter & præclare fecerat, assumpto  
 tamen resistendi prætextu, quod dicerent non posse digni-  
 tatem illam in Doimum cadere, eo quod lex ipsa intercede-  
 ret, quoniam ex Histriæ comitibus Doimus erat. Ex adver-  
 so stabat pro comite, Iustinianorum ac Michaeliorum gens,  
 nec erat ut intra verba res consisteret, prope ad verbera de-  
 ventura, unde summa irarum indignandique enata occasio.  
 Accedebat quoque quod Petrus Quirinus cui cognomen  
 Pissagallo, & Petrus Quirinus, dictus de majori familia,  
 sese

seſe condemnatos quiritaſentur, hic nempe in mulctam quinquaginta librarum, (moneta Veneta quingentos Ducatos dixeris) eo quod, dum ad Euboeam ſive Chalcidem Baili (magiſtratus id nomen) dignitate fungitur, filius illius Iudæum quendam offendiſſet, aut, ut quidam volunt, intermiſſet. Alter quadragintaſcivialis collegij ſententia damnatus fuerat, quod per vim Marco Morofino præfecto nocturno, ſeu præfecto Vigiliſum reſtituiſſet; qui pro demandato ſibi munere, explorare voluerat anſe armatus incederet. Ipſe quoque Baſiamons Theupolus reus peractus, quod plus quam per leges licebat, pro præfecto arcis Methoniſis exiſſet, Sportularum nomine, ac publico decreto ad indebite exacta ac percepta reſtituenda, fuerat condemnatus, quorum ſumma ſi ad hodiernam monetam comparatio inſtituatur (erant enim duo millia ducenta viginti duorum yſparvieriorum, tale ei monetæ nomen) ad noſtri temporis Ducatos trecentos ſupra millenos aſſurgebat. Quæ cuncta ſi jungantur profundæ ac impotenti ambitioni Quirini, ad ea quoque præferox, ac vaſta & immoderata appetens Theupoli ingenium, ſuperaddere ſicui lubet, næ longe ei quaerenda haud erit conſpirationis illius cauſſa: qui quidem ipſi, quo ſtudia ad ſe favoremque aliorum adtraherent, ſi ſpecioſum circumdare publici boni titulum (ut fere Libertatem everſuri Libertatem præ ſe ferunt) voluere, nemini præter fidem veri, aut etiam mirum videbitur, quod forte multis demonſtrare ſint aggreſſi, ac miſerari etiamnum patriæ vicem, perinde ac ſi ea, ſic diſpoſita comitiſum electione, multum mali paſſura, ac multum detrimenti captura foret, atque ob ſecluſam à majoribus comitiſis plebem cæterosque cives, damna ac calamitates longe maximæ reipub. impenderent. Sciviſſe tamen illos non modo veritatem ab alteris partibus ſtare, nec quid magis eſſe è publico

Peragatos sibi villicos adscivisse similiter, qui ad primum occursum, fusi fugatique, locum quo se reciperent haud invenere. ut ut jam ante gravia Reip. infixissent vulnera, præsertim circa Præfectos annonæ, ac Quæstores Communis, cuncta rapinis ac vi foedantes, laceratis insuper libris, quos pacis publicæ indigetant, in quibus continebantur infinitæ delationes, inscriptiones, ac querelæ contra maleficos, utpote qui hinc prædæ dulcedine, inde proposita impunitatis spe omnes ad se pellicere essent conati, qui salva Repub. salvi privatim esse haud poterant, idque propter rerum novarum avidi, publica ruina quam sua obteri malebant. Atque hæc quidem de Bajamontana conjuratione dicta sufficiant.

Liceat porro, ut ut intranscursu quoque verbo uno aut altero notasse, quæ adversum nobilitatem Venetam allegationibus suis, non citra livoris ac malignitatis notam, adversarius intermiscet. Quod ipse ignorare sese, male, ac contra veri fidem dissimulat, nos jam ante ostendimus, nempe primos urbis Venetæ authores, qui sese in æstuaria ac lacunas Hadriatici maris recepere, nobilitatem, eamque multum claram, utpote congenitum sibi ac gentilitium decus, una secum tulisse, relictis sedibus patrijs, in quibus jam ante principes ipsi fuissent, ac rerum domini, ac sic quoque eos haud eodemum nomine nobiles fuisse dictos, aut pro nobilibus habitos, quod penes illos essent dignitates magistratum, ac præcipuæ in repub. functiones, verum eo quod ipsi nobiles essent, ea penes ipsos resedisse; ac si non omnes ex æquo ad dignitates aut gerendos promoti fuerint, id ipsum haud ea de causa factum, quod hi minus nobiles essent, aut illi nobilitate superiores, sed quod rebus gerendis magis essent idonei, & autoritate non minus, quam rerum usu priores. cæteris interim extruendis ædibus, procurandisque quæ publice privatimque ad parandam rerum necessaria-

rum.

rum sufficientiam facerent, intentis. Atque hic quidem non inhumanus modo, sed & barbarus est adversarius, qui hanc priscorum Venetorum æquabilitatem, moderationem ac continentiam proscindere sustinet, non modo ut ignobilem, humilemve, verum sordidam quoq; , ac vilem, abjectamque; quod ut probet manuscriptum illud modo hominis ignoti profert, quod jam nos ostendimus non suspectum modo, sed & manifestè falsum, utque tale nullam prorsus fidem mereri. Hujus autoritate, si Dis placet, fabros, piscatores, nautas ac mercenarios sibi figurat eos fuisse, qui dubio procul mercenarijs operariisq; sunt usi ad extruendas naves qua piscationibus aptas, qua maris patientes ad commercia, nec non & alia cuncta, quæ ipsis in rem tum temporis præsentem videbantur necessaria, & fallendo quoque temporis tædio, inter quæ avium pisciumque capturam pono, idonea. Hanc quoque capturam si sordidam Anonymus putat, fateor me non videre, quam ut eadem ratione, Reges, Principes, dynastæque quoslibet, ut sordidos proscindamus, qui in sua ditione venatui indulgent, cujus loco Venetis, cum medio maris sinu habitarent & continentem haud haberent, avium ea pisciumque captura successit. Neque sane est, ut abjectorum hominum id quispiam putet, cum videamus, hoc ipso tempore, nobilissimos atque illustrissimo genere oriundos eo non modo impense delectari, sed & magnis sumptibus, extructis ad id navigijs, locata ad id non unius opera, qui ea accurent, asservent dirigantque, quæ pro re, proque percipienda ex istiusmodi exercitio necessaria sunt, aut requisita; idque Attalicum in modum, quod utique si unquam hominum fuisset de plebe ac sordidorum, suas ut sibi lordes haberent permisissent dubio procul, neque sese unquam ijs collutulare (ut infra ipsos quæ essent, ac ipsis indigna) sustinuisent. Fateor non visum hætenus mihi manuscri-

nuscriptum aliquod exemplar, quod Venetæ urbis primos authores sordidos fuisse, aut viles dicat: unum interim visum mihi, idque qua singulari antiquitate, qua simplici dictionis ac styli genere, præ cæteris eximium, in quo & earum familiarum, quæ jam tum ab urbis exordio nobiles ac illustres fuere nomina percerentur, ubi hæc inveni. *Antequam de Dutibus, & rebus quas gessere, verba faciamus, ac quibus temporibus & quam diu vixerint, recensēbimus omnes nobiles, qui in has lacunas habitatum concessere, unde ipsi venerint, & quid ipsi illis temporibus fieri jusserint.* Et paulo post. *Inferius notabuntur omnes familie quæ fuere à principio urbi Venetæ usque ad annum c l s l s c c c c x l. tam quæ in hunc diem persistant, quam quæ præteritis fuere temporibus, quæque esse desierunt.* Notentur modo verba. *Quid illis temporibus ipsi fieri jusserint,* ac patebit uti spero, ut lub quavis petra scorpius, ita & ex deforto verborum depravatoque sensu ad-  
 versarium ea arcessere, quibus Venetos convulnere annititur. Quæ de familijs priscis quæque de novis adfert an-  
 nymus ea commentitia puto simpliciter, & in suo nobilitatis fundamento primo consistentia si proferre mens ipsi fuit. Neque alia sane esse possunt si quæ largiter huc usque adduximus recte riteque ponderamus, si sanctissima Reipub. Venetæ intuemur instituta, si fundamentum illorum libertatis nobis ob oculos ponimus, ac denique eorum qui de rebus Venetis scripsere monumenta, cum attentione & curâ revolvimus. Feci quod in me fuit, ac quæ perquisitissimo studio, ac sedulitate pervestigari datum fuit, rimatus sum, nihil tamen istiusmodi hætenus liquet, imo contrarium semper affirmatum mihi ab ijs, quos non patriarum modo rerum multum gnaros, sed & extra illas doctissimos versatissimosque, ac quorumlibet Regnorum ac Rerump. statum quam perspectissimum habere expertus sum; eosque ipsos ad eum dignitatis gradum qua virtute sua, qua nascendi



forte provectus, ut mihi de fide eorum vel tantillum addubitare sacrilegium videatur nefastumque. Quod ergo Anonymus argumenta emendicat à secretis instructionibus, quæ huic aut illi Legato sint data, frivolum est omnino: nam cum secretas dicit, ostendit, ut opinor, satis, nec visas ulli, nec temere videndas. Hic largus ipsi fingendi campus, nec est ut timeat repertum iri quempiam, qui cum inani loqui, aut *ψευδολογίας* redarguat. Quid vero iniquius, quam veram priscae Venetorum nobilitatis ac (ita ut loquar) essentialem probationem, externi alicujus principis instructioni aut mandati tabulis, quæ clam habere jubentur legati, velle delatam? Ea ipsa si exhiberi possent, dubio procul etiam manifestum facerent, cui fini, cuive bono data forent istius generis mandata, eo, si quid recte judicamus, collimantia ut disrupto æqualitatis vinculo suspicionum divisionumq; semina in animos nobilium conijcerantur. Est & hoc nomine minus bonæ fidei, ac, ut quod res est dicam, ex professo dolosus adversarius, qui ita sese componit ac omnino unquam aut hoc etiam tempore fuissent existantve familiæ nobiles, è quibus Ducem legere licitum non sit. Testatur usus, restantur annales, testatur omnis ævi experientia, ex æquo Duces ex omnibus familijs nobilibus, ita ferentibus rebus, eorumque virtute, ac meritis electos fuisse nullumque hic præ cæteris eximium fuisse, præterquam quem spectata in Remp. fides, in patriam merita, privatim virtus, in publicum gloria, & ex rebus præclare gestis quæsitum decus præ cæteris illustrem fecissent eximiumque.

---

 C A P. XXI.

*Majora comitia non mutata penitus, sed aliquando refo-*  
*refo-*

*reformata. Errat Ianottus, dum bina tantum Quadraginta-viralis collegii capita ponit. Tria fuere. Index eorum, qui anno MDCCXCVI in Quadraginta-virali Consilio fuere. Qui fiat, quod hac aut illa familia maiora comitia aliquando non frequentavit. De Dentatorum stirpe propius actum. Varia, quæ majorum comitiorum formam spectant, discussa. Nonnulli digni iudicati, qui maioribus comitiis adliberentur. Anni MDCCC LX XIX decreto triginta viri in maiora comitia adlecti, & quare. Fal-  
lit Anonymus, dum sordida eos conditionis existi-  
mat.*

**Q**UÆ novissimo Scrutinii sui capite pertractat adversa-  
sarius, prope est, ut esse dicamus eadem cum illis,  
quæ quinto capite tractavit, aut saltem ab illis haud multum  
diversa, & nos quoque, per ea, quæ huc usque à nobis al-  
lata sunt, abunde ea confutasse, ni fallor, videri possumus;  
Dubium non est, quin si lectori fidem facere potuimus jam  
nunc, penes solos nobiles in omnia regimen fuisse, ipsa per  
se adversarii thesis corruat, quam prædicto capite tractan-  
dam desumit stabiliendamque, Nempe *Libertatem Venetam*,  
*eorum in manus devenisse, qui publicæ rei habenas moderantur, ceterum*  
*ab omni imperio quam longissimè semotis, eumque esse hodiernum illius*  
*Reipub. statum* Quo tamen ne vel umbræ somnium apud ali-  
quem resideat, ullatenusve Venetam Libertatem non mo-  
do læsura, sed vel libatura leviter, animo cuiuspiam suspicio  
inhæreat, etiam minutissima excutere animus est, & in illis  
ipsis etiamnum ostendere, quam non candide Anonymus  
agat. Ac primo quidem, quod adfert de conclusis sive in-

reclusis majoribus Comitibus, qua de re tamen quam parcissime annales quippiam memoriae proditum reliquere, nec rotundo, quod dicimus, ore quippiam effari sunt ausi, res ipsa loquitur, non fuisse eam insignem aliquam ordinis jam dudum quam firmitissimi, immutationem, nedum inversionem, sed reformationem verius aliquantillam, utique nulatenus tantam, ut per eam quippiam ex iis quæ *τὴν ἀρχαὴν ἐξέστειλ* concernerent, aut novari potuerit, aut immutari. Utique si quid tale tunc introductum fuit; tam alto omnium silentio, aut cæcos fuisse oportet annalium scriptores, aut supine negligentes, quique ad aureum veritatis jubar oculorum aciem applicare non sint ausi, aut denique quibus per leges liberum non fuerit, nudam rerum gestarum veritatem ad posteros transmittere. Cur pro negligentibus, pro cæcis, aut ad veritatis Solem caligantibus eos habere velimus, causam non video; decreta hic patrum aut ullas omnino leges intervenisse, ne Anonymus quidem dixerit. At quoniam decretum sibi aliquod præfiguravit ille, judicent omnes, quam futurum fuerit (posito fuisse, non tamen concessio) decretum istiusmodi periculi plenissimum, utpote quod non potuisset non quam disertissime populo ob oculos ponere, quo loco excidissent, ac proinde diffidiis interestis fenestram aperire multum largam, cujus & insuper omnino inutilis erat in posterum, ac rebus minus integris futura retrectatio, tot consociis præsertim, qui dubio procul id ipsum posteritati tradere haud omisissent. Quæ dicimus, multum comprobat ingenua ipsius Donati Ianotti confessio; nempe, ut ait ille, quæ illius generis plura sunt, non tam apud annalium scriptores reperire est, quam in commentariis privatorum; ac sic quoque, non obscure subindicasse dicendus est, minutula ista, ac ad historicam gravitatem neutiquam assurgentia, ab annalium scriptoribus prætermitti so-  
lere

lere, actalia potius esse, ut diaria magis ac privatas hominum privatorum observationes, quam ad Annalium monumenta referri mercantur. Sed & nos adseverare fide quam optima queamus, publicis illis quæ dicimus archivis, ea contineri, atque intacta quoque & illæsa, nec ulla sui parte mutila, quibus, ut jam dicere aggredior, quæ libro suo infarcire adversario collibitum est, quam planissime redarguantur, confundanturque. Ita Ianottus, & ex illo auctor Scrutinii, *Quantum ego ex commentariis rerum nostrarum observare potui, erant illis temporibus capita quadraginta viralis consilii Leonardus Bembus, & Marcus Badoarus. Illi, &c.* Idem porro quod in novissimum Februarii diem, anno c l o c c x c v i decretum factum fuit, enarrat, idque bifariam, pro ut jam ante id à Ianotto fuerat narratum, nec non, prout illius author ille, qui Bajamontanam conjurationem scripto complexus est, memoriæ proditum reliquerat. Veritas, ut novimus, non est nisi una sola, quæ si varie tradatur narreturque, idque præsertim iis in rebus quæ per se totam gestarum rerum faciem intervertere queant, dubium non est, quin talia qui narrant, quam longissime alter ab altero recedant, idque necessariò. Si cui hic lubet, citra præjudicium, quæ gesta sunt istis temporibus, inter se componere, ipsaque decreta Patrum, rebus aptare, aut res decretis, videbit, non illud minus quod à Ianotto allatum est, quam & alterum illud, quod ex dicta multoties historia citat, falsi vitio laborare; idque illis in articulis, qui ad quam penitissime perspicendam ac dijudicandam ipsarum rerum veritatem, faciunt quam maximè. Error est in eo, quod duo solummodo capita fuisse vult quadraginta viralis Consilii, cum tamen semper tria fuerint. Id itaverum esse superius jam vidimus, cum decretum anni c l o c c l x v i i i adduximus, cujus authoritate jam nunc probatum nobis, in ea usque tempora eorundem haud alium fuisse numerum;



ut & esse illos eodem numero hoc ipso, dum hæc scribimus, momento quam exploratissimum est, neque ullam omnino circa hæc, ( qui alter etiamnum Ianotti est error ) mutationem obtigisse quispiam commonstret. Notandum denique quod neque Marcus Badoarius, neque Leonardus Bembus, novissimo Februarii, anni c l o c c x c v i i , quadragintavirali collegio interfuerint; verum Ioannes Bembus ac Badoarius Badoarius, ut ex indice decretorum prædicti quadragintaviralis collegii observare atque desumere est. Sed nos qui toties ex archivis publicis nostra roboravimus, & hic lectori satisfaciamus. Ita Index Anno c l o c c x c v i Indictione X. ( notetur secundum Venetorum morem indictionem decimam incidisse anno prædicto in mensem Septembrem, postquam tamen ille jam plus dimidio effluxerat ) *Isti sunt de consilio de Quarantia à Ianuario in antea,*

### De Tribu Sancti MARCI.

- Iacobus Bragadeno.*
- \* *Ioannes Bembo.*
- Ioannes Superantio.*
- Andreas Daurio.*
- Paulus Michael.*
- Rainerus Venerio.*
- \* *Gabriel Marcello.*
- Marcus Antolinus.*
- \* *Ioannes Acotanto.*
- \* *Orius Pasqualico.*
- Petrus Cario.*

*Henricus*



*Henricus Minio.*

*Andreas Susenulo.*

*Nicolaus Viadro.*

\* *Iacobus Polini.*

*Gabriel Vero.*

*Philippus Corasius.*

\* *Marinus Russini.*

*Petrus Faletro.*

*Iacobus Vitalis.*

\* *Andreas Maripetro.*

*Marinus Gradenico.*

*Marinus Businago.*

*Nicolaus Secrero.*

\* *Ioannes Orio.*

\* *Ioannes de Canali.*

*Thomas Trano.*

\* *Severinus Babylonio.*

*Petrus Gansoni.*

*Iacobus Zorzi.*

*Ioannes Marignoni.*

## De tribu CANAREGII.

\* *Vitalis Cornario.*

*Zaneolus de Multo.*

*Ioannes Delphino.*

*Ioannes*

*Ioannes Ghili.*

*Iacobus Basiglio.*

*Marcus Lauredano.*

*Petrus Baldus.*

\* *Andreas Zeno.*

*Nicolaus de Canali.*

*Bocassius de Priolis.*

*Nicolaus Pissamanus.*

### De tribu D. PAVLI.

*Andreas Sanudo.*

*Gabriel Dandolo.*

*Marcus Quirino.*

*Joannes Foscareno.*

### De tribu DORSI DVRI.

\* *Petrus Manlesso.*

\* *Andreas Mauroceno.*

### De tribu Sanctæ CRVCIS.

• *Franciscus Contareno.*

*Badoarus Badoario.*

\* *Andreas de Molino.*

*Flabianus Nicola.*

*Iacobus*

*Jacobus Megliani. Angelus de Pescaro.*

*Marcus de Scala. Nicolaus Menotto.*

Quos asterismo notavimus, ij id temporis è Quadraginta-virali consilio dimissi fuere, inque aliorum magistratuum locum suffecti, qui id temporis aut ab urbe aberant, aut vitam cum morte commutarant: atque eum ad modum, in hodie-rum usque diem in omnibus omnino quadraginta-viralis consilij indicibus nomina eorum perscripta conspiciere est. Cæteri quorum nomina signata non sunt, numero sunt tri-ginta & novem, factumque forte, ut quia vergebat ad finem præstitutum isti consilio tempus, ut in eorum qui deessent lo-cum alii tum temporis haud fuerint electi. Sintque interim, qui quadragenarium numerum excedunt, substituti in absen-tum locum. Quod ipsum evidenti argumento evincat illud, quod videamus Ioanni de Canali, cujus nomen inter illa est quod signavimus, substitutum fuisse Nicolaum de Canali; cum tamen ex eadem familia binos ad quadraginta-virale collegium eodem tempore admittere non liceret per leges. Nec obstat quippiam, quod eum quadagesimo numero adscriptum videamus illi collegio; fieri enim de facili po-tuit, ut prior ille antequam cæteri comprobati forent, col-legio egressus fuerit, recepto ut jam ante notavimus, ac de-creto anni cLo cc lxxviii firmavimus, more, ut ap-probatio ista diversis vicibus ac temporibus fieret. Adversa-rium nos interim sequamur. *Narrationem*, inquit ille, *eccum multum imperfectam quaque quamplurimis dubitandi rationibus mi-nime sit satisfactura*, &c. Certe si quas habere sese simulat du-bitandi rationes adducere voluisset, ut Venetos sciens omit-tam, me sane hominem Batavum invenisset, ad eas ipsius animo eximendas quam paratissimum: suppressisse interim eas credo, quod per se videre potuerit, nullas eas aut leves nimium futuras. Quod tamen aculeum aliquem legentium

cogitationibus hoc nomine infigere conatur, ut aliud nihil dicam, est, ut ait ille, nigræ succus lolliginis, & ærugo mera. Atque hæc quidem adversario refutando suffectura videantur. Cœterum, nec inutile sit nec inconveniens, uti nonnulla insuper tractemus, ac lectori ob oculos ponamus, è quibus & quam planissime constare possit, quam subdole, quam perversè maligneque, ille agat, ac quam ne eorum quidem, quæ pro Sybillæ folijs nobis obtrudere satagit, satis fuerit gnarus.

Vtique mirum haud foret, si post legem anno cIo cc xcv i latam, hæc aut illa reperta fuisset familia, e qua nemo majora Comitia frequentaverit, puta eo quod ad paucos esset redacta, quod, si qui ex illa essent, publico privatove nomine urbe abessent, infantes item essent, aut obse-  
nium depontani; ac postmodum tamen, si quando eos qui abfuerant reverti contingeret, infantes quoque ubi ad legitimam ætatem pervenissent, ilico dictis Comitijs, ad quæ nascendi fors, atque inde quæsitum jus, manu velut ducebar, fuerint admoii. Ita factum observamus in familia Dentatorum (Di Dente Venetis) quæ una ex ijs est, quas adversarius nominatim citat, eorum nomen in indice Majorum Comitiorum perscriptum, jam ante prædictum annum cIo cc xcv i reperitur, ab illo vero anno, usque in annum cIo ccc xi, nullus est index, qui alicujus ex ista domo habeat nomen; atque illo demum ipso videas Thomam ac Nicolaum Dentatos nominari, ac anno postmodum cIo ccc xvi præter jam dictos Petrum, Albertinum, eorumque filios Naufrum ac Marcum Dentatos. Neque est ut quispiam sibi imagine-  
tur, eorum ante illa tempora, quadragintavirali in consilio, in suffragia itum cum foret, habitam haud fuisse rationem, ac sic neque a probari meruisse, quoniam id verum si foret, relatum procul dubio foret in acta, publica ut obvenisse vide-  
mus.

mus anno c<sup>l</sup>o ccc xxxi Paulo Griglioni cuidam, de quo sic in actis *Cecidit ad probam*, & anno c<sup>l</sup>o ccc xxxvi similiter cuidam Natali Mauro, ac multis alijs, verum annis similiter diversis, quale quid in hac Dentatorum gente, locum habuisse, aut reperiri, nemo est qui dicturus sit. *Simon Verardus* anno c<sup>l</sup>o ccc xii ad majora comitia admotus legitur, eo nomine, quod Bajamontana, cujus præcedenti capite meminimus, conjuratione, quam optime de Repub. meritus esset: verum id singulari deputatum beneficio; quale quidem in ipsum conferri Quadragintavirali collegio placuit mense Decembri illius anni, die, ni fallor, tertia supra vicesimam; ac simul quoque Majoribus Comitij mensis Februarij die sexta. Atque id ipsum est in quo aut fallitur; aut fallere nos vult adversarius, dum eum postlimino Comitij redditum putat, qui tum primo ad ea fuit admissus. Defecit in illo Verardorum gens, ac sic quoque decretum cessavit cujus beneficio, prædictorum Comitiorum jus obtinuerat. *Ballochinorum Bendelottorum Betengliorum Trunfanorumq*, (istas enim gentes adversarius enumerat) nomina, in dictis libris scripta non inveniuntur, nec aliud dicendum quam quoad ipsorum aut à Comitij exclusionem, aut restitutionem, quidquid adversarius commemorat, fictitium esse, nec aliunde probari posse, quàm sola ipsius assertione, nullo authore qui idem tradat, firmatâ. Nobis quoque ex ipsis adversarij narratis haud immerito, aut male, ita argumentari liceat. Si nobiles quarundam familiarum viri, quorum anno c<sup>l</sup>o cc xcvi ratio habita haud fuerat, quive, ut ipse vult, exclusi fuerant, postmodum ad ea sequentibus annis admissi fuere, omnino dicendum, factum id ideo fuisse quod essent revera nobiles, atque eò nomine Majorum Comitiorum capaces: si ex adverso locum id nullum habuit in universa plebe, aut privatim in aliquo plebei ordinis, nisi speciali



ciali indulto gratia ac concessione prævijs, ut jam ante vidimus, dicendum omnino quod res, est plebem nempe imperij participare haud fuisse, ac proinde quoque falsissimū esse quod ab illo demum tempore Reip. moderamen, ab omnibus indistincte, ad solos nobiles translatum sit, utpote qui sine ulla intercalatione jam tum à principio rerū summæ præfuisent:

Ipsa porro divisio, quæ ex eadem stirpe nobiles recenseret & ignobiles, unde ortum ducat, notatu difficile haud est, cum multoties obvenire videamus ut è duobus fratribus, hic legitimam prolem post se relinquat, alter non nisi liberos naturales; neque dubium, quin ex priore illo progeniti dignitatum capaces nobilesque sint futuri, cæteris exclusis, utpote quos nascendi fors isto jure privaverit.

Equidem quid referat, cuive bono, adversarius scire velit quo numero Mājora Comitia absoluta fuerint, causam non video: cæterum tamen quoniam & hac in parte ejus desiderio satisfiat, sciat ipse annoc 1555, id est, anno proximo à Bajamontana conspiratione, eos qui majoribus Comitijis interfuerint, mille ac septendecim numero fuisse.

Post Bajamontanam illam conspirationem, speciali indulto ac gratia, quinque viri, non vero quinque familiæ, judicati sunt digni, qui prædictis Comitijis adhiberentur, utpote qui suis in Rempublicam meritis, id essent consequuti, ut dignitatis illius capaces Patres agnoverint. Anno 1555, novissimo Aprilis quadragintavirale Consilium ac capita quadragintaviralis Consilij (qui duo Magistratus conjunctim ubi quid delit erant, Comitia Minora vocari solent) decrevere, *Quod Nicoletus Papacisa possit eligi de Majori Consilio*; Paucis post diebus idem in *Quarantia* (noto hic ac recepto vocabulo uti liceat) firmatum, inque Majoribus Comitijis, die tertia & decima mensis Iunii. Eodem anno, similiter mense Junio, minus Consilium idem de Marco

Donato

Donato decrevit, firmavit Minoris Consilij decretum quadragintavirale collegium, cujus Majoribus Comitij die nono ac vicesimo mensis Iulij, probatum placitum. Idem in Ianino Papacisa observatum, quem primo consilium minus, mensis Septembris die primo, vicesimo sexto Decembris quadragintavirale Collegium, ac mox Ianuario insequenti, Majora Comitia, eadem dignitatis prerogativa ornatum voluere. Idem per eisdem tramites & gradus eodem anno Mathæo Stornello honoris collatum. De Simone Verardo jam ante diximus. Atque hi illi quinque fuere, quos singularim (neque enim id ad eorum familias extendi aut posse aut debere jam ante luculenter ostendi) majoribus Comitiiis admotos, archiva testantur. Quod adversarius ait quindecim una eademque vice ad majora comitia admissas fuisse familias, ego falsissimum esse affirmo, ac ut dicti sui iustas probationes adferat, quæve fuerint, ac quando introductæ, quæve de causa, ut demonstræt, peto. Ab anno cIo ccc xii usque ad annum cIo ccc xxxvi, majoribus Comitij admissos ullos haud invenio, præter paucos Nobiles Venetos, qui Acirensium oppido in Reip. ditionem redactò, postliminio in patriam erant reversi. Pauci etiamnum bene de Repub. meriti, bello quod inter Genuenses Venetosque ac nonnullos Italiæ ac Dalmatiæ regulos, (tales eos non male dixerimus) exarserat, eo se subvectos videre, sed non jure suo sibi quæsito, ut nobiles, verum singulari beneficio atque indulto, ut cæteros illos, de quibus verba jam feci, eo penetrassè notatum. Anno deinde cIo ccc lxxix cum belli quod ad Edronem sive Folsam Claudiam vario successu Respub. id temporis gerebat, magnitudo, ærarium non leviter attenuasset quo promptiores paratioresque ad succurrendum illius necessitatibus cives redderentur, lata lex in Consilio Sapientum Belli (ita eos Veneti vocant)

primo decembris die, cujus hæc verba. *Vadit pars ad honorem Dei, & gloriosæ virginis Mariae, & Protectoris nostri Sancti Marci, & totius curiæ cœlestis, ut sua pietate dent nobis contra inimicos nostros victoriam & honorem, quod ex nunc sit captum, quod veniente tempore pacis, & factâ pace cum inimicis nostris, Consiliarii nostri Venetiarum, & capita de Quarantia qui se reperient, sub pœna Ducatorum mille pro quolibet, teneantur infra quindecim dies facere vocare, sub pœna solidorum centum, & facere congregari Consilium Rogatorum cum additione, & Consilium sapientum Guerra, quod tunc erit, & ipsis congregatis fiat Scrutinium, secundum unum in dicto consilio, ita quod quilibet de dicto Consilio possit accipere unum qui sibi placuerit de nostro Majori Consilio, & facto Scrutinio, probentur omnes electi, ad unum ad unum in dicto Consilio & illi triginta qui habebunt plures Ballottas alijs sint firmi de nostro Majori Consilio cum suis heredibus, licet non transierent medietatem consilij, per illum modum, & cum illis conditionibus, ut sunt alij nostri nobiles.* Eodem insuper die, idem Consilium censuit, ut inter illos qui de Rep. illa occasione essent benemeriti, tria ducatorum millia annua quoad viverent dispartirentur, adjectâ legi clausulâ, *Quid nullus nobilis Venetiarum possit ullo modo habere aliquid de pecunia supra dicta.* Porro ut & exteris rerum bene gestarum non ratio minus, quam gratia constaret, placuit ut exteros, qui ea occasione, fortiter pro Repub. fecissent, in civium numerum adsciscere liceret, ipsique quibus cives immunitatibus ac privilegijs fruerentur. Ejus quod jam recensuimus decreti vi, utum in suffragia, ac e multis tandem triginta (de hominibus non de familijs, ut non semel dictum, sermo hic nobis) ad Majora Comitia admissi fuere. Nomina eorum, ut ea recitare possem, superfluum sit molestumque hic referre, quod eorum qui admissi fuere, aliorum, super quibus similiter deliberatum, sed qui suffragiorum numero destituti, eam dignitatem obtinere haud potuerunt, nominibus permixta sint: cum alias quot  
 unuf-

unusquisque pro se suffragia habuerit etiamnum memorare possim. Suffecerit, ex omnium numero remansisse triginta, inque Majora Comitia allectos fuisse. Remansisse cum dico, quivis ut opinor capiat, me non de familijs verum de singulis individuis verba facere, alias enim publicatione nominum eorum qui remansissent, eaque separata, atque ad singulos repetita, opus minime fuisset. Ut videmus inter illos triginta, quos remansisse diximus, fratres fuere Polus & Iacomellus Trevisanus, Ioannes & Nicolaus Garsonus item fratres, Petrus & Marcus Zaccharia, Antonius & Ioannes Arduce, si enim tota eorum allecta fuisset familia, dubium non est, quin uno remanente, aut vocato, ceteri quoque remansissent, aut forent vocati. Accedit, quod & illa quoque eorum qui remansissent publicatio, non potuisset non esse coeteris, qui se exclusus viderent, in opprobrium. Quod in illorum electione, *ratto nobilitatis aut antiquitatis stirpis*, ut adversarius vult, habita non fuerit, fieri fortasse potuit, siquidem enim illi genere nobiles fuissent, super ijs in suffragia ut iretur, omnino opus haud erat: fuissent enim, ut vidimus, in se considerati, jam tum Majorum Comitiorum capaces: quod tamen abjectos omnino aut sordidos fuisse adversarius vult, id vero falsissimum est. Fidem fecerit, quod inter ipsos illos qui suffragiorum numero destituti, pro rejectis (ita Veneti vocant) habiti fuere, Biasius Moecoenicus reperiatur, cujus nomini additum in Archivis, vitæ quod elegerat genus, ac pannis coemendis vendendisque vacasse demonstrat. Quod sane vitæ genus cum nihil minus sit quam abjectum & sordidum, unusquisque Moecoenicus sit, cujus nomini adjunctum sit, eum pannorum exercuisse mercaturam, neque male ex eo ipso colligere liceat, haud alio quam ibi expresso nomine minus placuisse, aut ad Majora Comitia admotum haud fuisse. Quid de sordidis atque abjectioris vitæ

vitæ ac professionis hominibus facturos fuisse statuendum sit, vel me tacente quivis colligat. Quin imo, si, ut adversarius vult, post interclusa Majora Comitia, ij qui nobiles haud erant distincti fuere in cives, id est, lautioris conditionis ac fortunæ homines, & artifices, id est, prioribus illis inferiores minoresque, quæ hic veri similitudo, quod nempe priores illi, quorum maxime intererat patriam esse salvam, qui sua bona cum Rep. communia quodammodo habebant, qui non alibi tranquillius suaviusque aut magis etiam in luce hominum vivere possent, quam in urbe Veneta, non Italiæ sed Europæ, sed orbis oculo, adeo male animati in patriam fuerint, adeo sui officij immemores, adeo consequendæ quam amplissimæ dignitatis parum cupidi, ut hic sese à plebeis superari passi sint? Quis hic item credat, homines de plebe, viles ordidos, abjectos, qui ægre vitam sustentarint manuum suarum ope, quidquid corradere, quidquid in victum & amictum conquirere potuerint, profundere voluisse, ac tanta quanta nec unquam possedissent, nec possessuros unquam se vel spe præsumere ut auderent, ulla erat ratio, Reip. impendere voluisse, ut eo modo ad nobilitatis apicem aliquando subvehi possent? Vtique nemo. Cum ergo huc usque visum nobis sit, triginta illos, non simpliciter, sed per suffragia ac proposito æque grandi numero electos ceterisq; antelatos fuisse: cumque & ex ipsa electionis illius tabula constet inter ceteros electum fuisse Carefinum quendam, qui magni Cancellarii dignitate id temporis fungebatur; ecquis adeo impudens sit, ac perfritæ frontis ut aliter vel suspicari audeat, quam fuisse illos melioris conditionis ac notæ mortales, qui tum ad majora comitia electi fuere. Vtique electores ipsos circumspicite hic & cum delectu egisse, evidenti argumento sit, quod cum meritorum in Remp. rationem unice sibi habendam scirent nec in honorem



norem eorum, in quorum consortium illos erant allecaturi, peccare voluerint, nec in virtutes eorum, quos de patriâ bene meritos agnoscerent. Omne ergo punctum tulisse sunt dicendi dum hinc eos ad majora comitia eligunt, qui dignatione, autoritate, atque opibus, ad nobiles quam proximè accederent, illinc, novenis Ducatorum millibus, ad vitam in cæteros annuatim erogatis, patriæ in fortes bonosque ciues affectum prolixum, luculentamque testantur humanitatem.

## C A P U T. XXIII.

*Valeriorum gens ad majora comitia admissa. Circa hæc hallucinatio Anonymi. Jannotti, & Justiniani fides elevatur in historia conspirationis Marini Bocconis. Locus Justiniani sub examen vocatus. Vera ac genuina causa Bocconianæ conjurationis. Author historiae conspirationis, & Justinianus hic sibi adversantur. Carefini auctoritate omnia firmata. Populus Bocconianæ conjurationi se non immiscuit. Mens & ratio legis anno c l o . c c x c v i latae. Anonymus gladio suo jugulatur.*

**V**Idimus huc usque errare adversarium ac falli, quod ob interclusâ Comitâ, si quid ipsi credendum, quam plurima eaq; gravissima incommoda Reip. statum affixerint. Atque hoc quidem à nobis præstitum si fuit (ut abundè præstitum putamus) res ipsa loquatur vel me tacente, cum quidem nulli mortalium, cui quidem ad illa jam tum antea adiutus patuerat, interclusus fuerit accessus, causam subesse

haud potuisse, ut exclusum sese quisquam doleret, ac minus etiamnum uti sollicitos ipsum patres haberet, quo pacto eorum animi placari possent, qui sese Comitibus prohibitos ægre ferrent. Quoniam tamen ipsi etiamnum ad privata descendere visum, ac Chronici, nescio cuius, autoritate sese tueri; operæ sit, ut & illa silentio ne premam, quæ de Valeriâ gente, Majorum Comitiorum Regesta, sive indices, ad posteros transmittunt. Faxo ut hic ex ungue leonem omnes agnoscant, ac, quod est apud Poëtam, crimine ab uno discant universa. Verba sunt adversarii. *Disertim de Valeriorum gente Chronicon ait, illam ad majora Comititia non fuisse admissam, quod tamen sublatum postea metu seditionis, eo quod gens illa multum esset unita.* Constet vel hinc, esse comprimis magnum robur Veritatis: ea ut ne quid ab eo, quod Anonymus statuit, diversum statuamus aut statuendum putemus vel nolentes cogat. Non unita modo illis temporibus, anno nempe MCCCXCVI erat gens Valeriorum, verum (fas ita sit loqui) unitissima: quin imo nisi unum ex illa mortalem superfuisset confitemur, necesse est dicamus totam è medio fuisse sublatam. Unus ille primus supremusque Valeriæ gentis Nicolaus fuit Valerius, quem dicti mox indices ajunt fuisse è tribu sive regione Dorfi duri, Hic novissimo Septembris die anno MCCCXCVI electus fuisse deprehenditur. Anno insequenti, die septimo supra vicesimum mensis Octobris, nec non Anno MCCCXCV nulla ipsius sit mentio. Idem tamen exinde, ac quidem tribus annis continuus, pars fuisse Majorum Comitiorum deprehenditur, neque alius quispiam, qui ei cognominis fuerit, inventus huc usque; aut ejusdem quoque tribus. Constat nempe sibi consueta designatio, quæ fuisse eum *De tribu Dorfi duri*, legentibus exhibeat: ac nec designatio duntaxat, verum rubrica quoque, cujus ipsissima verba; *Illi sunt de Majori Consilio, qui approbati fuere*

*fuere Inter x1.* Vel adversarius agnoscat, directè hæc contraria atque adversa esse iis, quæ ab ipso traduntur. Subjungit porro idem noster adversarius, id ipsum, tot tantique placandis neutiquam par fuisse. Dicendum hic denuo, mirum haud esse in errores innumeros si quidem incurrat, qui erroneo in principio fundamentum ac basin ejus, de quo verba facturus est, locare contendit. Omnino etenim impossibile est, ut cum quæ de Valeriorum gente præcessere, falsitatis quam manifestè redarguantur, cætera porro, quæ ex istiusmodi præmissis inferuntur, solidâ veritate se aut probare aut tueri posse, quisquam credat; ut ut ea talia sint, quibus aliquam veri fidem circumdare ac conciliare posse videatur Marini Bocconis contra Reipubl. statum conspiratio, ipsis Petro Iustiniano ac (qui adversario pro oraculo est) Donato Iannotto narrata. Ostensum jam ante nobis, quibus authoribus sua tueatur è duobus illis postremus, ac proinde quoque quantum ipsius scriptis deferendum sit fidei, pensiculatim despeximus. Ipsum quoque Iustinianum errare si potuisse dicamus nemo sit qui nos redarguat; Nam quod ille hanc conspirandi fuisse causam innuere ac præ se ferre videtur, quod non omnibus ex æquo accessus ad Majora Comitia patuerit, utique toto sæculo illius natales præcessit. Hic quid mirum si aut perperam tradita, aut perperam credita, & in omnem eventum nihil minus quam vera, posteris commendarit pro veris aut certis? Nunquam aut hujus, aut quæ præcessere sæculorum, foelicitas tanta fuit, ut non subinde multis aut rumoribus aut male acceptorum, ac pejus etiamnum transmissorum sub involucris laborarit fidēs veri, quam tamen æternum premi, ut ut mortalium industria defecerit nec tempus sinat. Si debitam tantis rebus vigilantiam ac curam adhibuisset autor ille, si quâ par erat, sollicitudine pervestigasset quæ posteros nescire

voluit, aliter utique scripsisset, neque tam à vero aliena chartis suis illevisset, quidquid est, neutiquam commisisset ut illâ temeritate suâ, si quæ unquam fuit, inconsultâ, imprudentiaque, malum sibi, malum ingens suo fœtui ipsemet arcefferet, Cenforiam scilicet istiusmodi notam, quæ etiamnum in archivis inter Patrum decreta adservatur, quamque, dum hæc scribo, teneo manu. Inferendam operi putarem nisi accommodandam erroribus aliorum veniam scirem, idq; cū comprimis, qui errare ac labi, inter humana putat. Non peccabo in defuncti memoriam aut manes: quæ dixi, necessitas extorsit. Sed & unicè cavendum duco, ne per alicujus latus petatur, convellaturve rerum gestarum non temeranda veritas. Ut tamen interim Iustiniano fidem constare posse clarum fiat, ac falsa nihilominus esse ac commentitia, quæ ex illo nobis Adversarius obtrudit, ita Iustinianus, *Ad id prorupisse nefas ferebatur, ut injuriam viri nequam ulcisceretur, quâ affectus est, ut ipse existimavit, ab eâ die, quâ Comitibus oclusis Gradonico Principe auctore, Patriæ dignitatis, repulso Plebeio ordine, ratio habita est.* In quo loco nonnulla merentur observari. Ac primo sane verbum illud *ferebatur* satis evincit, ne Iustinianum quidem, pro irrefragabiliter veris, ea quæ scribat, haberi velle. quorum enim verbum illud, dubiis aliorum narratis ac nihil ex certo trahentibus relationibus accommodum, utique veritati quæ semet ipsa contenta, rumorum ambigua deridiculo habet, nequaquam conveniens? Ponderanda quoq; hic verba quæ parenthesi inclusa historicus voluit, hæc nimirum [ *ut ipse existimavit* ] quæ quisquis è propinquo intueri volet, quidquid id injuriæ fuisse dicendum est, non id ipsum in eo constituisse, quod revera comitiorum interclusio in ullius injuriam, damnum, contumeliamve vergeret, sed quod id ita interpretaretur ille mortalis. Agnoscenda itidē hic nobis candida ac simplex veritatis in illo scriptore simplicitas, qui dum vulgato recepto-

ceptoque loquendi modo de interclusis comitiis (nequis & nobis vitio vertat vulgato hac in materiâ sermone usos, aut à nobis dicta in diversâ à mente nostrâ ac veritate sententiâ distorqueat) loquitur non ait *expulso plebeio ordine*, verum *repulso*. Ut Iustiniano conveniat cum adversario, *expulsum* fuisse ordinem plebeium, dicere debuerat, non *repulsum*. Eorum quæ extra nos posita desideramus compotes fieri aut evadere si non potuimus, repulsam tulisse dicimur, at vero, cum iis deturbamur quæ nostra sunt, cum è possessione depellimur, orbamur jure, si quando nobis usus privilegiorum nostrorum, ac eorum potissimum quibus aut legum vis est aut contractuum, interdicitur, nemo sit qui repulso hic potius, quam expulsos, deturbatos ac spoliatos dicat. At quid in verbis hæremus? autor ipsemet ita cum dicit, *Dignitatis Patriæ ratio habita est, repulso Plebeio ordine*, satis ostendit, non id actum fuisse ut plebs è Comitiiis expelleretur, sed ut prohibita à jam dictis Comitiiis atque abarcita plebe, incontaminata atque sincera patriciis sua dignitas constaret. Est & in transcurso notandum, manifesto hic dissidere à Iustiniano Iannottum, à quo tanquam à teste jurato veritatem Anonymus deducere videri vult. Iannottus anno M C C X C V I latam de intercludendis Comitiiis legem dicit, Iustinianus id factum tradit *Gradonico principe authore*. Sed nec primus hic est aut unicus error, cui se involvit. Illud probare annitur, idque autoritate Iustiniani, ac sic porro ex ipsâmet historiâ, quæ conjurationem illam Bocconis descripsit, causâ dedisse isti conjurationi, quod interclusa forent Majora Comitii; victus interim veritatis vi diffiteri minime ausit eodem ipso contextu conjurationis illius exordia ad privatas injurias referri. Ita conjurationis illius Historia, cuius nos verba in eorum gratiam, qui Italicam linguam non callent, in Latinum Sermonem convertimus.



dam *Marinus Bocconius*, exiit, qui cum aliquot sociis suis cum jam occlusa forent comitia tanto impetu fores pulsavit, ut Dux metuens ne sequius quippiam obveniret, dissimulato metu eos intro ad se accedere jufferit. Cæterum ei quique eum sequuti fuerant laqueo cervices fracta inter duas columnas, non obstante eo, quod Bocconus ille jam tum ante conquestus esset intolerabile sibi videri à x l i Viris, quorum nemo esset de populo, prout deliberatum fuerat Duces legi. Altera querelarum ei causa, quod Dux creatus esset *Petrus Gradonicus*; ac disertim antestabatur alios ipso Sapientiores ac mentis potiores viros nobiles ista electione fuisse præteritos, qualis erat procul dubio *Iacobus Theopolus*, quem omnis populus Ducem acclamasset. Atque hinc conspirationem exorsus est, quo Duce de medio sublato Relp. de altero Duce prospiceretur, qui magis è publico bono foret. Cæterum detecto illius molimine, &c. *Iustinianus* ex adverso super hoc ipso facto, sic disertim, Publica igitur libertati *Bochoni* insidiatus, principem Senatumque obtruncare statuerat, adjuvabaturque ab hominibus sue factionis, quos ad id præmiis ingentibus pellectos, sceleris sui socios habebat, Sed in tanto rerum discrimine, divinâ favente Clementiâ, conjuratio patefacta est, Et paullo post; Ad conjuratos opprimendos viri fortissimi mittuntur, qui parvo negotio *Bocchontium* & socios sceleris, improviso in propriis adibus interceptos, in suam ad unum redigunt potestatem. Flagitii convicti omnes, ad geminas columnas laqueo publicè necati sunt. Hactenus ille. Nos si inter se utrimque narrata quæ sunt componere velimus, nullone negotio deprehendemus ea ipsa, quodque palmarium, in summa rei sibi invicem esse contraria. Historia illa ne verbo quidem ullo, quod adversarius lectori persuasum velit, iunuit, causam conjurandi inde enatam, quod interclusa forent Comitia Majora. *Iustinianus* non meminit impetus illius qui in ostium aut valvas, quo loci Comitia habebantur, factus fuisse narratur. Idem *Iustin.* propriis in ædibus interceptos ait conjuratione detectâ, quod haud leviter facit ut illa quæ de illo im-

impetu allata sunt minus credibilia videantur. Historia nobis multoties jam dicta non meminit aliquatenus, conjuratos in ædibus propriis aut interceptos aut adservatos fuisse. Iustinianus conjurandi causam fuisse ait, quod injuria sese affectum Bocchonium existimaret, ob interclusa Comitia. Historia dicit, id ea de causa factum, quod intra xl & unum viros nulli essent ex ordine populari: item, quod posthabito Iacobo Theupolo Petrus Gradonicus electus esset Venetorum Dux. Quid hic dicemus, nisi auctoritates illas inter se contrarias ultro citroque alteram alteri fidem derogare? ac ut ex ipsis manifesto liquet minus sibi comperta, ac opinionum diversarum tenebris implicita quidem illos scripsisse, ita nec minus evidens, comprimis malignè hic agere Anonymum. In eo conveniunt conjurationis scopum fuisse ac finem, Veneti Ducis necem, cæterum Historiæ illius author, alterum quoque assignat, nempe ut sublato è vivis Duce Reipub. de altero prospici posset, qui magis è publico bono foret. Ast vero quod notandum, altum utrique silentium de abrogandâ, quæ populum à Comitibus arceret, lege, aut de plebe velut postliminio Majoribus Comitibus reddendâ; qui sane proprius & verus conjurationis finis erat futurus, si quidem vera propriaque conjurandi fuisset causa, quod consilio sive decreto Patrum plebs à majoribus Comitibus exclusam se doleret. Quod porro, casu prorsus ac per accidens habet historiæ illius contextus deliberatum fuisse ut inter xl & unum viros, ad quos Ducis spectabat electio populares sive homines de populo forent, ex iis quæ jam ante adduximus monumentis falsissimum esse evincitur. Quo tamen, quam maxime fieri potest, in apertum gestarum rerum veritas deducatur ac posterius disertim sciant qualiter tota res gestafuerit, audiamus agedum Rafarinum sive Rafelem Carefinum, quem cum magnum Venetiis Cancell-

cellarium fuisse diximus, vel eo solo commemorato, eorum quæ alias secretiora sunt, nec in propatulo habentur omnibus obvia, participem fuisse, quilibet credat. ita ille. *Quidam Marinus Bocconius cum certis suis consortibus ordinaverat & tra-*  
*ctaverat versus Dominum Ducem proditionem, & principaliter in de-*  
*structione sue personæ. Propter quod sciens Magnificus Dux hoc, Ma-*  
*rinum patefactum cum aliquibus aliis fecit capi & detineri, nec non*  
*inter duas columnas marmoreas, quæ sunt propter januam Palatii ma-*  
*gnam, eos, ut decebat, fecit turpissime suspendi.* Notet hic benevo-  
 lus lector, illa Carefini verba *Principaliter in destructione sue*  
*personæ.* Nec, ut reor, ultra verbis opus erit, in re clarâ mini-  
 meque dubiâ. Premamus interim Adversarii vestigia, sunt hæc illius verba. *Populum comprimis urebas istiusmodi exclusio, quod*  
*videret eo pacto spes omnes ut Reipublicæ quandoque & ipse admoventi*  
*posset, sibi præcisas, Nobilibus haud minus agre erat, eo modo factas*  
*Majorum Comitiorum capaces tot numero familias; quas, ut ut di-*  
*gnitate longe inferiores essent, ista Comitiorum nova forma, pari secum*  
*gradu habendas reddiderat ac vel antiquissimæ aquandas.* Davus sum  
 non Ædipus. quid sibi noster mortalis velit, non assequor.  
 Pugnantia hic inter se video, nec non & falsa. Nihil quod  
 stringat invenio, atque adeo videor mihi totum hunc lo-  
 cum, ut nostræ thesi nec hilum obfuturum, intactum relin-  
 quere ac præterire posse. quo tamen nihil à me quispiam  
 merito jure desideret, dicam paucis, ad illa verba. *Populum*  
*comprimis urebas istiusmodi exclusio,* in contrarium, ex iis quæ  
 jam ante dicta sunt, argumentum tale formari posse. Si po-  
 pulus ante latam legem anni M C C X C V i eo erat loco, ut  
 ad ipsum quoque in omnia regimen spectaret, utique lex illa  
 eundem populum nentiquam loco movit; si vero cura Rei-  
 pub. id temporis minime ad populum spectabat, ut certe  
 non spectabat, causâ subfuisse haud potuit, cur se exclusum  
 quereretur. Evincat quod asserimus ipsa hæc Marini Boc-  
 conis,

conis, de qua sermo nobis est, conjuratio, quæ nec populum in partes suas pertraxit, aut plebem haud aliis innixa viribus quam malefactorum quorundam, quos *premiis ingentibus pellectos*, quem pro se adduci adversarius, ipsemet Iustinianus affirmat. Anonymum hic rogare lubet, si publicam omnium causam Bocchonium egit, si nullæ privatæ rationes eum impulerint, quid premiis opus erat nec publicè profuturis, nec privatim, nisi hoc nomine profutura dicere lubet, quodopes illius ac loculos afflictura essent, ac detritura, si non funditus exhaustura. Quidquid est, causam non dicat adversarius quo minus authorem, quem pro se adducit, ac cuius autoritate causam nostram jugulare se posse confidit, à nostris partibus stare demonstremus, contraq; ipsum validè, ni quid me fallo, retorqueamus. Est id ipsum porro longe falsissimum quod vult, non aliâ magis de causâ in querelas acerbis indignabundam plebem erupisse, *quod videret eo pacto spes omnes, ut Reipub. quandoque Crispa admoventi posset, sibi præcisas.* Nimirum eadem illa habendorum in futurum comitiorum nova forma, ex adverso multis adytum ad Majora Comitia præstruxit, quos aut privatim virtus, aut publica in patriam bene merita, dignos reddiderant, qui præ cæteris æqualibus suis, haberentur eximii. Quin & illud quoque, quod ait, *Nobilibus haud minus ægre erat, &c.* quomodo probaturus sit noster, haud video. Eodem quo mox, etiamnum utar argumento. Si jam ante annum *MCCXCV* summa rerum ad populum aut plebem spectavit, ecquid illud fuit, quod nobiles jure merito minus æquis animis accipere aut ferre potuerint? nullam ipsis ad id occasionem dicti nobis anni lege sufficiente. Tantum aberat ut totæ familiæ, utque etiam numero complures Reipublicæ clâvo admoventur; ne quidem mortalium ullus aut admotus fuisset, aut admoventi potuisse, eo quem nobis jam figuramus casu, dicendus est. Si

non spectavit ad populum rerum summa, si neque lex ea populum rerum summæ admovisse deprehenditur, quò tristes illæ nobilium querimonix? Pressius agamus. Populum lex illa aut sub se comprehendit ac proinde imperii capacem fecit, aut exclusit. Exclusisse si dicenda est, jam non erat quod causari posset ordo nobilium. Si demum illius beneficio, populus imperii capax evasit, quis non videt, nihil fuisse quod urere aut malè habere populum potuerit? Coeterum nec inclusiva nec exclusiva (ita loqui liceat) lex ista fuisse dicenda est. Nihil illa innovavit, sed cunctis, quo fuerant loco, etiamnum permanentibus, novam duntaxat formam electioni futuri Ducis assignavit. Voluit illa, ut in posterum x l & unius Virorum suffragiis Dux crearetur, quem ante illa tempora terni modo Electores eligere atque creare consueverant. Eadem illa inclusiva fuisse dici possit, quatenus bene de patriæ meritis ad honores viam stravit, non minus quam ulli ex ordine nobilium: eatenus quoque exclusiva, quod eos quibus per leges accedere ad Comitia haud liceret, nec ipsa admoveri iis passa sit. Ex quibus omnibus irrefragabili auctoramento manifestum evadit subsistere non posse, quæ adversarius adduxit, ut pote sibi ipsi non modo contraria, sed & falsa quoque.

Quæ porro hoc loco de privatis injuriarum offensionumve causis innuit Adversarius, eque Bajamontanæ conjurationis Historiâ, (modo Historiæ mereatur nomen, non ineptiis minus, quam mendaciis sufferta narratio) recenset, talia non sunt, ut movere quemquam debeant. Quin imo si privatae causæ domesticæque injuriæ conjuratos exstimularint, ut fatetur atque adeo probat insuper & firmat Anonymus, non est ut ad interclusa Comitia, aut ad præstitutam novi Ducis electioni, assignatamve formam, nos convertamus; estque hic ille nobis, ut errori suo, ita & propriæ confessioni.



feſſioni relinquendus; certe nec ſe iudice abſolvi poterit: malignus interim, & ex profeſſo lividus, qui dolere ac queri etiamnum præſumat, quod nihil ſuper hoc ipſo ad poſteros tranſmiſerint qui conjurationis illius hiftoriam ſcripſere, non ſecus ac ſi neceſſum fuiſſet prædictos ſcriptores calumniæ ipſius velificari ſeſe debere hariolari, ac ſpiritu prophetico id ipſum ante capere eaque porro, quæ falſa eſſe ſcirent ipſimet chartis mandare & facta pro infectis, infecta pro factis, poſteritati obtrudere.

## C A P U T. XXIV.

*In Conjuratorum hiftoria Anonymi inſciitia fuſe taxata. Vanum Anonymi in conjuratorum tribunitiis concionibus præſidium. Fæda conjurationis juſta deteſtatio. Bajamontana conjurationis occaſio. Supplicium de Fontabono ſumptum. Conjuratorum Avenionem ad Pontificem refugium. Legatio Pontificis ad Venetos inſtituta. Legationis cauſſa. Cordatum Venetorum reſponſum. Conſutata Anonymi conjectura. Barocii facinus detectum, & punitum. Contarini, & Boteri auctoritas in Anonymum retorta. Falſa Anonymi comparatio inter Venetos & aliorum oppidorum, Venetis ſubditorum, cives inſtituta. Qui apud Venetos cives, dicti Cittadini. Prærogativa eorum circa commercia, & dignitates. Cancellarii Veneti dignitas & magnitudo.*

**O**Rdiri cum Tullio lubet, O magna vis veritatis, quæ ſeſe contra hominum ingenia, ſolertiam, calliditatem, con-

traque fides omnium infidias facile per se defendat. *Verum est*, ait adversarius, *cujus hæc verba, cum desperarent* (sermo ei, de conjuratis) *Petro Gardonico Duce Rempub. ad pristinam formam reductum iri ejus de medio tollendi inivisse consilia, ac aliterum in illius locum suffiendi, qui receptum ordinem non inverteret, quæque his similia sunt.* Unde quæso illi in rebus tam remotis tam exacta tamque quæsitæ cognitio veritatis, ad quam nec ii pervenire, aut penetrare potuere, quibus sua debet? Extranei scriptores hic altum silent; erat enim alioquin ipsos proculdubio allegaturus pro se. Ipsi si quid credimus Veneti scriptores, *muti sunt*, aut, ut alibi *mustant*, ac novissimo libri sui capite, *haud plura verba proferunt, quam si os lupato constructum ipsis foret.* Plane hic nobis edisserat oportet, ecquod illud tempus fuerit, quo vaticinatrice potentiâ ipsum genii benignitas præditum voluerit, ut & nos huic illius (si Diis placet) veritati fidem quam meretur deferamus. Sic ego. Pars illa sive decretum super intercludendis (loquar hic cum adversario) Comitibus, atque excludenda plebe sive Ducem authorem habuerit, sive Capita Quadragintaviralis collegii, utique alibi quam in Quadragintavirali collegio nec non & Consilio Majore discuti ac ventilari haud potuit. Assumo. Dubium nulli quin conjuratis illis ad majora Comitibus liber fuerit accessus, anno nempe M C C X C V I, Cui ergo id in examen deduci sunt passi, si alia ipsis mens ac diversa stabat sententia? Utique summopere res illa populum, de cuius potissimum statu habebantur comitia, tangebatur: populus quoque à partibus ipsorum futurus erat. Si modo contrarium sibi placere vel e minus ac è longinquo ostentare ipsis libuisset, certam atque indubiam, suisque in manibus firam habebant victoriam. Si nihilominus præfractè tacere maluerint, ut ut quæ agitabantur essent ipsis exosissima, omnino malè fecisse ac contra officium viri ac civis boni, sunt:

sunt dicendi. Neque enim ulla aut causâ aut ratio deterrere, aut ab officio dimovere debuerat. Quis hic pertinax silentium in ijs agnoscat, qui jam ante, non aliâ de causâ quam quod sua privatim interesse putaverant ijsdem in Comitijis, ipsimet Vegliæ Comiti sese opposuerant, illiusque allectioni ad Comitiam intercesserant? Si quod in Comitijis agebatur placebat, utique si ne verbo quidem uno minus sibi placere testandum sibi putarunt, quæ ratio, cur ad arma convolare eaque scelerata, & in patriæ viscera convertenda, haud alio nomine ac nec aliâ de causâ voluisse, quisquam existimet? idque non è vestigio aut confestim, sed totis jam tum annis quatuordecim elapsis, ex quo decretum illud fomaturn fuerat, ac usu non minus, quam consensu, receptum ac stabilitum? Clamat evidentia, ex æquo inani loquum ac lividum, ne sequius quid dicam, adversarium hic esse, qui specioso veritatis obtentu malè cautis imponere conatur, quam conspiratores illi fuere homines malè ferriati, perdit, profligati, ac Libertatis patriæ suæ non hostes modo, verum & proditores.

Tædet, fateor, pigetque, quod adversarium meum eo delapsum videam (quânquam & alibi id ipsum à nobis observatum) ut vel à nefandis sacrilegisque, ac nulli unquam bono sat detestatis aut detestandis auxilium petat ac præsidium. Multus est (ô pudor!) in allegandis ipsorum conjuratorum concionibus, quasi vero aut recti quippiam ab illis proficisci queat, aut vir bonus exigere debeat, qui patriam, qui penes, qui divina humanaque omnia, in ferrum, in flammâ dare, ipsumque adeo incendium ruinâ extinguere conantur, quasi vero impurissimi mortales, ubi eorum animus ex corrupto corruptor evasit, ubi nihil præter sanguinem, præter cædem, præter parricidia improbo ac sanguinario ore spirant, erudiant, evomunt, aut aperte quod

volunt effari aut candidè profiteri ac professà veraciter proferre, quà velint, quà possint! Nemo sanæ mentis tantis in præjudicijs iudicium quærat, aut inter rapidissimos quam violentissimorum affectuum torrentes tranquillæ veritatis Halcyonia. Ut ut nihil dicerem, ut ne in medio cuncta relinquere mens sit aut animus, misera, quin imo miserrima sit rerum regina ac gubernatrix, dia veritas, si quidem ab ijs debeat pendere, qui tyrannidem, qui anarchiam, qui tyrannide & anachia quavis deteriore omnium rerum confusionem moliri; ne quidem honesta vel in speciem ratione tutari sua possint. Ecquæ causâ assignari possit, aut ratio, cur Aristocraticum regimen, & re, & nomine cæteris præstantius, non turbare, non immutare, aut alterare modo, sed penitissime subvertere atque eradicare illi voluerint. Quam vasta, immania, atque execranda mortalium impurissimi designarint, argumento sit, quod statim ab oppressâ conjuratione placida, pacata, quietaque cuncta fuerint. nemo novare, nemo moliri quippiam, vel per somnium fuerit ausus, nedum conatus. Usurpes illud Virgilianum,

*Hi motus animorum, atque hæc certamina tanta  
Pulveris exigui jactu composita quiescunt.*

Quin imo, ut nihil æquè veritatem in lucem solet educere, quam tempus, occasionum transitus; ac detractum rebus actionibusve, quo cooperta prius fuerant, involucrum patuit brevi, nihil aliud istâ conjurantium rabie actum fuisse, quam ut Guelforum Gibellinorumque funesta secessio, acto profundè sulco larem apud Venetos defigeret. Illa, quam dixi, factio, tanquam ferale sidus eorum mentes afflaverat, egeratque transversas. Hujus præstigijs sideratis, quævis & facere & pati pronum fuit. Exemplo sit Franciscus Fonrabonus, inter conjuratos haud postremus; quem cum summa Pa-



ma Patrum clementia supplicio exemisset, ut suam ad consueta coeni illius volutabra relapsum, constans sibi, ac prona in reum clementia oculis orbandum duntaxat decrevit, quo vel ipso pacto, indignum sese inter mortales ac cives suos qui ageret agnoscere posset, cui communis omnibus usura hujus lucis ob flagitium esset erepta. Argumento pariter sit, quod haud isto rerum cardine cessandum rati Avenionem ad Joannem ejus nominis vicesimum ac secundum Romanum Pontificem sese conjurati receperint ac fide factâ sese actos extorres quod contra juratos hostes Ecclesiæ Gibellinos, Guelphorum partes constanter essent tutati, seque bello Ferrariensi opposuissent, quod etiam eousque Pontificis animum impulerint, ut ipse sibi decedere ratus; quicquid istorum ( si dijs placet ) exulum libertati abraderetur, eo conatus omnes intendere videri voluerit, ut quâ domi, quâ foris essent quam pacatissimæ Venetorum res. Haud alteri fini, Fratres Franciscus Turrianus Minoritarum per Occitaniam provincialis, & Bernardus Guido Inquisitor hæreticæ pravitatis per Galliæ regnum, legati Pontificij Venetias ablegati. Hi anno MCCCXVI, die mensis Septembris quartâ supra vicesimam inter cætera tria, hæc disertim petiere: Primum erat ut Veneti inter sese quâ par esset concordia ac quiete degerent, Alterum ( verba hic apponam ipsissima ) *ut expulsos de civitate ipsâ, & toto districtu seu dominio libertatis, solum ex partialitatis titulo, non pro criminibus manifestis, velitis reducere*, Tertium circa captivos à carcere qui atinebantur eximendos ac liberandos totum versabatur. Non fraudabo hic lectorem meum insigni Veneti candoris argumento, quod ut ut per se comprimis antiquitate suâ venerabile existat, vel hoc ipso nomine potentius apud homines servire nescios, ac viros bonos sese commendet, quod vel ex illo elucescat, quam semper alieni Veneti fuerint ab omni factione.



factione. Hoc legati, quos mox dicebam, respondi tulere. Respondentes primo ad primum, quod de pace inter nos habendâ caveretur, cum purâ mente asserimus vobisque & sanctæ Matri Ecclesiæ affirmamus, quod à primævâ foundatione nostrâ inelyta civitatè, ex quadam quasi insitâ naturâ, animi civium nostrorum, ad pacem & concordiam habendam, nutriendam, & perpetuò conservandam, nedum habilitati, quin imo creati & nati sunt: ideo absit quod intra Civitatem & Ducatum nostrum & terras nobis subjectas, & inter nostros concives, scismatum vel partialitatis cognitio vel materia habeatur. Propter quod vere scire potestis, & cognoscere potest & poterit Dominus noster summus Pontifex, quod in nobis, tanquam suis & Ecclesiæ Romanæ peculiaribus filiis, suum pacis quod optat desiderium est perfectissimè completum. Ad secundum, quod absit quod apud nos ex partialitatis titulo, quod nomen majoribus nostris horrendum fuit semper, & nobis est, & quod volumus nobis & nostris posteris fore incognitum, aliqui sint confinati, exules, vel expulsi, nec velit Deus, quod unquam in nostrâ Civitate vel Ducatu, opus sit medico talis plage, &c. Ad ultimum vero quod cum nomen partialitatis apud nos incognitum sit, nullos sub illo titulo habemus detentos, &c. Si quidem Bajamontanæ factionis conjuratos defendere, eorum dicta ac facta protegere Anonymo lubet, non intercedo. Viderit ipse, quâ frontè tales sit defensor, qui non alio in patriam suam beneficio memorandi veniant, quam quod velut Eridis in medium projecto pomò, discordiarum semina pro virili sparserint. Videat porro, quâ fronte eos in urbem introductos sit asserturus. Evincet ab alterâ parte sumtum de Fontabono supplicium, ipsi adversario notissimum, atque ab ipso met citatum, quam non remisse in eos animadversum sit, qui tam nefanda consilia in publicum protrudere sunt aggressi. Ac sane causa non sit cur admissos in urbem dicat, cum illimet ipsi omnem moventes lapidem, Summi quoque Pontificis intercessione haud alteri fini deprecari

precati fuerint quam ut denuo in urbes admitti possent. Quidquid sit nunquam probabit Adversarius Ferrariensi bello agitatum Bajamontanæ conjuratione Venetorum Rempub. imperatorijs sese partibus socialisse, quod omni procul dubio factura fuerat si quidem factiones, istæ apud ipsos invaluissent ac Bajamontani conjurati eo nomine, quod Guelforum partes sectarentur, ac non potius, quod adversum patriam suam scelestam inijsent conjurationem, extorres acti fuissent. Progredior. Vult Anonymus postquam tempestas illa desævisset, melius aliquando Reipub. sese res habuisse, sic tamen ut novis subinde fluctibus agitari ac ferri non desierit. Argumento ipsi est quod complures familias Majoribus Comitijis circa ea tempora fuisse adscriptas, deprehendat. Verum & hic quoque aut errore peccat aut malitia. Bajamons in quadriennium exulare jussus cum patriæ finibus excessisset, moxque Patavio petito nova indies moliretur, perpetuo exilio mulctatus est. atque hinc anno MCCCXXVIII. novissima mensis Ianuarij die, factum decretum, cujus nos jam ante meminimus. Fui. & insuper circa eadem tempora Barocij detectum facinus, & de auctore sumptum supplicium. Atque hi quidem sunt illi fluctus, qui Rempub. Venetam tunc temporis exagitarunt exercueruntque. Cæteroquin tamen, nunquam quocumque demum loco res forent, actum, ut quispiam majoribus adscisceretur Comitijis, nisi cui id ob bene merita, immensi beneficij loco concedendum videbatur. Fallitur in eo Adversarius, quod simul & semel admissos ad dicta multoties Comitij putet eos, quorum meritis id datum diximus. Causæ cognitione opus hic erat, fidemque suorum in patriam benemeritorum ut facerent illorum Conitiorum candidati, erat necesse; quod sane tractum successumque, (ut IC. loquuntur) temporis requirebat. Ut ait ille, nihil in fluctu

cernitur. Nec sunt vel ipsa in bene meritos absque iudicio spargenda beneficia, sed cum delectu conferenda, donanda, non prodigenda, atque id agendum quam maxime, ut bene merentibus honos deferatur, honori bene meritorum gloria respondeat. Quos ergo virtus sua, quos grata virtutum remuneratio Comitiorum participes reddidere, vel quivis videat eos non aliunde, temporis utique intercapedine distinctos separatosque fuisse. Nec est quod Valeriorum hic gentem nobis objiciat adversarius. Excussum id jam ante nobis, monstratumque, frustra hic sese miserum torquere. Nec felicius sanè Anonymus in allegandis ad firmanda, quæ asserit, Boteriac Contarini Cardinalis autoritatibus, quæ si penitius introspiciantur longe ab illius opinione divortant. Ait Contarinus. *Probe à majoribus nostris cautum fuisse ne plebs admitteretur ad conventum hunc civitum, in quo est summa Reip. potestas.* Sic dico. Si standum Contarini testimonio, ut vel Adversario largiente omnino standum, nihil æquè certum quam non spectasse apud Venetos ad populum summam rerum, ex quo priscis Venetis id quam maximo opere curæ cordique fuisse deprehenditur, ut plebs procul ab administratione Reipub. ætates ageret. Boterus itidem nihil asserit, quam id, quod huc usque à nobis probatum fuit, dum inquit, *Rerum summa apud Venetos baud alios præfuisse, quam nobiles è nonnullis familijs viros, qui vel à principio in unum sese collegerant ( agnosce Anonyme vel te allegante nobiles fuisse primos urbis Venetæ conditores ) vel qui diversis exinde de causis iisdem ipsi sese adjunxissent.*

Est suum scorpionibus in cauda venenum. Adversarius ut infixio legentum mentibus aculeo, finem calumniandi faciat, comparationes instituit inter cives urbis Venetæ, & cives aliorum oppidorum, quæ ditioni Venetæ sunt obnoxia. Hæc ait formam aliquam habere Reipub., sua consilia, suos magistratus, ei vero, qui inter cives apud Venetos princi-

pem:

pem locum obtineat, ne fas quidem esse aspirare ad alium quem istiusmodi gradum. Ita sese componit Anonymus, perinde ac si in urbibus, quæ Venetum supra se imperium agnoscunt, omnes ex æquo dignitatum ac magistratuum gerendorum, qua capaces forent, qua participes, ac non potius ea ipsa Nobilium in illis oppidis foret prærogativa, qui quidem Nobiles Dominatricis Venetorum urbis supra se imperium agnoscunt, demandatæ sibi ac conceditæ rerum summæ cum Imperio præsent, idque (quod notandum) eundem ferme ad modum quo qui in ipsa Venetorum Repub. viri nobiles, patricijque. Argumentum adversarii in ipsum contorquere si vellemus, ac suis ipsum telis petere, esset id nobis in proclivi, nec foret, quod nobis imputaret, aut in quo redarguere nos posset. Sed enim vero agendum ut ingenue ita & solidè. Sic ergo dicendum. Cives apud Venetos sunt, qui majorum suorum beneficio, patrem, avum, proavum, civem habuere, quique proinde nullo mechanicæ sordidæ artis exercitio, jam in tertium generationis gradum, se ac suos sustentarunt: sive qui alibi aut nobilibus, aut patritijs orti parentibus, in urbe Veneta larem fixere, eoque, quo jam dixi modo, ætatem exegere, aut quos speciale indultum civibus ascripsit. Tales qui sunt insignibus ac luculentis omnino prærogativis gaudent; unde non minus ad ipsos pro re nata utilitas derivari, quam honor obvenire consuevit ac dignitas. Utilitas circa commerciorum compendia ut plurimum versatur, inter quæ non est è postremis, quod dimidio minora vestigalia cives Veneti persolvant, quam extranei. Hinc fit ut mercatorum quilibet, qui præfinita requisitaque à statutis ac legibus Reip. implevit (puta, exempli gratia, quod totum decennium sedem fortunarum suarum Venetijs collocaverit, aut quid simile) innumeris beneficijs gaudeat, quæ ipsius utilitatem




emolumentumque, idque privative, leges similiter innu-  
 meræ destinarunt, quæque exacto quadriennio Quadragin-  
 tavalium Criminale collegium in singulos distribuit, pro-  
 ut æquum his bonumve videtur, aut alias ipsi quoque di-  
 gni censentur, quibus istiusmodi compendia obveniant. Sub  
 his quoque comprehendi videas scribes omnes, ac cunctos  
 porro, quibus aut describendi aut custodiendi, quæ in acta  
 referuntur, cura demandata est, nec non & asservandi sen-  
 tentias a Magistratibus latas, item consiliorum ac collegio-  
 rum per universam urbem placita. Comprehenduntur &  
 illi, ad quos ratiocinia sive computi spectant (*Venetis Ra-  
 gionati*) hique non privati modo, sed & quorum est ratioci-  
 nia publica examinare, quæ vendita ac distracta sunt exigere,  
 præfecti similiter annonæ, eorumque quæ in bellorum usus  
 aut paranda aut habenda, asservanda veniunt, ac, ut me con-  
 traham, infiniti alii ministri publici, quos sibi ad expedien-  
 das etiam magni momenti ac ponderis res peculiares ha-  
 bet ex civium (*Citadinos* vocant) numero Venetorum Resp.  
 idque non honestes modo conditionibus, verum & luculen-  
 tis. Honorum dignitatumque minime vulgata relucere vi-  
 deas in hoc ipso ordine. Sane si demum ea dignitas acce-  
 ptissima; cuius beneficio quam plurimos tibi devincire bene-  
 merendo, sublevando, aut adjuvando queas, primas hic  
 cives Venetos tenere fatendum est, utpote è quorum nu-  
 mero atque ordine, admoventi non pauci semper solent ad-  
 ministrandis annuis proventibus redditibusque quam pluri-  
 morum laicalium collegiorum, (*Confraternitates* ac *scole ma-  
 gnæ* vulgo nuncupantur) qua sua functione ad pios usus lega-  
 ta distribuendo, defunctorum elogio circa pias causas exe-  
 cutioni mandando, proclivem multum habent occasionem  
 quam optime de paupertinæ sortis hominibus (quorum, ut  
 scimus, maxima ubique copia) quam optime merendi, eo-  
 rum.



rum studia & cum applausu ac votis, quam gratissimæ recordationis affectusque testimonia provocandi consequendique. Agmen omnium (ne singula percensendo molestus sim) ducit magnus Cancellarius Venetiarum, sive Cancellarius Ducalis. Illius conditio multum splendida est ac luculenta, plurimisque insuper prærogativis excellens. Præcæteris hoc habet eximij, quod non terminetur præfinito aliquot annorum spatio, sed perpetua sit & ad extremum vitæ spiramentum duret. Hanc ipsam dignitatem multoties juvenis admodum (virtus modo dignum reddat) consequitur, quin imò emenso vitæ curriculo, non raro dignitatis insignia ad hæredem transmittit. Huic arcana Reip. committuntur quamplurima publici quoque tabularij suprema demandata est cura. Ipse ubi res & occasio fert, consiliis interest, idque in aulis quoque externorum principum, hæud alium ferme ad modum habetur, quam ipsimet Reip. legati, quos non nisi ex illystrissimis eminentissimisque nobilium familiarum viris constare, aut eligi solitos notius est, quam ut dici debeat. Nihil eorum, quæ in deliberationem veniunt ipsum fugit; in omnia penetrat, eo est æstimio, quo apud summos reges Secretarii status. In vivis dum est, ipsis quoque partitiis multum venerabilis degit, post obitum, publico funere effertur, comitante de more multum frequente senatu, atque ipso etiamnum duce. Taceo nunc Publicos scribas, prætereo plurimos longe qui a secretis sunt, eorumque distinctos ordines ac gradus, cumque iis ipsis, prærogativas illorum inter se, quæ cuncta quanto in plures dispescuntur, quantoque sese ulterius exporrigunt, quanto diffundunt latius, tanto potentius & erroris & improbæ sugillationis adversarium redarguunt, atque convincunt. Errat interim & hic quoque noster homo, quod habendæ libertatis modum ab ipsa libertate non discernat. Romæ quos-

dam optima conditione cives, quosdam mediocri, & quæ infra mediocritatem erat a pessima deterrimaque nec hilum rem otâ conditione, censitos scimus, etiam tum cum Romanorum propria libertas fuit. Nec eam ob causam rationemve Romanorum civium libertati quippiam decessit, aut decessisse scripto quispiam, (quod sciam) reliquit. Quod ipsum si nostræ dissertationi applicamus, nec ovum ovo nec lac lacti fuerit similis. Solonis leges Atheniensibus latas, sciens prætereo, quæ de Spartanis Xenophon prudens omitto, ne in re clara ac per se manifesta longior sim. Videt interitum, ut spero, mecum benignus lector, hoc agere adversarium, nec aliud sibi infausto scripto suo voluisse, quam ut dum Venetos cives publicarum functionum capaces haud esse defendit, ansam ij inde arripiant querelarum, seditionum, factionumque, quibus aut ambitione impotens animus, aut privatam sortem supergressus, æqualitatem, quæ ad miraculum clara & par sibi apud Venetos tot sæculis viguit, ultra non ferant, ac è medio sublatam velint. Frustra. Optima respub. ex optimis civibus constituitur. Optimi mortalium Veneti, optimos cives habent. Constat illis intemerabilis obsequii fides, constat suis sese limitibus coercens, suo se modulo dimetiens, sibi sufficiens, seque ipsa contenta libertas. Est nobilibus erga cives, est civibus in nobiles officiorum tenor inoffensus juxta, ac perpetuus. Nulla alterutri ordinum certamina, nullæ contentiones, præterquam ut ne amore, officio, fide aut benefactis alter alterum vincat. Ad hoc unum contumaces, toti patriæ suæ sese devotos gerunt, cujus tanta ipsis caritas, ut eam non sensu suo, sed ipsius salute metiantur.

F I N I S.



# I N D E X.

A.

- A** Blua fl. 114  
 Acates genus navigii. 104  
 Actiones humanæ in spontaneas, gravate spontaneas & coactas distinguendæ. 109. illa distinctio late explicata. 110, 111, 112  
 Aedificatio in alieno solo quid juris tribuat. 124, 125  
 Aegi maris insulæ à Venetis quibusdam privato sumptu occupata. 430  
 Aegypti regibus quinta pars fundorum omnium debita & unde. 17  
 Aequalitas à natura est. 19, 265. ductandæ multitudini commoda 26  
 Aerarii Veneti quæ vires. 334, 335  
 Aetoli Rom. Majestatem comiter observare jussi salva ipsorum libertate. 95. eisdem item cum Romanis habere amicos & inimicos. 178  
 Agamemnon Rex Regum quare dictus. 117  
 Agilulphus Longobardorum Rex. 52  
 Aistulphus Longobard. Rex. 156  
 Alaricus Gorhor. Rex. 44. Romanam capit. ibid. pacem ab eo Honorius Imper. sæde redimit, ibid. & 45. quæ dona illi ab Imp. oblata. ibid.  
 Albi Galli qui. 219  
 Albinagii jus quid. ibid.  
 Alexander. I I I. Pontifex Rom. 285. Duces Venetos variis dignitatibus auxit. ibid.  
 Alexand. VI. Pontifex arbiter inter Lusitanos & Castellanos. 121  
 Alexandrinorum deditio qualis. 268  
 Allophyli qui. 94  
 Amacina Inf. 150. à Longobardis obfessa & capta. 133  
 Amelandia Inf. Frisiæ contermina. 36  
 Angelus Patriciacus vel Participatius Dux Venetus. 230. inscriptio imagini illius apposta. ibid. quomodo ea sit accipienda. ib. & 231  
 Anonymus scriptor Serutini in quem hic tractatus directus. 4. ille doctus & polyhistor. 8. quis sit illius scopus. 510  
 Antonius Iustinianus Legatus à Venetis ad Maximilianum Imp. missus. 313. oratio quæ illi à Guicciardino adscribitur, conficta. 311 & seqq. usque. 342. nihil tamen Venetor. libertati contrarium continet. 343. & seqq. usque. 368  
 Appellationis jus, signum Majestatis, & quatenus. 375. Cardinali Lotharingo à Rege Galliæ in Barrensi Ducatu concessum. ibid.  
 Arausionensis Principatus. 35  
 Arbiter quod eligatur à non subditis alienus Princeps, jus aliquod in eligentes ipsi non confert. 121  
 Arbitriuales eligi plerumque soleant. 120  
 Archiva Venetor. incendio absumpta & quo tempore. 312. quæ publici juris extant, ubi sint inveniendi. ibid.  
 Ariovistus à Senatu Rom. Rex appellatus. 5  
 Araulphus frater Alarici Gothor. Regis. 45. soror Imp. Honorii ei in matrimonium data. ibid. Romanam petit infestis signis. ibid. ab uxore placatur. 46  
 Attila Hunnor. Rex. 42. Thraciam

# I N D E X.

& Illyrium vastat. *ibid.* in Gal-  
lia clade adscitur. *47.* Italiam  
invasit. *ibid.* & *48, 49*  
Augustulus Imp. *Rom. 82.* ab O-  
doacre Imperio spoliatus. *ibid.*  
A urei velleris dignitas. *176.* à quo  
instituta. *ibid.*  
Aurius Mastro petrus Dux Vene-  
tus, *428.* quo tempore, à quibus  
& quomodo creatus. *ibid.* &  
*429, 430.*  
Auctoritas & ab auctoritate sum-  
tum argumentum quid operen-  
tur. *97, 98*  
Auxilia aliis imperare subiectio-  
nem non inducit. *106, 107, 365*

## B.

**B** Agaudæ qui. *85*  
Bajamon's Theupolus, nobilis  
Venetus. *435.* quousque vixerit.  
*456. in exitum actus 505.* mors  
illius decreta & quare. *456.* cæ-  
tera vide lit. C. in verbo: Con-  
spiratio Bajamontana.  
Balduinus Hierosolymor. Rex.  
*275. 276. Imperator factus. 430:*  
à Turcis captus. *275.* opera illi à  
Venetis navata. *ib.* privilegium  
ex eo ipsis concessum & confir-  
matum. *ibid.*  
Barbi, gens nobilis Veneta. *338.*  
Petri Barbilatus *ibid.*  
Barrensis Ducatus. *375*  
Bartoli & Baldi auctoritas quous-  
que procedat. *306*  
Batavi pop. *26.* Rheni insulam  
incolunt. *ibid.* pars Rom. im-  
perii quomodo fuerint. *ibid.* &  
*27.* Roman. Imperatoribus cor-  
porum custodes. *174*  
Batavis concessum privilegium à  
Rege Galliar. *219*

Beatus Dux Venetus. *225.* inscrip-  
tio imagini ejus apposita. *ibid.*  
quomodo illa sit intelligenda.  
*ibid.* & *226, 227, 228, 229, 230.*  
Belgii fæderati nationes libere. *4*  
Belgii fæderati ordines quomodo  
ad inducias cum Hispaniar. Re-  
ge ineundas descenderint. *ibid.*  
Bellum à Pipino Caroli Magni fi-  
lio contra Venetos motum. *196.*  
eius belli successus & exitus. *ibi.*  
& seqq. usque *214.* item *415.*  
Bellum Hierosolymitanum à Bal-  
duino ope Venet. gestum. *275.*  
*276:*  
Bellum Byzantinum à Venetis  
contra Emanuelem Commen-  
num Orientis Imp. gestum, unde  
ortum. *420, 421.* illius suc-  
cessus & exitus. *ibidem* & *422.*  
*423, 430.*  
Bellum contra Fridericum Barba-  
rossam à Venetis fæderatisque  
pro Ecclesia gestum. *296, 297,*  
quis ejus exitus. *ib.* & *298, 299,*  
*300, 301.*  
Bellum ad Edronem à Venetis ge-  
stum. *485.* bene meriti eo bello  
variis præmiis affecti. *486*  
Bellum Fertariense. *505*  
Bellum contra Venetos à Maxim-  
iliano Imp. & Gallis ex Came-  
racensi fædere gestum, ejusque  
successus atque exitus. *313.* &  
seqq. usque. *368*  
Bellorum calamitates & incom-  
moda omnibus communia. *105*  
Bonacus lacus Venetiarum. *114.*  
Beneficia à ministeriis distinguen-  
da. *112*  
Benventum, oppidum. *234*  
Beneventani hostes facti Carolo  
Magno. *234.* à Pipino debella-  
ti. *ibid.* pacem à Carolo impe-  
trant.



# I N D E X.

trant. ibid. nihil hoc ad res Venetas pertinet. 233, 234  
 Berengarius Imp. 151. fœdus inter Venetos & Italicos renovavit, finesque eor. terminavit, & quo nomine. 256  
 Bernates clientes olim Comitum Allobrogum. 135  
 Bochovium in Brabantia situm. 16  
 Boethia quid. 160  
 Brundulum promontorium ditionis Venetz, 238

## G.

**C**allinicus Exarchus Ravennæ. 137.  
 Cameracense fœdus inter Pontificem, Maximilianum Imp. & Gallicæ Regem contra Venetos idum. 311. & seqq. quis fœderatorum animus. 349. belli inde infecuti successus & exitus. 311. usque 368  
 Campanorum deditio qualis. 268. 269, 344, 354, 366  
 Cancellarius magnus sive Ducalis apud Venetos quis, 109. quæ ejus dignitas & quod munus, ibid.  
 Canonis solutio quando subjectionis argumentum vel non, 87  
 Canonis solvendi causæ plures, ibid. protectionis causa solvi potest salva libertate, 88. propterea ex parte solvitur, 89, 33  
 Capitulare [Advocator. Communis, Codex Archivorum apud Venetos, 372  
 Caprulanus Episcopus ditionis Venetz. 137  
 Carolus Magnus Rex Francorum. 179. à Venetis classe adjutus contra Longobardos, ibid. quo nomine hoc factum, 181. Italici re-

gnum quo tempore Carolus occupavit, ibid. ejus cum Nicephoro imperii divisio & fœdus super re Veneta, 188, & seqq. usque, 194. sub Pipino filio Venetos bello petit, 196. quis belli successus & exitus, ibid. & seqq. usque, 214. inter Venetos, Dalmarasque arbitrer Carolus, 203. 204. 205. 206. illius testamentum ab Eginharto relatum, 235  
 Cassiodorus quo tempore scripserit. 66. ejus Epistola ad Tribunos maritimos late excussa. 91. 92. 93, 94, 95, 96  
 Cato Macedonas quare liberos pronunciavit. 129  
 Censui non præsumitur debitus nisi hoc probetur. 18  
 Centranici, gens nobilis Veneta. 414. unde Salomonii postea nominati. ibid.  
 Cephalenia Insula libera. 27  
 Cerberus, Codex archivorum. Venetis ita dictus. 172  
 Chauci populi liberi. 27. illorum sedes. ibid.  
 Chios insula libera. 27. à Venetis occupata. 422  
 Cives, sive Cittadini, Veneti qui habeantur. 107. multæ illorum prærogativæ. ibid. & 108. honores, dignitates & munera, quorum illi capaces. 108, 109  
 Civitatum, quæ Venetz ditioni subiectæ, quale regimen. 106. 107  
 Classense oppidum Ravennæ proximum. 147. à Longobardis obsessum. ibid.  
 Classis Veneta bello Byzantino peste absumpta. 422, 423  
 Clemens V. Pontifex Rom. 273. Venetos excommunicavit. ibid. mox eos absolvit, & ne in poste-



# I N D E X.

- rum excommunicentur , cavet. 435  
 ibid.
- Clemens VI. Pontifex. 293. Avenioni sedem habuit. ibi. ejus concessio Venetis facta. ibid.
- Clericis & Ecclesiasticis à secularibus Principibus privilegia possunt concedi. 220
- Clientela quid. 355, 356. quis ejus effectus. 362, 366
- Cliens quis. 365. unde dictus. 364. à subito quomodo differat. 354. patrono quatenus sit obligatus. 364
- Coloniæ Cretam à Venetis quare deductæ & quales. 432, 433
- Colonia Iaderam à Venetis cur deducta & qualis. 434
- Comitia Majora Venetis quæ. 385. in quem finem instituta. 386. qui ad ea electi & quo modo. ibid. & seqq. usque 403. item 458. & seqq. usque 465. ætas eorum, 388, 389. conditio & qualitas, 390, 391. nobiles illi semper fuerunt plebe remota. 403. & seqq. usque 454. item 475, 476, 484. munus eor. annuum, 394, 395. decretum anni 1296. de Comitibus Majoribus, illa plebi non interclusa, nec hoc necesse. 457. & seqq. usque, 465. quid illo decreto revera sit actum, ibid. & 497, 498. aditus ad illa Comitia quomodo pateat iis qui antea non fuerat admissi, 460, 461, 462. ob bene merita quamplures quandoque allekti, & quomodo. 484, 485, 486, 487, 505, 506. singuli illi non totæ familiæ, 487. qualis fuerint conditionis, 487, 488.
- Comitia Majora quam habeant potestatem. 399, 400, 401, 402
- Comitia minora quæ. 484
- Commandador, Ital. Venetis quis dictus. 435
- Commendare quid in jure significet. 363
- Commodata sive credita publica Venetis quæ & quomodo dicta, 401, eorum exigendorum modus, ibi. & 402
- Commodus Imp. 9, illius de se ipso dictum, ibid.
- Confirmare, Confirmatio quid, 248, quis confirmationis effectus, ibid. & 258, 259. in confirmatione quæ veniant considerata. 247
- Consilium Quadragintavirale. Vide, Quadragintavirale Consilium.
- Conspiratio Bajamontis Theupoli & Petri Quirini contra Rempub. Veneram, 455, & seqq. usque, 471, quæ fides sit habenda iis quæ ea de re ab Anonymo allegata, 456, 457. quo tempore inciderit illa conspiratio, 465, quæ illius causæ, ibid. & 466, 467, 468, 469, 470, 471, non fuit tota. fam. sed quorundam tantum ex fam. aliquot, 466, conjurator, propinqui insignia sua mutare jussi, 467, plebs conjuratis minime addicta, sed Duci, 470, externis auxiliis usi conjurati, ibid. & 471, à Venetis fusi & fugati, ibi. multa prius damna ab ipsis Reip. illata. ibid.
- Conspiratio Marini Bocconi. Vide Marinus Bocconus.
- Constantini Imp. donatio, quæ Pontifici facta jactatur, nemini credita, 172
- Constantinus Copronymus, Imp. 155.
- Consules unde dicti, 63, quæ illor. apud Romanos dignitas, ibid. Con-

# I N D E X.

Consules Patavio Venetias missi  
quod dicuntur, quo nomine &  
jure factum censeri debeat, [61](#),  
[62](#), [63](#)

Contarenus Cardinalis, tractatus de  
Rep. Veneta author. [371](#), quo  
tempore scripserit, *ibid.*

Contractus & ea quæ in contractum  
transeunt, non possunt revocari,  
[307](#)

Credentiales litteræ quæ, [313](#)

Cremutii Cordi libri Romæ crema-  
ri iussi, [321](#)

Creta Regnum, [411](#), quomodo à  
Venetis acquisitum, *ibid.* & [412](#),  
Coloniz eò à Venetis deductæ &  
cur, item quales, *ibid.* & [411](#)

## D.

**D**Almatia Venetis subiecta, [418](#)  
Decreta magni concilii Venetis  
quomodo appellata, [372](#)

Dedere se qui dicantur, [268](#), [343](#)

Deditionis formulæ Romanis usita-  
ta, *ibid.*

Dentati, sive didente Ital. gens no-  
bilis [Veneta](#), [482](#), quare aliquo  
tempore Comitibus haud admoti,  
*ibid.*

Deposita quid & quis ejus effe-  
ctus, [363](#)

Derelictum quid, [40](#)

Desiderius Longobardor. Rex [377](#)  
Venetor. Ducis filium quo jure  
captum detinuerit, *ibid.* & [178](#),  
ejus in Venetos studium, [180](#)

Devotio quid significet, [93](#)

Devoti qui olim dicti, & qui nunc,  
*ibid.* & [94](#)

Dignitates in Ducibus Venetos colla-  
tae ab Imp. Orientis, [171](#), [172](#)

Dignitatum collatio subditos non  
facit, [173](#), [174](#), quando sit subje-

ctionis indicium, *ibid.*

Directionis verbum quomodo usur-  
pari solitum, [240](#)

Divisio Imperii inter Orientis & Oc-  
cidentis Imp. [131](#), [133](#), ab insequenti-  
bus Imp. s. p. confirmata, [131](#)

Dombensis Principatus in Monpen-  
serii Ducatu, [15](#)

Dominus subditos protegere tene-  
tur, [131](#), [132](#)

Domini appellatio subjectionem  
non indicat, [357](#), quomodo sit  
accipienda, *ibid.*

Domini feudi qua ratione domini  
sui à Vassallis dicti, [358](#), item pro-  
tectores à clientibus, *ibid.*

Dominium quoduplex, [357](#)

Donata quæ res possint, vel non, [172](#)

Dorsum durum, pars urbis Vene-  
tæ, unde sic dictum, [51](#)

Duces in Italia à quo & quo tem-  
pore primum instituti, [145](#)

Duces Venetis quomodo primum  
instituti, [68](#), [411](#), quo tempore &  
quæ, [148](#), [149](#), [150](#), [410](#), primum

Dux quis, [411](#), nobiles illi sem-  
per, [411](#), [412](#) & seqq. usque, [419](#),  
ex omnibus familiis lecti sine dis-  
crimine, qui modo virtute præ-  
cellerent, [473](#), [474](#), eorum ad Se-  
bastiani Ziani tempora catalogus,  
& gesta præcipua, *ibid.* interim  
abrogati & cur, [156](#), [412](#), quo  
tempore denuo restituti, *ibi.* qualis  
illorum conditio, [179](#), quale  
regimen, [373](#), quæ potestas, *ibid.*  
& seqq. usque [378](#)

Duces plures Venetis quandoque  
eodem tempore, [209](#), [411](#), &  
seqq. usque, [417](#), [focium](#) sibi assu-  
mendi facultas quando iis abro-  
gata, [373](#), [417](#)

Duces eligendi modus anno 1172,  
mutatus, [423](#), quis de novo insti-

# I N D E X.

tutus, ibid. & qui ad novi Ducis electionem ordinati, 424. 425.  
426. item anno 1188. muratus ordo. & quomodo atque à quibus tunc facta electio. 429. 430. ut & anno 1268, pag. 436. & seqq.  
Ducum electio ad populum nunquam spectavit, 426. 427. 428. 429. 430. nec plebis eà in re desiderium unquam attentum, 438. 439.  
Duodi, gens nobilis Veneta, 338  
Petrus Duodus legatus Brixia, 339. Ejus laus, ibid.

## E.

**E**cclesiasticum regimen à seculari separatum. 128. 262. 263  
Electores Veneris qui, & quod eorum munus, item modus ipsos eligendi qualis, 379. 380. 381. 382. 383. 384. Magistratum creandorum illis cura ut plurimum demandata, 399. Nobiles illi semper, 440. 441  
Electores anni & Electores medij anni unde dicti & quæ eorum differentia, 380  
Electorum nomina quare in electionibus ab ipsis factis singulatim exprimenda, 440  
Emanuel Commenus Imp. Orientis, 420. Auxilia illi à Venetis denegata & quare, 421. Bellum inde inter ipsum & Venetos. ibid. Fraudulenta ejus consilia, ibid. & 422. Belli quis successus & exitus, ibid. & 430.  
Emphyteusis non præsumitur constituta, nisi probetur. 18  
Equilibrium opp. à quibus conditum. 142. unde dictum, ibid. cur deinde deletum & solo æqua-

tum, 414. 415  
Etymon & Etymologia quid, & quale argumentum inde ductum, 158  
Exarchi Revennates Imperatoribus subditi, 126: quamdiu Italiam rexerint, 148. unde dicti, ibid. eorum omnium catalogus. ibid.  
Exarchi non solum Ravennæ sed & alijs in locis fuere, 168  
Exemptio Italiz urbibus aliquot concessa ab Imp. qualis, 260. 261.  
Exhilaratus Campaniz Dux una cum filio occisus, 157  
Expelli & repelli quid differant, 493  
Extranei in alterius territorio delinquentes ibidem possunt puniri, 222

## F.

**F**acultas quid, 11. unde dicta, ibid.  
Facultas & jus aliquid agendi in quo differant, 11. 12  
Feudalis res nulla præsumitur, nisi probetur, 18  
Fictiones plures simul concurrere non possunt. 56  
Fictioni ut sit locus, quæ requirantur, ibid.  
Fideles qui, 238. à subditis differunt, ibid.  
Fides in fœderibus quid, 265  
Fides quanti hominibus æstimanda, 367. 368  
Filij appellatio non subjectionis sed dilectionis est indicium, 152  
Florentini Venetis æmuli, 320  
Bello Pisano à Venetis claudibus adfecti, ibid.  
Fodrum quid, 274  
Fœdus quid, 244. 265, 283. unde dictum,

# I N D E X.

dictum, 265. nihil habet communecum subjectione, ibid. per se jurisdictionem non tribuit, 270. 283. 284.

Fœderum ineundorum diversa ratio, 265. 266. 267. 268. 269.

Fœdera æqualia vel inæqualia, 265. 266. inæqualium quæ causa, ibid. inter pares vel impares ineuntur, ibid. & 267. 268. æquale esse præsumitur fœdus ubi aliter non constat, 269. 270. ex fœdere si quid debeat, de quali fœdere id intelligendum in dubio, 284.

Fœdera contrahere qui possint vel non, 283.

Fœdera inter Romanos & reliquos Italix populos ista, qualia fuerint, 59. quæ fœdera æqualia & cum quibus, quæ secus, ibid.

Fœdera inter Venetos & cæteros Italicos sæpius renovata, 295.

Fœderatis in fœderatos est imperium salva cuiusque libertate, 95. 96.

Fœderibus ab utraque parte etiam alios comprehendi solitum, 247.

Fortunatus Gradenſis Episcopus, 185. 413. ejus in Duces Venetos conspiratio, ibid. & 414. Fuga in Galliam, ibid.

Franciscus Fontabonus Bajamontanz conspirationis particeps, 502. oculis orbatus, 503.

Fridericus II. Imp. 292. à Pontifice excommunicatus, ibid. Fœdus contra ipsum inter Venetos aliosque Italix populos pro Ecclesiâ, 297. illius filius navali prælio victus à Venetis, 296. pacem petere ipse compulsus, 297. 298. pax Constantiæ inde secuta, 295. 296. 299. 300.

Fridericus III. Imp. 293. arbiter inter Venetos & Aquilegiensem Patriarcham, 294. controversias ad Pontificem remittit, ibid. Venetias accedit, ibid. ejus de Venetæ libertate testimonium, ibid.

Frisij corporum custodes Romanis Imp. 175. illorum in Pop. Rom. fides, ibid.

## G.

Gallix Regum libertas qualis, 22.

Gastaldus five Gastaldio, Venetis quis, 437. ex quibus creari solitus, ibid. quod ejus munus & quæ prærogativæ, ibid.

Gebenneps civitas, 35.

Genuenses Venetis ob Cretæ acquisitionem insensu, 432. bellum ex eo contra Venetos frustra movent, ibid. item deinde ob S. Sabæ monasterium, 434 à Venetis victi, ibid.

Germani pop. liberi, 174. Corporum custodes Rom. Imperat. ibid.

Germaniæ civitates aliquot liberæ jus eundem monetæ quomodo exerceant, 253. 253.

Gnydos Ins. 27.

Gothorum aliarumque gentium in Italiam adventus quo tempore inciderit, 102.

Gradus Ins. ditionis Venetæ, 126. pars Venetæ urbis, 128.

Gradenſis Ecclesia metropolis ditionis Veneræ constituta. 263. immunitates eidem & beneficia ab Othone Imp. collata, ibid. nihil hoc commune cum Venerator. libertate, ibid.

Gradenici, gens nobilis Venera.

# I N D E X.

Vide Petrus Gradenicus.  
 Græciæ urbes inter se fœdere jun-  
 ctæ salva cuiusque libertate, 92  
 B. Gregorius magnæ auctoritatis  
vir. 137. ejus in vigâ sanctitas, ibid.  
 Gregorius III. Pontifex quo tem-  
 pore, 157. litteras dat ad Ducem  
 Venetum & qua de causa, 158  
 ejus Epistola in hanc rem scripta  
 late excussa, 161. 162. 163  
 Gregorius IX. Pontifex, 292. ejus  
 de libertate Venetæ præclarum  
 testimonium, ibid.  
 Guelforum & Gibellinorum se-  
 cussio, 302  
 Guicciardinus rerum Italicar. scrip-  
 tor magni nominis, 319. odio  
 minus temperans, ibid. & 320.  
 Vrbinati Duci infestus, 320. item  
 Venetis & cur, ibid. ejus patria,  
ibid. oratio quæ ab illo adscribi-  
 tur Ant. Iustiniano Venetor ad  
 Maximilianum Imp. Legato,  
 conficta esse varie probatur, 311.  
 & seqq. usque, 342

## H.

**H** Adrianus Imp. 321. omnia trans  
 Tigrim & Euphratem reliquit  
 & cur, ibid.  
 Hadriatici maris lacunæ à Venetis  
infectæ. 28. à nemino ante occupa-  
 tæ, ibid.  
 Hadriatici maris imperium jam o-  
 lim tenuerunt Veneti, 293  
 Helvetii pop. liberi, 4. illorum li-  
 bertas qualis, 7. 21. quale & regi-  
 nem, ibid. 22. exteris Principib.  
 ad corporum custodiam plerum-  
 que adhibentur, 174. mercede  
 conducti in bello aliis serviunt  
 salva libertate, 181  
 Henricus. IV. Imp. 282. multa Ve-

netis beneficia contulit, ibid. &  
289. quædam & illi à Venetis  
 promissa, ibid. 282. eaque omnia  
 ex fœdere publico, ibid. arbitrer  
 ipse inter Venetos & Patavinos,  
288. quo tempore, 289. Venetis  
 quo tempore deinde profectus,  
ibid. ejus cum Venetis pactum,  
290.

Heraclea urbs à quo condita, 140.  
 unde ita dicta, ibid. & 141. quæ  
 re nova urbs postea appellata,  
142. cur deleta & solo æquata,  
414. 415.

Heraclius Imp. 140. ejus pietas &  
 in sacrum ordinem studium, ibid.  
 & 141. item lapsus in hæresin.  
ibid. & 142.

Hermodorus Ephesius Romæ Leg.  
 xii. tab. author. vel interpres,  
64.

Hillebrandus Rex Longobardo-  
 rum, 156

Hispaniarum Rex annuas præsta-  
 tiones debet quibusdam sibi sub-  
 ditis, & quales ac qua de causa,  
285.

Homines omnes aut liberi aut servi,  
 tertium non datur, 19. omnes à  
 natura æquales, ibid.

Honorius Imp. 41. 44. 45. 46. se-  
 dem suam Roma transfert Raven-  
 nam & cur, 43. pacem ab Ala-  
 rico fæde tedimit, 44. virtutis  
 simulacrum consilii curat pecu-  
 niæ conficiendæ causa, ibid. quæ  
 dona Alarico obtulerit, 45

Hostis quis, 158

## I.

**I** Adera urbs, Venetis subiecta,  
433. colonia eò quare deducta &  
 qualis, 414  
 Impe-



# I N D E X.

Imperator quod intentionem habere fundatam semper quoad jurisdictionem dicitur, quomodo sit intelligendum, 18. 72. 73. ejus Jurisdictio unde promanarit, ibid.

Imperatores Rom. nunquam totius Orbis fuerunt domini, 73. 74. 75. 76. 77. 78.

Imperatorum Romanorum post Valentianum ad Augustulum usque catalogus, 82

Imperatores Constantinopolitani. olim tutores Ecclesiarum, 163. tutela ab iis translata, & cur, ibid.

Imperatorum in Italia regimen quale, 259. 260. 261.

Imperii & domini differentia, 60

Imperium quale habeant socii in socios, 95. 96

Imperium consortium non admittit, 189. individuum est & quatenus, 190

Imperii summi natura quæ, 247. 248.

Imperii nomen ab imperii vi quandoque semotum, 374

Imperiorum, ut hominum, distincta ætas, 239

Imprestita Venetis quæ dicuntur, 401. ea exigendi modus, ibid. & 402.

In, dictio, sæpe significat, contra, 226. 227.

Injuriz quatenus curandæ, 320. 321

Inscriptio Beati Ducis Venetor. imagini apposita, 239. quomodo sit intelligenda, ibid. & seqq. usque 230. item quæ apposita imagini Angeli Participatij, 230. 231. & quæ ædi D. Zachariæ sacre, 236. 237. 238.

Insulæ Italiz quatenus Italiz pars. 26. nihil facit contra Venetor,

libertatem. ibid. 27. 28. 29. 30.

31. 32.

Insulæ quam plures liberæ, 26. 27

Insulæ Italiz liberæ, 27. 28. nec Imp. Romanis subiectæ, ibid.

& 29.

Insulæ sive lacunæ Hadriatici maris à Venetis infestæ, 28. quales illæ, 38

Ioannes Gradenfis Episcopus, 413. ejus laus & vitæ exitus, ibid.

Italiz quis status sub adventum Attilæ, 47. 48. 49

Italiz populi plerique cum Romanis foedere juncti, 92

Italia omnis, præter Venetias quondam in patrimonio Caroli Magni Imp. 259. quæmodo ab imperio deinde exempta, 260 261.

Judæorum dura apud Germanos causa, 135. in tutelam aliorum se ut plurimum addicunt, ibid. ab eâ tamen semper exire possunt, ibid.

Julius Cæsar ab Antonio Rex salutaris, 5

Julius II. Pontifex, Venetis infestus, ultrò cum ijs redit in gratiam, 351. 352

Jurisconsulti munus in respondendo, 78

Jurisdictio in alios ut adquiratur quæ sint necessaria, 31

Jurisditionis & domini differentia, 31

Jurisdictio universitati adquiri ex facto singulorum quomodo possit vel non, 34. 35. 36. 37. 38

Jurisdictio provatorum consensu non potest conferri, 62.

Jurisdictio prorogata non extenditur extra actum prorogationis, 120.

Xarif.

# I N D E X

Iurisdicctio individuum quid, & qua-  
tenus, 190  
Iustiniani, gens nobilis Veneta,  
437. quomodo restaurata, ibid.  
Iustinianus Imp. Francis cessit quæ  
à Gothis recepta, 76  
Iustinianus Participatius Dux Ve-  
netus, 236. ædem D. Zachariæ  
sacram Venetiis extruit, ibid. &  
237. inscriptio illi appositæ, quo-  
modo intelligenda. ibi. 238, 239  
Iustinopolis quo tempore in ditio-  
nem Venetam recepta, 396  
Iustitia omnibus communis, 10

## L.

**L** Aurentius Theupolus Dux Ve-  
netus, 437. quomodo & à qui-  
bus electus, 436  
Legatos mittendi jus quibus com-  
petat vel non, 252  
Legatis necessaria mandata sive Cre-  
dentiales litteræ, 333. ex ab iis  
ad quos diriguntur asservari so-  
litæ, ibid.  
Legitimitio quid & quis ejus effe-  
ctus, 258, 259  
Leo Armenius Imp. 237. ædem D.  
Zachariæ sacram Venetiis extrui  
mandat, ibid.  
Leo Isauricus Imp. Rom. 154. Ico-  
nomachus dictus, & cur, ibi. mo-  
tus contra ipsum & Exarchum per  
totam Italiam, 155. quo tempo-  
re, ibid. & 156, 157. ipse à Pon-  
tificæ excommunicatus, 157  
Liber homo non est in commercio,  
172. 146. donari non potest,  
183  
Libertas bifariam in hoc tractatu  
accepta & quomodo, 3  
Libertas quid, quoad universam  
remp. respicit, 3. & quid quoad

singulos, 6  
Libertati quoad singulos opposita  
servitus, 6  
Libertati, quoad universos, opposi-  
tum regnum, 4. 6. rebusp. pro-  
pria libertas, ibid. 4.  
Libera resp. vel civitas quæ, 4  
Libertas in aristocratico regimine  
qualis, 7  
Libertas à natura esse cur dica-  
tur, 9, 10, 11  
Libertas omnibus communis, 10.  
& publica res, ibid.  
Libertas quanti semper æstimata,  
10, 11, 135, 136.  
Libertas quare facultas dicta, 11  
Libertatis effectus 12, 13. ejus fru-  
ctus, 107  
Libertas vi externa non minuitur,  
13. item nec juris, Legum aut ra-  
tionis præceptis, 14  
Libertas rerum qualis, vide Res,  
Libertatem qui, ejus contrarium  
debet probare, 21. pro libertate  
in dubio pronunciandum, 34  
Libertatis indicium præcipuum,  
quos lubet, sibi præficere, 65  
Libertas majus vel minus non re-  
cipit, 84  
Libertas non minuitur nuda asser-  
tione in contrarium, 122. item  
nec dando se in clientelam, 134  
Libertas & libertatis habendæ mo-  
dus vel exercitium, distinguen-  
da, 244  
Libertatem non liberis dare quis  
possit, 245  
Libertas privilegio nec dari nec  
confirmari potest, 258  
Libertatis exercitium liberum quo-  
modo ab alio possit peti & con-  
firmari salva ipsa libertate, 258.  
ejusdem confirmatio quid disse-  
rat à legitimatione, ibid. & 259  
Liber-

# I N D E X

Libertatis possessio quomodo privilegio vel præscriptione possit defendi, 303. 306. 307. 308.  
 Liberras ex falsa causa data non potest revocari, 307  
 Ligii homines qui, 365  
 Lociensibus qualis ab Annibale pax data, 107  
 Longinus primus in Italia Exarchus, 145. Ravennæ sedem posuit, ibid. Duces in Italia instituit, ibid. Venetiis benigne exceptus, 145. 147. ab Imp. domum revocatur & cur, 147. 148  
 Longobardi Atrianæ sectæ additi, 141  
 Lotharius Imp. 239. ejus ad Ducem Venetum Epistola excussa, ibid. & 240  
 Ludovicus Helianus Regis Galliæ Legatus, 329. ejus oratio ad Germaniæ Principes contra Venetos habita, ibid. & 330. 331. 332.  
 Luytprandus Longobardor. Rex, 156.

M.

**M**agistratibus lata & tristia adscribi solita, 376. 377  
 Magistri militum vel Equitum à Venetis quando instituti, 68. 156 169. nobiles illi semper & patricii, 412  
 Magistri militum apud Græcos & Rom. 169  
 Majestas regibus propria, 4  
 Majestas quid, 261. quanti regnantibus æstimata, 295. in quo vera consistat, 356  
 Maiestatem alterius comiter conservare quid, 355  
 Mandata & iussa quomodo differant, 92. 237. 238

Manumissio semel approbata non potest retractari, 307  
 Marcus Sanutus patricius Venetus Ionii & Ægei Dux, 430  
 Marini Bocconis conspiratio in Remp. Venetam, 491. Iustiniani Historici circa eam fides suspecta, ibid. & 492. ejus locus examinatus, 493. conjurationis causa varie tradita, ibid. & 494. 495. quæ fuerit vera, 496. quod ob interclusa Comitia oborta dicitur, falsum, 496. 497. 498 500. 501. Conjuratis aditus fuit ad Comitia, 500. quis scopus conjuratorum, 502. ad Pontificem se conferunt, 503. Legati à Pontifice ea de causa Venetias missi, ibid. eorum petitio, ibid. Venetor. ad illam responsio, 504  
 Maritimum Venetor Imperium quanti semper habitum, 334  
 saluum id semper ipsis ibid.  
 Masinissa à Scipione Rex appellatus, 5  
 Mastropettri gens nobilis Veneta, Vide Aurius Mastropetrus.  
 Mattiaci pop. Insulas incolunt, 27.  
 Liberi semper, ibid.  
 Mauritius II. Venetor. Dux, 413. patria pulsus & cur, ibid. & 414.  
 Maximilianus Imp. 313. Venetor. Legatos non admittit, 315. & seqq. a milicibus deferitur, 317. ipse petit ut Veneti legatos ad se mittant, 351  
 Medij in bello utrique parti invisi, 178.  
 Megareses Alexandrum Magnum civitate donant, 176  
 Metamaucum à Venetis desertum, 198. a Pipino excisum, ibid.  
 D. Michaelis templum ad Brundulum  
 V u u l u m

# I N D E X

lum à quo restauratum, 238  
 Ministeria & beneficia sunt distinguenda, 112  
 Mintius fl. 114  
 Molini, gens nobilis Veneta, 1339  
 Aloisii Molini insignis oratio in Senatu habita. ibid. & 340. ejus laus. ibid. & 141. 142.  
 Monetæ cudendæ jus, quod Venetis ab Imp. concessum dicitur, quomodo accipiendum, 252  
 253. 254. 255. 256.  
 Monetæ cudendæ jus duplicem habet respectum, & quomodo, 253  
 quare pluribus concessum, 255.  
 alieno beneficio quod id habeat quispiam, quando sit subjectionis indicium vel non, ibid.  
 Monetæ regnantium imagines vel insignia quare insculpi receptum, 253. à quo id primò inventum, ibid. proprio signo eam notare summi est imperij, 254  
 Monetæ Venetor. quibus insignibus notari solitæ. 253. 254  
 Monetæ cudendæ jus Germanicæ civitates quomodo habeant, ibid.  
 Monetariæ leges quales inter liberos Principes vel Popp. ferri soleant, 255  
 Monothelitarum hæretici, 141. eorum doctrina, ibid.  
 Munera dare invicem liberis Principibus frequens, 281. quæ de causa, ibid. ab inferioribus potentiori data quomodo æstimata, ibid. & 282  
 Mytilene Ins. 27

N.

**N** Ani, gens nobilis Veneta, 461  
 462.  
 Narses Iustiniani Imp. in Italia bel-

li Dux, 116. Venetias accedit, ibid. Legati eo ad illum conveniunt, ibid. & 117. societas inter ipsum & Venetos, 117. arbiter inter Venetos & Paravinos, 118  
 119. ædem sacram Venetijs ædificavit, 124  
 Natura omnes fecit æquales, 19. à natura quæ sunt, non egent probatione, ibid. & 20. 21.  
 Nicephorus Imp. 188. eiuscum Carolo Magno foedus quoque rem Venetam late excussum, ibid. & seqq. usque 194. ejus de Francis judicium, 1266  
 Nobiles multæ apud Venetos familiarum, 377. & perantiquæ, ibid.  
 Nobiles solos sive patricios Venetos semper ad Majora Comitia vocatos, & præfuisse administrationi Reip. 408. & seqq. usque ad finem. à plebe distincti semper fuerunt, 418. 419. & speciatim in electionibus faciendis, 442. 443  
 non nobilibus etiam quædam munia concessa, & qualia, ibid.  
 Nobiles aliqui quare ad dignitates admoti, alij minus, 471. 572. illorum nulla unquam differentia. 473. 474.  
 Nobiles & Ignobiles in eadem stirpe unde, 484  
 Nobiles Veneti in Colonias missi prærogativas in urbe retinent, 433.  
 Nostrium proprie quid, 116  
 Numa Pompilius Curetibus Romanam ad regendum arcessitus, 61  
 Nummi unde dicti, 253  
 Nummi bigati Romanis unde appellati, 254. item Servati & Servati, ibid.

Oble-



# I N D E X.

O.

- O**belarius Veneror. Dux, [222](#), à Venetis quare defecerit, [223](#), à Carolo Magno ad Imp. Constantinopolitan. quod missus dicitur, quo jure factum censi debeat, [222](#), [223](#), [224](#), ejus exitus qualis, [224](#)
- Occupatio est juris naturalis, [40](#), quomodo sufficiens ad adquirendum dominium, [ibid.](#)
- Odoacer, Italiz Rex, [81](#), à Theodorico victus & occisus, [ibi.](#) & [81](#)
- Omne & totum quomodo differant, [71](#)
- Opitergium opp. [140](#), à Longobardis excisum, [ibid.](#) & [141](#)
- Otho Imp. [162](#), Gradensi Ecclesiz immunitates concedit & quo nomine, [163](#), querelæ à Vitali ad ipsum delatz de Venetis & quo nomine, [270](#), [271](#), cura de re placandum Imp. duxerint Veneti, [ibid.](#)
- Otho **I I I.** Imp. [271](#), diploma ab ipso Venetis indultum quo sit nomine, & quomodo id intelligendum, [272](#), [273](#), item privilegium de portu, mercatu, &c. [274](#), [277](#)

P.

- P**acifici absenti & ignoranti nemo potest, [245](#)
- Pacta proprie sunt, quæ privilegia Venetis ab Imp. concessa, [290](#), [291](#)
- Pactorum libri Venetis qui, [290](#)
- Palzologus Imp. 401, induciæ inter illum & Venetos, [ibid.](#)
- Pallii aurei annua præstatio, Venetis objecta, quo jure sit censenda

- [272](#), [280](#), & seqq. usque, [286](#)
- Par in patem an & quomodo jurisdictionem possit habere, [62](#)
- Parentium civitas, 401, Venetis dedita, [ibid.](#)
- Pares in fœderibus ineundis qui vel dispares, [266](#), [267](#)
- Parisinus vel Parisiensis in Gallia Senatus arbiter inter Imperatorem & Pontificem super Regno Neapolitano, [121](#), idem Senatus fœdera inter Castellæ & Lusitaniz Reges sancit & promulgat, [ibid.](#)
- Partes Concilii, Venetis quid, [272](#)
- Patavium à quo conditum, [24](#), quis ejus aliarumque vicinarum urbium status, quo tempore Venetiz habitari [coepit](#), [49](#), [50](#), à Barbaris sæpius captum, direptum & incensum, [52](#)
- Patavini, pars eorum à quibus urbs Veneta primum habitata, [51](#), nullum tamen in cæteros sibi imperium asserere sunt conati, [ibid.](#) & [52](#), [53](#), nec sibi aut Civitati Patavinz asserere ullo modo potuerunt, [54](#), [55](#), [56](#), [57](#), [58](#), cum cæteris tandem Venetis in unum nomen coaluere, [52](#), [53](#)
- Patavini nunquam Pop. Rom. subditi, [59](#), [127](#), amici Romanis, & æquali fœdere juncti, [ibi.](#) eorum in Romanos bene merita, [118](#)
- Patavini Consules Venetias misisse quod dicuntur, quo jure & nomine factum censi debeat, [61](#), [62](#), [63](#), item quod Doctorem ad condenda statuta, [64](#), illor. de Venetis ad Narsetem querela, [18](#), [19](#) etiam ad Gothos de Venetis conquesti, [123](#)
- Patricii qui & unde dicti, [127](#)
- Patricii sive nobiles Veneti, soli semper ad Majora Comitia vocati, [Vuu 2](#)



# I N D E X.

- cati, Reip. soli præferre, [408.](#) & seqq. usque ad finem, à plebe & populo distincti, [418. 419.](#)
- Patriciacii, sive Participatii, gentinobilis Veneta, [230.](#) eadem quæ nunc Badoarii dicta. ibid. V. littera. A. Angelus Participatius. item L. Iustinianus Participatius. & infra. Petrus Participatius.
- Patronus unde dictus. [364.](#)
- Patronatus jus in. beneficialibus, quid, & quis ejus effectus. [365.](#)
- Paulus Exarchor. Penultimus Ravenna pulsus, [164.](#) Venetias refugit. ibid. opem Venetor. implorat. ibid. ejus in hanc rem ad Venetos oratio. ibid. & [165.](#) Veneti Ducis ad illam responsio. [165.](#) [166.](#) Ravennæ deinde occisus Paulus. [155.](#) [157.](#)
- Pax Constantiæ inter Venetos fœderatosque & Imper. Fridericum II. facta, [295.](#) nihil imminuit, sed firmat contra Venetor. Libertatem. [296.](#) & seqq. usque. [304.](#)
- Pax grata semper & utrique patri expediens. [226. 227.](#) pacis conditiones quamvis duræ libertatem non infungunt. [302. 303. 304.](#)
- Pelagius Pontifex Rom. [127.](#)
- Peloponnæsi Civitates, quæ communia ex fœdere habuerint salva cujusque libertate. [117.](#)
- Perfarum institutum in puniendis reis. [180.](#)
- Personarum divisio in liberas vel servas. [19.](#)
- Per personas liberas absque mandato nobis adquiri non potest. [54.](#)
- Petrus Gradenicus Dux Venetus. [439.](#) quo tempore & quomodo creatus. [438. 439.](#)
- Petrus Participatius Dux Venetus. [231.](#) inscriptio imagini illius apposita. ibid.
- Petrus Quirinus nobilis Venetus. [455.](#) mors illius iterarè decreta & quare. ibid. Vide. Conspiratio Bajamontis.
- Pipini donatio, quæ Pontifici facta jactatur imaginaria. [172.](#) a Carolo filio confirmata quod dicitur, quatenus possit tangere rem Venetam. [182. 183.](#)
- Pipinus Caroli Magni filius bellum movet contra Venetos, & cur. [196. 226.](#) quis belli successus & exitus. [196. &](#) seqq. usque 214. item. [226. 227. 228. 229.](#) Mediolani obit Pipinus. [203.](#)
- Pontifices Romani primo quales, & eorum progressus. [163.](#)
- Pontifex Rom. ab Imperator. Privilegia potest accipere. [219.](#)
- Pontificis Romani imperium in secularibus nunquam agnoverunt Veneti, [271.](#)
- Portoria ex qua causâ & Inter quos exigi solita. [89.](#) subjectionem solutio non arguit. ibid.
- Possessio vi acquisita vix est diuturna. [49.](#)
- Possessor petere potest ut sua sibi renata firmetur. [258.](#) quis ejusmodi firmationis effectus. ibid.
- Postliminij jus quid, & ubi locum habeat. [77.](#)
- Potestatem in alios habere qui non possunt. [17.](#)
- Praefectura apud Romanos quæ & unde dicta. [60.](#)
- Praescriptionis immemoralis quis effectus. [306.](#)
- Praestatio annua quatenus sit subjectionis indicium. [282.](#)
- Praestationes annuæ a Regib. Romanis Turcarum Imperatori dependent. [282.](#)

# I N D E X,

se. 182. &c ab ipso Turta alijs, 283. etiam à Principibus quibusdam suis subditis, 285  
 Præsumptio naturalis rejicit onus probandi in negantem, 19.  
20. item præsumptio juris, 21.  
306. præsumptio præsumptionem elidit, 34. præsumptionibus locus non est, ubi probationes possunt haberi, 37  
 Privilegium à Carolo Magno Gradenſi Episcopo datum quale & cur datum, 185. 186  
 Privilegia Venetis ab Imp. concessa, salvatamen ubique ipsorum libertate. 216. 217. 218. 219  
220. 221. pactorum nomine proprie veniunt, 290. 291  
 Privilegia quot modis concedantur, 216. vi imperii concedi quibus non possint, ibid.  
 Privilegia clericis concessa extenduntur etiam ad clericos alterius ditionis, 220  
 Privilegia non subditis data in contractus transeunt, 220. 221  
 Privilegiorum effectus triplex, 217  
 subjectionem non inducunt, ibid. & 218. 219. 220. 221. ad rationem eorum non requiritur ut accipiens sit subditus concedentis, 220  
 Proba Venetis quid, 464  
 Probatione non egent, quæ a natura sunt, 19. 20  
 Proedrus quis, 174  
 Proposta Ital. quid apud Venetos, 390.  
 Protectio proprie quid, 285. 355.  
356. a subjectione separata & cur, ibid. & 354. Majestatis jus non confert, 355. 356. 362. 363  
 quid comprehendat, 356. quis ejus finis, ibid.

Protectionis nomine quod dependitur libertatem non minuit. 88.  
284. 361. à cliente honoratum præstari pro protectione, proprium quodanimodo est protectionis, & cur, 359. quis effectus istiusmodi præstationis, 360. a tributo a subdito dato differt, ibid. proprie Boethia dicitur, ibid.  
 Protectiones gratis præstitz clientibus damnosæ, 360  
 Protector qua ratione dominus a cliente appelletur, 358. lus habet animadvertendi in clientes & quomodo, 364  
 Protosebasti qui, 175  
 Provincie quæ Romanis dictæ, 29  
46. ab Insulis Italiæ quomodo differant. ibid.

Q.

**Q**uadragesimale Consilium Venetis, 477. tria ejus capita, ibid. idem etiam hodie numerus & ordo qui olim. ibid. & 478.  
481. qui anno 1296. ex quaque tribu isti consilio interfuerint, 478. 479. 480. 481. bini ex eadem familia admitti non possunt, 481

R.

**R**achis Longobardorum Rex, 156.  
 Ridagisus Rex, 11  
 Raucurtianus Ducatus, 35  
 Rebellis quis, 118  
 Regium nomen a Romanis socijs Regibus beneficij instar attributum, s. quam illud alioqui invisum Romanis, ibid.  
 V u u 3

Re-

# I N D E X

Regnum & libertas opposita, 46.  
Repelli & expelli quid differant, 49.

Res omnes libera à natura, 15. 16.  
& tales præsumuntur nisi probe-  
tur servitus, 17  
Rhodus Inf. 27. Rhodij liberi, ibid.  
Rivus altus pars urbis Venetæ, 51.  
à Patavinis primum infessus, &  
qua de causa ac quo animo, ibid.  
& 52. 53

Roma a Gothis capta & direpta, 43  
Romæ omnis conditionis homines  
inter cives censiti, 510

Romanorum libertas quando insti-  
tuta, 5.

Romanorum progressus qualis, 39  
unde illi sua instituta mutuati, 63

Romani Imperij quis status sub ad-  
ventum Gothorum, 40. 41. 42.  
43. 44. 45. 46. & eo tempore quo  
Venetiæ habitari cepte, 81. 82. 83  
84. 85. 86.

Romani Reges certam quotannis  
pecuniam Turcarum Imp. depen-  
dere tenentur, & quare, 282

Rudolphus Imp. 251. Ius euden-  
dæ monetæ Venetis confirmasse  
quod dicitur, quo nomine fa-  
ctum censeridebeat, ibid. & 254  
255. 256.

Runenfe territorium in Drentino  
tractu, 35

Rupella urbs Galliæ, 132. quon-  
dam Anglici fuit Iuris. ibid. libe-  
ra deinde, ibid. Gallis iterum  
cessit certis conditionibus, 133

S.

**S**abini sua instituta & leges unde  
sumpserint, 63.

Salomonii, gens nobilis Veneta,  
424. unde ita cognominati, ibid.

Samunis Inf. 17  
Scriptoribus quæ sit fides tribuen-  
da, 319.

Sebastianus Zianus Dux Venetus,  
375, quo tempore ibid, quis in  
illius creatione servatus ordo, 423.  
424. 425. 426.

Sedanensis Ducatus, 35.  
Sedes Curulis Venetis a Pontifice  
concessa, 296. alii insuper honores  
communicati. ibid.

Sergius Senonensis templum B.  
Michaëlis ad Brundulum restau-  
rat, 238.

Servitus & Libertas opposita, 6.  
Servitutis appellatio quid compre-  
hendat, 12.

Servitus personarum quid, 19. un-  
de originem habeat. ibid.

Servitutes prædiorum non præsu-  
muntur, 17. 18.

Situs rei non est modus acquirendi  
dominium, 33.

Situs per se jurisdictionem non tri-  
buit, ibid. & 34. 35. 36. a sic du-  
ctum argumentum quam vim ha-  
beat. ibid. præsumptiva tantum  
concludit, 34.

Smaragdus Patricius Ravennas, 127  
Gradum vi occupat. ibid. Aquile-  
giensem Patriarcham aliosque  
Episcopos Ravennam captivos  
abducit. ibid. & 129. ejus mors  
128.

Socii in socios habent imperium, sal-  
va cujusque Libertate, 95. 96.  
106. 108. 117.

Spatarii qui, 174.

Spontaneum quid, 110.

Stipulari alteri nemo potest, 245.

Stratonicea Inf. 27.

Subditi qui, 119. Dominis suis  
opem ferre tenentur, 161. supe-  
riores suos ad jusjurandum præ-  
stan

standum compellere non possunt,  
 301.  
 Subditum esse, & præstare quæ sub-  
 diti differunt. 108.  
 Subjectio individuum quid. 69.

T.

**T** Alliæ non præsumuntur debi-  
 tæ, nisi hoc probetur. 18.  
 Tarvisum opp. 113.  
 Tarvisani montes. ibid.  
 Tempia plurima Venetiis ab Imp-  
 eorumve legatis, ut & a privatis po-  
 sita. 238.  
 Territorium quid. 36. unde dictum.  
 ibid. quomodo sit accipiendum.  
 ibid. aliud esse in territorio locum  
 situm, aliud illum esse de territo-  
 rio. 35  
 Theodorus Hypatus Venetor. Dux.  
 156.  
 Theodoricus Odoacrem Italiæ Re-  
 gem vincit, & occidit. 82, quale  
 ejus regimen. 83.  
 Theodoricus Odoacrem Italiæ  
 Regem vincit, & occidit, 82  
 quale ejus regimen, 83  
 Theudibertus Francor. Rex, 114  
 Theupoli, gens nobilis Veneta.  
 Vide Laurentius Theupolus.  
 D. Thomas Aquinas, 373. quo  
 tempore scripserit. ibid. ejus  
 laus, ibid.  
 Thracum lex in conferendis bene-  
 ficiis, 176  
 Torum & omne quomodo differ-  
 rant, 71. argumentum à toto ad  
 partem quale, 37. quando ha-  
 beat locum vel non, ibid. & 38.  
 in derelictis non procedit. 40  
 Tradonici, gens nobilis Veneta,  
 239. Vide Petrus Tradonicus.  
 Trevirensis civitas in clientela E-

piscopi, 363. 364.  
 Tribuni unde dicti, 67. sub Im-  
 peratoribus quales & quot ge-  
 nerum, 168. populare illorum  
 ab initio nomen & munus, ibid.  
 magna apud Romanos authori-  
 tas, ibid.  
 Tribuni apud Venetos quomodo  
 primū instituti, 65. 408. 409. 410  
 quo tempore, 66. a quibus crea-  
 ti & quomodo, 67. quale eorum  
 fuerit imperium, ibid. & 168. a  
 quibus denique abrogati, 68. tri-  
 buni duo quondam pari cum  
 Duce potestate, ibid.  
 Tribuni maritimorum Cassiodoro  
 qui, 91. 92  
 Tributa trium generum, 89. a libe-  
 ris Principibus vel Populis ali-  
 quando depensa & quare, 281.  
 282, 361.  
 Tributum à Venetis rebus mariti-  
 mis impositum, 43; seditio un-  
 de plebis contra Ducem & No-  
 biles, ibid. & 436  
 Tripho Gabriellus patricius Vene-  
 tus, 369. 370. 371. 372.  
 Turcarum Imperator absolutissi-  
 mus, 282. 283. ejus insigne sum-  
 mi imperij, ibid. magnam quo-  
 tannis pecuniam solvere tenetur  
 Æthiopum Regi & montium  
 Arabiæ incolis, ibid. & 361  

V.

**V** Alerii, gens nobilis Veneta.  
 490. Nicolaus Valerius no-  
 vissimus illius gentis. ibid. Comi-  
 tiorum ipse capax. ibid.  
 Vassallus nemo præsumitur alterius.  
 18. Vassalli à subditis differunt.  
 238.  
 Venetæ nobis, sive Veneriarum ori-  
 go qua-

# I N D E X.

- go qualis. [24. 48. 49. 50. 80. 81.](#)  
& seqq. [usque. 86. 103. 104.](#) situs  
illius. [335. 405. 406. 407. 408.](#)  
quo tempore habitari cœpta. [39.](#)  
a quibus. [51.](#) in sex tribus di-  
stincta. [395.](#)
- Venetæ, plurali numero unde di-  
ctæ. [52. 199.](#) differt a Venetia sin-  
gulari numero. [92.](#)
- Venetiarum insulæ quo tempore in  
unum corpus & urbis speciem coa-  
gmentatæ. [185. 199. 236](#)
- Veneta urbs, ora maritima & ter-  
ra continens distinguendæ. [173.](#)  
[114.](#)
- Venetæ urbis conditores æquales in-  
vicem ab initio. [24. 25. 471.](#) nul-  
li subditi. [ibid. & 130. 131.](#) Li-  
berratem a se abdicate nunquam  
voluerunt. [30. 31. 32. viri fuerunt](#)  
ut plurimum nobiles & locuple-  
tes. [83. 81. 82. 83. 84. 85. 86. 405.](#)  
[406. 407. 408. 471. 473.](#)
- Veneri quare piscatui & aucupio  
semper dediti. [472.](#) nobilium id  
non obstat dignitati [ibid.](#)
- Veneti idiomate quondam alio usi,  
quam nunc. [457](#)
- Veneti annum quomodo inchoare  
soliti. [462.](#)
- Veneti liberi & eorum Resp. libera.  
[14. 15. 22. 23.](#) eorum libertas  
qualis. [7.](#) a Romanis nunquam  
subacti. [39.](#) socii Romanor. [ibid.](#)
- Veneti inter Orientale & Occidenta-  
le imperium siti. [35.](#) medii inter  
utrumque imperium relictî, nec  
ulli subditi. [188. 189. 190. 191. 192.](#)  
[193. 194. 231. 233. 241. & seqq. us-](#)  
[que. 249.](#)
- Veneti Pontificum Romanor. im-  
perium in secularibus nunquam  
agnoverunt. [273.](#)
- Veneti a Pipino Caroli Magni filio  
quare bello petiti. [196.](#) de belli  
exitu varia testimonia. [ibid. &](#)  
[seqq. usque. 214.](#) non modo non  
fuerunt devicti, sed ipsi victores,  
[ibid. nec & alias unquam subacti,](#)  
[212. 213. 214.](#)
- Veneti quidam privato sumptu Æ-  
gei maris insulas occupant, [430](#)
- Veneti bello navali fuderunt Fride-  
rici Barbarossæ filium, [296.](#) a Pon-  
tificis imperatori adæquati. [ibid.](#)  
belli illius successus & exitus, par-  
te inde secuta. [ibid. & 297. 298.](#)  
[299. 300.](#) nihil factum quo Ve-  
netor. Libertas ullo modo minu-  
ta. [301. 302. 303. 104](#)
- Veneti à Maximiliano Imp. &  
Gallorum Rege bello petiti, [311](#)  
& seqq. usque [368.](#) quis belli suc-  
cessus & exitus, [ibid.](#) nihil Vene-  
tori libertas minuta, [ibid.](#) nec de-  
victi ipsi ullo modo, [337. 338.](#) il-  
lorum prudentia in deserendis  
aliquot locis terrestribus, [324.](#)  
[325. 326. 346. 347. 348. 349.](#) dili-  
gentia in recuperandis amissis,  
[335. 336.](#) constantia in adversis,  
[338. 339. 340. 341. 342.](#)
- Veneti Genuenses vincunt. [434.](#)  
spolia Venetias transmittunt,  
quæ etiam nunc exant, [435](#)
- Venetis privilegia ad Imp. multa  
concessa, salva ipsorum libertate,  
[216. 217. 218. 219. 220. 221.](#)
- Venetorum in mari Hadriatico im-  
perium, [293](#)
- Venetorum propria pietas, [238.](#) in  
Romanam Ecclesiam magna  
beneficentia, [292](#)
- Venetorum causa cum alijs Italiz  
urbibus, & exemptione ijs con-  
cessa nihil habet commune, [259](#)  
[260. 261.](#)
- Venetorum nedum urbs sed & ora  
maris



# I N D E X.

- maritima extra imperium sita. [291.292](#)
- Venetorum libertas Pontificum & Imp. decretis multoties firmata. [291.292.293.294](#)
- Venetorum in subditos mite imperium, [348](#)
- Verba enunciatiua quid operentur, [111.118.139.](#)
- Verba ad pompam vel similiter prolata quomodo sint accipienda, 70,
- Verba indefinita, generalia & universalialia quomodo intelligenda, [71.72.76.](#)
- De Verbis non est laborandum, ubi probationes requiruntur, 110
- Verum & Iustum convertibilia Iurisconsultis, 101
- Vigilius Pontifex Rom. [127](#)
- Vitalis Dux Venetus, [270.exul, ante](#) quærelas suas ad Othonem Imp. detulit, & quo nomine, *ibid.*
- Vitalis Michaël ejus nominis, [II.](#) Dux Venetus. [420.](#) cum classe adversus Emanuelem Commenum Imp. missus, [422.](#) illius expeditionis successus, *ibid.* & [423.](#) Ducis mors. *ibid.*
- Vniversitas & singuli de vniversitate [differunt. 34.](#) quis illius differentie effectus, *ibid.*
- Vniversitati ex facto singulorum quomodo jus adquiratur, [34.35](#)
- ratihabitio an in eo mandato æquiparanda, [35.36.37](#)
- Voluntatis in actionibus humanis effectus, [108.109.110.111.112.](#)
- Voluntarij actus qui, [109.](#) quomodo distinguendi, *ibid.* & 110
- Vrbini Dux exercitui à Venetis contra Maximilianum & Gallos præfectus, [320](#)
- Verbium parva pleraque initia & incognita, [61.63.79.](#)
- Vrsus Hypatius Dux Venetus, [156.](#)
- Vrsus Vrscolus Dux Venetus, [411](#) ejusdem [mors, ibid.](#)

Y.

Yvetotij regnum in Normannia, 35.

Z.

D. Zachariæ ædes sacra Venetijs, quo posita & cur, [236.237.238.](#) [239.](#)

Zacynthus Ins. [27.](#)

Ziani, gens nobilis Venetz. Vide Sebastianus Zianus.

# F I N I S.

Xxx

ERRA-

# E R R A T A.

**P**ag. 8. lin. 16. iudicavit, quantum, lege, iudicavit, quantum assequor. 9. 9. quoque, quoque, ibid. 18. eidem libertati, dele. 1. 10. 7. Altera, altera: 11. 3. postea, postea. ibid. 8. debemus, pone. ibid. 11. Neque, Atque. 12. 25. Dominium, dominum. ibid. 19. lib. lib. 13. 2. mens, mens. ibid. 20. exercitumque, exercitumque. 14. 20. in fin, nec, nos. ibid. 26. eucoribus, erroribus. 17. 8. camque, eaque. ibid. 26. servitutes, pone. 1. ibid. 27. facta, facta, 20. 23. negant, negant, 21. 18. non est vel, non est, vel. 22. 20. invicem, in vicem. 30. le suos, le suosque. 24. 22. & 23. insulas, insulas. ibid. 31. *turmatumque, turmatum, globatumque*. 25. 1. nos docent, Si quoque, nos docent, si quoque, 26. 30. Altqualis, Alt qualis. 27. 15. struita, struita. 30. 6. ff. ff. 34. 21. iudicium, iudicium. ibid. 31. Dominium, dominum. 36. 7. inque in earum, inque earum. 38. 3. concurrant, concurrat. ibid. 15. faciendae, faciendo. 39. 18. Sigonii quam, Sigonii potius, quam. ibid. Cœnomiannorum, Cœnomannorum. 40. 2. habuit in, habuit, in. ibid. 3. neque ex magna contra, neque eâ magna contra. 41. 17. imo, uno. ibid. 32. celeritatis, celeritatis. 44. 15. Honorius a Gothis, Honorius, a Gothis. ibid. 28. virtutis, virtutis. ibid. 29. simulacro gentiles, simulacro, gentiles. 45. 4. Sigonius quinque, Sigonius, quinque. ibid. 15. quo, quâ. ibid. 19. jam, iam. 46. 2. Sigonius dirâ, Sigonius, dirâ, 47. 2. clanguisse, clanguisse. 48. 5. suis fœderati, fœderati suis. ibid. 29. Sigonius, Sigonius. 49. 9. Equitum, Equilium. ibid. 16. avaritiam, avaritia. 52. 18. obtinuitibus, optimatibus. 53. 11. concesserint Patavinus &c. concesserint, Patavinus &c. ibid. 13. Scardo, Scardeo. ibid. 23. est debeant illa, ex &c. est, debeantur illa ex &c. 54. 3. S. P. R., S. P. Q. 61. 5. propositi, propositi. 64. 7. fuerint Sabini, fuerint Sabini. ibid. 11. legem, legum. 66. 7. ceratos, creatos. ibid. 14. creatione, creatione. ibid. 22. illa, epistola, illa epistola. 75. 28. *aristoteli*, Procopiana, *aristoteli*. Procopiana. 79. 5. Bagande, Bagaudæ. ibid. 7. Bagandis, Bagaudis. ibid. 8. explicuerat in, explicuerat, in. ibid. 17. Bagandas, Bagaudas. 80. 3. promissæ fueritque, promissæ, fueritque. ibid. 8. fortunis, fortunis. ibid. 15. non modo opibus eius, non modo opes eius opibus. ibid. 31. Venetis, Venetæ. 81. 6. Athilano, Athilano. 85. 1. Bagandis, Bagaudis. de ira ibid. *depius*. 95. 14. ceasuerit exposuit venos, censuerit, exposuit, venos. ibid. 28. tamen, tamen. 98. 7. libertatem, libertatem. ibi. 16. Tractatus, Tractatus. ibid. 20. incerta, in certa. ibid. 26. super, super. 96. 11. glorieffent, gloria essent. ibid. 13. adiutori, adiutori. ibid. 15. ipsi aut venetorum, ipsi aut cuiquam venetorum. 100. 1. ubi quem tanto modo factu crepulis formidabilis: ubi. quem tanto modo factu crepulis, formabilis, &c. 105. 11. Sigonia, Sigonio. 106. 4. quod, quam. ibid. 18. viti, viti. 107. 2. argueret societatem, argueret societatem. 109. 6. vere, vero. 110. 20. attendere dubium, attendere dubium. 111. 11. immobor, immorabor. 112. 6. apentem, agentem. ibid. 14. illud, illud. 113. 16. ex Procopio Ioannis. 114. 2. Addam, Addam. ibid. 16. *αλθου, αλθου*. ibid. 23. *αλθου, αλθου*. 116. 22. jam tam, jam tam. 117. 5. in vicem, invicem. ibid. 26. urique, urique. 112. 11. hinc ad causæ, hinc causæ, ib. 19. repellerent, repellerent. ib. 20. Sofficerint, Sofficerint. ib. 31. primavæ, primavæ. 12. 5. 4. quid, quid ultra. 129. 7. subsistere, subsistere. 130. 2. postlimio, postliminio. 133. 6. successioribus, successioribus. 134. 15. ab, ad. ibid. 31. sit, sit. 136. 28. verborm, verborum. 137. 27. & scripsit. Sed &c. in scriptis: sed &c. ibid. 28. adscriptis, interim, adscriptis, interim. 138. 30. Concil. Conclus. 140. 17. impressio, impresso. 141. 15. expectare monstraverat, expectare monstraverat. ibid. 16. Magnus quid, Magnus, quid. 143. 24. imperatis, imperantis. 144. condemnatum accipiendum, condemnatum. accipiendum. 145. 25. commenda, à fide, commendat à fide. 146. 24. Dicam amplius &c. Dicam amplius, &c. 147. 20. dispectus, despectus. 148. 1. Venerorum originem, Venerorum Dacum originem. 150. 18. Interesset cordate, interesset. cordate. 151. 8. largiamur potuit, largiamur, potuit. ibid. effatu. Iustinianus, effatu Iustinianus. ibid. 9. theoninis, leoninis. 152. 2. continem, continem. 153. 13. in nervum Ravennatem. in nervum, Ravennatem. &c. 154. 21. referente, referente. ibid. 26. Pontificem, Pontificem. 155. 26. rerum jam, rerum. 156. 14. illius, illius. ibid. 23. ut, in. 159. 19. Diaconis, Diaconus. 160. 13. occurrerit, occurrere. 161. 8. parricidali, secuti, parricidali secuti. 167. 28. Earchos, Exarchos. 168. 26. civilis, civilis. 171. 6. fucti, fucti. ibid. 14. Protradri, Protradri. 173. 20. non infirmum, etiam, &c. non infirmum, etiam ultro, &c. 175. 8. eum, cum. ibid. 15. sint, sunt. ibid. 29. fuisse, fuisse. 176. 1. iustissimam, iustissimam. 180. 24. damnabi, damnabit. 183. 1. inferatur, inferatur. ibid. 3. Gradiensumque, Gradiensumque. ibid. 30. familiar itati, familiaritati. 186. 31. privilegii, privilegii. 188. 11. Venetos, utrique, Venetos utrique. 189. 30. Imperii Venenum, Imperii Venetum. 191. 31. dicenturque simul, dicenturque simul, &c. 194. 3. vel eo, vel eo. ibid. 21. Vene os, Venetos. 196. 8. 9. possit, nos, possit. Nos, &c. ibid. 30. opinior, epinor. 197. 7. effect occupar, effect, occupar. ibid. 9. circumveniretur, circumveniretur. 198. 4. prætaxit, pertexit. ibid. 39. audivi, audivit. 200. 28. legationem, legatum. 202. 8. pellectis, pellectis. ibid. 25. horentes, horentes.

Florentes.

florentius. 205. 18. allegatus, allegatus, 207. 1. ab N.C. ab V. C. ibid. 11. amertamen. 208. 3. di. id. ibid. 22. nimirum, nimirum. 209. 31. viritate, veritate. ibid. 32. & 240. 1. clm. Constantini, & c. clm. Constantini. 210. 4. ediffere, ediffere. 211. 20. aggressus est, aggressus est. 212. 10. donatum, denatum. 213. 24. cetero, cetero. 214. 1. 2. Hos optimos. Fallere, & c. Hos optimos. Fallere, & c. 217. 8. nullam, ullam. ibid. 17. juri, juris. ibid. 20. qui imperium concedit alia, & c. qui privilegium concedit, alia, & c. 219. 23. ut unde, ut inde. 222. 1. Spartharius, Spartharius. ibid. 6. Sparthario, Sparthario. ibid. 20. delicti, delicti. 223. 23. An posterius jam, & c. Sin posterius jam, & c. 224. 4. bilum, bellum. 226. 5. adduxit, adduxit. 227. 19. Equaniam, Equoniam. 228. 4. illarum, illarum. ibid. 8. faciet, faciet. 231. 8. Hinc, hinc. 232. 20. ferant, ferant. ibid. 21. fese, Beneventani, & c. fese Beneventani, & c. 234. 3. Largior, & hoc, & c. Largior, & hoc, & c. ibidem. 32. induxisse, indixisse. 236. 10. insulus, insulis. 238. 3. quovse heredes si quando insituere, & c. quovse, heredes si quando insituere, & c. ibid. 21. sint, siqui, ibid. 18. cæteris, cæteris. 239. 19. Fradonicum, Tradonicum. ibid. 24. Fradonico, Tradonico. 240. 9. a quidem, equidem. 241. 9. Privilegium, Privilegium. ibid. 13. legitime, legitime. ibid. 17. infra intra. ibid. 20. quam admodum, quemadmodum. 242. 2. insiderant, insederant. 243. 15. unde nacti sunt ab, & c. unde nacti sunt, ab & c. ibid. 18. suisque leges, suisque legibus. 244. 20. affectus, effectus. 245. 23. haud gravatim hæc se adversario, haud gravatim adversario. 247. 6. seque, siqui, ibid. 15. Prima esto ad hoc, & c. Prima esto ad hoc, & c. 252. 6. mittenti, mittendi. ibid. 10. divina, in verrem, declamat. In verrem. 10. 253. 26. faciliate, faciliate. 258. 18. possessionem, possessionem. ibid. 29. qui probanda, & c. qui in probanda, & c. 262. 8. debeat, debeant. 265. 17. libeas, liberae. 268. 17. placuit, placare. 269. 5. 6. delubra, Deum, & c. delubra Deum, & c. 274. 4. Lignurnum, Lignurnum. 275. 12. reperit nempce cum, & c. reperit, nempce cum, & c. 276. 3. 4. sibi haud habuisse, & c. sibi habuisse, & c. 278. 10. annus, annuus. 281. 15. fortune, fortunæ. ibid. 16. exardente, exardente. 282. 4. aut obsequium, aut obsequium. ibid. 25. Romanorum Mauritaniz, & c. Romanorum, Mauritaniz. ibid. 27. solvere pecuniam, & c. solvere solent pecuniam, & c. ibid. 27. 28. minime non excedere, & c. 286. 8. emian, enim. 287. 10. dicammodo, dicam modo. 288. 7. polliciti fuere, Venerorum, & c. polliciti fuere Venerorum, & c. 289. 5. tribus, tribus. 290. 21. 10. cavi, vocari. ibid. 24. ob Synceram, ob since ram. 291. 5. Domnum, dominium. ibid. 6. erogo, ergo, ibi. 10. descendit, descendit. ibi. 18. quid Veneros duos quid Veneros dico. 293. 13. 14. accendi conatus sint, & c. accendi conatus occasione sinu, & c. 294. 4. infimonia, testimonia. ibi. 28. effectus, affectus. 295. 20. civitates, civitates. 296. 22. sibi Imperatori, sibi Imperatorique. 297. 31. inibat, videbat. 300. 26. iutari, iutari. 302. 24. foleri, folere. 303. 5. crederent conditione, pacis, & c. crederent, condiciones pacis, & c. ibid. 8. 9. navas, naves. 306. 4. imo eodem, uno eodemque. ibid. 17. neque immerito. Receptum, & c. Neque immerito receptum, & c. 307. 25. quilibet, quilibet. 308. 12. ad eam revocandam sit, & c. ad eam revocandam adjectum sit, & c. 310. 16. cesserit, cesserint. 311. 14. Abdnam, Abdnam. 312. 22. relencibimus, relencibimus. 316. 28. remanentes, remittentes. 317. 14. repudiare, repudiari. 318. 10. supponerent, seponerent. ibidem. 17. Iustinian, Iustinian. ibidem. 23. ipsi, ipsis. 319. 8. Tuberonæ, Dalmata, Tuberonæ Dalmata. 320. 3. quod tamen retetere, quod retetere. 321. 1. canum canum. ibidem. 30. injuria, injurias si. ibid. 14. obveniret, obveniret. 322. 32. nullæ ea oratione in, & c. nullæ in ea oratione. 323. 2. quum, quin. ibid. 5. domina, dominum. ibid. 10. fide, fide. ibid. 27. nimirum, nimirum. 324. 11. Patavinum, Patavium. 327. 1. 5. Ac, Ad. 331. 20. perfidiorum, perfidiorum. 333. 8. Principium, principium. 335. 24. primis primis. 336. 17. statim exequi regnum, & c. statim exequi regnum. 337. 1. recte, rectæ. ibid. 27. tamen, tamen est. 340. 15. formidolose, formidolose. ibid. 20. timere vos, ne amittatur dicere, & c. timere vos ne amittatur dicere, & c. ibid. 23. cum pro modo, cum pro modo. 341. 23. infra, infra. 342. 14. circa, circa. 344. 1. dimissive, demissive. ib. 7. nego, ne quib. ib. 14. 15. dididit, dididit. 347. 21. ipsis, ipsos. 349. 16. facultatem, facultatem. 351. 4. Episcopo, Episcopum. 351. 5. obinui, obinui. ibid. 11. adducere, adducere. 356. 2. ermo, sermo. ibid. 18. Resp. Recip. 358. 6. aliis, alios. ibid. 32. deliberate, deliberate. 359. 12. patronos, patronos. 363. 14. m. 6. in 6. ibid. 11. clientes, clientes. 368. 8. atqui, at qui. 370. 25. inventurus, apud, & c. inventurus apud, & c. 372. 2. adjutus, adjutus. ibid. 6. manuscriptos, duos multum, & c. manuscriptos duos Codices multum, & c. 373. 15. evidentiam, quæ tota est, ab adversis, & c. ibid. 31. primæ, primo. 374. 15. pollicite, pollicite. ibid. 16. lemma, lemma. 375. 16. recte, rectæ. 376. 9. cui nos, cui mos. ibid. 23. Improbos, improbus. 377. 17. 24. Ciani, Ziani. 379. 6. lemma, lemma. ibid. 15. sequamur, sequamur. 380. 19. electis, electis. ibid. 23. electis, electi. 381. 16. quæ, quo. 383. 11. C l o c c x v i. C l o c c x v i. 384. 16. Consilio. Rogatorum, & c. Consilio Rogatorum, & c. 385. 3. muneribus possimini. & c. muneribus fundi possimini. & c. ibid. 23. five, sine. ibid. 31. five, sine. 386. 25. subjecientum, subje-









